




* GUEUVIN, Marchand Papetier, *
* Rue du-Faubourg-Montmartre, n°. 12, la *
* 7me. Boutique. en entrant par le Boulevard. *
* Tient Magasin de Papiers, Registres, Boîtes, *
* Porte-Feuilles, Livres, Cartes d'échantillons, *
* Plumes, Crayons, Cire à cacheter, et tout ce *
* qui concerne la fourniture des Bureaux. *
* Il entreprend les impressions. *









MONUMENS DE L'HISTOIRE DE FRANCE

en Estampes et Dessins,

Représentant, par ordre chronologique, l'Etablissement des Français dans les Gaules; leur Servitude sous le gouvernement féodal; les Mœurs et Institutions des Siècles d'ignorance; les Croisades et les premières expéditions en Italie et dans le Nouveau Monde; les Guerres Religieuses; les Monumens de Sculpture et d'Architecture des différens âges; les Costumes, Médailles, Monnoyes, Sieges et Combats des différens regnes; les Portraits et Mausolées des Princes et Hommes Celebres dans les Lettres ou le Gouvernement.


— Collection recueillie en France et chez l'Etranger, depuis l'An 1783 jusqu'en 1788 par J. L. Soulavie de l'Académie des Antiquités de Hesse Cassel, Correspondant de l'Académie des Inscriptions; de Celle de — Petersbourg, de Celles de Pau, Marseille, Bordeaux, Dijon, Arras, Angers, Nismes, Metz, Orléans, Toulouse, Montauban, Châlons-sur-Marne &c.c.c..

Come 7^{eme}


Des Préliminaires

Contenant la suite de la chronologie gravée des Empereurs & des Rois européens.

1788







HISTOIRE DES ROYS DE NAPLES.

AVEC VNE BRIEFVE DESCRIPTION
de l'estenduë, & des particularitez
d'iceluy Royaume.

DESCRIPTION DV ROYAVME DE NAPLES.

L'ESTENDUE du Royaume de Naples occupe à peu pres la moitié de l'Italie, outre la nomination qu'il prend de sa principale ville. Les Historiens tantost l'appellent le Royaume de la Pouille, tantost le Royaume de Sicile au deçà le Far, pour le distinguer du Royaume de Sicile qui est outre le Far, qui est l'Isle de Sicile mesme. Cela se peut voir lisant l'Histoire, où vous trouuerez que quelques Roys qui auront regné à Naples & en Sicile tout ensemble, se sont nommez en leurs tiltres Roys des deux Siciles, voulant par là monstrier que distinction doit estre entre celle qui est par deçà, & l'autre qui est par delà le Far. Federic 2. Charles premier d'Anjou & Alphonse d'Arragon, se sont intitulez Roys de Naples & de Sicile. Ce Royaume prend son commencement à la riuere de Trente, dont l'emboucheure vire vers le Septentrion, depuis Terracine vers le fleuue Vfense, qui se discharge dans la mer de Toscane, & se respand iusques au destroit de Sicile: il est enclos entre la mer Adriatique & celle de Toscane, comme presque vne Isle. Il a pour ses bornes du Couchant les deux riuieres d'Vfense & de Trente, du Nort la mer Adriatique, du Midy la mer de Toscane, de Sicile & du Leuant la mer Ionique, selon le chemin qui se fait par terre. L'estenduë de ce Royaume est de mil quatre cents soixante & huit mil de tour. Alphonse premier Roy d'Arragon, de Naples & de Sicile, le diuisa en six Prouinces, à sçauoir en terre de Labeur, Principauté, Basilicate, Calabre, Pouille, & Abruzze; mais il s'aduisa par apres de partir la Pouille en trois, la diuisant en terre d'Otrente, terre de Bary, & Capitaneat, ou Capitainerie. Ferdinand Roy d'Espagne, & Louys 12. Roy de France, par accord fait entr'eux, la separerent en parties esgales, en telle sorte que la Pouille & la Calabre demurerent à l'Espagne, & la terre de Labeur avec la ville de Naples & l'Abruzze à la France. Maintenant elle a changé de mains, & est diuisee en douze parties, c'est à sçauoir en la terre de Labeur, Abruzze tant deçà que de là, Pouille pleine, Capitainerie, Principauté tant deçà que de là, basilicate, Calabre haute & basse, terre de Barry & d'Otrente. Son territoire contient deux mille sept cents lieux peuplez, dont il y en a vingt qui sont erigez en Archeueschez, sous lesquels sont contenus cent & vingt-sept Eueschez: on y compte mille quatre cents places. La capitale ville de ce Royaume anciennement fut Capoue, où Annibal laissa amolir son courage, & son armee parmy les delices: à present la ville de Naples porte & à bon droit le tiltre de capitale, elle a environ sept mil de circuit. Il y a trois Chasteaux, dont le principal est appelé Castelnouo, que Charles d'Anjou fit bastir: en ceste ville est vn Arsenal, où continuellement on fabrique des vaisseaux de guerre, on compte en ceste ville plus de deux cents mille personnes. Il y a vn beau Golfe avec vne plage, & des Isles & des Caps grandement plaisans & agreables. Là est le Puzzoli, où la nature fait voir des merueilles qui la font admirer. Là aussi est le Lac d'Agnan, Baye, Tridoly, & celuy d'Auerne: bref il semble à voir que ce pais ait esté deputé pour estre le sejour des delices humaines. La terre produit toutes choses necessaires pour l'vsage de l'homme, tant pour le

nourrir que pour le vestir, & medecamenter: Il y a abondance de bled, de vin, d'huile, de soye, de safran, & de toutes sortes de fruiçts. Autour du Puzzoli sont plusieurs sources d'eaux medecinales, & des bains de diuerles vertus, il y naist de bons cheuaux, dont le Roy tient quatre race, & l'on ne les peut tirer hors du Royaume, qu'avec expresse permission du Roy d'Espagne, ou du Viceroy, qui l'accorde bien rarement; Les Napolitains sont presque tous gentils, assez civilizez & de bon esprit, principalement à Naples, & es enuiron la Noblesse s'y retire presque toute, autant pour jouyr du bon air de ceste ville que pour y passer le temps, y entretenir les Dames, & voir les bonnes compagnies qui s'y assemblent, pour faire diuers exercices. Il s'est trouué plusieurs Gentilshommes en ce pais-là, qui ont esté chercher la guerre où elle estoit, & qui ont fait parler d'eux pour le fait des armes, le peuple n'y est pas moins affectionné, vne bonne partie de l'infanterie del'Archiduc, & de celle du Roy d'Espagne, vient de Naples. Il est aussi fort adonné au trafic, mais ce qui le destourne de ceste inclination, c'est la charge des impôts & subides qui est tres-grande & excessiuelement importune. Les gens de ceste contree sont riches pour la grande commodité qu'ils ont de debiter par l'estat de l'Eglise, & autres Prouinces, l'infailible abondance qu'ils ont de toutes sortes de biens, la navigation & le commerce qu'ils font avec les venitiens les enrichit beaucoup: ce fertile pays est le magazin, où Genes & la Toscane se fournissent de soyes, la Barbarie d'amendes, d'huilles, & de chairs. Rome, de vins de saint Seuerin, de cheuaux, d'agneaux, & de moutons. On tient que le Roy d'Espagne tire de ce Royaume deux millions & cinq cents mille ducats, y comprenant vn don volontaire qu'on luy fait toutes les annees de deux cent mille double ducats, qui est reduit en rente ordinaire. Les forces de ce Royaume sont grandes, pource qu'il est fort peuplé. Il y a treize Princes, vingt-quatre Ducs, vingt-cinq Marquis, quatre-vingt dix Comtes, & enuiron huit cents barons, qui sont tous obligez de seruir le Roy en personne pour la deffence, quand il en est besoing. Ce peuple a esté de tout temps extremement subject aux reuoltes, de maniere qu'en quatre cents cinquante-quatre ans, durant lesquels ce Royaume a esté diuersement vsurpé par les Normans, François, Allemans, Catalans, & Espagnols, on compte vingt-sept rebellions de remarque, qui ont fait voye & donné l'ouerture aux nations qui les ont voulu entreprendre & suppediter. Le Chasteau-neuf, celuy de l'Oeuf & celuy de saint Erme tiennent en arrest les Napolitains. Le Roy d'Espagne tient ordinairement en ce Royaume vn Viceroy qui demeure à Naples, qui a sous luy dix Gouverneurs, qu'on nomme aussi Vicerois, qui veillent & regardent à ce qui se passe es douze Prouinces. Outre ce Viceroy & les surnommez Vicerois, il y a sept principaux Officiers; c'est à sçauoir, le Connestable, le grand Admiral, le grand Iusticier, le grand Chancelier, le grand Chambellan, le grand Protenotaire, & le grand Seneschal. Il y a quatre Cours, qu'on nomme Sieges, à sçauoir Capoue, Nide, Montane, & S. Gregoire, où tous les Princes, Ducs, Marquis, Comtes, Barons, & tous les principaux du Royaume, & les autres ordres s'assemblent pour deliberer des affaires d'Estat, soit pour la paix, soit pour la guerre.

AVANT-PROPOS POUR L'IN-
telligence de l'Histoire des Roys de Naples.

L'AN 987. & le dernier du regne de Charles V. Roy de France: vn Gentil-homme nommé Tancrede, Cheualier, sieur de Hauteville en la basse Normandie, au bailliage de Constantin, desirieux de porter ses armes en quelque glorieuse conqueste, eut volenté de Passer les Monts, & descendre en Italie, pour subuenir par sa prouesse à l'entretenement & conseruation de sa noble extraction, & de douze siens enfans massés qu'il auoit eus

de deux femmes, à ſçauoir de Moriella Lacha ſa premiere, Frumentin, Godefroy, Sarne, Tancrede, Malagero, Drogone, Godefroy & Albedo, & de ſa ſeconde nommee Freſſanda de Rotaire, fille, ou (ſelon aucuns Hiftoriens) ſœur du Comte de Hauteuille, eut Guillaume Ferrabach, Omfroy, Robert Guichard, & Roggier Baſſo. Pour ſe faire vn plus libre paſſage pour aller à ſes entrepriſes, il ſ'accompagna de cinq cents braues combattans, & entra avec eux ſans contredit en Italie, laquelle il trouua lors diuiſee & troublee par des diſſenſions ciuiles; de quoy faiſant ſon profit, il conqueſta vne grande partie de la Romaigne, nommee par les Hiftoriens anciens Gallia, Togata ou Flamina. Il ſe fit auſſi maïſtre & ſeigneur d'vne grande partie de la Toſcane, qui eſt le pays Florentin, où la mort l'empescha de paſſer outre. Apres ſon decez Guillaume ſon fils ainſné ſurnommé Ferrabach, regna & poſſeda ſes cōqueſtes, & augmenta la puiſſance que ſon pere luy auoit laiſſee: le bruit de ſa generoſité eſtât paruenue aux aureilles de michel Cathalaicus Empereur de Conſtantinople, ayant vne forte guerre contre les Sarrazins qui occupoient la Pouille, la Sicile, & la Calabre, il le requit de le vouloir aſſiſter; ce qu'il ne refuſa, ſous condition neantmoins que de toute la conqueſte qui ſe feroit en ladite Sicile ſur leſdits Sarrazins, il en feroit fait quatre lots ou portions, deſquelles l'vne ſeroit pour l'Empereur, la ſeconde pour luy, la tierce pour le Prince de Capoue, la quatrieme pour le Prince de Salerne; ſous l'attente de cet accord fait ſolemnellement par enſemble, chacun d'eux ſe prepare pour donner eſchee aux Sarrazins. Le iour de la bataille eſtât venu, les Sarrazins furent ſi rudement chargez & battus qu'ils furent vaincus, deſfaits, & du tout exterminiez. Apres ceſte ſignalee deſſaite, Molochus qui eſtoit Lieutenant de l'Empereur, ne voulut faire les partages accordez, ne tenir ce qui auoit eſté promis; irrité de cela il le ſomme, & voyant ſa ſommation eſtre vaine, il meit en campagne vne puiſſante armee avec laquelle il court ſus Molochus, & le contraignit luy & les Grecs, de quitter non ſeulement la Sicile, mais auſſi la Calabre & la Pouille. L'Empereur indigné de l'expulſion honteuſe de ſes gens, & de ſa perte, fait vne grande leuee de gens d'armes pour ſe reſtablir là d'où il eſtoit deſchallé: la bataille ſe donne entre les Normans & les Grecs fort furieuſement entre le fleuve Aufide, & la ville d'Oliuet, où la victoire couronna les iuſtes demandes & le droit de Ferrabach, & meſpriſa la foy faulſſee de l'Empereur & de ſon Lieutenant. Ferrabach apres s'eſtre fait ſeigneur de l'Isle de Sicile, des territoires de la Pouille, & de Calabre, deceda en la ville de Melphe qu'il auoit fait baſtir. Drogone ſon frere (ſelon aucuns ſon fils) luy ſucceda, & regna ſept ans, pendant leſquels l'Empereur ſuſdit l'ayant voulu entreprendre, ſous la conduite de Meles ſon Lieutenant, fut encore vne fois deſſait & fruſtré de ſes pretendues conqueſtes. Apres le decez de Drogone, ſon frere Omfroy tint le Comté de la Pouille, & les Principautez de Sicile & de Calabre, ſans ſ'augmenter dauantage. Apres ſon trespas ſon frere Godefroy entra en ſes ſeigneuries & poſſeſſions. Leon Pape IX. du nom, Allemand de nation, pretendait que ſes terres appartenoiſſent à l'Egliſe, rechercha le ſecours de l'Empereur Henry II. fils de Contrard, pour les recouurer, & luy fit la guerre. Godefroy ſe deſſendit ſi courageuſement qu'au iour de la bataille l'armee qu'il auoit ſur les bras fut deſſaite, ledit Pape prins avec aucuns Cardinaux: le victorieux ne fut plus ſuperbe & plus insolent pour auoir acquis la victoire, ains au contraire il traita ſa Saincteté & ſes Cardinaux avec tant de reuerence, reſpect & humilité, qu'il ſembloit pluſtoſt vaincu que vainqueur, & le remena à Rome en toute ſeureté. Le Pape ſe reſſentant d'vn ſi honneſte traitement, & tout autre qu'il n'auoit eſperé, luy confirma les cōqueſtes & ſeigneuries, deſquelles auoient jouï ſes deuanciers en Italie, & autres lieux. Godefroy eſtât decédé laiſſa la ſucceſſion de ſon pouuoir à ſon frere Robert Guichard, qui fut ſans empeschement aucun proclamé ſeigneur legitime de tout ce que ces predeceſſeurs Normans auoient poſſedé par les armes; & ce par l'entremiſe du Pape Nicolas II. du nom, qui voulut le gratifier de

ce qu'il auoit valeureusement vengé l'injure faite au saint Siege, par l'Empereur de Grece Alexis, & les Venitiens, qui s'estoient liguez avec luy: ayant regné 27. ans il mourut, & laissa deux fils Boëmond & Rogier. Cestuy pendant l'absence de son frere aîné qui estoit en Grece, s'empara de la totalité de ce que leur feu pere leur auoit laissé, à sçavoir du Royaume de Naples, de Sicile, & Principauté de Calabre. Boëmond estant de retour, entra en jouissance de la moitié, & furent tous biens communs entr'eux. Neantmoins il print desir à Boëmond de se croiser, & d'accompagner la sainte entreprise de Godefroy de Buillon pour le voyage de Hierusalem. Là parut le courage de Boëmond, qui du commun consentement de tout l'armée Chrestienne, fut nommé & esleu Prince d'Antioche, pour remunerer ses grandes & glorieuses expéditions militaires. Il fit là son sejour, & mourut; de maniere que Rogier son frere, gouuerna en paix ses seigneuries & dominations. Apres son decez Guillaume II. du nom son fils vnique luy succeda, & fut créé troisieme Duc de la Pouille, & confirmé par le Pape. Il fit alliance avec l'Empereur Alexis, & espousa sa fille sans consideration aucune, ce qui luy causa de grands ennemis, pour autant que ledit Empereur estoit ennemy mortel des Chrestiens, & pensant se mettre en seureté contre tous ceux qui le voudroient entreprendre, il fut couru de plusieurs grands Seigneurs, tant de ses pays, que des autres circonuoisins: & fut forcé de se retirer à Salerne par son cousin Rogier, où il finit le reste de sa vie, priué de Duché & d'enfans. Ayant regné seize ans, en luy faillit la race de Robert Guichard en ligne masculine.

LES ROYS DE NAPLES.



1. Rogier 2^e du nom roy de Naples regna 24 ou 25 ans

1127.

ROGIER II. de ce nom, Duc de la Pouille & de Calabre, plus par vſurpation que ſucceſſion, ne voulut ſe contenter de ce tiltre, ains eſtre honoré de celui de Roy, non ſeulement de Naples, mais il ſe fit appeller encore Roy d'Italie. Le Pape Honorius II. luy auoit donné le premier tiltre, mais le Pape Innocent II. n'approuua le dernier, & ſe mit en telle colere que ſans meſurer ſes forces avec celle de ſon ennemy, il le choqua, & luy donna bataille, en laquelle Rogier fut prins, pluſtoſt par hazard que par force des armes, on le conſtitua pri-

sonnier dedans le Chasteau de Galasse, d'où Guillaume Duc de Calabre son fils le retira : & poursuiuant sa pointe s'affronta contre l'armee Papale, sur laquelle il obtint la victoire, & s'empata de la personne de sa Sainteté, & de celle de plusieurs Cardinaux. Toutesfois il obserua toutes sortes de respects enuers ses prisonniers, & peu apres leur redonna la liberté; en consequence de ce, sa Sainteté moyenna que la ville de Naples fut remise en ses mains, bien que l'Empereur de Grece y pretendit quelque droit. Pendant que le Pape estoit absent de Rome, Anaclel II. vint à estre créé Pape. Innocent suldit se refugia à Pise, & se mit luy & les siens dedans quelques vaisseaux pour passer en France. Rogier tandis vint à Rome, visita Anaclete, & obtint de luy le tiltre de Roy de l'une & de l'autre Sicile, tant deçà que delà le Phare, & fut proclamé telen l'an 1130. Innocent retourne à Rome avec le secours qu'il auoit imploré, Anaclete abandonne le siege. L'armee de Lothaire Duc de Saxe qui auoit esté de nagueres esleu & couronné Empereur, se monstre en campagne, elle poursuiuit Rogier, il rebrousse chemin en Sicile, perdit ce faisant ce qu'il auoit conquis en Italie, vn Regnault Gentil-homme de grande valeur, & braue Capitaine le suit; & apres l'auoir mis à vauderoute par la perte d'une bataille qui se donna entre eux, veid ses ennemis reuestus de ses despoüilles. Quelques temps apres, la fortune luy presenta vn beau ieu, car la ville de Rome & quelques villes d'Italie furēt en cōbustion, à cause des partialitez & pretentions de trois personages, sçauoir Celestinus, Lucius & Eugenius, qui aspiroient à la Papauté; Rogier remonstre visage à l'Italie, & remeine vne armee composee de gens d'esslite, qui luy regaignerent ce qu'il auoit perdu. Lors le Pape plus forcément que volontairemēt, ratifia tout ce qu'il demanda, & le confirma derechef Roy de Naples & de Sicile, tant deçà que delà le Phare. Cela donna le vent à sa generosité, qui passa en Afrique pour inquietter les Sarrazins, auxquels il fit tant la guerre, que le Roy de Tunes ayma mieux luy payer tribut que de l'auoir pour ennemy. Le mauuais traitement que receuoient les Chrestiens en la Terre sainte par Emanuel Empereur de Constantinople, l'occasionnerent de se iecter sur ses terres. Il s'empara de Corfou, de Negrepont, & d'autres villes, d'où il remporta de grandes despoüilles, puis passa en Asie, & assista de ses forces Louys VII. Roy de France, & le deliura du peril que couroit sa Majesté, d'estre prinse par ledit Empereur des Grecs, qui pour cette fois faillit à ses desseins. Quelque temps apres l'armee Venitienne qui tenoit le party de l'Empereur, deffit celle de Rogier, & le contraignit de s'enfuir avec la perte de vingt Galleres, & de se retirer en son Royaume, où il mourut en la ville de Palermel'an 1149. & selon aucuns 1153. aagé de 59. ans, ayant regné 24. ans & selon aucuns 25. laissant quatre enfans legitimes, & vn bastard nommé Tancrede.



Guillaume 2.^e du nom roy de
Naples regna 15. ans.

1153. 2. **GVILLAVME II.** du nom, Roy de Naples, par le decez de son pere Rogier, fut surnommé le Mauuais, pource qu'il fouloit ses subjets pour satisfaire à son extrême avarice : il encourut indignation du Pape Adrian, qui depuis l'excommunia de ce qu'il s'estoit inuesty de Seperan & de Beanque, appartenât au domaine de l'Eglise, & rendit absous les subjets du serment de fidelité qui luy auoit presté, puis luy fit la guerre. L'Empereur de Grece s'y jette à la trauerse, ce nouveau Roy resiste, & fait teste aux armées qui fondent sur luy, & pres de Brinde triomphe tant des forces Papales qu'Imperiales, & chastie rigoureusement les subjets qui les auoient suivis. L'apprehension qu'eurent les Salentins, peuples des enuiron, de tomber sous la seuerie rigueur, les fit rendre à sa mercy, dequoy il n'abusa. Cela moyenna la paix entre luy & le Pape, aussi luy promit-il de ne faire deormais chose quelconque au prejudice de l'Eglise, & pour l'accroissement d'icelle ; il courut sus les Sarrazins qui estoient en Afrique. Apres les auoir deffaits & rompu, l'armée de l'Empereur de Constantinople qui les maintenoit, retourna victorieuse en Sicile, & assista de ses forces le Pape Alexandre III. contre l'Empereur Federic, qui vouloit vsurper ce qui ne luy appartenoit : à ceste occasion la Sainteté luy donna le nom de Grand, comme ayant deffendu le droict de l'Eglise. Ses subjets se rebellerent, & tuerent vn certain nommé Majon, par l'aduis duquel ils auoient esté auparauant vexez : il est constitué prisonnier luy mesme ; vn sien fils nommé Rogier est esleu Roy en son lieu, puis peu apres mis à mort, de peur qu'il ne se ressente de la felonnie faite à son pere. Apres ce parricide Guillaume est mis hors des prisons, & restably en son Estat, au grand mescontentement des auteurs de la conjuration executée, tant contre luy que contre Rogier son fils : il mourut l'an 1164. ou 1167. le 15. de son regne & 46. de son aage. Son corps gist en l'Eglise de Mont-real à Palerme aupres son pere.



3. Guillaume 3^e roy de Naples
regna 25 ans.

1163. 3. GVILLAYME III. du nom, Roy de Naples, succeda à son pere Guillaume, surnommé le Mauuais, en l'age d'unze ans, aucuns disent vingt, Rogier son frere aîné ayant esté tué. A la difference de sondit pere il fut dit le Bon, pour auoir esté tousiours en bonne intelligence avec le saint Siege, & bien gouverné ses subjets en faueur du Pape Alexandre: il fit la guerre à l'Empereur Barberousse pour autre sujet, & à l'Empereur de Constantinople Andronicus par mer, & print sur luy les Soloniques pour se venger de la perfidie qu'il auoit exercée enuers Emanuel pour le priuer de l'Empire, auquel il estoit destiné tuteur. La Grece & l'Achaïe furent en proye à son armee tant qu'il voulut, sans qu'Andronicus osast l'attendre en nulle part. La terre sainte fut secourüe de ses puïssances, sous la conduite du Capitaine Marguerit son Lieutenant, fournissant quarante Galleres pour le seruice des Chrestiens. Apres plusieurs beaux faits d'armes, il mourut en l'an 1189 le 25. de son regne, & le 36. de son age. Son corps gist avec les predecesseurs.



4. Tancrede roy de Naples
regna 6 ans.

1188.

4. TANCREDE Roy de Naples, fils naturel du Roy Rogier, aduenāt le decez de Guillaume dit le Bon son oncle, qui mourut sans lignee, fust esleu Roy de l'une & l'autre Sicile: cela despleut au saint Siege, qui pretendoit que ce Royaume appartenoit à l'Eglise. Le Pape Celestin 3. desirant s'en inuestir sous vn nom emprunté, retira du Monastere de sainte Marie de Palerne Costance, fille dudit Roy Rogier qui estoit Abbesselle leans, aagée de 32. ans, la dispensant de son vœu, & la dōna en mariage à Henry 6. fils de l'Empereur Barberousse, à condition qu'il rendroit à l'Eglise toutes les terres que Tancrede occupoit. Le mariage accompli Henry se mit en campagne avec vne grosse armee pour assieger Naples, & les places qui s'opposerēt à les entreprises. La peste qui s'espandit dedans ses troupes le fit prendre le chemin de la Germanie, laissant son Lieutenant Diopolde en Sicile, où parut sa hardiesse, qui luy acquit la Pouille & la Salerne en peu de temps. Tancrede cependant ramasse les forces, & aduertty qu'il fut du depart d'Henry 6. vint charger son Lieutenant, & en moins de rien reconquit Naples, & prit prisonnier Constance, & fit couronner Roy dudit Royaume vn sien fils nommé Rogier, auquel pour s'allier il fit auoir pour femme Irenée fille d'Isaac Empereur de Constantinople, mais il ne velquit gueres apres, ny mesme Tancrede qui mourut l'an 1194. & le 6. de son regne, laissant de sa femme Sybille vn fils nommé Guillaume, qui fut creé Roy de Sicile, & priué de la iouissance de ce Royaume par Henry VI. qui le fit chastrer, & luy creuer les yeux, le detenant prisonnier en Allemagne.



Henry 6^e Empereur roy de Naples regna 3 ans.

1195.

5. HENRY VI. Empereur, Roy de Naples, s'estant defait de ceux qui restoient de la famille des Normans, horsmis de Constance sa femme, se fit Roy de l'une & l'autre Sicile: En l'aage de 32. ans ou environ, elle eut de luy vn fils nommé Federic. Quelques Historiens disent, que l'Abbé Joachim ayant consideré & regardé de pres les traits de visage de ladite Constance, estant encore ieune fille dit à son pere, que s'il la marioit d'elle naistroit vn flambeau qui embrazeroit toute l'Italie, pour laquelle cause plusieurs opinoient qu'il luy falloir donner le Boucon, mais que Tancrede son frere naturel n'y auoit voulu condescendre, & conclud qu'il seroit plus decent de la faire Religieuse. Quand l'Em-

pereur son mary veid qu'elle estoit preste d'accoucher, il luy fit dresser vn superbe pavillō au milieu de la place d'Est, où il estoit pour lors, avec permission à toutes personnes de l'un & l'autre sexe d'y pouuoir entrer librement, à fin que chacun peust voir qu'en sa gese il n'y auoit eu supposition d'enfant, & ainsi elle accoucha à la veuë de tous les assistans, d'un fils qui fut nommé federic, qui accōplit depuis la Prophetie du bon Abbé Ioachim, & alluma dedans l'Italie, & principalement dedans la Sicile, les brandons de discorde & des guerres ciuiles, & commença si tost que son pere l'eut fait courōner Roy de Germanie: il fit la guerre contre le Roy d'Angleterre, & depuis ayant trop peiné à la chasse retourna malade à Messine, où il mourut l'an 1198. ayant esté Empereur 7. ans. & Roy de Naples 3. Sa femme fut soupconnee de l'auoir empoisonné, pour véger l'outrage qu'il auoit cōmis en la personne de Guillaume son neveu, fils de Tancrede.



1198.

6. FEDERIC II. Empereur, fils de Henry VI. en sa minorité succeda au Royaume de Naples, sous la Regence de sa mere Constance, qui fut grandement trauaillee par Marcard, que ledit Henry auoit faict son Lieutenant en Italie, avec le titre de Duc de Rauenne & de la Romanie, avec le Marquisat d'Ancone, desqueilles dignitez le Pape Innocent le priua, pour autant qu'il s'en faisoit trop à croire; Constāce ayant esté pareillement aduertie qu'il aspireroit à l'vsurpation du Royaume de Naples, ruina ses desseins, dont il mourut de regret, sans pouuoir faire esclater son entreprise. Federic ne fut pas si tost deliuré de la crainte du susdit Marcard, qu'il s'esleua contre l'Eglise Romaine; ce qui fut cause que les Papes Innocent 3. Honoré 3. & Innocent 4. le declarerent indigne de la dignité Imperiale, & l'excommunierent. Ces fulminations ne l'empescherent de mener vne armee bien puissante en Italie, où il exerça de grandes cruantez, puis à Rome, où il fit paix avec le Pape; & dit-on que ce fut par l'entremise de Iean de Brenne Roy de Hierusalem, qui estoit là venu pour demander secours à sa Saincteté, pour faire la guerre aux Sarrazins: Aussi Federic espousa-il sa fille nommée Iola, par le mariage de laquelle le Royaume de Hierusalem luy escheut apres le deceds de son beau-pere. Apres qu'il

eut regné 33. ou 34. ans, il mourut le 13. iour de Decembre, en l'an 1250. âgé de 54. ans, laissant de sa femme Iola vn fils nommé Conrad, qui luy succeda. On accuse vn sien bastard nommé Manfroy de l'auoir empoisonné. Depuis luy les Roys de Naples se sont dits aussi Roys de Hierusalem.



1251. 7. CONRAD fils legitime de l'Empereur Federic, luy succeda au Royaume de Naples, ce qui luy fut debatue par Manfroy son frere naturel, qui s'en vouloit emparer, comme pareillement de l'Empire s'il eust peu. Le Comte de Caserta beau-frere de Manfroy fit reuolter les principales villes de Naples, Aquin, Capoue, & Tarente. Conrad cependant prend la ville de Caserta, & autres places en Italie, & reuint avec des troupes d'essite reconquerir en Sicile ce qu'on luy desnioit: entre dedans Aquin, force les Napolitains à se rendre, fait demolir & abbatre les murailles de la ville, & de celle de Capoue, se confisque les biens des rebelles, & enuoye en exil les plus factieux; reduit sous son vouloir Manfroy; & à fin de n'auoir rien qui luy donne de l'ombrage, il fait cruellement assassiner par vn Capitaine More vn sien ieune frere nommé Henry, qui venoit se confesioiyr avec luy de ses heureux succez. La vengeance cheut peu apres sur luy: car ses subjects se reuolterent derechef par les menées de Manfroy, qui le fit empoisonner par vn clistere, & prendre le Capitaine More qui auoit occis le susdit Henry, qui estoit de grande esperance. Il regna vn peu plus d'un an, & mourut en l'an 1252. laissant vn fils appellé Corradin, qu'il eut de la sœur d'un Duc de Bauieres.



*Manfroy roy usurpateur de
8 Naples regna 10 ans.*

1254.

8. MANFROY Prince de Tarente, bastard de Federic, usurpe le Royaume de Naples apres le decez supposé de Corradin, sous le tiltre de tuteur dudit Corradin son neveu, & se fait en son lieu couronner Roy, pource qu'il croyoit qu'il fut mort, d'autant qu'un certain sien cōfident auoit charge de l'empoisonner avec certaines confitures qui luy auoit expressement enuoyez iusques en Allemagne, où il estoit avec sa mere, qui ayant pour suspect le present enuoyé par Manfroy, en bailla à manger à un ieune enfant, qui bien tost apres en mourut. Chacun le blasma de cet execrable attentat: & le Pape Alexandre 4. & son successeur Urbain l'excommunierent, & appellerent Charles Duc d'Anjou Comte de Prouence, frere de S. Louys, & le créerent Roy: de maniere que Manfroy fut priué de son Royaume en l'an 1266. puis mourut ayant regné 10. ans.



*Charles d'Aniou roy de
9 Naples regna 19 ans*

1265.

9. CHARLES d'Anjou, apres auoir deffait & vaincu Manfred, s'en alla victorieux à Rome, où il fut recueilly fort bien de la Saincteté qui le couronna dedans l'Eglise de saint Iean de Latran Roy de Hierusalem & de Sicile: Cela estant paruenue aux oreilles de Corradin, qui estoit en Germanie, presuppasant qu'injustement le Pape Clement quatriesme auoit couronné ledit Charles d'Anjou, il leua des gens-d'armes en grand nombre, pour iouyr paisiblement dudit Royaume. Son armee estant en Sicile, s'efforce de reconquerir ce qu'on luy auoit osté, mais en vain: car en vne bataille qui se donna furieusement de part & d'autre, Corradin legitime successeur de Conrad, & petit fils de Federic, y perdit les hommes & ses pretensions, & tomba entre les mains de son ennemy, qui apres l'auoir detenu vn an prisonnier, luy fit oster la teste de dessus les espaules en Octobre 1269. Depuis, la proiesse rendit tributaire le Roy de Thunis, & acquit à ses successeurs le tiltre de Roy de Hierusalem. La reuolte de Sicile, où les Vespres Siciliennes auoient de son regne, en l'an 1282. & trois ans apres il mourut aagé de 54. ans le 19. de son regne.



10 Charles 2^e roy de Naples
regna 25 ans.

1285.

10. CHARLES II. surnommé le Boiteux, fut de l'ince de Salerne qu'il estoit, couronné Roy de Sicile par le Pape Nicolas, à condition qu'il procureroit la paix entre les Arragonois, l'Eglise de Rome, & le Roy de France. Jacques d'Arragon, occupateur de la Sicile, apres l'auoir trauaillé en la iouissance d'icelle, qui luy appartenoit, se meit d'accord, & ne luy fit plus de trouble; de sorte qu'il iouyst de ce Royaume comme de celuy de Hongrie, qui luy escheut par le moyen de Marie fille unique d'Estienne, Roy de Hongrie, sa femme. Il regna 25. ans, & mourut l'an 1309. aagé de 60. ans, laissât pour luy succeder au Royaume de Hongrie son fils aîné Charles Marcel: & à celui de Naples, Robert son second fils.



Robert roy de Naples
11. regna 34. ans.

1309. II. ROBERT succeda à son pere Charles 2. du nom, & eut pour femme D. Sanchia d'Arragon, qui luy conceut Charles, dit sans terre, Duc de Calaurie. Ettant venu faire la reuerance au Pape Clement 5. en Arignon, obtint de luy par l'accord du Consistoire, la cōfirmation de Roy de Naples & de Sicile. Puis en faueur du sainct Siege passa les Alpes pour aller faire la guerre à l'Empereur Henry 7. de la maison de Luxembourg, qui desoloit & ruinoit l'Italie: Il conquist Gennes, Sauone, & autres citez, par l'ayde & assistance des Guelphes ses alliez; és guerres meües de son temps il perdit deux siens freres. Il combattit Castruccio Castrucini Chef des Gibelins, & en ce faict d'armes acquit bien de la reputation: Il fut deuotieux, & amateur des gens de lettres Petrarque & Bocace conuersoient familièrement avec luy. Il regna enuiron 34. ans, & mourut le 20. iour de Ianuier l'an 1343. & selon aucuns 1349. ne laissant aucuns hoirs de son corps.



Jeanne 1^{re} du nom royne de Naples
12. regna 39. ans.

1343. II. JEANNE fut créée Royne de Naples, apres le deceds de

Robert son ayeul. Elle eut 4. marys: Le premier fut André, fils de Charles Humbert Roy de Hongrie, que trois ans après leur mariage elle fit estrangler: Le second, Louys Prince de Tarente: Le troisieme, Jacques Infant de Majorque: & le 4. Othon d'Est Duc de Brunluich & de Saxe; qui perdit en vne bataille qui se donna entre luy & Charles de Duras, toute sa bonne fortune & celle de sa femme, qui fut prise prisonniere, & depuis estrablée avec vn lacqs, de mesme qu'elle estoit soupçonnée de l'auoir fait faire à André son premier mary: Cela aduint en l'an 1381. & environ le 39. de son regne. Depuis son temps iusques à huy, la ville d'Auignon a esté du domaine de l'Eglise par la vendition qu'elle en fit.



*Charles 3^e du nom dict de Duras
13. roy de Naples regna 4 ans.*

1381.

13. CHARLES DE DVRAS III. du nom, ayant succédé au Royaume de Naples, & se voyant paisible possesseur d'iceluy, adopta Louys de Tarente, & selon aucuns d'Anjou, second fils de Iean Roy de France, contre lequel il eut de grandes guerres; tant pour auoir abusé de son adoption, que pour auoir prins par force & contre son intention la ville d'Arès, & donné le pillage & le butin d'icelle aux soldats: ne s'estant comporté plus doucement enuers ceux de Bar & de Tarente, le Comte Alberic de Curno Lieutenant de Charles de Duras, le desfit; & mourut par apres de plusieurs bleseures qu'il receut au iour de la bataille. Charles fut encore entrepris par le Pape qui desiroit esleuer en sa place vn sien nepueu nommé Butille, homme de bas lieu & sans courage: il n'y gaigna rien neantmoins. Aduenant la mort de Louys Roy de Hongrie, il s'y achemina & s'en fit Roy, nonobstant les pretensions de Sigismond, cela fut cause de sa mort: car à l'instance de la Royne Elisabeth femme du feu Roy Louys, vn soldat de fortune & bien resolu nommé Blaise le tua, pendant qu'il lisoit vne lettre, le 32. an de son aage, le 4. de son regne, en l'an 1386. laissant de sa femme Marguerite, qui estoit sa cousine, trois enfans, Ladislas, Ieanne, & Marie.



*Ladislas roy de Naples et de
14. Hongrie regna 29 ans.*

1386. 14. LADISLAS fille de Charles de Duras, fut Roy de Naples apres luy, & pareillement de Hongrie. Avec ses tiltres il voulut estre encore Empereur, & se fit proclamer tel en la ville de Rome le 25. Aoust 1408. par son armee qu'il y auoit menee à cét effet. Louys d'Anjou tandis luy remuë des affaires nouuelles en Sicile, vient au dessus, & se restituë en sa spoliation; puis mourut en l'an 1414. sans auoir eu lignee aucune de Constance de Clermont Sicilienne, ny de Marie sœur du Roy de Chypre, & ny d'une autre Marie Princesse de Tarente ses femmes: Ayant vesçu 40. ans, & regné 29. ans us disent qu'il mourut d'une fièvre.



*Jeanne 2^e du nom royne de
15. Naples regna 20 ans.*

1414. 15. JEANNE II. sœur de Ladislas succeda au Royanme de Naples, & fut grandement inconstante. Le Pape Urbain 5. la spolia de son Royaume, & en inuestit Louys d'Anjou 3. Duc de Lor.

raïne & de Barrois, fils de Louys 2. De là vint vn grand embra-
 zement tant en Italie qu'en Sicile, & pource qu'elle auoit ado-
 pté Alphonse d'Arragon qui l'assista puissammēt encontre tous,
 pour recompense dequoy elle rompit peu de temps apres avec
 luy, & adopta en son lieu le susdit Louys d'Anjou: Et apres son
 decez, René son frere Duc aussi d'Anjou & Comte de Prouëce.
 Elle eut pour mary Iacques de la Marche Seigneur Prouençal,
 & auparauant luy vn Archiduc d'Austriche, du viuant de son
 frere Ladislas. Elle regna 20. ans & plus, & mourut l'an 1435.
 aagée de 65. ans.



1438. 16. RENE' d'Anjou fut eslen Roy de Naples, à cause de l'ado-
 ption que Ieanne 2. Roïne auoit faicte à son frere Louys d'An-
 jou, & lors qu'il estoit detenu prisonnier par Iean Duc de Bour-
 gogne, qui neantmoins fit recognoistre pour Roïne de Na-
 ples la femme Isabelle par les Napolitains. Depuis René son
 mary estant deliuré y alla en personne, & y fut bien récuëly.
 Alphonse qui pretendoit ledit Royaume luy appartenir, le sur-
 print par le moyen d'un canal ou aqueduc qui entroit dedans la
 ville de Naples, & s'en rendit le maistre, & en chassa René qui
 se retira en Prouence avec sa femme & ses enfans. Apres le de-
 cez d'elle, il se remaria pour son plaisir, ayant 64. ans, & laissa
 partie de ses Estats à Charles d'Anjou son neveu. Apres auoir
 regné 4. ans à Naples, il passa de ceste vie en l'autre, l'en 1481. à
 Nancy.



17 *Alphonse d'Aragon roy de Naples regna 16 ans.*

1442. 17. ALPHONSE d'Arragon s'estant acquis le Royaume de Naples, plus par les armes que par l'adoption de Jeanne 2. Roynne, print à femme vne braue Dame nommee Marie, de laquelle ne pouuant auoir lignee, print en amitié vne Dame, qui luy fit vn bastart nommé Ferdinand, auquel le Pape Nicolas octroya la permission de tenir les Royaumes de son pere, le cas y escheant. Ayant regné 16 ans il deceda le 18. Iuin l'an 1458. âgé de 66. ans.



18 *Ferdinand roy de Naples regna 35 ans.*

1458. 18. FERDINAND fils naturel d'Alphonse premier, & de luy légitimé, fut par le contentement de Pie II. Euesque de Rome, élu Roy de Naples contre l'attente de Charles d'Anjou, qui luy fit la guerre. Les Venitiens luy en voulurent aussi, mais pour se venger d'eux, il donna conseil aux Turcs d'entrer dessus leurs terres. Il eut d'Isabelle de Clermont, & de Jeanne sœur du Roy Catholique ses femmes, sept enfans, qui rencontrèrent de bons partis en mariage. Il regna 35. ans, & mourut l'an 1494. âgé de 71. ans.



*Alphonse 2^e roy de Naples
19 regna 1 an*

1494.

19. ALPHONSE II. fils de Ferdinand, estant Roy de Naples reprit sur les Barbares la ville d'Hydrante, & s'arma en faueur du Duc de Ferrare contre les Venitiens, qui l'auoient offensé aussi bien que son pere. Il eut d'Hypolite Marie sa femme, fille de François Sforce Duc ds Milan, Don Ferdinand, Don Pierre, & Donna Ysabell Duchesse de Milan. Ayāt depolé entre les mains de Don Ferdinand son fils tous ses Estats, il se retira à Mazara ville de Sicile, sur l'apprehēsiō qu'il eut d'une grosse armee que Charles 8. Roy de Frāce amenoit vers Naples. Il ne regna qu'un an.



*20 Charles 8^e roy de France et
de Naples regna 14 ans*

95.

20. CHARLES VIII. Roy de France, autant valeureux que Prince de son temps, ayant passé les Alpes & paru en Italie com-

me vn foudre qui rompt & brise tout ce qui luy faict obstacle, paruint en Sicile, se faisant maistre de la Campagne, de la Pouille & de la Calabre. Obtint du Pape Alexandre VI. l'investiture du Royaume de Naples, où il ne regna que dix mois; car s'en estant retourné en France, tout ce qu'il auoit acquis & cōquesté par les armes se rebella, & secoüa le ioug des François. Ferdinand fils d'Alphonse assisté du secours des Venitiens, chassa les garnisons Françoises qui estoient dedans les villes & forteresses de son Royaume. Apres ceste perte Charles s'estant remis en volonté de retourner en Italie, pour recouurer sa perte, fut preuenü d'vne apoplexie, qui luy print de s'estre eschavffé à la paulme. Il mourut dans le Chasteau d'Amboise le 7. Auiil, l'an 1498.



1495.

21. FERDINAND II. ayant par force d'armes contraint Charles 8. & les François de quitter le Royaume de Naples, pour se maintenir & asséurer dauantage son Estat, espousa D. Ieanne, fille de Ferdinand premier son ayeul, & de Ieanne sœur de Ferdinand Roy d'Espagne, qui estoit sa tante; mais il ne fut jōüysant de ce qu'il auoit reconquesté, pource qu'apres auoir seulement regné vn an huit mois, & quatorze iours, il mourut le 8. Octobre, l'an 1496, sans laisser aucuns enfans.



Federic 2^e roy de Naples
22. regna 6. ans.

1496.

22. FEDERIC fils de Ferdinand premier, & oncle de Ferdinand II. succeda à son nepveu au Royaume de Naples, & print alliance avec le Prince d'Altamura, par le mariage d'Isabelle de Balso sa fille, de laquelle il eut D. Ferdinand Duc de Calaurie, deux autres fils, & deux filles : Cela ne l'empescha de quitter son Royaume à Louys XII. qui le traicta plus humainement que Ferdinand Roy de Castille, qui ne luy voulut donner assistance aucune, qu'à des conditions qui estoient desadvantageuses. On tient qu'il regna environ six ans, & qu'il mourut à Tours, l'an 1501. jouissant du Duché d'Anjou que ledit Roy Louys avoit donné.



Louys 12^e roy de france et de
23. Naples regna 17. ans.

1501.

23. LOVYS XII. Roy de France, pour parvenir à l'effect des

pretentions qu'il auoit sur le Royaume de Naples, s'assura de Milan, de Gene, & de la Lombardie, par la prise de Ludouic Sforce. Il fit accord avec Ferdinand Roy d'Espagne, & partagea avec luy le Royaume de Naples, pource qu'ils auoient tous deux contribué à ce qu'il falloit pour le conquieser: mais l'année d'apres, les Lieutenants de l'un & de l'autre estans tombez en differend touchant les confins & limites pretendues, ou mentionnees dedans leurs paches, en vindrent aux mains, & apres aux armes: ce qui les occasionna de rompre ensemble leur accord; de maniere que les François en furent expulsez par la tromperie & infidelité des Espagnols. Depuis le Roy donna la part qu'il pretendoit audit Royaume à Ferdinand Roy d'Aragon, en faueur du mariage de Madame Germaine de Foix, fille d'une sienne sœur. Il fit la guerre aux Venitiens, & gagna sur eux une bataille, & tourna ses armes depuis cōtre le Pape, qui s'estoit manifesté contre les François, & par Gaston de Foix son Lieutenant. Il fit leuer l'armée du Pape de deuant boulongne, & secourut le Chasteau de bresse que les Venitiens assiegeoient. L'Empereur & le Roy d'Angleterre joignirent leurs forces avec celles du Pape, qui toutes se jetterent sur les François, & leur osterent plusieurs villes. Le Roy indigné se resolut d'en tirer sa raison, mais comme il vouloit dresser une armee pour passer en Italie, mourut le 1. iour del'an 1515. Il fut nommé le Pere du peuple.



*Ferdinand roy d'Espagne 5^e du nom
à Naples regna 12 ans 3 mois.*

1503.

24. FERDINAND V. du nom en Espagne, & selon aucuns VI. & III. de Naples, espousa D. Isabelle Infante de Castille, & tous deux jouyrent du Royaume de Leon & de Castille, & de celui de Naples que le Pape Iules II. leur confirma. Ils furent tous deux decorez de vertus vraiment Royales & héroïques: & pour aduancer la Religion Chrestienne, firent construire à la gloire de Dieu & honneur de ses Saints plusieurs Eglises, lesquelles ils renterent de grands reuenus, pour les entretenir dignement. Ils desnuèrent la Grenade & lieux attenans de la secte des Mores pour la remplir de gens qui professassent le Chritianisme. Dieu benist leur mariage, & eurent plusieurs enfans par lesquels ils firent de grādes alliances. La Royne D. Isabelle mourut à Medina del Campo, aagée de 57. ans, & 7. mois, en la 30. année de son regne; & son mary Ferdinand la suruesquit de 12. ans, & depuis mourut à Calataiub le 23. de Iuillet, l'an 1. 16. aagé de 63. ans ayant regné 41. an. & 12. ans trois mois à Naples.



Jeanne 3.^e Royne de Naples
25. regna 1 an 2 mois.

1516.

25. JEANNE III, fille de Ferdinand ou Fernand 5. ou 6. espousa D. Philippes Archiduc d'Austriche, surnommé le Grand Comte de Flandres, fils de Maximilia & de Marie fille unique de Charles Duc de Bourgogne: Icelle succeda au Royaume de Naples & autres souverainetez, par le droit qu'elle y avoit apres le decez de son pere Ferdinand. Ceste Princesse estant venue, ayant gouverné les Royaumes environ 14. mois, institua heritier son fils aîné Charles, qui n'avoit alors que 16. ans accomplis, estant par elle inuesty de ses Estats, il s'achemina en Espagne, où il fut receu avec grands applaudissemens & acclamations de tous les subjects. Sa prise de possession fut neantmoins debatue par plusieurs des principaux officiers de la Couronne d'Espagne. Barons & grands Seigneurs, qui à cause de son bas aage ne le vouloient recognoistre pour Roy, mais pour Prince: allegans qu'esloit offenser la Royne, & prejudicier au tiltre qu'elle portoit: & de là s'ourdirent de grands tumultes & rumeurs, qui furent appeaisez à la parfin par le sage advis du Conseil, qui trouva raisonnable que la mere porteroit le tiltre de Royne, & luy celuy de Roy par ensemble. Elle estoit doüce des plus belles qualitez que puisse avoir vne Princesse de semblables merites: elle mourut le 23. Avril 1555. laissant Charles depuis Empereur 5. du nom. Ferdinand Roy de boheme & de Hongrie. D. Alienor, D. Isabelle, D. Marie, D. Catherine, toutes Roynes, de France, de Dannemarc, de Hongrie, & de Portugal.



26 Charles 5^e Empereur roy
de Naples regna 39 ans.

1517. 26. CHARLES fils de Philippe d'Austriche & de Jeanne de Castille, herita de tous les Royaumes de ses ayeuls, D. Ferdinand & Isabelle: Il eut de la peine à se rendre paisible possesseur du Royaume de Naples, & l'eust perdu si André Doria Genevois, qui suivoit le party de France n'eust manqué de foy, & tourné ses armes contre le Roy François premier, auquel il auoit presté serment de fidelité. Charles s'aduancant de plus en plus en heureux succez, s'acquit le tiltre & la puissance d'Empereur, & fut nommé Charles 5. On tient que son ayeule Isabelle aux nouvelles de sa natiuité (comme par Prophetie) augura qu'il seroit Grand dessus les grands, & qu'il jouïroit de l'vniuerselle succession de ses ayeuls, & dit ces mots prins des Actes des Apostres, *Le sort est tombé sur Mathias*, denotant que D. Michel, fils du Roy de Portugal & de sa fille aisnée Isabelle, qui estoit encore viuant, n'heriteroit point; & que ce seroit celuy qui estoit né le iour S. Mathias, lequel a esté tousiours estimé & cogneu tres-heureux pour l'Empereur Charles 5. qui naquit le iour que dessus 24. Feurier, en l'an 1500. en la ville de Gand, & fut nourry à Malines, & instruit en sa ieu nesse par Adrian Florent natif d'Vtrecht en Hollande, qui fut depuis Pape. Le Roy François premier & luy furent contemporans, & s'entrefirent à plusieurs & diuerses fois la guerre: apres auoir paru par ses exploits genereux par tous les Cantons du monde, prins Thunes sur le grand Seigneur, rangé les Allemans à sa volonté, pour viure pour luy, comme il auoit vescu pour l'augmentation & tranquillité de ses peuples, se deuestit de ses Estats, resignant sa dignité Imperiale à Ferdinand son frere, & la couronne d'Espagne à Philippe 2. son fils, & se reclut en vn Monastere appellé S. Iust, où il mourut l'an 1558. âgé d'environ 58. ans. Son corps repose à S. Laurent de l'Escorial. Il tint l'Empire 37. ans, & le Royaume de Naples 39. laissant d'Isabelle sa femme deux fils & trois filles; sçauoir D. Philippe qui luy succeda, & Ferdinand, Marie qui espousa Maximilian Roy de Boheme, D. Jeanne Roine de Portugal, & Marguerite premiere Duchesse de Florence, & depuis de Parme.



1554

27. PHILIPES 2. du nom, fils de Charles 5. Empereur, Roy d'Espagne, print possession du Royaume de Naples en la personne du Marquis de Pescate. Ce Prince a toujours esté amateur de la foy Catholique & deffenseur du S. Siege. Il eut quatre femmes, sçavoir Marie de Portugal, Marie d'Angleterre, Isabelle de France, & Anne Marguerite d'Autriche. De la premiere il eut Don Charles, qui trespassa en la fleur de son aage. De la 3. il eut Isabelle Claire Eugenie Infante d'Espagne, femme d'Albert Archiduc d'Autriche, & Catherine mariee à Charles Emanuel Prince de Piedmont Duc de Savoie: d'Anne Marguerite d'Autriche sa niece, il eut 4. enfans, trois desquels moururent en bas aage, & ne luy resta que Philippes 3. Il mourut au Chasteau de l'Escorial le 13. Septembre 1598. aagé de 72. ans 4. mois 8. iours, ayant regné 40. ans.



*Philippe 3^e roy d'Espagne
et de Naples regna*

1558.

28. PHILIPPE 3. Roy d'Espagne & de Naples par le deceds de son pere Philippe 2. Outre ces Royaumes il a celuy de Portugal, d'Aragon, & autres. Il a monstre qu'il ne degeneroit en rien du zele qu'ont eu ses deuanciers pour l'aduanement de la Religion Cotholique. Il a eu pour femme Marguerite fille de Charles Archiduc d'Austriche sa proche parente, moyennant la dispence de la Saincteté. De leur mariage est issue Anne, à present Roynne de France, femme du Roy tres-Chrestien Louys 13. (dit le Iuste) lequel a faict double alliance avec luy, donnant Madame Elizabeth sa sœur en mariage à son fils aîné D. Philippe Prince d'Espagne. Il eut encore d'elle D. Charles, D. Ferdinand, & autres enfans.




*Philippe 4^e a presant
Regnant*











BRIEFVE
DESCRIPTION
DV ROYAVME DE
POLOGNE.



La Pologne ou Polanie fut ainsi appelée à cause de ses plaines, qui sont nommées en langue Polaque, Poles. Il y a la haute & la basse Pologne: ce pays est fertile en bleds, & en grains de toutes sortes, ibondant en miel, cire, lin, chanvres, bestail, notamment en sel, qui se prend en olcen, & velisques. Il y a pareillement diuerses mines, à scauoir d'azur, de fer, de plomb; l'ambre s'y recueille, les fourrures excellentes & exquisés de Marte, & d'autres bestes s'y trouuent en grande quantité. Ce Royaume est de plus grande estendue qu'il n'a esté cy deuant, à cause de la Lithuanie, & de la Liuanie, qui luy ont esté annexées. Il s'estend depuis les riuieres de Note, & d'Orbe, qui la separent de la Marque, & de l'Odere, qui la diuise presque de la Silesie, iusques à la Beresine, & au Niepet, qui la separent de la Moscouie, & de la mer Baltique, iusques à la riuere de Mester, qui la diuise de la Moldaue, & s'estend encores iusques aux monts de Carpathie, qui la diuisent de la Hongrie. Tellement que depuis les confins de Silesie, entre le Ponant & le Leuant, il contient enuiron six-vingts lieues d'Allemagne, & autant depuis les extremités de la Liuanie iusques aux frontieres de la Hongrie. Il contient un bon nombre de grandes Prouinces, c'est à scauoir la haute & la basse Pologne, la Massouie, la Prussie, la Podolie, la Rusie, la Volhinie, la Liuanie, & la Lithuanie, & autres. Les Polonois originaires sont descendus des Slaues: l'usage de la langue Latine est commun aux villes & villages, leur courtoisie est grande enuers les estrangers, ils sont sages & discrets en leurs actions, ils abhorrent le larcin & la volerie, mais ils ayment à estre superbement vestus, ils supportent mal-aisément les iniures receues, & prennent plaisir à nourrir grand nombre de seruiteurs, mais les paysans n'y sont pas trop libres. Les forces de ce Royaume consistent en viures, argent, hommes de pied & de cheual, armes & munitions de guerre. Les Nobles sont obligez de seruir le Roy à leurs despens pour la deffense de son Estat. La Religion Catholique, Apostolique & Romaine y est obseruée en quelques endroits, & non par tout.



Lech vs ou Lecho I. du nom, auxquelles Polonois furent nommez Lechites, fut le premier qui en l'an 550. ou enuiron de nostre salut, gouerna le Royaume de Pologne, & y fist bastir la ville de Gnesna, qu'il nomma ainsi, à cause d'un nid d'Aigle qui y fut trouué, & depuis les Armoiries de cette Ville-là, voire de tout le Royaume ont esté de Gueulle à vne Aigle d'argent couronnée, & membre d'or, ayant les ailes deployées. En ce mesme temps son frere, nommé Checus ou Checo,

fut Roy de Boëme. Les hiltioires Polonoises & Boëmiennes, recitent que la posterité de ces deux freres regna successiuerment apres leur deceds l'espace de 150. ans, es Prouinces par eux occupees, où ils firent plusieurs memorables conquestes sur leurs voisins : mais la memoire en a esté tellement enseuelie, que les ans ne sont observez par aucun Historien, ny les Princes nommez.

2. La posterité de Lech & de Chech estant faillie, les Barons de Pologne assembléz au Chasteau de Gnesna, creèrent 7. ou 12. Vay-uodes ou Palatins pour les gouverner. Mais ils furent bien tost saouls de ceste Aristocratie, de sorte qu'ils esleurent vn d'entr'eux pour estre leur Roy. Ce fut Cracus, lequel on dit auoir fait bastir la ville de Cracouie, où il transporta le siege du Royaume, qui auparauât auoit toujours esté au Chasteau de Gnesna, enuiron l'an 700. de nostre Seigneur. Il mit à mort vne furieuse beste nommée Olfa-gus, & par Solinus, Boa, qui habitoit dans vne caverne du pays, & par son haleine pestilentielleuse infectoit toute la contree : On luy-menoit chacun iour trois jumens qu'elle deuoroit. Le Roy Cracus s'aduisa de faire remplir de soulfre & d'autres compositions artifi-cielles de feu, la peau d'un veau, qu'il fist mettre à l'emboucheure de la caverne, & lors que ceste beste commença à l'engloutir, il y mist le feu si à propos, que se sentant brusler, elle se precipita dans le fleuve de Vistula, où elle creua par le milieu. Ayant regné 28. ans, il mourut, & laissa 2. fils & vne fille qui luy succederent.



3. Apres le decez de Cracus, son fils aîné portant mesme nom, fut esleu Roy en l'an 728. mais son regne fut de peu de durée, d'autant que Lechus son frere puisné le tua, lors qu'il estoit à la chasse, qu'il fist accroire au peuple qu'il estoit mort de la morsure d'une beste sauvage : de sorte qu'il regna au lieu de son frere enuiron 2. ans; toutesfois la verité du fraticide ayant esté decouuerte, Lechus s'enfuit, & ainsi la seur Vanda demeura seule paisible du Royaume.

4. Vanda regit le Royaume de Pologne l'an 730. apres la fuite de son frere Lechus, par l'espace de 20. ans. Sa valeur & singuliere beauté inuiterent Ritagora, Prince de la Germanie, de la demander en mariage, à quoy elle ne voulut entendre, qui fut cause que ce Prince se resolut de l'auoir à force d'armes, mais son armée fut dé-confite, & luy par desesperoit se donna la mort, dont la Royne Vanda fut déplaisante, & ne voulut plus se mettre en de seblables hazards, elle se noya dans vn fleuve, conseruant ainsi la fleur de sa virginité.

5. Les Polonois se voyans sans Roy ny Royne, & leur pays assailly de tous costez, des Morauiens, Huns & Germains, proclamerent Roy Premislaus ou Lesco I. en l'an 750. lequel estoit vn des douze Palatins, fort vaillant & expérimenté aux armes, ce qu'il fit paroistre par effect, parce qu'il repoussa & mist honteusement en fuite les ennemis, & gagna sur eux de grandes richesses. Il gouverna la Re-publique Polonoise, avec beaucoup de prudence & d'heur enuiron 30. ans, & mourut sans laisser enfans, l'an 780.



6. Les principaux Seigneurs de Pologne se resolurent d'eslire pour Roy Lesco 2. lequel fit dresser vne colonne deuant la ville de Cracouie, sur laquelle il mist la Couronne Royale & le Sceptre, & fit proclamer qu'il cederoit sa place de Roy à celuy qui le premier depuis le fleuve Praduch arriueroit à ceste Colone de pleine course de cheual. Dont aduertty vn nommé Leschczek, homme de vile co-dition, pua de cloux dresser en poincte le chemin par où les au-tres deuoienc passer, laissant libre vn passage pour son cheual : de sorte que par ceste ruse il paruint le premier à la Colonne, & ainsi

gagna le Royaume, duquel il ne ioidit gueres de temps, car la tromperie, dont il auoit vsé, ayant esté descouuerte, il fut priué du Royaume & de la vie tout ensemble, & Lesco 2. demeura Roy paisible.

7. Lesco 2. quoy qu'il fust issu de bas lieu, eut l'ame si releuee, qu'on eut creu qu'il estoit descendu des plus grands Princes & Monarques, tant il gouerna sagement & discrettement ses subiects pres de 21. an. & laissa Lesco 3. son fils pour successeur; on a remarqué de luy, que durant son regne il n'vsa iamais d'autres habits que de ceux qu'il souloit porter estant homme priué, en quoy plusieurs Roys ses successeurs l'ont imité apres sa mort.

8. Lesco 3. en l'an 801. succeda à son pere, les vertus heroïques duquel il imita tousiours, & regna paisiblement parmy les subiects enuiron 4. ans, mais ne pouuant viure oisif, il alla au secours des Saxons & des Hongres, contre l'Empereur Charlemagne, où il fut deffait avec son armee, & y perdit la vie pres le fleuue Odera, l'an 805.



9. Pompilius ou Popiel 1. fils de Lesco 3. regna apres son pere, ne forlignant en rien des vertus paternelles & de son ayeul. Il transporta le siege Royal de Cracouie en la ville de Gnesna, depuis à Craffcia, où il fit bastir vne belle forteresse dans le Lac de Goplo. Sur la fin de ses iours, il s'adonna tellement au luxe, qu'il ne fit chose digne de remarque: il regna 25. ans.

10. Pompilius ou Popiel 2. regna en Pologne apres le deceds de son pere Popiel 1. enuiron l'an 830. Il surpassa tous les autres en dissolutions & lasciuetez, & laissa le gouuernement à sa femme, qui fut cause que les plus grands de son Royaume commencerent à le mespriser. Ce qu'estant apperceu par la Roynie, elle donna aduis au Roy de seindre qu'il estoit extrêmement malade, & de prier les plus grands Seigneurs Polonois de le venir visiter, & les estraindre par serment, s'il venoit à mourir, de faire en sorte qu'un de ses enfans luy succedast. Ce qu'ayant esté fait, on les fist tous boire à la santé du Roy, du vin empoisonné, dont ils moururent, & leurs corps furent iettez dans le Lac de Goplo, desquels par permission diuine, nasquit miraculeusement telle quantité de rats & de souris, que le Roy & sa femme & enfans en furent mangez. Il regna 12. ans.

11. Les Barons de Pologne qui estoient restez apres la mort de Pompilius 2. en l'an 842. eleurent pour Roy vn de leur pays nommé Piasius, homme de basse extraction, mais vertueux, lequel se comporta tousiours fort sagement, & maintint la iustice en son Royaume, au grand contentement d'un chacun. Il regna 53. ans, & l'an 895. luy succeda son fils Ziemouitte, Prince fort accompli, lequel contraignit à force d'armes les Hongres, Boëmiens & ceux de Pomeranie de luy payer tribut. Son regne dura 7. ans, & mourut l'an 902.



12. Lesco 4. fils de Ziemouitte, fut Roy de Pologne apres le deceds de son pere, & regna 19. ans. Il fut premierement gouuerné par Tuteur, à cause de sa minorité: mais paruenu qu'il fut en aage compétant, il administra le Royaume fort paisiblement. Il fut tousiours vray imitateur des actions heroïques de son pere & de son ayeul. Il mourut l'an 921.

13. Ziemouissaus, fils de Lesco 4. succeda à son pere, & regit son Royaume avec vne admirable sagesse & prudence. Il eut vn fils en sa vieillesse, qui nasquit au eugle, & fut nommé Miesco, & peu de temps apres il fut clair-voyant. Les deuins enquis que vouloit si-

guifier ce changement si nouveau, respondirent, que comme cét enfant auoit receu la clarté de veuë, par la grace de Dieu, ainsi la Pologne seroit esclairée, par son moyen, dans peu de temps de la lumiere de la Foy. Il regna 41. an.


14. Miesco fut fils de Ziemouisslaus, & Roi de Pologne en l'an 962. Il espousa Dambronke fille de Boleslaus, Duc de Boëhème, & se fit le mesme iour baptiser avec tous ses Barons en la ville de Gnesna en l'an 965. Et puis apres par Edict, il fit mettre bas toutes les Idoles qui se trouuerent en son Royaume, le diuisant en neuf Eglises Cathedrales, desquelles celle de Gnesna & de Cracouie furent Metropolitaines. Il fut nommé Mieslaus, ou Miecislus, lors qu'il fut baptisé. Son regne dura 37 ans.



15. Boleslaus, surnommé Chrabri, c'est à dire grand, en l'an 999. succeda à son pere Miesco. L'Empereur Othon estant aduertie des merueilles qui se faisoient de iour en iour au Sepulchre de S. Adelbert, Archeuesque de Pologne, qui auoit esté martyrisé par les Prussiens, partit d'Italie pour l'aller visiter, & pource qu'il fut receuilly fort honorablement & magnifiquement par Boleslaus, en faueur de ce il luy donna la couronne Imperiale, & la posa solennellement sur son chef l'an 1000. de nostre Seigneur. Ledit Roy subiuga l'Esclauonie, qui est outre le fleuue Odora, avec vne partie de la Russie & Prussie. Il fit la guerre à Boleslaus Duc de Boëhème, qu'il print prisonnier avec son fils, & luy fit creuer les yeux en l'an 1004. Il mena en l'an 1013. vne armée contre les Pomeraniens, Prussiens & Cassubiens & les contraignit de receuoir la Religion Chrestienne, & de luy payer tribut, & mourut l'an 1025. ayant regné 25 à 26 ans, & vescu 58 ans.

16. Miesko, ou Miecislus 2. fut Roy apres le deceds de son pere Boleslaus, & regna enuiron 9 à dix ans. Il mena vne armée contre les Princes de Russie Iaroslav & Mescislus, qui s'estoient reuoltez contre luy, & les fist retirer en leur pays, par le moyen d'une victoire qu'il gagna sur eux l'an 1026. & l'an 1034. accompagné de Bela frere Estienne Roy de Hongrie, il entra dans la Pomeranie, qui s'estoit souleuée contre luy, & la remit en son obeïssance, puis l'erigea en Duché, qu'il donna en dot avec sa fille au Prince Bela, & l'an 1038. il mourut.



17. Apres la mort de Miesko 2. Cazimire son fils estant en fort bas aage, demeura sous la tutelle de sa mere Richza, laquelle se comporta insolamment vers les Polonois, qui la chasserent & son fils. Elle emporta avec soy vne bonne partie des thresors de son Royaume, & se retirant vers Conrad Empereur d'Allemagne, elle enuoya son fils Cazimire estudier à Paris, où il deuint si deuotieux, qu'il s'alla rendre Moine en l'Abbaye de Cluny. Cependant le Royaume fut sans Roy plus de six ans, exposé à toutes sortes de miseres & calamitez, pour à quoy remedier, les Estats de Pologne furent d'aduis de reestabli Cazimire en son Royaume, & pour cest effect vindrent le querir à Cluny, & firent en sorte qu'il fust dispensé par le Pape Benoist 9. de son vœu, & permis à luy de se marier. Et en recognoissance de cela, les Polonois s'obligerent de payer tous les ans chacun par teste vn denier de tribut au saint Siege, qu'on appelle le denier saint Pierre. Ainsi Cazimire alla en Pologne, où il fut receu & couronné Roy l'an 1041. au grand contentement de ses subiects, & donna si bon ordre par sa prouidence, que son Royaume fut en peu de temps reduit en vnion & tranquillité, & regna 18 ans, & mourut l'an 1059. laissant quatre fils & vne fille, apres s'estre rendu maistre de la Massouie.



18. Boleslaus 2. surnommé le Hardy, parce qu'il fut belliqueux, succeda à son pere Cazimire : Il reconquist la Pomeranie sur les Prussiens, qui furent contraints de se remettre en son obeissance, & assista Bela pour cōquerir le Royaume de Hongrie, & l'y maintenir. Il espousa Vuffelaua Princesse de Russie, & apres plusieurs exploits de guerre, il eut en sa puissance la Premislie qui appartenoit à sa femme, & print la Kionie, qu'il rendit au Prince de Russie, à la charge de luy en rendre certain tribut tous les ans. Il s'adonna tellement à ses plaisirs, que ses gens mesmes ne le pouuoient supporter, ce qui le rendit cruel en leur endroit, & estant repris de sa mauuaise vie par Stanislaus, Archeuesque de Cracovie, il le fit mourir l'an 1079 le 8. May, à cause dequoy le Pape Gregoire 7. l'excommunia: Ce qui donna suiet à plusieurs de la Noblesse de conspirer contre sa vie: pourquoy fuir, il se retira en Hongrie l'an 1080. où il perdit l'entendement, & se tua soy-mesme l'année ensuiuant, & aucuns disent qu'il fut mangé des chiens en la 13. année de son regne. Ses successeurs furent plus de 200 ans sans porter Couronne.

19. Les États de Pologne assemblez, pour obuier aux reprises des Russiens, eleurent pour leur Prince & Seigneur Vladislaus Hermannus, frere du Roy defunct, en l'an 1082. lequel espousa l'an 1087 Sophie, sœur du Roy Henry 3. & veufve de Salomon Roy de Hongrie. Les Pomeraniens & Prussiens s'estans reuoltez contre luy, perdirent vne cruelle & sanglante iournée, qui fut donnée le 15. iour d'Aoust 1090. & en fin se remirent en son obeissance en l'an 1093. Il mourut l'an 1102, ayant regné 21 an.

20. Boleslaus 3. fut laissé en possession du Royaume par son pere Vladislaus. Il fut merueilleusement belliqueux & heureux en guerre, & gouverna la Pologne par l'espace de 37. ans. Il remit toutela Pomeranie en son obeissance, ayant pris d'assaut la ville de Bialograd en l'an 1107. Prussie l'an 1118. Et apres auoir gagné 47 batailles il mourut l'an 1139. laissant cinq enfans males.



21. L'aîné d'iceux, nommé Vladislaus 2. regna apres son pere par l'espace de 6. ans seulement: Car il entra en mauuais mesnage avec ses freres à la suggestion de sa femme Christine, fille de l'Empereur Henry 5. les voulant frauder des portions que leur pere leur auoit assignees. Qui fut cause de la ruine, d'autant que ses freres voyans qu'il s'estoit rendu odieux enuers tous ses subiects, à cause de ses cruantez, eurent la hardiesse de se reuolter contre luy, & ayant assiégedes freres en la ville de Posnanie, son armee fut mise en route par vne saillie qu'ils firent sur luy, & poursuirent si asprement leur victoire, sous la faueur des Polonois qui les portoient, qu'ils ne luy laisserent aucun lieu de retraicte en son Royaume, & partant force luy fut de se retirer vers l'Empereur Conrad, qui ne peut par aucunes prieres ny Ambassades obtenir d'eux, qu'ils le voulussent oncques depuis laisser rentrer en ses États. Ce qui arriva en l'an 1145.

22. Boleslaus 4. surnommé le Crisp, fut esleu Roy au lieu de son frere, & ce du consentement de ses autres freres, auxquels il assigna bon & suffisant appanage, de sorte qu'il regna modestement l'espace de 28. ans. L'Empereur Conrad en l'an 1149. mena vne armée en Pologne, pour y restablir Vladislaus, ce qu'il ne peut effectuer, Et l'an 1157. l'Empereur Frideric fist en sorte avec Boleslaus qu'Vladislaus seroit seulement remis en la Principauté de la Silesie: mais comme il s'y acheminoit, la mort le surprist. En l'an 1163. le mesme Empereur fit mettre en possession de la Silesie les

enfants dudit Vladislaus, sous la foy & ligeance du Roy de Pologne leur oncle, lequel mourut sur la fin de l'an 1173. laissant vn fils nommé Lesco.

23. Parce que Lesco, fils de Boleslaus estoit encore en bas aage, & sous la charge & tutelle de Cazimire son oncle, les Estats du Royaume assemblez, voulurent que Miecislus, vn autre des freres du Roy defunct, fut leur Roy, pour la bonne opinion qu'ils auoient de luy. Laquelle toutesfois il entretint si mal, qu'il la fist bien tost conuertir en haine de tous ses subie&ts par ses cruautez, tyrannies & exactions, qu'il fist sur son peuple, changeant la bonne vie qu'il auoit men&e iusques-là, en toute dissolution, insolence & auarice. Ce qui fut cause de son mal-heur, & de le faire deposer quatre ans apres son eslection, qui fut en l'an 1177. qui fut cause qu'il se retira vers l'Empereur Frederic, iusques en l'an 1180. que son frere Cazimire le laissa entrer en son Royaume, ou partie d'iceluy.



24. Les Polonois s'estans departis de l'obeyssance de Miecislus, se soumirent au gouuernement de Cazimire 2. surnommé le Iuste, son frere puîné, qui les gouuerna avec grâde loüange & modestie l'espace de 17 ans, esquels il reforma l'Etat de Pologne par beaucoup de bônes & saines Loix. En l'an 1192. il subiuga les Russiens qui s'estoient reuoltez contre luy, & les Prussiens en l'an 1194. qu'il cōtraignit de se remettre en son obeyssance, & de luy payer les tributs des années pass&es. En fin l'an 1194. il beut vn breuuege empoisonné, duquel il mourut le 5. May, laissant deux fils Lesco & Conrad.

25. Le 5. surnommé le Blanc, succeda au Royaume apres son pere Cazimire, qu'il fust fort ieune, à cause dequoy sa mere Helene luy fut baillee pour tutrice & gouuernante. Il eust la premiere année de son regne guerre contre son oncle Miecislus, qu'il surmonta en bataille, & depuis toutesfois la mere du Roy permit audit Miecislus, qu'il print l'administration du Royaume en sa main, lequel en fin fut pris par les Princes & Barons de Pologne remis en estat priué, & le ieune Lesco restitué en son premier degré en l'an 1200. & en l'an 1202. iceluy Miecislus deceda, & Lesco demeura paisible, lequel vainquit en bataille rangée Romain Duc de la Halicie pres la ville de Zauigoste, l'an 1205. qui s'estoit reuolté contre luy; ledit Duc fut occis sur le champ, & tous ses gens defaits & mis en route. Le Roy auoit institué vn Seigneur de Pologne nommé Suaropelko, gouuerneur de Pomeranie, qui s'en voulut faire Prince propriétaire, & pource qu'il fut aduertuy que le Roy luy dressoit vn mauuais party, il le preuint, & traistrement le tua le 14. Nouembre, l'an 1227. au moyen dequoy il se rendit souverain de la Pomeranie, le regne dudit Lesco dura enuiron 34 ans.

26. La mort du Roy Lesco mit le Royaume de Pologne en grâd trouble, pour autant qu'il laissa vn fils nommé Boleslaus 5. lequel n'estoit en aage capable de pouuoir gouuerner: de sorte que Henry le Barbu, Duc d'Vratislauie luy fut pourueu tuteur, dont Conrad Duc de Massonie, plus proche du sang Royal, fut jaloux, & s'estant saisi dudit Henry, il luy fit renouer à la tutelle du ieune Roy, & à l'administration du Royaume. Ledit Boleslaus regna 52 ans depuis la mort de son pere, combien que les 13. premiers soient plustost attribuez à Conrad son tuteur & son oncle, qu'à luy. Il espousa en l'an 1239. Cunegonde, fille de Bela Roy de Hongrie, avec laquelle toutesfois il vescu en perpetuelle continence, qui fut cause de luy faire auoir le surnom de chaste. De son temps les Tartares rauagerent la Pologne & la Hongrie à diuerses fois. En l'an 1264. il subiuga les Iazigiens, peuples de Transyluanie, & leur fist receuoir la Religion Chrestienne. Il mourut le 10. Decembre l'an 1279. sans enfans.



27. Lesko 6. surnommé le Noir, fils du couite de Boleslaus, fut par luy adopté & déclaré par son testament, successeur du Royaume, print possession d'iceluy, sans que personne s'y osast opposer, par la crainte qu'on auoit des Tartares, Russiens & Lituanien, qui venoient sous la conduite de Leon, fils de Daniel, qui estoit le principal Duc de Russie, entrer dans la basse Pologne, où les Palatins de Cracouie & Sendomir se presenterent de si bon courage contre eux, qu'ils les desfirent & mirent honteusement en route le 3. de Feurier 1230. Au moyen dequoy Lesko les poursuivit iusques dedans la Russie, & en fit derechef vn grand carnage: puis il fit edifier vn fort sur leurs marches, qu'il nomma Leopold. En l'an 1282 il deconfit en vne grosse bataille les Lituanien, accompagnés des Iazigien; & l'année ensuiuant il remit la Sendomir en son obeyssance, qui s'estoit reuoltée contre luy: Mais en l'an 1286. à cause de la venue des Tartares en Pologne, il se retira en Hongrie, & mourut de facheux le dernier de Septembre l'an 1289, ayant regné dix ans ou enuiron, sans laisser aucuns enfans.

28. Henry le Bon, Duc d'Vratislaue, succeda au Royaume de Pologne apres le deceds de Lesko le Noir, quoy que Boleslaus. Duc de Plois fut appelé à ce grade par l'Archeuesque de Cracouie, & plusieurs autres Seigneurs: mais Henry le chassa de force: Finalement Vladislaus, auquel le Royaume appartenoit de droit, se rendit maistre de la ville de Cracouie, où il fut assiégé par Henry, qui entra en la ville secrettement, y estant introduit par certains Allemans; de sorte qu'Vladislaus eut bien de la peine à se sauuer: Ainsi le Roy Henry demeura paisible iusques à sa mort, qui aduint le 29 d'Aoust 1290. Son regne ne dura pas vn an, & ne laissa aucuns enfans.

29. Premislaus 2. par testament du Roy Henry fut institué son heritier es Principautez de Cracouie & de Sendomir: mais la Cracouie luy demeura seulement, parce que la Sendomir se donna à Vladislaus; En fin en l'an 1295 iceluy Premislaus fut prononcé Roy de Pologne par les Estats, & couronné en la ville de Gnesna, le 26 Iuin, selon la mode ancienne, qui auoit cessé depuis la mort de Boleslaus le Hardy, qui auoit fait mourir de faim Stanislaus: mais l'année suiuant, il fut massacré, enuiron 8 mois apres son couronnement, ne laissant qu'une fille.



30. Apres le massacre de Premislaus, les Polonois eleurent Vladislaus 3. surnommé Loktek, qui signifie le Court: mais il n'osa s'attribuer le tiltre de Roy de Pologne, d'autant que Venceslaus Roy de Boëme en oceuport la plus grande partie: aussi qu'Vladislaus fut dégradé de la dignité Royale par les Estats l'an 1299, & la transporterent audit Venceslaus, qui fut couronné Roy en la ville de Gnesna l'an 1300. & espousa Rixa, autrement Elizabeth, fille du Roy Premislaus, depuis son couronnement il a regné enuiron six ans: Ayant ordonné des Gouverneurs en Pologne, il retourna en Boëme, où il mourut en la ville de Prague le 23 Iuin 1305, & laissa vn fils, portant son nom, en l'age de 16 ans, qui fut traistrement tué dans son lit, par les pratiques de l'Emperer Albert.

31. Les Estats de Pologne s'assemblerent dans Cracouie l'an 1306 declarerent derechef Roy le Prince Vladislaus 3. & le remirent en possession du Royaume: mais parce que les Polonois, qui auoient la Couronne, ne le voulurent recognoistre, il fut couronné en la

ville de Cracouie avec la femme seulement, en l'an 1320, où les habillemens Royaux ont tousiours depuis esté gardez : Il eut guerre contre le Marquis de Brandebourg, & fuyt piteux ravage en son pays, y menant vne grande armée l'an 1326. qui brusla 140 que villes, que bourgs, que villages, ce qu'il continua l'année suivante: il mourut le 2. Mars 1333, ayant regné 16 ans & plus depuis son reſtaſſement.

32. Cazimire 3, surnommé le Grand, fut ſubrogé par les Eſtats au Royaume apres le deceds de ſon pere Vladislaus, & fut couronné avec Anne ſa femme, fille du Duc de Lituanie le 25 d'Auril 1333. il ſubiugua la Ruſſie Meridionale, & la reduiſit en forme de Province en l'an 1340 & l'an 1347: il fonda la ville de Cazimire & ſes Temples, en l'an 1349 il conquist pluſieurs villes en la Ruſſie: en l'an 1355 il remit la Maſſouie ſous ſon obeyſſance, l'an 1361 il fonda l'Vniuerſité de Cracouie; & apres auoir regné 37 ans & enuiron 7 mois, il mourut l'an 1370, laiſſant deux filles, qui ne ſuccederent à la Couronne.



33. Louis Roy de Hongrie, nepueu du Roy Cazimire, fut par luy inſtitué ſon ſuccedeſſeur du conſentement des Eſtats de Pologne: toutesſois quelques Barons de la grande Pologne ſ'ennuians d'eſtre gouuernez par les eſtrangers, enuoyerent querir Vladislaus, dit le Blanc, nepueu du feu Roy Vladislaus 3. en France, où il eſtoit Religieux en l'Abbaye de ſaincte Benigne de Dijon, pour le faire Roy: Tellemēt qu'il obtint diſpenſe du Pape pour aller accepter la condition qu'ils luy offroient: mais il fut fruétré de ſes intentions, & contraint de ſe rendre à la maiſon de S. Louys, ce qui aduint en l'an 1375, & ſuiuans: ainſi le Roy Louys fut paſſible de la Pologne iuſques au 2. de Septembre 1382, ayant regné 12, ans, & laiſſant deux filles, Marie & Hedwig, il mourut.

34. Marie, fille ainſnée du Roy Louys ſucceda au Royaume de Hongrie, mais les Polonois eſleurent Hedwig la puiſſnee pour leur Royne, & la declarerent telle en l'aſſemblée de leurs Eſtats: toutesſois Ziemouite Duc de Maſſouie ſe miſt en effort de reduire le Royaume en ſa puiſſance: à quoy il ne peut paruenir, en eſtant empeſché par la Royne Elizabeth, veſue du Roy Louys, mere de Marie & d'Hedwig, laquelle Hedwig fut le 15 Octobre 1384 couronnée Royne en la ville de Cracouie. Elle auoit eſté promiſe en mariage par ſon pere à Guillaume Duc d'Auſtriche, mais le mariage ne fut accompli: parce que les Polonois enuoyerēt querir Jagello grand Duc de Lituanie, qui à ſon arriuée ſe fit baptiſer ſolemnellement en la Religion Chreſtiēne le 14. Feurier 1388, & nommer Vladislaus; quoy fait eſpouſa la Royne Hedwig, qui auoit regné 2 ans 4 mois, ou enuiron, depuis le deceds de ſon pere.



35. Jagello, autrement Vladislaus 4. du nom par le moyen de ſon mariage fut couronné Roy de Pologne, auquel Royaume il annexa & incorpora d'vn droit perpetuel & inſeparable la Lituanie, & à l'exemple de leur Prince les Lituanienſ ſe firent tous baptiſer. L'an 1400 la Roine Hedwig mourut en couche d'vne fille, laquelle deceda bien toſt apres: Et combien que le Royaume fut au Roi Vladislaus par elle, ſi eſt-ce que les Seigneurs du païs permirent qu'il le retint encores, à condition qu'il eſpouſeroit Anne fille du Comte de Cilie, qui eſtoit niepce du feu Roi Cazimire, laquelle il eſpouſa en l'année ſuiuante: Il gagna deux grandes batailles contre les Pruſſienſ le 15 Iuillet & 10 Octobre 1410, en l'an 1416 la Roine Anne mourut, qui fut cauſe que le Roi eſpouſa en troiſieme nopces Elizabeth fille du Palatin de Sendomirie, laquelle mourut en l'an 1420, & en fin en l'an 1434 Vladislaus deceda le premier Iuin, ayant regné 49 ans 3 mois 14 iours.



36. Vladislaus 5. fils de Jagello, succeda au Roiaume de Pologne, du consentement des Estats de Pologne, & regna l'espace de 10 ans 5 mois 10 iours, l'an 1440 il fut esleu Roi de Hongrie, & regna 5 ans: Ayant mené vne armée contre Amurath Empereur des Turcs, en l'an 1444 il perdit la bataille, & y fut tué, sans laisser aucuns enfans. Jean Huniade grand Capitaine fut retenu prisonnier apres la perte de ceste bataille.

37. Les Polonois ayant entendu la nouuelle du defastre de leur Roi, enuoyerent soudainement en Lituanie semondre le Duc Cazimire son frere de venir estre leur Roi, ce qu'il accepta, apres auoir esté deuëment informé de la mort de son frere, & voyant que les Estats en vouloient eslire vn autre; tellement que Cazimire fut couronné le 25 Iuin 1447, & depuis son couronnement il regna 46 ans: Les Prussiens se mirent en sa protection en l'an 1453 contre la tyrannie des Cheualiers Teutoniques, & luy liuerent 56 villes & chasteaux, à cause dequoy il eut de grandes guerres contre les Cheualiers, iusques à ce qu'en l'an 1466 ils firent paix avec le Roi, à condition qu'ils seroient à l'aduenir suiets & vassaux des Rois de Pologne: Son fils Vladislaus fut Roy de Boëme, & tel confirmé par l'Empereur Frideric l'an 1477, & depuis de Hongrie: Cazimire obtint vne signalée victoire contre les Tartares en l'an 1489, sous la conduite de Jean Albert son fils, chef de l'armée: Il mourut l'an 1492, ayant déclaré ledit Albert son fils puisné son successeur au Roiaume de Pologne.

38. Apres le deceds de Cazimire, Jean Albert son fils fut confirmé Roi de Pologne par les Estats du pays le 27. Aoust 1492: Il regna 9 ans, & surpris d'une apoplexie il mourut sans enfans sur la fin de l'année 1501.



39. Les Estats de Pologne assemblez prindrent au lieu de Jean Albert decedé, son frere Alexandre grand Duc de Lituanie, lequel fut couronné enuiron le 12 de Decembre l'an 1501: Il remit le Cam de Tartarie en sa principauté, de laquelle il auoit esté deieté, & en l'an 1506 il mourut de maladie le 19 d'Aoust, sans laisser aucuns enfans, ayant institué son frere Sigismond son successeur.

40. Sigismond, auquel on donne pour ses vertus le surnom de Grand, fut confirmé Roy de Pologne par les Estats, & couronné le 24. Ianuier 1507. On fait compte qu'il a regné 42. ans 2. mois 7. iours. Les historiens de Pologne racontent vnanimement tant de bien de luy qu'il ne semble point qu'il y ait eu Prince en toute l'Europe, qui ait vescu de son temps, qui ait esté mieux pourueu & accompli de grandes vertus & bonnes parties requises en vn Roy que luy. Il print à femme Bonne fille de Jean Galeace Duc de Milan: & apres auoir remis en son premier lustre le Royaume de Pologne, il mourut l'an 1548. ayant passé 80. ans, le 1. iour d'Auil, auquel escheut la feste de Pasques.

41. Sigismond 2. surnommé Auguste, fut Roy de Pologne apres son pere Sigismond, lequel 5. ans auparauant auoit espouzé Elizabeth fille de l'Empereur Ferdinand. Il eust de grandes guerres avec les Cheualiers Teuthoniques, & alla contre eux avec vne armée de 100000. hommes: De sorte qu'ils s'humilierent, recogneurent le Roy de Pologne pour leur Seigneur: Il eust pareillement guerre continuelle avec les Moscouites, & en fin il mourut de maladie lente & longue en l'an 1572. le 7. Iuillet, sans auoir laissé aucune lignée de 3. femmes qu'il eust les vnes apres les autres, sçauoir d'Elizabeth, & de Barbe Radeuil, & de Catherine fille de l'Empereur Ferdinand, & sœur d'Elizabeth sa premiere


femme. Il n'auoit que 52. ans lors de son deceds, & regna 24. ans, & peu plus.




42. Henry 3. fils du Roy de France Henry 2. & de Catherine de Medicis, Duc d'Anjou, & frere du Roy Charles 9. tres-Chretien, fut esleu Roy de Pologne par les Estats du Royaume le 7 May 1573: où il se transporta en l'année 1574: & arriva dans la ville de Cracouie le 18 Fevrier, où il fut couronné: mais ayant esté aduerty que le Roy Charles 9 son frere estoit decédé sans enfans, le propre iour de la Pentecoste 30 de May, il quitta la Pologne, & reuint en France la mesme année, & s'est toujours qualifié Roy de France & de Pologne jusques au 2 Aoust 1589 qu'il fut mal-heureusement assassiné à S. Cloud pres Paris par un Moine Iacobin.

43. Apres le depart du Roy Henry, du Royaume de Pologne, les Estats dudit Royaume assemblez l'an 1575 furent diuisez en l'election d'un Roy; car vne partie esleut l'Empereur Maximilian, l'autre partie Estienne Battori Prince de la Transiluanie: en fin l'Empereur veuant à mourir en l'an 1576 le Prince Estienne fut receu pour Roy en l'an 1577. & fut accepté de tous, fors de ceux de Danzique, lesquels il contraignit à force d'armes puis apres de l'adouer & recognoistre. Il espousa la Princeesse Anne sœur du defunct Roy Sigismund 2. Il eut guerre contre le Duc de Moscouie, sur lequel il print par assault la ville de Pollosque. Le Roy de Suede se joignit avec luy contre les Moscovites: quoy voyant le Duc, enuoya vers le Pape, le priant d'estre arbitre entre lui & le Roi de Pologne: Le Pape enuoya Anthoine Posseuin Iesuite, pour exhorter ces deux Princes à la paix, laquelle fut faite entre eux: Ainssi le Roi Estienne fut paisible en son Roiaume iusques en l'an 1587, qu'il mourut sans enfans, ayant regné dix ans ou enuiron.


44. Il y eut de grandes brigues faites par plusieurs Princes pour paruenir au Roiaume de Pologne apres la mort du Roi Estienne Battori: On proposa l'Empereur Rodolphe, le Prince de Transiluanie, le Duc de Ferrare, le Duc de Parme, le Cardinal Battori, & le grand Chancelier Zamoski: mais aucun des dessusdits ne fut esleu: Finalement il y en eut deux esleuz, Sigismund Prince de Suede, & Maximilian Archiduc d'Autriche, frere de l'Empereur: Les deux esleuz vindrent en Pologne sur la fin de l'an 1587. Maximilian s'estant présenté deuant Cracouie, pour estre couronné, fut refusé, & Sigismund troisieme mandé promptement, fut receu dans la ville le neufiesme Decembre, & couronné Roi le vingt-septiesme du mesme mois, & le vingt-cinquiesme Ianuier 1588. Maximilian d'Autriche, apres la perte d'une bataille, fut arresté prisonnier à la prise de la ville de Perschin, tellement qu'il renonça au tiltre de Roi de Pologne par l'accord qui fut fait. & Sigismund troisieme espousa Anne d'Autriche, cousine germaine d'iceluy Maximilian, qui fut amenee en Pologne: Arriu que Iean Roi de Suede mourut en l'an 1593, & Sigismund son fils & successeur fit un voyage en Suede, où il fut couronné Roi dudit Roiaume, & ayant fait la paix avec le Duc de Moscouie, il s'en reuint en Pologne, laissant le Duc Charles son oncle gouverneur en Suede, lequel se rendit maistre du Roiaume, & eut guerre continuelle avec les Polonois: A quoy Sigismund ne peut remedier, à cause d'une diuision suruenue en l'an mil six cens six, entre luy & les Palarins de Pologne: toutes-fois elle fut esteinte par le moyen d'un accord fait entre luy & les Estats en l'an mil six cens neuf, & fut resolu qu'on feroit la guerre contre les Moscouites, & de fait Sigismund y alla en personne avec une puissante armée, & assiegea la ville de Smolentiski, premiere ville apres la capitale de Moscouie, qui fut prinse le deuxiesme Iuin mil six cens vne, apres un siege de deux ans: Le Duc de Moscouie fut pris & amené prisonnier en Pologne avec ses deux freres, & le Prince de Pologne Vladislaus de-



claré Duc de Moscouie: Au moyen dequoy le Roi Sigismund
retourna en son Roiaume de Pologne. En l'an 1626. il y eut quel-
que conspiration sur la Lithuanie, à quoy il remedia promptemēt,
& fit punir exemplairement quelques Gentils-hommes qui y
auoient adhérent; cela ainsi qu'on a descouvert venoit de quelques
Bachas¹, qui estoient venus trauestis en la Moscouie pour cor-
rompre quelques Seigneurs qui estoient desia mal-contents, &
par consequent plus faciles à se laisser emporter à leurs proposi-
tions, qui ne tendoient qu'à surprendre quelques places fortes
pour faciliter l'entrée à vne puissante armée qui estoit sur pied
pour rauager le pays: Son aage ne diminué, ny son courage, ny
sa prudence, qui gouverne en toute tranquillité ses subjets.









PORTRAICTS

DES


PRINCES DE
MAVRITANIE.

COMTES ET DVCS DE SAVOYE,

depuis l'an mil iusques

à present.

L'HISTOIRE ET VIE
DES PRINCES DE
MAVRIENNE, COMTES
ET DVCS de Sauoye,
OTTHON-III^e EMPEREVR



BEROLD ou Berald, & par quelques-vns appelle Gerold III. fils de Hugues premier Duc de Saxe, qui estoit frere de l'Empereur d'Allemagne Otthon 3. du nom, fut avec ses freres Federic & Vlric nourry en la Cour de l'Empereur son oncle paternel, parce qu'il estoit en fort bas aage, lors que son pere Hugues mourut, & pour sa vigilance & capacite entra si auant en la grace de sondit oncle, qu'il se rapportoit de tous ses affaires à sondit neveu Berald, lequel ayant descouvert que l'Imperatrice Marie d'Arragon se prostituoit à vn sien Maistre d'hostel, meui de iuste douleur les ayant trouuez couche ensemble, il les tua d'vn mesme coup d'espee. Les parents de l'Imperatrice voulurent auoir raison de cet acte si tragique, dont ensuiuit vne guerre contre le Duc de Saxe & ses freres, laquelle fut assoupie par vn traicte de paix, qui portoit que Berald s'absenteroit d'Allemagne pour dix ans. A quoy obeyssant, il s'achemina en vne partie de Bourgogne, appelee le pays de Vaux, enuiron l'an 998. de nostre Seigneur, & ayant nettoye le pays de nombre de voleurs qui empeschoient le passage & la liberte des voyageurs, il vint à Arles où estoit Bozon Roy de Bourgogne, qui le receut gracieusement, & l'employa en ses guerres & plus importants affaires contre les Geneuois & autres leurs cōfederez & allies. Mesmes apres le deceds de Bozon, Rodolphe son frere succeda au Royaume, & institua le Prince Berald Gouverneur & son Lieutenant general en Viennois, où il se cōporta si vertueusemēt qu'il gaigna trois ou quatre batailles sur les Geneuois & Piedmontois, qui auoient occupe la Vallee de Maurienne, lequel pays reconquis fut laisse au Prince Berald par le Roy Rodolphe, où sa femme le vint trouuer, de laquelle il auoit vn fils vnique nomme Humbert aux Blanches mains, & le Roy Rodolphe estant decede, parce qu'il n'auoit point d'enfans, son Royaume fut deuolu à l'Empire par donation, & le gouuernement d'iceluy Royaume demeura audit Be-

rald sa vie durant, par commission del'Empereur son oncle. En fin apres auoir tenu la Seigneurie de Maurienne l'espace de 28. ans, il mourut à Marseille, & fut inhumé à Arles, l'an de salut 1027. du temps du regne de Robert Roy de France, du Pontificat du Pape Iean 16. & del'Empire de Conrad 2 en Occident, & de Constantin 8. Porphyrogenite en Orient.

II

III



MARQUISAT-DE-SUZE

ADELLE

Jeanne de Bourgogne

I I. Humbert premier, ou Hundebert fils de Berald, apres la mort de son pere fut continué par l'Empereur Conrad Gouverneur du Royaume de Bourgogne, & le pays de Maurienne ayant esté erigé en Comté, il en fut le premier Comte. Il eut guerre du commencement à l'encontre du Marquis de Suze, mais elle fut terminée par vne paix & alliance entr'eux deux. Car ledit Marquis ayant vne fille vniue nommée Adelle, la bailla en mariage au Comte Humbert, & par le moyen de ce mariage apres le décès du Marquis, ledit Humbert à cause de sa femme succeda audit Marquisat, & eut de sa femme vn fils qui fut nommé Amé ou Amedee, qui luy succeda. Il gouerna son pays en grande paix & tranquillité par l'espace de vingt ans & plus, & mourut aagé de cinquante ans. Son corps fut enseveluré en l'Eglise saint Iean de Maurienne, par luy augmentee de rentes & reuenus en l'an 1048.

III. Amé ou Amedee 1. du nom, apres Humbert fut le 2. Comte de Maurienne, & retenant le naturel de son pere, & ensuiuant la nourriture de sa mere Adelle, il fut Prince doux & pacifique. Il donna secours à Guillaume Comte de Bourgogne, fils de Renaud & d'Alix de Normandie, contre les Lorrains, & ayant obtenu vne signalée victoire contre Godefroy Comte de Lorraine, il espousa Jeanne fille dudit Comte de Bourgogne, de laquelle il eut vn fils qui fut nommé Humbert; il fut surnommé Cauda, ou à la Queue, ou longue Queue, parce que comme il voulut aller voir l'Empereur d'Allemagne Henry 3. à Veronne, il fut accompagné d'une grande suite de Noblesse, & l'Empereur ayant commandé qu'il entrast seul, il fit response qu'il n'y entreroit sans sa queue ou suite, dont aduertit l'Empereur luy donna entree & à sa compagnie, & le surnomma Cauda, ou la grand' Queue. Estant de retour en ses pays, il vesquit en grand repos iusques en l'an 1076. auquel an estant qualifié du tiltre de Marquis d'Italie par l'Empereur, il mourut & fut enterré avec son pere en l'Eglise de S. Iean de Maurienne, à laquelle il fist de grands dons, & l'augmenta de plusieurs bien-faits & belles prerogatiues, il gouerna ses pays 28. ans ou enuiron. De son temps l'Eglise Catholique fut fort troublée à l'occasion de Berengarius Tourengau, Archidiacre de l'Eglise d'Angers, qui escriuit des liures touchant le saint Sacrement de l'Eucharistie contre la croyance de l'Eglise, & furent tenus trois Conciles contre son heresie, & entr'autres vn à Verceil en Piedmont, où il abjura son erreur, ce qui est inseré au corps du Decret de Gratian.



III. Humbert 2. fils d'Amé 1. fut le 3. Comte de Maurienne: estant vn iour à la chasse, il aduint que la beste qu'il suiuiroit s'alla rendre pres du lieu où estoit vn Comte de Venice, lequel oyant le cry des Veneurs monta à cheual, & vint rencontrer le Comte Humbert & toute sa troupe. & luy fist le plus grād accueil & bien venuë qu'il fut possible, le festoyant en sa maison plusieurs iours, durant lesquels fut fait le mariage du Comte Humbert, avec la fille dudit Comte de Venice nommée Laurence, qui estoit des plus belles de son temps, & fut la feste celebrée en la ville de Carpentras, & en l'an 1080. il eut d'elle fils vn nommé Amé, qui nasquit à Montmelian. Il eut differend & guerre contre vn Seigneur de Briançon qu'il rangea à la raison, & quelque temps après il subjuga les habitans du pays de la Tarentaise, & conquist la vallée d'icelle. De son temps le Pape Urbain II. conuoqua vn Concile general en la ville de Clermont en Auvergne, auquel fut entrepris & conclud le premier voyage d'outremer, pour le recouurement de la terre sainte, par les prieres & exhortations d'un Gentil-homme Picard natif d'Amiens, de solitaire & sainte vie, nommé Pierre l'Hermitte. Pour ce voyage se croiserent pour le moins trois cents mil hommes, & entr'eux y eut plusieurs grands Princes & Seigneurs, & l'un d'iceux fut ledit Comte Humbert, lequel fut à la prise de Hierusalem, dont Godefroy de Buillon fut estably premier Roy. Apres que la Palestine fut conquise, ledit Comte retourna en ses pays enuiron l'an 1100. où il fut persecuté & affligé de grandes maladies, & mourut l'an 1109. ayant gouuerné trente trois ans ou enuiron, laissant son fils Amé successeur de ses pays, & vne fille nommée Adelis ou Elis, qui fut mariee avec Louys VI. surnommé le Gros, Roy de France, dont est issu le Roy Louys le Jeune, pere de Philippes Auguste Dieu-donné. De son temps fut le Pape Gregoire VII. nommé auparauant Hildebrand, lequel mist les Papes hors de page de la main des Empereurs, & fut institué l'Ordre des Chartreux en Dauphiné, par le bon pere saint Brunon natif de Cologne. Ledit Comte Humbert mourut au Palais Royal de la principale ville de Monstier en la Tarentaise, où il gist.

V. Amé 2. ou Amedee 4. Comte de Maurienne, fut Prince preux & vaillant au fait des armes. Duruiant de son pere il auoit esté accordé qu'il prendroit à femme Clare ou Clarence, fille du Comte de Geneuois, mais il ne voulut entendre à la consummation de ce mariage, ains se maria avec Guigonne fille du Comte d'Albon, qui fut occasion de grandes inimitiez entre ledit Comte de Geneuois & luy. Il eut de sa femme entr'autres enfans vn fils nommé Humbert qui luy succeda. De son temps Henry V. estant esleu Empereur d'Allemagne, voulut entrer en la Gaule pour

le mettre en possession du Royaume d'Arles, qu'il pretendoit estre des appartenances de l'Empire. Et de faict il print son chemin par la Maurienne, & pria le Comte Amé de l'accompagner au voyage de son couronnement en Italie; ce qui luy accorda, de sorte que l'Empereur ayant pris possession de la ville d'Arles, il se fist couronner à Milan, & depuis estant arriué à Rome il y fut sacré & couronné le iour de Pasques l'an iiii. Apres lequel couronnement, le Comte Amé demanda congé à l'Empereur de s'en retourner, ce qui luy fut accordé: & pour l'obliger d'avantage, l'Empereur erigea le pays de Sauoye en Comté, & en fist proclamer Amé le premier Comte, & luy en donna l'investiture solennelle, à la charge qu'il le tiendrait del'Empire, & qu'il en feroit son premier & principal tiltre, & mesmes luy fist present de la Seigneurie de Baugey, ainsi Amé depuis ce temps-là se qualifia Comte de Sauoye. Estant retourné en son pays, il eut guerre contre le Comte de Geneuois, lequel y perdit la vie, & Amé demeura pacifique. Durant le temps qu'il fut en paix, il fist bastir & construire l'Abbaye & Monastere de S. Sulpice, de l'Ordre de S. Bernard, Abbé de Cleruaux, & vn autre de l'Ordre de Cisteaux, qu'il nomma Tamise. Il eut quelque differend avec le Roy de France Louys le Gros son beau-frere, qui continua avec son neveu Louys le Jeune, mais il fut appaisé par l'entremise de Pierre le Venerable Abbé de Cluny, & de S. Bernard, lequel en outre persuada au Comte Amé de se croiser contre les ennemis de la foy, & de passer en Syrie, ce qu'il fist au mois de May l'an 1146. comme y allerent aussi l'Empereur Conrad 3. & le Roy de France Louys le Jeune, où apres auoir combattu en plusieurs rencontres les Infideles, ils se delibererent de retourner chacun en ses pays & seigneuries, & le Comte Amé passant à son retour par l'Isle de Cypre, il y mourut d'une maladie en l'an 1154. ayant gouverné son Estat pres de 45. ans. Le Roy de Cypre Guy de Lusignan le fist fort honorablement porter en l'Abbaye du Mont de S. Croix, où il fut inhumé. Il fut créé Lieutenât du S. Empire.



V I. Humbert 3. du nom fut 2. Comte de Sauoye apres le deceds de son pere Amé, il espousa Mathilde ou Mahault, fille du Comte de Flandres Theodoric, & de Sibille d'Anjou, dont il n'eut aucuns enfans, & sa femme estant morte en la fleur de son aage, il en receut vn grand desplaisir, & pour se consoler en Dieu, il entreprist de mener vne vie solitaire en vn Monastere & Abbaye qu'il fist bastir, & nomma Alpine l'an 1163. & y receut l'habit de Religieux, où il demeura plus d'un an. Mais voyant que les Princes voisins se vouloient preualoir de ce changement de vie, & qu'ils estoient prests d'empieter ses Estats, il laissa la vie Monastique, & se remaria avec Anne fille du Duc de Salinge en Allemagne, de laquelle il eut vne fille nommee Agnes, qu'il voulut marier avec le fils du Roy d'Angleterre Henry 2. Et y auoit apparence que ce mariage eust esté effectué, sinon que sa fille mourut à l'aage de sept ans, & fut bien tost suiuiue de sa mere Anne, dont le Comte Humbert receut telle fascherie, que derechef il se retira du monde pour paracheuer ses iours en vn lieu solitaire qu'il fist bastir, & appella l'Abbaye de Haute-Combe. Toutes-fois il en fut reuoqué par les instantes prieres de ses subjects, & pour la troisieme fois il se remaria avec Pernelle fille du Comte de Bourgogne,

qui estoit veufue d'un Duc d'Autriche, de laquelle bien tost apres il eut un fils nommé Thomas, & pour en rendre graces à Dieu, le Comte fonda un Prieuré sous le nom de S. Maurice, qui depuis a esté appelé le Bourget, & fonda aussi une belle Chapelle en la grande Chartreuse avec la maison de l'Hospitalité pour les suruenans. En l'an 1188 le Roy Philippes Auguste fist un voyage en la terre sainte, où le Comte Humbert l'accompagna, & les Chrestiens prindrent sur les Infideles la ville d'Acre, & peu de temps apres retournerent, & le Comte Humbert incontinent apres son retour tomba en maladie, dont il deceda l'an 1201. & fut inhumé à Haute-Combe, ayant gouverné 47. ans ou environ.

VII. Thomas succeda à son pere Humbert au Comté de Sauoye, estant en bas aage sous le gouvernement du Comte de Bourgongne son oncle maternel, iusques à ce qu'il fut paruenue à l'aage de discretion. Il espousa Beatrix fille du Comte Guy de Geneuois, contre le gré & vouloir de son beau-pere, lequel il print prisonnier, & luy fist ratifier le mariage de sa fille, & faire hommage solennel de son Comté de Geneuois, l'aduoüant vassal & homme lige du Comté de Sauoye. Apres cela il accompagna Louys fils aîné du Roy de France Philippes Auguste en la guerre contre les Albigeois ou Vaudois, avec plusieurs autres Princes & Seigneurs: D'où estant de retour, il fist plusieurs conquestes au pays de Piedmont, parce que la lignee des Princes de Piedmont estoit faillie, il print Pignerol & Vignon, où il fist bastir des Citadelles, puis Carignan & Montcalier, de sorte qu'il s'acquist le tiltre de Prince Piedmont. Et apres auoir gouverné ses Estats par l'espace de 32. ans, il mourut l'an 1233. ayant eu de sa femme huit enfans masles & deux filles. Il fut enterré en l'Abbaye de S. Michel pres d'Auillane, au Marquisat de Suse suiuant son testament, à laquelle Abbaye il auoit donné les villes de S. Ambrois & de lauent.



VIII. Amé ou Amedee 3. de ce nom, fils aîné du defunct Comte Thomas, apres le decez de son pere fut 4. Comte de Sauoye & 7. de Maurienne, il espousa en premieres nopces la fille du Comte d'Albon, Dauphin de Viennois, laquelle mourut bien tost apres sans enfans, & fut ensepulturee en l'Abbaye de Haute-Combe. Puis il fut marié en secondes nopces avec Cecile fille du Comte Raymond de Prouence, Princesse de grande estime & beauté, & de bien ancienne Noblesse, dont il eut un fils nommé Boniface, & une fille Constance. Il conquist assisté des forces de son frere puîné, Pierre de Sauoye, le pays de Chablais, & le Val d'Oste; & apres auoir gouverné treize ans, il mourut à Montmelian 1246. & le 24. Iuin il fut inhumé en ladite Abbaye de Haute-Combe.

IX. Boniface apres la mort de son pere Amé 3. fut 5. Comte de Sauoye, & surnommé Rolland pour sa prouesse. Il eut guerre du commencement contre le Marquis de Montferrat, les Astisans, & les habitans de Thurin qui entreprenoient sur ses terres, desquels il fut victorieux. Et puis il assista Charles de France Comte d'Anjou & de Prouence, au voyage qu'il fist pour secourir Marguerite Comtesse de Flandres, dont estant de retour il assiegea la ville de Thurin, mais les habitans de ladite ville ayant imploré le secours du Marquis de Montferrat & des Astisans, ils furent secourus, & le siege leué, & le Comte Boniface & le Marquis de Saluces furent pris & menez prisonniers sous bonne garde en la ville

d'Alt, où le Comte Boniface mourut de desespoir l'an de salut 1256. ayant régné neuf ans & plus, & fut son corps apporté & inhumé à saint Jean de Maurienne. Il n'eut aucuns enfans, aussi ne s'estoit-il point marié, & n'auoit qu'une sœur nommée Constance, qui ne luy succeda au Comté de Sauoye, par ce que c'estoit vn fief Imperial, auquel les filles n'estoient capables de succeder.



X. Estant la succession de Sauoye par la mort du Comte Boniface deuoluë à Pierre de Sauoye son oncle paternel, fils du Comte Thomas, il s'en mist en possession, & receut les hommages & autres droicts de fidelité que luy firent les Seigneurs & Gentils-hommes du pays. Apres cela se voulant vanger de la mort de son neveu Boniface, il assiegea Thurin, qui luy fut renduë apres vn long siege. Il eut guerre cõtre le Duc de Chophinguen que l'Empereur auoit enuoyé pour gouverner Chablais & le Val d'Oste dependans del'Empire, où ledit Duc fut pris prisonnier, & le Comte se voyant victorieux, entra au pays de Vaux qu'il conquist. Il fist vn voyage en Angleterre pour visiter la Roïne Alienor sa niece, fille de sa sœur Beatrix Comtesse de Prouence; & durant son absence le Comte de Geneuois son voisin, pour luy nuire, fist reuolter cõtre luy ceux du pays de Vaux, dont aduerty le Comte s'en reuint accompagné de quatre mil hommes de guerre, que le Roy Edoüart d'Angleterre luy auoit baillez, par l'assistance desquels il assiegea & print les Chasteaux de Clees & de Rouë, & estant prest de donner bataille au Comte de Geneuois, il l'accorda avec luy par le moyen d'une paix qui fut traictee entr'eux, par les Comtes de Bourgongne & de Mascon ses voisins. Puis apres il alla voir l'Empereur Richard d'Angleterre son oncle, pour luy faire hommage des Comtez de Maurienne & de Sauoye; ce qu'ayant fait, il demanda l'investiture des pays de Chablais, d'Oste, & de Vaux, ce qui luy fut bien tost accordé. Estant de retour d'Allemagne, il fut affligé d'une longue maladie, dont en fin il mourut sans enfans, & institua son heritier & successeur au Comté de Sauoye & autres Seigneuries, son frere Philippes de Sauoye, laissant à sa fille Constance qu'il auoit mariee au Comte d'Albon, de grands legs & donations. Ayant gouverné douze ans, il deceda en l'an 1268. & fut enterré à Haute-Combe.

IX. Philippes apres le deceds de son frere succeda au Comté de Sauoye, lequel print à femme en la ville de Salins Alix Comtesse Palatine de Bourgongne, fille vniue & heritiere vniuerselle d'Othon Comte Palatin de Bourgongne, qui estoit descendu del'Empereur Frederic Barberousse. Il fut par le moyen dudit mariage Comte de Bourgongne, & peu de iours apres luy vindrent nouuelles de la mort du Comte de Sauoye son frere decedé sans enfans males, de sorte que la succession dudit Comté luy escheut, dont il print possession, receuant les fidelitez & hommages des Seigneurs du pays, & l'Anneau de S. Maurice. Il fut appelé Comte de Bourgongne & de Sauoye, & gouverna lesdits pays en grande paix & tranquillité par son sens, sagesse & grande experience qu'il auoit acquise dès son ieune aage, estant nourry aux affaires d'Italie & au faict du gouvernement & patrimoine de l'Eglise avec son frere Thomas. Il fut toutesfois pour la pluspart du temps malade d'hydropisie qui luy dura dix ans entiers, pendant lesquels voyant qu'il estoit hors d'espoir d'auoir des enfans, il fist venir deuant luy ses trois neveux, enfans de Thomas

de Sauoye son frere, & de Beatrix de Fiesque sa femme, auxquels par testament il fist partage de ses tetres & Seigneuries, & nommément donna à Amé puîné le Comté de Sauoye, & l'Anneau de S. Maurice. Il donna aussi aux pauvres ses beaux & riches meubles & ioyaux, & des ornements somptueux à l'Abbaye de Haute-Combe, où il auoit esleu sa sepulture, & où son corps fut porté apres qu'il fut decédé, qui fut en l'an 1285. ayant gouuerné seize ans ou enuiron.



XII. Amé ou Amedee 4. de ce nom, surnommé le Grand, tant à cause de ses hauts faicts d'armes, qu'à raison de sa hauteur & beauté corporelle, fut Comte de Sauoye apres son oncle; il fut nourry dès sa jeunesse en Italie où son oncle l'auoit mené, & y fut fait Cheualier. Il eut pour femme Sibylle Comtesse de Baugey & Dame de Bresse, par le moyen duquel mariage les Seigneuries de Bresse & de Baugey vindrent à la Maison de Sauoye. Il eut guerre contre le Comte de Geneuois, aidé de Humbert Dauphin de Viennois, où le frere aîné dudit Amé fut tué. Il eut de sa femme deux fils, Edoüart & Amé, avec trois filles. La ville d'Iuree se mist en sa puissance, & sous son obeysance. Il print sur le Comté de Geneuois les villes de saint Germain & d'Amberieu. De son temps le Roy de France Philippes le Bel alla pour la derniere fois contre les Flamans, où le Prince Edoüard de Sauoye fils du Comte Amé l'accompagna, comme aussi l'Empereur Henry de Luxembourg passa par la Sauoye, d'où le Comte Amé luy fist compagnie iusques à Rome, & assista à son sacre & couronnement. Ledit Empereur creea le Comte Amé Prince de l'Empire, il ayda grandement les Cheualiers de saint Iean de Hierusalem en la prise de Rhodes, qui fut cause que l'escu de Sauoye fut à perpetuité décoré du saint signe & armoiries de la Religion de l'Hospital de saint Iean de Hierusalem, & que les Comtes de Sauoye prindrent pour leur deuisé F. E. R. T. signifiant *Fortitudo eius Rhodum tenuit*, qui est à dire: Sa force a obtenu Rhodes. En fin le Comte Amé estant allé en Auignon vers le Pape, pour auoir secours de luy contre l'armee des Ottomans pour l'Empereur de Constantinople son gendre, il y mourut l'an 1323. & fut inhumé à Haute-Combe, ayant regné dixhuiet ans ou enuiron.

XIII. Edoüart apres le deceds de son pere Amé, succeda au Comté de Sauoye, & ayant receu l'Anneau de saint Maurice, il en print possession. Il estoit de taille de corps grand, puissant & allegre, fort adroit aux armes, & tres-liberal. Il eut guerre contre le Seigneur de Foucigny son beau-frere, qu'il deffit par deux fois, & pareillement le Comte de Geneuois, mais en fin il perdit la bataille de Varey, qui fut cause que le Comte Edoüart se retira pardeuers le Duc de Bourgongne Eude son beau-frere, & de là en Bretagne vers le Duc de Bretagne, pour auoir secours d'eux; & estant venu à Paris faire ses doléances au Roy Philippe de Valois, il demeura malade cinq ou six iours seulement, & y mourut l'an 1329. ayant gouuerné pres de six ans. Son corps fut embaumé, & mené à Haute-Combe où il fut enterré.



XIV. Amé ou Amedee 5. fut appellé au Comté de Sauoye apres la mort de son frere Edoüart, la fille vnique d'iceluy nommee Marguerite femme du Duc de Bretagne, en ayant esté excluse par les Estats de Sauoye. Ayant pris possession dudit Comté, & receu l'Anneau de saint Maurice, il se maria avec Iole ou Yolant, fille du Marquis du Montferrat, dont il eut entr'autres vn fils qui fut nommé Amé, & d'autres enfans. Il attira à son alliance les Comte de Geneuois & Seigneur de Geix, & fist la guerre au Comte de Geneuois, sur lequel il reprit le chasteau de Monthous, & le destit en bataille; puis il fist bastir deux chasteaux, l'un appellé les Marches, & l'autre les Mortes, pour asseurer la ville de Chambery. En fin par le moyen & entremise du Roy de France Philippes de Valois, l'appointement & accord fut fait entre les deux Maisons de Sauoye & Dauphiné. Le Comte Amé estant en paix, fist construire l'Eglise des Iacobins ou freres Prescheurs de Montmelian, & la sainte Chapelle de Chambery. Bref, il fut route sa vie grandement honoré de ses voisins, fort aymé de la Noblesse, & de tous ses subiets. Il laissa vn sien fils vnique nommé Amé, duquel eut la charge & tutelle Louys de Sauoye son cousin, & apres auoir gouuerné ses Estats douze ou treize ans, il mourut l'an 1342. & fut enterré en la Chapelle de l'Abbaye de Haute-Combe, où il a recueilly & ramassé tous les ossements de ses predecesseurs.

XV. Amé ou Amedee 6. du nom, fut l'vnziesme Comte de Sauoye apres que son pere Amé 5. fut decedé, n'estant aagé que d'environ neuf ans, qui fut cause qu'il fut sous la tutelle de son cousin Louys de Sauoye Seigneur de Vaux, & du Comte Amé de Geneuois son Parrain, qu'il luy baillerent l'Anneau de S. Maurice, qu'il portoit ordinairement avec luy. Pour auoir vn premier iour de May emporté l'honneur de Cheualerie en vn Tournoy general, estant armé & vestu & tous ses gens de Sendal verd, & ses cheuaux bardez caparassonnez & empenachez de verd, il print si grand plaisir à ceste couleur verte qu'il s'en vestoit ordinairement, & de là il fut surnommé le Comte verd. Apres le deceds de Robert Roy de Naples, vne partie de la Seigneurie & Comté de Piedmont, se mist sous l'obeyssance du Comte de Sauoye, & de Iacques de Sauoye Prince de la Moree. L'Euesque de Sion estant chassé de son Siege par la rebellion des communautéz du pays de Valois, vint à refuge au Comte Amé, luy demandant aide & secours, ce qui luy fut accordé, & par l'assistance dudit Comte il fut remis en son Siege, & ses subjects rebelles furent amenez à raison. Ledit Comte eut guerre contre le Dauphin de Viennois, sur lequel il print par force quelques villes, ce qui donna occasion au Dauphin Humbert qui n'auoit point d'enfans de mettre sa Seigneurie & principauté de Dauphiné entre les mains du Roy de France, pour la defense des inuasions & entreprises dudit Comte de Sauoye, & de fait ledit Roy achepta le Dau-

phiné, & Humbert se rendit Religieux de l'Ordre de saint Dominique au Conuent de Lyon, & depuis fut Archeuesque de Rheims, & Patriarche d'Alexandrie, & mourut à Paris l'an 1355, & est inhumé en l'Eglise des Iacobins dudit lieu. Apres ceste acquisition le Dauphiné fut donné en tiltre à Charles fils aîné du Roy Iean, car la vente en auoit esté faite à condition que les fils aînez des Roys de France s'intituloient Dauphins de Viennois, prenans le nom & armes du Dauphiné escartelees avec l'escu de France. Cela donna occasion au Comte de Sauoye de rechercher l'amitié & alliance du Roy Iean, & de son fils aîné, & pour empescher les occasions de guerre à l'aduenir, il fut accordé que le Comte Amé prendroit à femme Bonne sœur du Duc Louys de Bourbon, & les limites de Sauoye & Dauphiné furent bornez par la riuere du Guyer. Le Comte Amé quelque temps apres son mariage accomply, institua l'Ordre de l'Annonciade: il donna le collier de l'Ordre à 14. Cheualiers de choix & eslite, & luy faisoit le 15. estant Chef & grand Maistre dudit Ordre. Pour enseigne ils portoient vn grand collier d'or fait à trois lacs d'amour, dedans lesquels estoient entrelassez ces mots, FERT. FERT. FERT. qui est la deuise des Côtes de Sauoye, & au bas dudit collier pendoit vne Image de l'Annonciation faicte par l'Ange Gabriel à la Vietge Marie Mere de Dieu. Il fonda aussi vne Religion & Monastere de Chartreux au lieu de Pierre Chastel, pour prier Dieu pour le salut des Cheualiers dudit Ordre. Il combatit vaillamment & heureusement contre le Roy de Bulgarie, qui tenoit prisonnier l'Empereur Alexius, lequel il remist en l'Empire de Constantinople, & fit en Orient plusieurs beaux exploits de guerre, & estant de retour il eut guerre contre les Vicomtes Seigneurs de Milan, qui auoient empieté sur ses terres pendant qu'il estoit absent. L'Empereur Charles 4. passant par la Sauoye, fut par luy magnifiquement traicté à Chambery, mesmes il fut fait vn festin tres-sumptueux, où les plats de viande estoient portez par des Barons & Seigneurs, montez sur de grands & braues courriers qu'ils bailloient au Maistre d'Hostel, pour les poser sur la table dudit Empereur, lequel crea ledit Comte de Sauoye Prince du saint Empire, & Vice Empereur perpetuel, luy ayant baillé l'investiture de tous ses tiltres & dignitez. Finalement il accompagna le Duc d'Anjou en la guerre pour le recouurement du Royaume de Naples, apres auoir marié son fils aîné aussi nommé Amé, Seigneur de Bresse, avec Bonne fille du Duc de Berry, auquel Royaume ils prindrent aucunes villes, mesmes la cité Royale nommee l'Aigle, Montessard, & S. Estienne, auquel lieu print vne grieve maladie au Comte Amé, dont il deceda, au grand regret du Duc d'Anjou, & de toute l'armée de France, mesmes de ses ennemis. Il eut de sa femme Bonne de Bourbon deux fils, Amé & Louys. Il vescu enuiron 50. ans, en regna 40. & mourut le premier ou deuxiesme de Mars 1383. Aucuns disent qu'il mourut à Capoue.



XVI. Amé ou Amedee 7. appelé le Rouge, douziesme Comte de Sauoye, apres le deceds de son pere le Comte Verd entra au regne & principauté de Sauoye en l'age de 23. ans. Il remist en son siege l'Euesque de Sion Messire Edoüart de Sauoye, fils de Philippe Prince de la Moree, que les communes de Valois auoient chassé, lesquelles il reduisit sous l'obeyssance de leur Euesque & Seigneur. Les habitans de la ville de Nice

en Prouence le receurent pour Seigneur, il print d'eux le serment de fidelité, ainsi il ioignit la principauté de Nice à la Sauoye. Tout le temps que le Comte Amé le Rouge vesquit, il aima sur tous plaisirs le deduit de la chasse, & vrayement par trop il l'aima. Car vn iour comme il suiuiot vn Sanglier en la forest de l'Orme à course de cheual, le voyant sortir du bois, il picqua si roidement apres pour y estre des premiers & le voir enfermer, qu'il tomba de son cheual qui s'estoit cabré, & se blessa en la cuisse, qui luy causa vna inflammation dont il mourut le iour de la Toussaincts 1391. ayant regné huit ans ou enuiron. Il est inhumé à Haute-Combe.

XVII. Amé ou Amedee 8. du nom, apres le deceds de son pere Amé 7. succeda au Comté de Sauoye aagé seulement de 8. ans, lequel demeura en la charge de sa mere Bonne de Berry; sage & vertueuse Princeesse. Estant paruenue à l'aage de 20. ans. il consumma le mariage d'entre luy & la fille de Philippes le Hardy Duc de Bourgongne, qui auoit esté contracté entr'eux estans au berceau. Dés son ieune aage il print grand plaisir à bastir, & ayant choisi vn lieu fort delectable sur le Lac de Geneue nommé Ripaille, à demie lieuë de la ville de Thonon, il y commença vn Chasteau de plaifance qu'il aima toute sa vie depuis, & y finit ses iours. Il donna aux Celestins la maison des Templiers de Lyon, & commanda à son fils Louys d'y faire bastir vne Eglise. Il enuoya du secours à son beau-frere le Duc Iean de Bourgongne pour la guerre qu'il auoit contre les Liegeois. L'Empereur Sigismond en l'an 1415. vint à Paris, & y fut accompagné par le Comte Amé, comme l'un des 4. Comtes du S. Empire, & en l'an 1417. ledit Empereur erigea le Comté de Sauoye en Duché, & en fist proclamer solennellement Amé premier Duc, lequel Duc moyenna la paix entre le Roy Charles 7. & Philippes le Bon Duc de Bourgongne. L'an 1430. il institua & establit vn Senat ou Parlement à Chambery, & l'an 1433. il maria son fils Louys avec Anne fille unique de Iean de Lusignan Roy de Cypre, & les nopces furent celebrees audit Chambery. Le Duc Amé ayant atteint l'an 56. de son aage, delibera de quitter le monde, & de finir le reste de ses iours en vne solitude; & de faict ayant laissé en l'an 1439. à son fils Louys ses principautez, il se retira à Ripaille où il y auoit vn Prieuré de l'Ordre de S. Maurice, & là print l'habit d'Hermité selon ledit Oordre, avec dix de ses Cheualiers & Gentil-hômes domestiques. Peu de temps apres il fut esleu Pape par les Peres du Concile de Basle, apres auoir depose le Pape Eugene 4. & fut nommé Felix 5. Ce qui causa vn schisme en l'Eglise, d'autant qu'en Italie & en France Eugene 4. fut tousiours reconnu pour Pape, lequel schisme dura plus de neuf ans, mais il fut appaisé par l'entremise des Roys de France, d'Angleterre, & de Sicile, qui firent en sorte que le Pape Felix fist cession du Papat au Pape Nicolas cinquiesme, qui auoit esté esleu à Rome, apres le deceds d'Eugene 4. Ce qui aduint en l'an 1449. au mois de May, & le Duc Amé demeura Cardinal Euesque de Sabine, Legat & Vicaire perpetuel du S. Siege Apostolique, & retourna en son Hermitage à Ripaille, où il vesquit le surplus de sa vie sainctement, iusques en l'année 1452. qu'il mourut, le sixiesme an du Pontificat dudit Nicolas 5. aagé de 69. ans ou enuiron, & est enterré en l'Eglise Cathedrale de Lausane. Il gouuerna ses Estats 48. ans, iusques en l'an 1439. qu'il fut Pape.



XVIII. Louys fils d'Amé, fut premierement nommé Comte de Genevois, & puis son pere entrant en l'Hermitage de Ripaille, il fut Prince de Piedmont, & depuis sondit pere ayant esté esleu Pape en l'an 1439. il fut proclamé second Duc de Sauoye. Il fut Prince gracieux, fort simple, & debonnaire, & heritier de son pere, tant en ses biens qu'en ses saintes conditions, douceur, lenité & mansuetude. Il eut de sa femme Anne de Cypre plusieurs enfans males, & des filles, l'aisnee desquelles nommee Charlotte de Sauoye, fut mariee avec le Dauphin de France, fils du Roy Charles VII. qui fut depuis Roy, & nommé Louys XI. Son fils aisné nommé Amé Prince de Piedmont espousa Madame Yoland de France, fille dudit Roy Charles VII. & son puisné nommé Louys, fut marié avec sa cousine germaine Charlotte, fille unique & heritiere du Roy de Cypre, & ainsi à cause de sa femme il fut Roy de Cypre, mais luy & sa femme furent priuez dudit Royaume par Iacques le bastart, assisté des forces du Soudan d'Egypte. Le Duc Louys establit à Thurin vn Parlement en l'an 1459. & depuis long temps apres s'estant fait porter à Lyon pour y voir le Roy Louys XI. son gendre, il y mourut l'an 1466. ayant esté Duc vingt-six ans entiers: son cœur fut inhumé au milieu du chœur del'Eglise des Celestins dudit Lyon, qu'il auoit fait bastir du viuant & par le commandement de son pere Amé, & son corps fut apporté à Geneue, où il fut enterré aupres de sa femme Anne de Lusignan.

XIX. Amé ou Amedee neufiesme du nom, fut troisieme Duc de Sauoye apres la mort de son pere Louys, decedé en l'an 1466. Il fut semblable à son pere & ayeul en bonté, simplicité, innocence, humilité, iustice, religion, douceur & debonnaireté. Il fut subject au mal caduc qu'on appelle Epilepsie: Il eut de sa femme Yoland de France, qu'autres appellent Isabelle, Philebert & Charles, qui furent tous deux successiement Ducs de Sauoye. Ledit Duc Amé estant en la ville d'Orleans mourut d'une disenterie ou flux de ventre, à la fin du mois de Iuin 1471. & son corps fut apporté à Verceil où il est enterré. Philippe de Bergame escrit qu'à la sepulture dudit Duc il se fit plusieurs miracles. Il auoit tousiours esté fort charitable & tres-liberal enuers les pauvres, il regna pres de cinq ans.



XX. Philebert I. du nom apres le deceds de son pere Amé 9. fut quatriesme Duc de Sauoye, mais parce qu'il estoit en bas aage, il fut sous la tutelle de sa mere Yoland de France, laquelle le gouerna sagement par l'espace de dix ans, avec l'Euesque de Geneue son oncle, mais ce ne fut sans beaucoup de peine. Car elle fut constituée prisonniere par le Duc de Bourgongne, toutesfois elle fut deliuree par le moyen du Roy Louys XI. son frere, qui la renuoya en Sauoye en liberté. Le Duc Philebert fut marié avec Blanche Marie, fille de Galeas Vicomte Duc de Milan, à raison dequoy le Duc Galeas print en sa charge & sauuegarde le ieune Duc Philebert, & le garantit d'une conspiration que l'Euesque de Geneue son oncle auoit brassée contre luy, lequel fut fait prisonnier à Thurin, mais ledit ieune Duc estant venu à Lyon en l'an 1482. il mourut de maladie, aagé de seize ans huit mois, ayant regné vnze ans.

XXI. Charles I. du nom frere de Philebert I. & second fils d'Amé 9. fut 5. Duc de Sauoye apres la mort de son frere decedé sans enfans, il eut pour femme Blanche fille de Guillaume Marquis de Montferrat, & d'Elizabet de Milan fille de François Sforce, de laquelle il laissa vn fils aussi nommé

Charles. Ce Duc Charles fut Prince autant vaillant & magnanime qui de son temps ait vescu. Il eut differend avec Louys Marquis de Saluces pour la recognoissance de superiorité, car ledit Marquis ne voulant faire hommage au Duc, il fut à force d'armes chassé du Marquisat, & en iouyt ledit Duc par l'espace de trois ans, iusques au 14. de Mars 1490 qu'il mourut à Pignerol aagé de 22. ans ou enuiron, ayant regné huiet ans. Il est enterré aux Cordeliers dudit Pignerol.



XXII. Charles 2. du nom estant aagé seulement de 8. mois, succeda à son pere Charles I. au Duché de Sauoye, sous l'adminitration & gouvernement de Blanche de Monterrat sa mere, laquelle se conduisoit par le conseil de Philippes de Sauoye, Comte de Bresse, grand oncle de son fils, Prince fort redouté, qui auoit de grands Estats en France, estant Chambellan, grand Maistre de France, Cheualier de l'Ordre saint Michel, de n'agueres erigé par Louys XI. Gouverneur du Dauphiné, & Capitaines de cent hommes d'armes, de sorte que ladite Duchesse gouverna fort paisiblement & heureusement la Sauoye, & receut fort honorablement le Roy Charles 8. allant conquérir le Royaume de Naples, passant par Suse & Thurin, auquel elle presta ses bagues & ioyaux. Mais le ieune Duc mourut à l'age de sept ans, le 16. Avril 1496. & sa mere ne gouverna la Sauoye sous le nom de son dit fils que six ans quatre mois ou enuiron.

XXIII. Philippes 2. du nom Comte de Bresse, apres le deceds de Charles 2. son petit nepueu, fut 7. Duc de Sauoye. Il estoit fils de Louys fils d'Amé 8. qui fut le premier Duc de Sauoye, & frere d'Amé 9. & parce qu'il vouloit entreprendre contre son pere le Roy Louys XI. qui à cause de Charlotte de Sauoye estoit beau-frere dudit Philippes, le retint deux ans prisonnier à Loches, mais estant en liberté il espousa Marguerite de Bourbon, fille de Charles Duc de Bourbon, & suivit quelque temps le party de Charles Duc de Bourgogne contre le Roy Louys son beau-frere, lequel trouua moyen de luy faire quitter le party de Bourgogne, luy donnant de grands Estats en France, où depuis il fist de grands seruices audit Roy Louys XI. & à Charles VIII. son fils. Il eut de sa femme Marguerite de Bourbon Philebert qui luy succeda au Duché, & Loys de Sauoye qui fut mariee à Charles Comte d'Angoulesme, dont naquit le Roy François premier de ce nom, & vne autre fille nommee Phileberte, qui fut femme du magnifique Laurent de Medicis frere du Pape Leon X. & de Claude fille du Comte de Penthièvre de la maison de Bretagne sa seconde femme, il eut Charles qui succeda à son frere Philebert audit Duché, & Philippes de Sauoye Duc de Nemours & Comte de Geneuois, pere de Monsieur le Duc de Nemours. Il eut vn fils naturel nommé René, qui fut grand Maistre de France, duquel sont venus les Comtes de Tende & de Villars. Il ne fut Duc qu'un an, six mois, & 21. iour, & vesquit 59. ans, vnze mois, & trois iours, car il mourut en la ville de Chambery le septiesme Novembre 1497.




XXIII. Philebert 2. surnommé le Bel, succeda au Duché de Sauoye apres le deceds de son pere Philippes 2. & en fut le 8. Duc. Il fut nourry en la Cour du Roy de France avec le Roy Charles VIII. son cousin germain, lequel il accompagna à la conquête du Royaume de Naples: mais son pere voyant que la peste se mettoit en l'armée du Roy, le renuoya de Naples en Sauoye. Puis venant le Roy Louys XII. à la Couronne, il assista ledit Roy à la conquête de Milan. Il espousa Marguerite d'Austriche fille de l'Emp

reux Maximilian en l'an 1501. de laquelle il n'eut point d'enfans, & approchant de l'age de vingt cinq ans, il mourut d'une pleuresie en Septembre 1504. ayant esté Duc pres de sept ans. Sa veufue memorative du voeu que le Duc Philippe 2. pere dudit Philebert 2. avoit fait de fonder & faire bastir un Monastere au lieu de Brou, pres de Bour en Bresse, elle fist bastir ledit Monastere ou Abbaye de Brou, qui est le plus superbe & triomphant edifice, & de la plus plaisante structure, pour un ouvrage à la moderne qui soit en l'Europe. On fut trente-cinq ans à construire & parfaire ladite Abbaye, où fut inhumé ledit Duc Philebert avec sa mere & sa femme, & on dit que le bastiment cousta six-vingts mille escus.

XXV. Charles 3. du nom, & 9. Duc de Savoie, surnommé le Bon, fut fils de Philippes 2. & de Madame Claude Comtesse de Penthièvre, & succéda au Duché de Savoie apres la mort de Philebert 2. son frere consanguin, & y fut receu l'an 1504. en Septembre, en excluant Louyse de Savoie, qui fut mere du Roy François premier, sœur germaine dudit Philebert. Il eut pour femme Madame Beatrix de Portugal fille du Roy Emanuel de Portugal, Princesse de beauté & vertu indicible, dont il eut deux fils, Charles qui céda en Espagne en la Cour de l'Empereur Charles V. son oncle, & Emanuel Philebert qui fut Duc de Savoie apres son pere. Estant parvenu à la dignité Ducale, il gouverna son peuple en grande paix & tranquillité jusques en l'an 1516. que le Roy François premier vint reconquerir le Duché de Milan, où il gaigna une bataille tres-sanglante contre les Suisses, & apres sa victoire vint à Chambéry voir le saint Suaire de nostre Sauveur, où il fut receu en grand honneur par le Duc Charles son oncle maternel. Puis survindrent les guerres & esmotions à cause du changement de la Religion introduit par Luther, de sorte que ceux de Geneve s'exempterent de l'obeyssance de leur Evesque. En fin ledit Roy François premier, ayant de grandes pretensions sur la Savoie, tant de son chef comme Roy de France, qu'à cause de Louyse de Savoie sa mere, qui estoit sœur germaine du Duc Philebert 2. fist la guerre en Piedmont en l'année 1536. & suivantes, de sorte que le Duc Charles fut prié d'une grande partie de son Estat, par l'espace de dix-neuf ans, jusques en l'an 1554. qu'il mourut à Verceil ayant vescu pres de soixante-sept ans, & regné cinquante ans.

XXVI

XXVII




XXVI. Emanuel Philebert 10. Duc de Savoie, succéda au bon Duc Charles 3. son pere. Il fut nourry en la Cour de l'Empereur Charles V. son oncle maternel, où il fut Chef & Capitaine de l'escadron Imperial estant composé de quatre mil chevaux. Depuis le decés dudit Empereur il entra au gouvernement de l'Estat des Pays-bas, sous le regne de Dom Philippes 2. Roy d'Espagne son cousin germain, lequel le fist General d'armée contre les François, & se trouva à la bataille de S. Quentin le jour de S. Laurent 1557. où l'armée François fut défaite. Finalement la paix fut faite entre les Roys Henry 2. & Philippes 2. par laquelle la fille aînée du Roy Henry 2. Madame Isabelle de France fut accordée avec le Roy Dom Philippes 2. Et Madame Marguerite de France Duchesse de Berry fille du Roy François 1. & sœur unique du Roy Henry, fut promise au Duc de Savoie Emanuel Philebert, lesquels mariages furent accomplis en Juillet 1559. & par le moyen de ceste paix le Duc Emanuel Philebert, fut restably en son Duché, où estant paisible il a fait plusieurs saintes Loix & Ordonnances, & fondé l'Université de Mont-royal qui a depuis esté transférée à Turin, & mesme renouellé l'Ordre des Chevaliers de l'Annunciade institué par Amé 6. le ioignant à celui de saint Lazare, & assignant aux Chevaliers la ville de Nice pour leur sejour ordinaire. Il est decédé à Turin le 30. d'Aoust 1580. reconnu de tous pour un des plus prudents & sages Princes de son siecle, laissant pour successeur Charles Emanuel son fils unique, & de la tres-illustre Princesse Marguerite de France. Il a esté Duc 26. ans ou environ.


XXVII. Charles Emanuel apres le decés de son pere Emanuel Philebert, fut l'unziesme Duc de Savoie, estant aagé de dix-huit ans ou environ. C'est un Prince doué d'un bel esprit, d'un grande memoire, & bien disant, grandement versé en l'histoire & aux Mathematiques, & sur tout grand Capitaine. L'an 1585. il espousa l'Infante Catherine d'Espagne, fille du Roy Dom Philippes 2. & de Madame Isabelle de France, fille du Roy Henry 2. De ce mariage sont issus cinq fils, Philippes Emanuel, Victor Amé, Philebert, Maurice, & Thomas, & quatre filles, Marguerite, Marie, Isabelle & Catherine, qui ont

tous suruescu leur mere, qui deceda l'an 1597. au commencement du mois de Novembre. Durant les derniers troubles de la France il s'empara du Marquisat de Saluces, par droit de bien seance, ce qui luy a causé de grandes guerres, & à ses subiects & voisins, mesmes contre les Sieurs de la Valette & Desdiguieres, Gouverneurs de Prouence & du Dauphiné pour le Roy tres-Chrestien, lesquelles guerres furent appaisees per le traicté fait à Vervins, entre les Roys Henry 4. & Philippes 2. en l'an 1598. auquel le Duc de Sauoye fut compris, à la charge que le surplus des differents d'entre ledit Roy Henry 4. & luy, seroit remis au iugement du Pape. Quelque temps apres le Duc de Sauoye vint à Paris, où il fut bien receu par le Roy, auquel il promist rendre dans le premier Iuin 1600, le Marquisat de Saluces, ou luy laisser la Bresse, Pignerol & les Valles a son choix, par escrit solennellement signé. Mais ledit Duc estant de retour en Sauoye, & differant d'accomplir sa promesse, il y fut forcé par le Roy Henry le Grand en la mesme annee, car en peu de temps il se rendit maistre de la Sauoye, & des places qu'on estimoit impre- nables, & par l'entremise du Pape Clement 8. la Paix fut accordée & signee à Lyon le 17. Ianvier 1601. par laquelle le Marquisat de Saluces demeura audit Duc, & les Sei- gneuries de Bresse, Baugcy & Veromeis avec leurs dependances, furent laissees au Roy en contreschange dudit Marquisat. En l'annee 1613. le Duc de Sauoye apres le deceds du Duc de Mantouë, a occupé par force quelques villes & places appartenantes audit Duc de Mantouë, à cause dequoy il s'est fait des preparatifs de guerre, mais on a esperance que Dieu y mettra la main, & que le differend sera terminé par vn bon accord.









BRIEFVE HISTOIRE DE L'ORIGINE
des Venitiens, de la fondation de leur ville, & commencement
de la Seigneurie d'icelle: & comme elle a esté gouvernée de-
puis l'an de grace 421. iusques en l'an 697. & depuis.



LA Republique de Venise est pour le iourd'huy sans contradiction aucune, vne des plus fameuse & illustre, non seulement de l'Europe, ains aussi de tout ce large vniuers, tant à cause de sa Grandeur, que de sa Noblesse, force, puissance, & immenses richesses. Son origine est neantmoins douteuse dedans les Historiens. Les vns par mauuaise intelligence disent, qu'elle a sa premiere source des Henetes, peuple de Paphlagonie, qui apres auoir perdu leur Roy Philemene au siege de Troye, & partie de leur armée, furent expulsez de leur pays, & reduits à chercher nouvelle demeure: Ils s'accosterent d'Antenor, qui cherchoit pareillement lieu propre où s'habiter, ayant avec soy peu de Troyens, qui s'estoient garantis du sac de leur ville. Ces deux nations ainsi alliées, vindrent en vn recoin de la mer Adriatique, & par armes, domptant & chassant les Euganeens (lesquels se tenoient entre les Alpes, & ladite mer) y establirent leur sejour, nō merent ce lieu en faueur d'Antenor Troye, & ces deux peuples eurent entr'eux le nom d'Henetes, ou Venetes, en cōmun. Silius Italicus en son 8. liure sur la fin, semble tenir ceste opinion, quand il parle ainsi,

*Alors cest ost Troyen par Antenor conduit,
Cherchant où habiter, par armes s'introduit,
Où les Euganeens des long temps habiterent,
Et par diuers assauts de là les debuterent:
Le peuple d'Aquilée & les Venitiens
Pour vaincre en ces combats firent leurs efforts siens.*

Les autres, comme Sabellique, veulent taire à leur escient ce qui est de la verité. Il semble que ce bon personnage soit fâché qu'on sçache que les Venitiens sont venus des Gaulois, & non d'Antenor, ou de ceux qu'il auoit amenez de Troye quant & luy, comme il sera prouué par la suite de ce discours. Berose s'amusant plustost aux fables qu'à la dignité & à la foy qui est due à l'histoire, qui n'est plus telle quand elle est menfongere & fardée de quelques déguisemens ou affectations particulieres, tire l'estre des Venitiens des enfans de Phæton, & d'un Venete fils d'Eridan, Prince de la Gaule Cisalpine. Herodote les dit estre sortis des Medes. Cestuy parlant des Thraciens, dits Siginnes, les fait voisins des Venitiens, se tenans sur la mer Adriatique, c'est comme il parle: si ceux-cy eussent esté Troyens, ou de leur estoc, sa plume n'eust oublié le dire. Strabon est d'opinion qu'ils descendent des Gaulois. Il y a, dit-il, vne nation des Belges, pres l'Océan, entre lesquels sont les Venetes, qui combaterent sur mer contre Cesar. Puis adioust, Je pense que ce sont ceux-cy desquels sont venus les Venitiens, & qui conduisirent vne armée navale sur la mer Adriatique, veu que le reste presque de toute l'Italie fut possédé & occupé des Gaulois qui s'y acheminerent de la Gaule Transalpine, tels que furent les Boies, Senonois, & autres; mais à cause de la ressemblance du nom, plusieurs les ont estimez sortis de Paphlagonie, ce que ie m'empescherais bien de maintenir. Corneille Tacite encore ne dissimule point que ceste nation soit descenduë des Gaulois, lors qu'il fait mention d'un conseil qui fut tenu à Rome, du regne de Claude Neron, à sçauoir, si les estrangers deuoient estre admissibles & receuables aux droicts & prerogatiues de la Bourgeoisie Romaine, & au Senat. Voicy comme il en parle: Vous semble-il peu de chose que les Venitiens & Insubres se soient anciennement introduits par force en la Cour, si encorés à present on n'introduit la captiuité en icelle, par l'assemblée receuë des estrangers. Dilatant dauantage son discours, il adioust, quelle plus grāde gratificatiō sçauoit-on tesmoigner enuers les merites de nostre Noblesse: Ce seroit bien chose conforme au deuoir & à la raison, que ceux-cy pour estre opulents soient esleuez aux prerogatiues du Senat, les peres & ayeuls desquels ont esté chefs des armées ennemies & contraires à la grandeur de nostre Estat, & ont fait passer nos gens d'armes, & les forces qui maintenoient & defendoient nostre Cité, par la poincte & le trenchant de leurs espees, & mesmemēt assiégé Iules Cesar dans la Cité d'Alyse. Voulez-vous plus de lumiere pour voir manifestement que ces Venitiens estoient Gaulois? chacun recognoist assez qu'il n'y a eu iamais nation auant la mort de N. Seigneur Iesus-Christ que celle des Gaulois, qui ait mis à sac la superbe Republique des Romains: ce que raconte Tacite se doit entendre des Insulbres & des Venitiens, & avec iuste raison, pource que ces deux peuples estoient issus de ceux qui autresfois dompterent les Romains, prindrent sur eux plusieurs territoires, & mirent leur ville au pillage. Si ce tesmoignage n'estoit bastant pour auerex que le peuple Venitien a prins son accroist par le nom Gaulois, on trouueroit encore assez de preuue dedans plusieurs Historiens, qui assurent que tout le traict depuis le Pole, tournant vers le Fortly, & marche Treuisane, a esté l'ancienne retraite & demeure des Gaulois, qui de là s'aduancerent en la Germanie.

Après auoir monsté d'où sort ce peuple, c'est la raison d'apprendre à ceux qui ne le sçauent pas, quand ceste florissante & fameuse Cité fut bastie, les auteurs ne font d'un mesme accord pour le temps: mais ceux ausquels on adioust plus de croyāce, disent qu'elle fut fondée au commencement de la Monarchie Françoisē. Pharamond regnant en l'an de grace 421. & lors qu'Attila Roy des Huns, surnommé le fleau de la Chrestienté, tout

sanglant encore du meurtre commis en la personne de son frere, vint faire vn effroyable degast en Italie, sachant qu' Aetius grand Capitaine, qui luy faisoit teste, estoit allé de vie à trespas, & que mesmement les Gots estoient entr'eux partialisez, & en grande discord. Sa fureur s'esclara d'abord sur la ville d'Aquilée, qui pour lors estoit la Capitale & maistresse de tout le pays Venitien, qu'il print, saccagea, & mit en cendres. Padoué n'eut pas plus doux traitement, Montselice, Esté, Vicenze, Verone, Opiterge, Concorde & Altine, tres-nobles citez de la Prouince Venitienne, sentirent aussi les excez de sa rage, furent pillées, ruynées, & mises à sac. Les citoyens de ces villes desolées & destruite, qui les auoient desia quittées, ayant sceu que cestuy Atilla auoit mis le siege deuant Aquilée, s'estoient retirez en l'Isle de Grade, où est maintenant le Patriarchat de Venise, & ceux de Padoué auoient apporté pour estre en seureté les tresors & richesses de leurs Eglises à Realte, ou Riualte, amené illec leurs femmes & familles, comme firent aussi leurs autres voisins, qui fuyans la rencontre de ce cruel barbare, se retirerent en ces Palus, ayans esté forcez de quitter leurs pays & lieux de leurs residences.

En ces Palus & Marefts il y auoit plusieurs islettes, où est à present la Cité de Venise, là s'habitu le peuple Venitien, qui se mit à edifier quelques petites maisonnettes pour se mettre à couuert, qui n'estoit que de bois & de gazon. Iamais de la memoire des homes aucune cité n'a esté fondée en assiette si commode, si seure & si esmerueillable, pour n'auoir point la pareille : de maniere que plusieurs l'ont estimée estre ouurage surpassant de beaucoup l'inuention des hommes. Sa construction est tant accomplie en toutes les parties, qu'on n'y scauroit rien souhaiter dauantage. C'est vne tres-assurée retraite à ceux qui sont dedans : tous les efforts de leurs ennemis, tant par mer que par terre, ne leur peuvent nuire, ny les endommager : Elle a cet aduantage sur toutes les autres citez, que son abord est fort commode pour receuoir abondance de toutes choses necessaires à ses Citoyens, & traffiquer de toutes sortes de marchandises avec toutes les nations du monde : Car Venise est edifiée en vn coin de la mer Adriatique, où de la part qu'elle atouche la terre, l'on voit de grands & profonds fossés, & tranchées, où ceste mer regorge, ce qui la fortifie naturellement. A deux mille pres de terre, la mer est si peu creuse, qu'on la peut aisément passer à gué : entre les guez le riuage se monstre haut, cōme vne leuée ou chauffée qui resiste aux vagues, & rompt les menaces des flots. L'impetuosité de la mer, si grande soit-elle, n'y fait point de ruine, car les ondes n'entrent pas dedans sa large & longue estenduë, que bien rompnës & affoiblies par la resistance & opposition de ses leuées. Son emboucheure n'est pas des plus aisées aux nauires, si l'industrie n'y interuient. Si elles sont bien legeres, il les faut ancrer, quand elles y sont arriuées : mais quand le temps est doux & tranquille, elles peuuent venir par certains destroids où l'eau est profonde iusques au sein de la Cité, par le moyen de ceux qui scauent les passages des guez qui sont çà & là, qui se changent tous les iours par le flux & reflux de la mer. L'assiette de Venise est plus propre pour la guerre nauale que de la terre : Pour euitier prolixité, ie laisseray à parler de sa situation, pour vous dire cōment elle est arriuée au periode où elle est. Ceste ville en son commencement fut endommagée par le feu, qui luy brusta 24. maisons ou cabannes, faites de chaumes & de cannes par la faute d'un Charpentier de Candie, nommé Antinopus, qui estoit là venu demeurer, pour faire des barques pour l'usage des habitas. Ce feu en son plus grand embrasement fut miraculeusement esteint par les prieres & les vœux que firent ces nouueaux habitans à S. Jacques l'Apostre, que si par son intercession enuers Dieu ce feu cessoit, ils edificeroient vne Eglise en ce lieu qui porteroit son nom. A l'instant il cheut vne si grosse pluye que la flamme s'amortissant ne fit dauantage de deffastre, à cause de quoy ils accomplirent leurs vœux & promesses, faisant bastir ceste Eglise, qui fut la premiere de ce lieu : elle fut consacrée par quatre Euesques, scauoir par Seueria de Padouë, Hilaire d'Alexandrie, Ioconde de Treues, & Epodius d'Vderze. Celuy qui premier y chanta la Messe, fut vn Prestre nommé Felix, qui eut la charge d'y faire le seruice diuin iournellement. Ils commencerent à s'accroistre en bastimens, & chacun des Citoyens print quelque vacation : les vns s'adonnerent à la pesche, à la saline, les autres à traffiquer avec les nations estrangeres, & les autres qui ne se voulerent tant peiner, inuenterent des loix, & establirent de bonnes & equitables coustumes pour policer leur ville : en quoy l'égalité & la sincerité y fut si bien obseruée, que le pauvre n'estoit pas plus foulé que le riche. La Religio Catholique y fut bien cultiuée avec beaucoup de reuerence, & ne scauroit-on dire que depuis qu'elle est bastie elle ayt esté infectée d'aucunes heresies, jaçoit qu'en ce temps-là elles pullulassent de iour à autre par tout le monde. Iamais aucun ennemy estranger n'y a donné atainte par armes, bien qu'il y ait peu estre incité pour la grāde abondance de ses richesses & tresors. Ce peuple qui a tousiours porté le nom de Sage, dressant le gouvernement de son estat avec vne singuliere prudence, ne trouua pas bon qu'un seul exerçast son pouuoir à discretion sur la multitude, ny que le peuple aussi qui se laisse emporter aux factions eust le maniemēt des affaires, & moins que quelque nombre d'hommes sages choisis entre les autres eut seul la direction de la chose publique, ains de toutes ces trois parties formerent vn iuste moyen de regir la Cité, & de policer les Citoyens qui sont membres d'icelle. En departāt leur police ils vserent autresfois d'une telle modestie & honneste meslange, que leur Republique porte les marques euidentēs, tant d'une Principauté Royale, & d'un gouvernement Aristocratique, que d'une eslection faite parmy vne multitude de gens de bien, & où le peuple semble auoir quelque preeminence. Le chef souverain qui ordonne les loix, & d'où depend l'autorité & du Senat, & de tout le reste des Magistrats, est le conseil, auquel se trouuent les magnifiques & toute la Noblesse de la Cité : mais il faut que ceux qui y assistent ayent atteint l'age de 21. ans. Ceux qui sont de bas lieu, & comme on dit, la lie du peuple, selon l'ancienne & moderne coustume, ne sont pas admis ny receus en ce conseil, par l'aduis & auhorité duquel les charges & affaires de l'estat sont administrées. Ceux entr'eux sont tenus pour Nobles &

Gentilshômes, qui ont de race illustre & gentille, ou qui par leurs vertus & proüesses se sont rendus celebres, ou qui ont bien merité de la Republique par leurs bös & agreables seruices, le nöbre en est grand à Venise, où les estrangers y sont semblablement receus & incorporez à pareilles conditions. Toute ceste assemblée donc de Citoyens qu'on appelle le grand Conseil, par lequel le Senat & la puissance des Magistrats est autorisée, ressemble à l'estat populaire & Democratique, qui est vne des parties des gouuernemens des Estats, en la personne & en la dignité du Duc. On peut remarquer quelque chose de la dignité Royale: car le Duc est à vie, & n'a point de temps prefix pour exercer cét office, on luy obeit cöme à vn Roy. Les loix sont publiées sous son nom, & les patétes & depesches sont scellées & distribuées sous son autorité: mais le Senat y a esgard auparauant. L'Aristocratie est proprement figurée en la congregation du Senat & Magistrature des dix hômes (nommez entr'eux *Capi di dieci*) & du conseil des Prieux (qui s'appelle en leur langue, *Consiglio di pregati*) qui ne sont gueres ou peu differents des Maistres des Requestes de l'Hostel de nostre Roy de France: le deuoir desquels est de faire leurs rapports au Senat de toutes les choses qui se passent, concernas l'Estat, bien & vtilité de la Seigneurie. Voila cöme ce gouuernement est composé de trois manieres de regner, à sçauoir Monarchie, Aristocratie, & Democratie. Quand le siege Ducal vacque, le grad Conseil fait les loix & ordonnances. L'autorité Ducale ne fut point instituée tout aussi tost que ceste ville fut edifiée & habitée par ceux qui fuyans la main armée des Barbares, ietterent les premiers fondemens de ceste grande Republique, parmy les palus & marests de la mer, & qui iugerent que leur residence y seroit plus assurée beaucoup qu'elle n'estoit au continent & terre ferme. Ces nouueaux habitans conclurent par ensemble, que pour se maintenir, tant en temps de guerre qu'en temps de paix, il falloit creer certains Magistrats ou Consuls qui seroient perpetuels entr'eux pour soigner & vacquer au bien public. Les premiers qui manierent les affaires de l'Estat Venitien en ceste dignité furent Galien Fontaine, Simö Glauconie, ceste charge ne duroit que deux ans, apres lesquels expirez on procedoit à nouuelle election. Quelques Autheurs disent que ceste forme de gouuernement fut long temps deuant que le cruel Attila rauageast l'Italie. Mais Sabellique & Contaren, Historiens de reputation, baillent pour chose veritable, que des aussi tost qu'il fut resolu qu'on s'habitueroit dedans ces Isles, pour se garrer des courtes des Barbares, on fit election de Tribuns, chacune Isle eut le sien, iceux estoient tenus de s'assembler à certains iours pour traiter des affaires publiques, & punir par la rigueur de la loy les fautes des Citoyens, ce qui estoit neantmoins de grand interest ou d'importance pour le general venoit à la cognoissance de toute l'assemblée des Insulaires, pour en resoudre en son dernier poinct. Ceste forme d'Estat ne fut gueres en vsage parmy eux, les deportemens & actions de ces Tribuns manifestèrent bien tost qu'ils estoient plus atreints à leur profit particulier qu'au bien de la Republique, qui estoit en ceste sorte grandement interessée. Cela les promeut à elire vn Duc à qui seul fut commise la charge de la Republique, pour estre par luy regie cöme par son souuerain Prince. Ceste election fut ainsi confirmée par l'accord & consentement de tous les Citoyens, & fut arresté qu'il tiendrait son siege en la Cité d'Heraclée, située en l'un des angles des Palus où la mer battoit en ses flux & reflux, en vne Isle pres le fleuve Plan. La Cité Heraclée fut bastie au nom de l'Empereur Heraclie, qui regnoit en l'an de grace 614. Depuis le siege du Duc fut transferé à Malamocco, & puis apres à Realte, pour preuenir les menaces que le Roy Pepin auoit fait aux Venitiens de les ruyner, ou pour empêcher que la dignité Ducale se tournast en tyrannie, dequoy ils auoient eu opinion en vn de leurs Ducs, nommé Theodat fils d'Vrso, que le peuple auoit tué à cause qu'estant à Malamocco, il auoit fait bastir vn fort Chasteau sur l'emboucheure que fait la riuere de Brente dans la mer. Depuis ce temps-là l'autorité de leur Duc a esté assuiettie à la loy, & liée sous l'autorité des coustumes du pays, sa puissance a esté limitée en certains termes, qu'il ne sçauoit passer, au grand profit de l'Estat de la Republique. Leur premier Duc fut Pauluccio Anafesto, qui par l'electio du peuple monta en ce souuerain grade de Duc, en l'an de salut 697. Contaren & Carion en sa Chronique le nomment Paulo Anazato, assurens tous deux n'auoir esté creé Duc qu'en l'an 707. ou 709. Soit que ce soit, vous remarquerez que plusieurs Historiens disent que les Venitiens ont esté gouuernez presque 300. ans alternativement, tant par des Consuls, que Tribuns, que Ducs d'Heraclée, ou autres Maistres de la gendarmerie, iusques à ce que leurs Dogi ou Ducs ayent esté iustituez à Realte. En l'an 737. apr. s. le d. ceds du Duc Orso Ippato, ceste dignité discontinua, & durant cinq années il n'y eut point du Duc, ains au lieu furent mis Dominique Leon, Felix Cornicola, Deodato Hippato, Iulian Hippato, Iean ou Zian Fabritio en qualité de chefs de la Gendarmerie Venitiene, leur charge ne fut qu'annuelle, en l'an 741. l'electio Ducale reprint son cours, & Deodato Hippato fut esleu Duc de Venise: duquel, comme de tous les autres Ducs, le portraict, les gestes, & le regne sont icy representez.

LES NOMS DES DVCS ET PRINCES DE LA
tres-renommée Republique de Venise, avec vn abregé de ce qu'ils ont
fait de plus memorable en leurs vies, iusques à present.



1. *Palucius Anafestus* 2. *Marcello Tegallianus* 3. *Ursus Spatus*.

PAVLYCCIO ANAFESTO, & selon Carion, Anazato, noble, Heracléen de nation, personnage courtois & affable, fut créé par les voix du peuple le premier Duc de Venise (qui s'appelle en leur langue *Doge*) Christofle Patriarche de Grade assita à son election, & luy presta serment de bien regir & gouverner à son possible, selon Dieu & raison. Sa demeure fut en la ville d'Heraclée, où les Citoyens furent tenus de luy faire construire vn nouveau Chasteau: ce qu'ils firent des ruynes & demolitions qu'ils prindrent à Odeizo, qui avoit esté tout destruit. Ce Chasteau fut basti sur le fleuve de la Piaue, & le nomma-on Giesolo. Il s'accópagna de deux Tribuns pour executer ses commandemens. Les maisons de Canorbe, de Remondine, de Pignede, de la Piaue, & de Lidi furent obligées & tenues de luy fournir toutes ses provisions & choses necessaires, selon leur comoditez, pour l'entretienement de luy & de sa maison: des terres & vignes luy furent aussi pareillement assignées par la gratification publique. Les Ducs de Frioles, Lombards de nation, ne peurét anticiper sur l'Estat de la Republique. Le Roy desdits Lombards accorda plusieurs differents avec luy, pour quelques pretentions de territoires, il ne laissa pourtant de se tenir sur les gardes, & ordóna vn certain nombre de Navires, pour rendre les Isles mieux assurées contre les courtes de ceux qui portoiét enuie à la bonne prosperité de sa domination, & mit des gardes à l'emboucheure de chacun fleuve, & nourrit paix & amitié avec les voisins seigneurs. Il gouverna 20. ans & plus.

2. MARCELLO TEGALLIANO, & selon Contaren *Tanchasia*, de chef qu'il estoit de la Cavalerie fut esleu Duc des Venitiens, & crea-on sous luy vn autre Chef de la cavalerie & des Tribuns, qui tous ensemble representoiét le Doge, & la Seigneurie de Venise. Cestuy-cy fut fort sage, & maintint tousiours la Republique en vne continuelle paix, entretenat la concorde avec les peuples circonvoisins de Realte, il n'aymoit pas à remuer & manier les mains. C'est pourquoy peu de choses dignes de remarque se firent pendant l'administration de sa dignité Ducale, en laquelle il regna 9. ans & 19. iours.

3. ORSO HIPATO succeda à Marcello en la Duché de Venise en l'an de grace 716. en ce mesme téps Rauegne fut prinse par les Lombards, à cause dequoy Paul l'Exarque fut forcé de recourir à plusieurs siens amis, qui luy ayant manqué se resolut de pourueoir à son salut par la fuite: en cet effroy il paruint à Venise, où le Duc luy fit vn tres-gracieux accueil, son voyage ne luy fut sans profit, & sans fruit, car à son occasion & pour le reinstaller le Duc fit de grands preparatifs, & alla assieger Rauegne avec vne puissante armée, & la battit si furieusement en diuers assauts, qu'il s'en rendit maistre, & remit l'Exarque en sa premiere autorité & puissance. En ceste prinse mourut Perendius Duc de Vincence, en defendant la bresche, & Ildebran neveu du Roy Luitprand y fut fait prisonnier de guerre. Ceste ville fut ainsi réunie derechef à l'Empire. Ce fut le premier exploit de guerre des Venitiens, depuis leur habitatió en ce lieu, à cause dequoy il entra en triomphe en la ville d'Heraclée. Il arresta la paix entre luy & les Lombards, moyennant laquelle il leur rendit les prisonniers qu'il tenoit, sans en prendre aduis des deux Tribuns de Iesolo, qui autrefois auoient commandé en Heraclée, ce qu'ils prindrent pour pretexte & sujet de luy mettre à sus qu'il affectioit la tyrannie, l'accusant de vouloir dominer avec puissance trop absolue vn chacun. Dont aduint que ceux de Iesolo incitez par les Tribuns, & les Heracléens tenant le party de leur Duc, se donnerent vne furieuse bataille, où le sang fut abondamment respandu de part & d'autre, avec grande occision. Les parens & amis de ceux qui auoient esté occis, reietans la cause & le motif de ce carnage sur le Duc d'Orso, entrerent de furie dedans le Palais, où ils le tuerent de plusieurs coups de dagues: puis le taillerent par pieces, apres auoir commandé 11. ans 5. mois.



4. *Theodatus Spatus*. 5. *Gallia Dux Venet*: 6. *Domnuc Monegareus*.

4. **DEODATO HIPPARO**, fils du Duc Orso, cinq ans apres la mort de son pere, ayant de-
chassé le Chef de la Cavalerie ou Gendarmerie Venitienne, nommé Iean ou Zian Fabritio,
fut créé Duc des Venitiens à Malamocco, où aucun ne l'auoit esté auparavant luy, & ce
auec le consentement & commun accord d'un chacun. Par ses faicts d'armes les confins
d'Heraclee s'estendirent iusques au fleuve de la Piaue. La République par sa generosité
augmenta sa grandeur. Le bon-heur de sa fortune fut enuié par vn Tribun nommé Galla
Ganolli, qui ouuertement entreprit sur ceux d'Heraclee, qu'il desfit en bataille rangée,
& se fit maistre de la ville, voulut passer outre, & continuer ses trophées par l'aide des
Lombards, presumant qu'estant assisté de leurs forces, il luy seroit facile de s'emparer de
Malamocco, & de toutes les terres d'autour. Deodato qui descouurit la trame de son en-
treprise, en donna aduertissement à ceux de son conseil, qui resolurent & se fermerent là, qu'il
estoit grandement necessaire de renforcer le Chateau de Brondolo du costé par lequel
estoit son aduenue plus comode: pour donner temps de ce faire, il se mit en campagne, non
si bien acompagné de soldats qu'il estoit besoin, pour battre & vaincre son ennemy. Galla
sachant qu'elles estoient ses forces, se mit en embuscade avec les siens, & le chargea, le fit
son prisonnier, & sans perdre l'occasio qui le pouuoit à Malamoco, s'y en alla tout d'une
traicte, & là se fit proclamer Duc par les Citoyens de ceste ville ainsi malheureusement
surprise. Il fut si cruel & barbare, qu'il fit arracher les yeux à Deodato, & par apres tuer
au 13. an de son regne.

5. **GALLA GANOLLI** de Malamocco, apres auoir esté installé à la place de Deodato,
qu'il auoit traité trop inhumainement, deuint si temeraire & insolent, qu'il se fit hayr
de ceux qui auoient approuué le pretexte qu'il auoit choisi pour debuter son predeces-
seur, luy imputant qu'il affectoit la Seigneurie absolue: ce que luy-mesme vouloit faire.
Pour ceste cause les Citoyens de Malamocco prindrent vne courageuse resolution de
preuenir son attente, & le chastier du mesme supplice qu'il auoit vsé contre droit & rai-
son enuers son deuancier, luy creuant les yeux, comme il luy auoit fait, puis l'enuoyerent
en exil, où il mourut miserablement en langueur & misere, n'ayant iouy qu'un an de la
dignité Ducale, qu'il auoit enuahié.

6. **DOMINICO MILEGARIO**, ou Menegario, au commencement qu'il fut esleu Duc, bien
qu'il n'eust aucune enuie d'estre contrôlé en ses actions, qu'il fardoit le plus qu'il pouuoit,
demanda qu'on luy donast deux Tribuns pour veiller avec luy en sa charge: Iceux fu-
rent Candiano & Iustiniano, l'un de Realte, & l'autre de Castello: Au lieu de cōferer avec
eux, & de ne decider chose aucune qu'il fut d'importance à la République en leur absence,
il se comporta autrement qu'il ne deuoit, avec telle audace & temerité qu'il vouloit gou-
uerner l'Etat à sa guise, sans demander conseil & aduis aux Tribuns. Les Citoyens crai-
gnans que si son outrecuidance n'estoit reprimée, elle l'emportast à la tyrannie, le despotil-
lerent de son autorité & de l'usage de la veue: sa principauté se termina au bout de 8 ans.



7. *Mauricius Galbaio*

8. *Ioannes Galbainus*

9. *Obelerius Anthonorius*

7. **MAVRICIO GALBAIO** Gentil-homme, ou Noble d'Heraclee, succeda à Me-
negario: ceux de Realte & de Castello commencerent à le menacer de le faire demettre
de sa dignité, pource qu'on ne luy auoit point donné de Tribuns, pour estre de son con-
seil, ainsi qu'à son deuancier. Par sa prudence il sceut bien se garder de ce coup, car il fit
toas reduire les Euesques en l'Eglise de Grado, avec leur Patriarche. Donna vn Euesque
à la ville de Castello, honora de la charge de Tribune le fils d'Euagrius à Iesolo, & fut le
premier qui iouist de ceste dignité. Ceste election fut depuis autorisée par le Pape
Adrian, & toutes les Eglises de nouueau basties eurent des clefs, comme celle de saint
Pierre, de S. Raphaël, de S. Sauueur, & autres. Ceux de Realte & de Castello furent satis-
faits d'estre honorez de ces preeminences. Ceux de Iesolo furent pareillement con-
tents de ce qu'un de leur compatriote auoit esté gradué le premier de ce tiltre-là. Tous
les susdits peuples, en consequence de ce que dit est, furent d'accord vnanimentement, &
consentirent que le Duc Mauricio associast avec luy son fils Iean en sa Duché. Il assista
le Roy Charlemagne cōtre Didier Roy des Lombards, & luy presta vingt-cinq vaisseaux
bien equippez, desquels ledit Iean fut general, à cause dequoy Charlemagne vint au
bout de ses pretensions, & print sur les Lombards vne ville qu'il auoit assiegée. En ce
temps finit le Royaume des Lombards en Italie, son gouvernement dura 23. ans.

8. **GIOVANNI GALBAIO** succeda à la principauté de son pere, avec lequel il auoit esté
adjoinct au gouuernement: à ceste imitation il adjoignit avec luy vn sien fils nommé Mauricio

Mais aduenant la mort del'quelque de Castello, leur Principauté fut troublée: car ayant pourueu de ceste dignité vn certain Grec de nation, nommé Christophle, à la priere de l'Empereur de Grece, sans le consentement des Tribuns: Et le Patriarche de Grado ne voulant le sacrer, ny approuuer son Election, Mauricio fils du Duc passa à Grado avec vne armée, & là estant le plus fort fit precipiter du haut d'vne Tour ledit Patriarche. Le peuple offensé de cet acte indigne d'un homme de bien couuoqua les Estats à Treues, où se trouuerent plusieurs Tribuns, qui avec toute l'assemblée creerent pour leur Duc le Nepveu du defunct Patriarche, & assistez du secours de France assiegerent Malamocco, où estoient Giouanni Galbajo & son fils, qui se recognoissans trop foibles pour resister aux forces ennemies, s'enfuirent secretement de la ville. Ledit Giouanni gouerna tant avec son pere, que seul, & avec son fils 23 ans, autres disent 34 ans.

9. OBELERIO, selon quelques Historiens, fut esleu Duc de Venise, peu apres le departement de Giouanni Galbajo. Les autres disent que ce fut son frere Beato, pource que les Venitiens auoient opinion de luy qu'il auoit incité Charlemagne à faire la guerre contre eux, & qu'il se laissoit porter plustost au bien des François qu'à celuy de sa patrie: sujet pour lequel il fut par eux dechassé, mais pour venger ceste injure implora le secours de Pepin, qui pour lors sejournoit à Rauenne, lequel ayant sceu l'histoire de sa disgrâce luy donna quelques gens pour tascher à se remettre, & y voulut estre en personne, apres auoir prins quelques villes sur eux il tira droit à Malamocco, au bruit qui en auoit couru auparavant les habitans de ceste ville se retirerent à Realte, & à Castello, où Pepin les voulut aller assieger n'eut pas du meilleur: car les Venitiens lascherent leurs digues & escluses qui noyerent vne partie de son armée. De despit il ruina Malamocco, print Albida, Chioggia & Brondel: puis rebroussa chemin à Rauenne, où les Venitiens luy enuoyerent des Ambassadeurs pour le prier de condescendre aux traittez de paix, leurs excuses & raisons ayans esté trouuées bonnes & vailables, il la leur accorda, & les receut en son amitié. Depuis ce temps-là le siege Ducal fut transferé à Realte. Le re



10. Angelo Participatio. 11. Iustiniano Participatio. 12. Ioannes Participatio.

10. ANGELO PARTICIPATO fut esleu premier Duc de Venise ou de Realte, apres Obelerio, & selon aucuns, come dit est, Beato. Apres son election, il voulut auoir aupres de luy deux Conseillers pour luges, l'un desquels auoit en charge les affaires de Realte, & l'autre de Castello. Ceux qui ont escrit l'histoire de Venise, tiennent pour asseuré que Malamocco, qui est à present sus pied, n'est pas ceste ville ancienne, où touloient jadis resider les Venitiens, car ceste-là fut abatuë & rasée, & douteroit on où elle auoit esté située, sans quelques vestiges que les ans n'ont deuorez. Pource qu'iceluy estoit natif d'Heraclée, il la fit rebastir tout de nouveau, & ordōna qu'elle seroit nomē Cité neuue. Puis pour la comodité & vñance du peuple qu'il voyoit s'augmenter de iour à autre, fit construire 70 ponts pour aller aux Isles de l'vne à l'autre, & afin que les Citoyens edifiassent dessus, il s'associa en sa principauté de Iulian son fils aîné, & son 3^e nommé Angelus. Il fut fondateur de l'Eglise de S. Zacharie, pour y mettre le corps de ce saint, dont l'Empereur Leon luy auoit fait present, avec vne piece de la robe de N. Seigneur Iesus-Christ, & du sacré bois de la Croix. Il fit pareillement bastir aux Isles Iumelles les Eglises de S. Laurens & de S. Seuerin. On le tient pour auoir posé les premiers fondemens de l'Eglise de S. Pierre de Castello. Il est inhumé en l'Eglise S. Zacharie, il regna 18. ans.

11. GIUSTINIANO PARTICIPATO succeda à son pere en la dignité Ducale, & s'associa en icelle son frere Giouanni Participatio, qu'il fit reuenir de Constantinople, lequel par apres ayant eu charge de General en vne armée qu'on fit pour s'opposer à queque grande leuée de Mores d'Afrique, se comporta si valeureusement pour les Venitiens, qu'il en desfit vne grande partie, & contraignit le reste de retourner en Afrique. De son temps Buono & Rustico marchands Venitiens trafiquans en Alexandrie, firent tant enuers les gardiens d'vne Eglise où gisoit le corps de S. Marc, qu'il leur fut permis de l'emmener à Venise. L'on dit que pendant leur nauigation, ils furent en retournant battus d'vne si furieuse tempeste, que tous croyoient deuoir faire naufragé, si ceste venerable relique ne les eust preseruez par son merite. Arriuez qu'ils furent au port de Venise, sains & saufs, le Duc Iustiniano aduertit du glorieux thesor qu'ils amenoient en la ville, fut en grande reuerence au deuant avec tous les ordres de la ville, & le sacré corps de S. Marc fut solennellement porté en l'Eglise S. Nicolas, & depuis transporté en l'an 1212. par Pietro Zani, Duc de Venise, en celle qui est à present appellée de son nom, sçauoir de S. Marc, où ce Duc auoit de coustume d'ouyr tous les matins la Messe. Ce deuot personnage auoit pro-

ieété de faire edifier, ioignant son Palais, vne Eglise pour y mettre le saint corps de ce glorieux Euangeliste, mais le trespas l'empescha de ce faire. Son frere fut chargé par son testament d'accomplir sa volonté, ce dont il s'acquitta, ayant succédé à sa dignité. Il regna vn an, les autres disent deux.

12. GIOVANNI PARTICIPIATO demeura en la dignité, & accreut l'Eglise S. Marc, qu'il fit deservir par bon nombre de Prestres, établissant le Primicerio. Il fit trancher la teste à Obelerios, qu'il assiegea en l'Isle de Curtia. Destruisit Malamocco, qui s'estoit rebellé, & le peuple tourné du party d'Obelerios. Il fit la guerre aux Narantains qu'il surmonta. En fin se fit vne coniuration contre luy, & étant confiné à Grano la barbe raze le 8. an de sa Principauté, il se fit Moyne, & y mourut.



13. Petrus Gradonicus 14. Vrsus Particiatus 15. Ioannes Particiatus

13. PIETRO TRADONICO de Pola, s'estant comporté au contentement du peuple en la guerre de Pepin, fut esleu Duc: Il s'associa Giouanni son fils, & donnerent secours à l'Empereur de Constantinople, qui les en fit requérir par Theodose Patrice. Il fut fait Protospataire de l'Empire, au secours duquel il enuoya 60. galeres. Louis 2. luy accorda beaucoup de priuileges, & en fin fut tué par vne sedition, l'an 27. de son gouvernement.

14. ORDO PARTICIPIATO, ayant appaisé la sedition fut fait Duc. Les Turcs ayans rauagé la Dalmatie iusques à Grade, furent deffaits par luy avec Giouanni son fils, qu'il auoit associé. Basile Empereur l'honora fort pour ceste occasion, & le fit Protospataire de l'Empire. Il gouerna 17. ans.

15. GIOVANNI PARTICIPIATO, ayant esté confirmé en sa dignité prit & brussa Comachio, rauagea la Comté de Rauenne pour se vanger du Comte de Comachio, qui auoit fait prisonnier, & blessé à mort Bodoario son frere. Estant deuenu valetudinaire, il fit bastir l'Eglise des SS. Cornelius & Cyprian à Malamocco, & ayant gouuerné 5. ans 6. mois renonça à la dignité.



16. Petrus Candianus 17. Petrus Tribunus 18. Vrsus Badoarius

16. PIETRO CANDIANO fut esleu apres la demission volontaire de son predecesseur. Il estoit vaillant & expert aux armes, & neantmoins homme deuot. Il alla en personne avec dix galeres contre les Narantains, lesquels comme latrons rauageoient & couroient sus aux Venitiens. Combatant valeureusement contre iceux: il mourut à la seconde fois les armes en main. Il ne gouerna que 5. mois.

DOMINICO TRIBVNO est mis au rang des Ducs par quelques-vns: Les autres qui ont moins curieusement recherché l'Histoire l'ont obmis, n'ayant esté que 3. mois Duc & 13. iours. Il ne se remarque rien de son temps qu'un certain priuilege accordé à Chioggia.

17. PIETRO TRIBVNO, fils de Dominico, esleu Duc, obtint de Guido Empereur & Roy d'Italie, la confirmation des anciens priuileges. Les Barbares Huns vindrent en Italie, brulerent Heraclee, Cappel d'Arger, & Chioggia. Ce Prince les desfit avec beaucoup d'honneur, & ce fut la troisieme fois que les estrangers voulurent vsurper cet Estat. Il gouerna 24. ans.

18. ORSO BADOARO s'appelloit Particiato, & fut le premier qui changea ce nom. Il enuoya Pietro son fils à Constantinople, lequel fut fait Protospataire. L'an 920. il obtint

de Rhodolphe Empereur & Roy d'Italie la confirmation de l'ancienne autorité des Venitiens de battre monnoye. S'addonna du tout à la pieté, & l'an 20. il renonça à la dignité pour se faire Moyne, & vescu sainctement.



19. *Petrus Candianus* 20. *Petrus Badoarius* 21. *Candianus Petri fil.*

19. PIETRO CANDIANO II. estoit homme vaillant, & fit la guerre à Lanterio, Marquis d'Istria, qui empeschoit le trafic des Venitiens, le surmonta & reconquit les peuples de Capio d'Istria. Il vainquit Albert fils de Berengarius Empereur, qui s'estant impatronizé de Rauenne, empeschoit le passage aux vaisseaux Venitiens. De son temps furent rauies les filles à marier par les Triestinais, & recourées. Il gouverna 7. ans.

20. PIETRO BADOARO, fils d'Orso, fut racheté par luy des Esclavons. Il ne gouverna que 2. ans 7. mois, tousiours en bonne paix, dont il se monstra fort amateur. Berengarius Empereur luy fit plusieurs faueurs pour ses merites.

21. PIETRO CANDIANO III. fils du II. Candiano, associa à la dignité son fils Pietro, & par deux fois arma 33. vaisseaux contre les Narantains. A la seconde fois il fit paix avec eux. Son fils estant blâmé par luy des mauvais comportements, se recourra contre luy & contre la Republique. Le peuple le voulut tuer, & fut enuoyé en exil, où s'accostant de Guido, fils de Berengarius, il endommagea la Rep. dont son pere estant trauaille mourut l'an 1.



22. *Petrus Candiani fil.* 23. *Petrus Orseolus* 24. *Vitalis Candianus*

22. PIETRO CANDIANO IV. estant rappellé d'exil (encores que le peuple eut fait sermèr de iamais ne le recevoir) fut fait Prince avec tres-grand applaudissement. Il fit en sorte enuers le Pape Jean 12. que l'Eglise de Grade fut faite Patriarchale & Metropolitaine de tout l'Etat des Venitiens & de l'Istrie. Othon Empereur luy accorda plusieurs honorables priuileges. Il ruyna Vierzio, & fut tué par vne sedition du peuple avec son fils, ayant gouverné 20. ans.

23. PIETRO ORSEOLO estoit homme tout deuotieux, & fut esleu par le peuple contre sa volonté. Il alloit souuent en habit incogneu visiter les pauvres & hospitalux. Appaisa les dissensions des Venitiens, avec ceux de Capo d'Istria, qui se rendirent tributaires. Il s'en alla avec Beato Romualdo de Rauenne, pour viure religieusement. Il gouverna 2. ans 2. mois 10. iours, & a fait plusieurs miracles.

24. VITALE CANDIANO, fils de Pietro III. fit la confederation avec l'Empereur Othon. Il deuiat malade tout au commencement qu'il voulut exercer la charge, de maniere qu'ayant fait un vœu de se rendre Moyne, s'il recouroit la santé, il l'accomplit ayant gouverné un an, ou enuiron.



25. Tribunus Memus

26. Petrus Vrceolus

27. Otho Vrceolus

25. TR. BVNO MEMO estoit fort riche, & non homme d'Estat. Il y eut de son temps grandes dissensions entre les familles Moresina & Caloprina, à l'occasion dequoy se firent de grands meurtres. Il tint le party de Moresini, ce qui donna sujet aux autres de se retirer à Verone, vers l'Empereur Othon. Il donna l'Isle de San Giorgio Maggiore à l'Abbé Moresini: Renonça à la Principauté le 12. an pour se faire Religieux.

26. PIETRO ORSEOLO II. estoit vn homme accort, lequel fit en sorte avec les Emperours Basile & Alexius, que les Venitiens furent exempts de gabelles. Othon Empereur estant à Verone le fauorisa, entre autres choses, de tenir au Baptisme vn sien fils. Il fut le premier qui estendit les confins sur mer, acquerant plusieurs places en Istrie & Dalmatie. Ayant fait acheuer l'Eglise & le Palais, il mourut l'an 18. de sa Principauté.

27. OTTON ORSEOLO ayant gouverné quelque temps avec Pietro son pere, fut confirmé en la dignité à l'age de 18. ans. Il s'acquit vne telle reputation, que Geta Roy de Hongrie luy donna vne sienne sœur pour femme. Il vainquit ceux d'Istrie qui s'estoient rebellez, & alla en personne en Dalmatie à l'entreprise contre Cresmut. En fin les enuieux de sa gloire luy dresserent vne conspiration, & fut confiné en Grece l'an 17.



28. Petrus Centranicus

29. Dominicus Flabanicus

30. Dominicus Contarenus

28. PIETRO CENTRANICO, ou Barbolano succeda à Othon, mais n'ayant peu appaiser les dissensions, tant pour le remuement des Citoyens que circonuoisins, fut contrainct quitter la dignité, & se faire Moine. Orso frere d'Othon retiré à Constantinople, qui estoit Patriarche de Grade, fut constitué en attendant son retour. Il demeura environ vn an au Palais, & quitta la Principauté, entendant la nouuelle de la mort d'Othon. Dominico Orseolo voulut vsurper la dignité, & fut chassé par le peuple dès le lendemain, & mourut à Rauenne.

29. DOMINICO FLABANICO fut esleu pendant son exil par la faction de ceux qui auoient chassé Dominico Orseolo. De son temps l'an 1040. fut fait vn Concile national pour le reglement des Ecclesiastiques. Il rendit la famille Orseola soupçonnée à l'Estat pour les moyens, & s'efforça de la supplanter entierement. Il gouverna 10. ans 4. mois 10. iours.

30. DOMINICO CONTARINI fut fort agreable au peuple. Il remit en paix la Dalmatie fort trouuillée pour la rebellion de Zara: Fauorisa les Normans contre Robert Roy de la Pouille. La discorde qui estoit entre la Rep. & Pepo Patriarche d'Aquilée, fut appaisée par luy. Il fit bastir le Monastere S. Nicolas sur le Lido, & mourut l'an 28.



31. *Dominicus Silvius* 32. *Vitalis Falerius* 33. *Vitalis Michael*

31. DOMINICO SILVIO s'acquit vne telle reputation que Nicephore Empereur de Constantinople luy donna sa sœur en mariage. A la persuasion d'icelle il fit guerre contre le susdit Robert Roy, & à la premiere fois remporta vne honorable victoire sur luy, s'emparant de Duras. A la seconde fois il combatit avec beaucoup de desadvantage, dont suivit la diminution de son credit. Il encrousta de marbre l'Eglise S. Marc le premier, & y fit travailler de Mosaique. Mourut le 13. an.

32. VITAL FALIERO estant fait Duc, obtint incontinent d'Alexius Empereur la souveraineté de Dalmatie & Croacie. Henry successeur à l'Empire luy fit de grandes faueurs, & estant venu par deuotion à Venise tint au Baptême vne sienne fille. L'office de Proprio fut institué de son temps, & l'ouvrage de l'Eglise S. Marc continué. Il gouverna 12 ans.

33. VITAL MICHELE par sa valeur sur mer estendit au loing les limites de la Republique. Il fit la guerre au Levant à la persuasion du Pape Urbain 2. pour conquerir la Terre Sainte avec les Princes Chrestiens. L'Isle de Smyrne, la Surie & Hierusalem furent ostées aux Infidelles. Il mourut le 6. an.



34. *Ordelaphus Falerius* 35. *Dominicus Michael* 36. *Petrus polanus*

34. ORDELAO FALIERO fils de Vital, assista Baldoïn Roy contre les Infidelles à la conquête de la Terre Sainte, & firent tels progresz qu'ils diuiserent l'Empire entr'eux par tout le Royaume de Iudée. Au 8. an de sa Principauté Malamoco fut presque du tout brûlé & submergé, ce qui occasionna de transferer le siege Episcopal à Chioggia. Il alla en personne à la guerre contre Zara, qui s'estoit rebellée, & ayant gagné la victoire, y estant retourné vne seconde fois, mourut les armes en main l'an 15. de sa Principauté.

35. DOMINICO MICHELE estant fait Duc par sa grande reputation & merites, alla par l'entremise du Pape Calixte donner secours aux Chrestiens en la Terre Sainte. Il fut avec 100 vaisseaux leuer le siege aux Infidelles de deuant Ioppe. Il prit Tyro qu'il donna à Vandmond Patriarche de Hierusalem. Emanuel Emp. luy fit guerre, contre lequel il print Chio, Rhodes, Samos, Metellin, & Istre. Il renouça à la Principauté l'an 13.

36. PIETRO POLIANI gendre de Michele estoit fort sage, de maniere qu'il fut Arbitre du differend entre Conrad & Emanuel Empereur. Il fit guerre à ceux de Pise & Padoue qu'il vainquit. Il s'arma contre le Duc de la Pouille, en faueur du susdit Emanuel, auquel il recoura plusieurs possessions prises sur l'Empire. Aucuns disent que ce fut son fils qui gagna les batailles, & que luy estant tombé malade, s'en retourna, & mourut le 18. an.



37. *Dominicus Maurocen* 38. *Vitalis Michael* 2. 39. *Sebastianus Zianus*

37. DOMINICO MORESINI nettoya le goulfe de certains Corsaires d'Ancone, dont le chef Guiscart fut pris & pendu. Il fit assieger Pola, qu'il print avec Patenzo, lesquelles villes s'estoient rebellées en Istrie. Eut confederation avec Guillaume Roy de Sicile, duquel il obtint plusieurs exemptions pour le traffic des marchands. Zara fut faite Metropolitaine à son instance, & fit que Dominico son fils en fut esleu Comte. Il orna d'edifices la cité de Venise, & fit commencer la tour de S. Marc. Mourut 7 mois apres la 8. année de son eslection.

38. VITAL MICHEL II. subiugua les Tarantins qui s'estoient rebellez pour la troisieme fois. Il fit prisonnier Vltic Patriarche d'Aquilée, & 12 Chanoines. En cent iours il mit cent galeres & vingt nauires en mer contre l'Empereur Emanuel. La famille des Iustiniens se trouua de son temps reduite en vn seul qui estoit Religieux, lequel il retira du Monastere par contentement du Pape, & luy donna vne sienne fille en mariage. Il vint vne grande peste de son temps, de laquelle le peuple luy attribuant la faute, il fut bleffé, & mourut, ayant gouverné 17 ans 27 iours.

39. SEBASTIANO ZIANI fut le premier esleu par xi. Eslecteurs. De son temps y eut vn grand schisme en l'Eglise pour l'occasion de l'Empereur Federic Barberousse, qui occasionna qu'Alexandre 3. abandonna le S. Siege. Octavian avant esté fait Antipape, Alexandre se retira à Venise, où ayant long temps seruy au Monastere de la Charité, il fut en fin recogneu & leué par le Prince & Seigneurie. Barberousse fit la guerre contre les Venitiens à ceste occasion. Octavian son fils fut pris, qui moyenna la reconciliation, & que son pere vint à Venise baiser les pieds du Pape. Il obtint plusieurs priuileges en reconnaissance, & mourut l'an 5.



40. *Aurus Mastropetrus* 41. *Henricus Dandulus* 42. *Petrus Zianus*

40. ORIO MALIPIERO, ou MASTROPETRO fut le premier Duc esleu par les xl. creéz à cest effect apres la mort de Ziani. On luy donna six Conseillers pour autoriser ses deliberations. Il reconquist Zara qui s'estoit rebellée pour la quatrieme fois. Il enuoya au secours des Chrestiens contre les Mores qui vsurpoient la Terre Sainte, 88 ans apres que Baldouin l'auoit deliuré. Ptolemaide fut reprise, & Andronicus successeur d'Emanuel Emp. deliura plusieurs marchands Venitiens. Il renonça à la Principauté le 14. an pour se faire Religieux.

41. HENRICO DANDOLO fut encores esleu par les xl. Ceux de Zara furent encores vne fois vaincus, & Pola conquise. De son temps se fit la prise de Constantinople, & l'acquisition de l'Empire de Leuant, à quoy il assista les Princes & Barons François. Il mourut le 13. an, estant General de toute l'armée Chrestienne.

42. PIETRO ZIANI fils de Sebastian, fut fait Duc vn certain temps apres la mort de Dandolo, les Correcteurs estans lors instituez. De son temps vindrent des Ambassadeurs d'Athenes & d'Achaie, pour se soumettre à l'obeissance de la Rep. Candie fut peuplée d'une colonie de Nobles Venitiens. Il espousa Constance fille de Tancrede Roy de Sicile. En fin il renonça à la Principauté, ayant gouverné 24 ans.



3. *Jacobus Tepulus* 4. *Maurinus Marocenus* 5. *Rainerius Zenus*

43. GIACOMO TIEPOLO fut fait Duc par sort en concurrence de Renieri Candelo, qui eut autant de voix comme luy: Candie se rebella, & furent les seditieux chastiez: Zara qui auoit secoué le ioug fut remise en l'obeissance: Il y eut guerre contre les Ferrarois, & contre Ezzelin qui estoit impatronisé de Padoise: En fin il quitta la Principauté le 20. an, & mourut peu apres.

44. MARINO MORESINI fut fait Duc par les xli. à cause de la concurrence precedente: De son tēps fut enuoyée vne colonie de Nobles en Cādie, qui y bastirent Canea: Il fit guerre contre Ezzelin, qui assiegeoit Mantouie, lequel de rage fit mettre en pieces douze mille Padoisians qu'il auoit en son armée: Il mourut l'an 4. de sa Principauté.

45. RENTERI ZENO estant Podesta à Fermo fut esleu Duc, & enuoyé leuer avec quatre galeres: Sous luy la Repub. obtint vne signalée victoire contre ceux de Genes, mais le contentement en fut brief, d'autant que Michel Paleologue chassa les François & Venitiens de Constantinople aydé par les armes des Geneuois, l'an 58. apres la prise d'icelle ville: Vne autre fois ceux de Genes furent encores vaincus, & ayant gouverné 16 ans il mourut.



46. *Laurentius Tepulus* 47. *Iacobus Contarenus* 48. *Ioannes Dandulus*

46. LORENZO TIEPOLO fut fait Duc pour la ressouuenance de la victoire qu'il remporta sur ceux de Genes à Tiro. Il allia fort noblement deux de ses fils avec des Dames estrangeres, à l'occasion dequoy se fit vne loy pour l'aduenir que cela ne peust estre: Seruia se mit en l'obeissance de la Rep. & les Bolonois furent vaincus: Il gouverna 7 ans 35 iours.

47. GIOVANNI CONTARINI à l'aage de 80 ans fut de Procureur de S. Marc fait Duc: La loy contre les illegitimes fut publiée & furent exclus de toutes charges publiques: Il s'esmeut quelques rebellions en Istrie, & par ceux de Genes, qui furent apaisées: En fin pour son aage trop grand il renonça à la dignité par l'aduis du Senat, ayant gouverné 4 ans 6 mois.

48. GIOVANNI DANDOLO fut esleu estant absent. La cité fut de son temps assiegée par eau & tremblement de terre: Il se fit guerre en Istrie contre le Patriarche d'Aquilée & le Comte de Goritia: A l'instance du Pape Nicolas il secourut avec 25 Galeres l'Archeuesque de Tripoly: Mourut 7 mois apres l'an 8.



49 *Petrus Gradenicus* 50 *Marinus Georgius* 51 *Ioannes Superantius*

49 PIETRO GRADENIGO, homme courageux deliura la Republique de deux grands dangers: l'un pour vne grande disgrâce aduenüe en vne bataille contre ceux de Genes: l'autre pour la conitration de Baïamonte, qui fut reprimée les armes en main sur la place S. Marc: Il fut ordonné que la Noblesse seulement auroit le gouvernement, & le Conseil des dix institué: Ayant gouverné 22 ans 9 mois il mourut.

50 MARIN GIORGINO estoit si bon que l'on le surnomma Sainct: Venise fut tousiours excommuniée de son temps, à cause de la prise de Ferrare: Zara se rebella pour la 6^e fois, & y eut beaucoup de peine à la ranger à son deuoir: Il fit bastir le Monastere de S. Dominique, & mourut aagé de 81 an, la premiere année, ayant gouverné 10 mois 10 iours.

51 GIOVANNI SORAZO eut l'honneur du recouurement de Zara, & autres lieux alienez du viuant de son deuancier: Negrepont fut recouré, & se fit guerre contre ceux de Genes: L'excommunication fut leuée à Venise par l'entremise de Francisco Dandolo, qui se ietta aux pieds du S. Pere vne chaisne de fer au col: Le nombre des Procureurs S. Marc fut accru iusques à six: Il gouverna 16 ans 6 mois.



52 *Franciscus Dandulus* 53 *Bartholomeus Gradomo* 54 *Andreas Dandulus*

52 FRANCESCO DANDOLO qui s'estoit tant humilié pour la partie fut esleué à la plus haute dignité qu'elle ayt: Ceux de Pola & Valesse se soulmirent à la Rep. Ce qui occasionna la guerre contre le Patriarche d'Aquilée: Padouie fut pris sur Albert Scaliger, & Treuise, & la Comté demurerent à la Rep. Il fut de la ligue des Princes Chrestiens cōtre le Turc, & de son temps se trouuerent 60 Ambassadeurs à Venise: Il gouverna 10 ans 10 mois.

53 BARTOLOMEO GRANDENICO Procureur de S. Marc fut fait Due à 76 ans par la cession d'André Dandolo: De son temps aduint le renommé miracle de S. Marc, S. George, & Sainct Nicolas, qui deliurerent Venise d'une horrible inondation imminente: Candie se rebella, & les rebelles furent seuerement punis: Il y eut vne grande cherté en la Cité, qui occasionna vn mescontentement du peuple, & mourut l'an 4.

54 ANDREA DANDOLO qui auoit quitté au Gradenigo fit cesser la cherté, ayant enuoyé charger des bleds en Sicile: Il obtint du Roy de Babylone la nauigation libre en Egypte: Zara se rebella la 7^e fois, & fut reprise: La guerre se fit à ceux de Genes, & la Cité fut trauaillée de deux grands accidens, vn de tremblement de terre, l'autre de peste: Il gouverna 12 ans moins quelques mois.



Marinus Falerius

56 Ioannes Gradenicus

57 Ioannes Delphinus

55 MARINO FALIERO fut esleu Ambassadeur à Rome: Ayant receu vne iniure de quelques particuliers qui ne fut pas vangée selon son desir, il delibera en l'age de 80 ans se faire Seigneur absolu: La coniuration descouuerte par Nicolo Lion, il eut la teste tranchée dans le Palais, & fut ordonné qu'au lieu de son pourtrait seroit escrie.

ICY EST LA PLACE DE MARINO FALIERO, QUI POVR SA GRIEFVE FAUTE A EU LA TESTE TRENCHÉE: Il fut Duc 10 mois.

56 GIOVANNI GRADENIGO fut beau d'esprit, & laid de visage: La guerre se renouella contre Genes, qui se termina en vne paix: Il eut encore guerre contre le Roy de Hongrie pour la Dalmatie: Treuise fut assiegée de son temps, & y alla en personne: Il gouverna 2 an 3 mois 14 iours.

57 GIOVANNI DELFINO fut esleu Duc lors qu'il estoit dans Treuise pour la defendre contre le Roy de Hongrie: Le Senat enuoya demander passage libre pour luy, lequel refusa il sortit avec 200 chevaux à la barbe de l'ennemy, & se rendit à Marglieta, où le Senat l'alla leuer: En peu de temps il termina ceste guerre-là, & reconoura Conilian, Serual, & Asolo: Il fit la paix pour la souveraineté de la Dalmatie, & mourut l'an 43. ayant gouverné 4 ans 2 mois 11 iours.



58 Laurentius Celsus

59 Marcus Cornarius

60 Andreas Contarenus

58 LORENZO CELSO sur les faux bruit d'une victoire contre ceux de Genes fut fait Duc en concurrence de Pietro Gradenigo, Leonardo Dandolo, & Marco Cornaro: Candie se rebella, & eut de grandes difficultez à la rauoir: A ceste occasion se fit vne iouste & feste publique en la place S. Marc: Il mourut 2 iours apres le 4. an de sa Principauté.

59 MARCO CORNARO homme fort docte & sage, enuoya en Candie, qui s'estoit rebellée, & s'y fit vne fort cruelle guerre: le Pape ayant mesmement donné Indulgence plénie-re à ceux qui iroient, les rebelles ayans esté seuerement punis, la Rep. fit present au Pape Vrbain 5 de certain nombre de galeres: Il gouverna 2 ans 5 mois 24 iours.

60 ANDREA CONTARINI s'enfuit sur le Padoüan de crainte d'estre esleu Duc, comme presageant la ruïne qui de son temps deuoit arriuer à la Rep. Premieremēt se fist la guerre par ceux de Trieste, puis apres par le Carrara pour les confins de Padoüe, qui fut telle que Chioggia estant pris, la Cité de Venise se trouua en extrême danger. Mais en fin il alla en personne s'opposer aux ennemis, les vainquit, & reprit Chioggia: Il mourut ayant gouverné 15 ans 4 mois 15 iours.



61. *Michel Morosini* 62. *Antonio Venier* 63. *Michel Steno*

61 MICHEL MOROSINI estoit rempli de doctrine & de sagesse: Auecens disent que de son temps l'Isle de Thenedos fut prinse, & non du temps de Contrani son predecesseur: Il fut fait diuerses loix, & entr'autres celle qui ordonne que les homicides qui estoient pendus eussent à l'aduenir la teste tranchée: Il ne gouerna que 4 mois 5 iours, & mourut au 74. an de son aage:

62 ANTONIO VENIERO rigoureux obseruateur de la Iustice, fit confirmer vn sien fils en exil, pour auoir trop legerement offensé la famille d'un noble Venitien: Il fit ligue avec Galeazzo Viconte contre le Carrara, sur lequel print Padoue: Il secourut l'Empereur Emanuel contre le Turc, & aida à Sigismond Roy de Hongrie, qui depuis vint à l'Empire. La place de S. Marc & celle de Realte furent grandement embellies de son temps: Il mourut 1 mois 3 iours apres l'an 18.

63 MICHEL STENO eut la dignité de Procureur de S. Marc avec celle de Duc: Se gagna vne bataille importante contre les Geneuois: Le Carrara fut vaincu pour la derniere fois, & Padoue & Verone pris: Ceux de Vicence pour se deliurer de sa tyrannie se rendirent à la Republique. Ladislas Roy de Hongrie quitta semblablement Zara: Il mourut ayant gouerné 13 ans 3 iours.



64. *Thomas Mocenigo* 65. *Francesco Foscarini* 66. *Paschale Malispiero*

64 THOMAS MOGENIGO fut premierement general du Goulfe: Il embrassa la paix pour faire que les Citoyens traffiquassent. Vdine vint à l'obeyssance de la Repub. avec la partie de Friul, par la faueur des Seigneurs Sauorgnani, qui furent sius nobles de Venise. Les Florentins furent secourus contre le Duc de Milan. Dans le 10. an il mourut.

65 FRANCESCO FOSCARI reprima fort le Duc de Milan, qui empietoit sur la liberte d'Italie. Brescia, Bergamo, & autres villes de la Lombardie furent acquies, entre lesquelles Lode, Parme, & Raucenne en la Romanie: Il fut aussi fait de grands progres en mer & en la Morée: Le Senat secourut Paleologue Empereur contre les Turcs qui vsurperent Constantinople l'an 1453. Il fut esleu arbitre par le Duc de Milan en certains differens de voisinage: Le Roy de Datie fut fait noble Venitien, puis le Duc pour sa grande caducité fut delinis, ayant gouerné 34 ans 6 mois.

66 PASCHALE MALISPIERO fut mis en la place de Foscarini, estant Procureur de saint Marc, qui mourut 2 iours apres sa demission: Il fit vne loy, que pour l'aduenir le Duc ne peust estre depose: De son temps l'Imprimerie est introduite à Venise. L'Arsenal fut grandement accreu, & entretint le peuple en paix, pendant 4 ans 6 mois 5 iours qu'il gouerna.



Christophorus Maurus *Nicolaus Tronus* *Nicolaus Marcelus*

67 CHRISTOPHORO MORO encorres fait de Procureur de S. Marc Duc, s'entretint quel-
que temps en paix, tant que le 2. an de son gouvernement le Turc enorgueilluy pour la
prise de Constantinople declara la guerre aux Venitiens: Ils firent ligue avec le Pape
Pie 2. & le Duc de Bourgongne, mais le Pape venant à mourir, ils demeurèrent seuls, &
soustindrent 20 ans la guerre: Il mourut, ayant regné 9 ans 6 mois.

68 NICOLÒ TRONO eut le bon-heur que de son temps les affaires de la Repub. allerent
assez bien contre le Turc: Pietro Mocenigo General en l'Archipelago, vny avec le Pape,
le Roy de Naples, & ceux de Rhodes, mit 85 galeres ensemble, & print Salatie Cité de la
Pamphlie: Il se fit encore ligue avec le Roy de Perse contre le Turc: Jacques Roy de Cy-
pre estant venu à Venise, espousa Catherine Cornara, fille adoptive de S. Marc: Il gou-
verna vn an 8 mois 5 iours.

69 NICOLÒ MARCELLO Procureur de S. Marc, apres quelques loix faites par les Cor-
recteurs, fut esleu Duc: De son temps se fit vne conuitation en Cypre pour faire tom-
ber le Royaume entre les mains de Ferdinand Roy de Naples. Pietro Mocenigo y alla
avec vne grosse armée, appaisa tout, & fit seuerement punir les rebelles: Scutari fut assie-
gé du Turc, & vaillamment defendu par Antonio Loredano: Ce Duc gouverna vn an 4
mois 17 iours.



Petrus Mocenicus *Andreas Vedraminus* *Ioannes Mocenicus*

70 PIETRO MOCENIGO fut esleu Duc, pour la ressouenance de ses braues faicts: Le-
panthe fut assiegé de son temps par les Turcs, & vaillamment defendu par Antonio
Loredano: Ils porterent leurs armes contre l'Isle de Stalimene, & le mesme Loredano fut
paroitre sa valeur à la deffendre: La fille du Roy Ferdinand vint à Venise avec le Car-
dinal son frere, où ils furent regalez: Ce Prince fit battre vne monnoye qu'il surnomma
de son nom, & ne gouverna qu'vn an 2 mois 9 iours.

71 ANDREA VEDRAMINO eut le malheur en son gouvernement que l'armée Veni-
tienne fut deux fois mise en route par les Turcs: l'vne pres Croya en Albanie, l'autre dans
la pattie du Priul. En sa personne il eut l'heur qu'estant fort beau il eut vne femme tres-
belle & de beaux enfans, qu'il allia par mariage aux premieres familles: Il gouverna vn
an 8 mois.

72 GIOVANNI MOCENIGO, frere de Pietro Mocenigo, ayant continué la guerre con-
tre le Turc, fit en fin la paix avec luy, moyennant qu'il laissast à Scutari & Stipula liberté
du commerce, & pouuoir tenir vn Baile à Constantinople: il se fit guerre contre Ferdi-
nand Roy de Naples à l'instance du Pape Sixte 4. qui occasionna la longue guerre Socia-
le: En fin se fit la paix, la Republique ayant acquis Rouigo & le Polesan: La Cité fut dif-
formée de feu & de peste, & ce Prince mourut le 7. an & 6 mois.



73. Marcus Barbaricus 74. Augustinus Barbaricus 75. Leonardus Loredanus

73 MARCO BARBARIGO la peste estant cessée fit rebastir ce que le feu auoit bruslé au Palais : il auoit vne maxime differente de tous autres Princes, de sçauoir pardonner, oublier les iniures particulieres qui luy estoient faites, & venger seuerement celles qui se faisoient contre l'Estat: Le Grand-Seigneur luy enuoya vn Ambassadeur particulier pour congratuler son election: Il ne gouerna que 9 mois.

74 AGOSTINO BARBARIGO résista aux progres de Charles 8. Roy de France, lors qu'il fit la guerre contre ceux d'Arragon pour le Royaume de Naples qu'il conquist. Le Turc ysurpa sur la Republique Lépante, Modone, Corone: le Royaume de Cypre fut mis sous la tutelle du Senat, & la Roynie Catherine amenée à Venise: L'office de la Santé fut créé par l'occasion de la peste: Le Duc gouerna 15 ans 21 iours.

75 LEONARDO LAVREDANO soustint vne tres-rigoureuse guerre contre les premiers Princes du monde, s'estant fait à Cambray vneligue entre l'Emperereur Maximilian, le Roy de France, celuy de Naples, les Ducs de Sauoye, Ferrate & Mantouë, incitez par le Pape Iules 2. Tout l'estat de Terre ferme fut pris fors Treuise, mais en fin il fut recourré: il vescent en Principauté 19 ans 8 mois 20 iours.



76. Antonius Grimanius 77. Andreas Gritius 78. Petrus Lando

76 ANTONIO GRIMANI estant General eut vne desroutée signalée, pour occasion de laquelle il fut démis de la charge de Procureur S. Marc, & conuaincu à Chersos: il rompit son ban, & se retira à Rome pres le Cardinal son fils, où il rendit de si bons offices, que non seulement il fut restably en sa dignité de Procureur, mais encores fait Duc en l'age de 82 ans, & ne gouerna qu'un an 10 mois 2 iours.

77 ANDREA GRITTI ayant remporté la meilleure part de la gloire pour la reprise de Padouë, fut en grande estime: Il fit tant enuers le Roy de France, où il estoit prisonnier, que sa Majesté s'allia avec la Repub. & que Verone & Brescia furent reconquis: il sceut fort bien se comporter au gré du Senat pendant les guerres entre l'Empereur Charles 5. & François I. & encores contre Soliman: il gouerna 15 ans 7 mois & 8 iours.

78 PIETRO LANDO continua la deffense de la Repub. contre le Turc, avec lequel il fit en fin vne paix dont il sceut iouir, & se maintenir pendant les guerres des susdits Charles & François: il gouerna 6 ans 8 mois.



Franciscus Donatus *Marcus Anton Trusianus* *Franciscus Venerius*

79 FRANCESCO DONATO vint du benefice de la paix, orna la Cité de diuers beaux edifices, entr'autres celuy du Palais: il enuoya du secours à l'Empereur contre certains rebelles en Allemagne: Les Princes de Guise estans venus de son temps à Venise y furent regalez selon leur dignité: il gouuerna 7 ans 6 mois.

80. MARCO ATONNIO TREVISANO hōme du tout deuotieux, rechercha que la Rep. fut abondante en biens & bonnes mœurs, empeschant par son bon exemple que les vices ne se glissassent comme ils font en vne trop longue paix: il gouuerna vn an moins 3 iours.

81 FRANCESCO VENIERO sceut tellement gouuerner la Repub. qu'encores que de son temps le Turc fit guerre en la Pouille, & le Roy de France en Toscane, la Royne de Pologne fut regalée à Venise: il gouuerna 2 ans vn mois 20 iours.



Laurentius Priolus *Hieronimus Priolus* *Petrus Loredanus*

82 LORENZO PRIVLI fut sollicité par le Pape de faire la guerre à l'Empereur, mais estât amy de la Republique il ne voulut l'offenser, & moyenna la pacification des affaires. De son temps se fit la paix entre France & Espagne. Charles V. mourut: Ce Prince gouuerna 3 ans 11 mois 8 iours.

83 GIROLAMO PRIVLI frere du precedent iouyt de grands honneurs que le Pape Pie 4. fit à la Republique, laquelle il fauorisa singulierement d'ouyr les Ambassadeurs d'icelle en la Salle des Roys: De son temps fut conclud le Concile de Trente, où il auoit enuoyé pour Ambassadeur Nicole de Ponte, & Marco Dandolo: La Republique tint au Baptême le fils du Duc de Sauoye, nay de Marguerite de France: il mourut ayant gouuerné 8 ans 2 mois 4 iours.

84 PIETRO LOREDANO pour la concurrence de deux autres fut esleu contre l'esperance de tous & de soy-mesme: L'Arsenal brasia de son temps, & y eut vne grande cherté de toutes choses. Selim successeur de Soliman prit de là occasion de rompre la paix avec la Repub. à laquelle il demanda le Royaume de Cypre: Et se meut guerre à ce subiect: gouuerna 4 ans 5 mois 8 iours.



Ludouicus Mocenigo *Sebastianus Venerius* *Nicolais Ponte*

85 LUIGI MOCEMIGO apres le trespas de Loredano fut esleu Duc de Venise : De son temps la guerre commença contre le Turc: Les Venitiens requirrent le secours des Princes Chrestiens: Le Roy Catholique leur enuoya 50 galeres de Genes, desquels fut General Jean André Dorie, qui fit voile en Sicile, pour exccuter ce que le Pape ordonneroit, & fut permis aux Venitiens d'enleuer de la Sicile autant de bleds qu'ils en auroient besoin & necessité: Cela donna tel couraige aux Senateurs de la Rep. qu'ayant fait soudain embarquer leur armée avec les munitions requises, elle se joignit en bref avec le gros à Zare, sous la conduite de Hieronymo Ziani leur general. Les exploits des vns & des autres furent au commencement trauez de pertes presque esgales, mais en fin le Turc eut du pire, & les Chrestiens obtindrent sur luy vne signalée victoire en l'an 1571. Henry de Valois Roy de Pologne, & depuis de France, enuiron ce temps passa à son retour par la Rep. de Venise, qui le receut Royalement: le gouuernement de ce Duc ne dura que 7 ans.

86 SEBASTIANO VENERIO succéda à Luigi Mocenigo en la Principauté de Venise, au nom de laquelle il auoit esté auparauant conducteur & chef general de toute l'armée, qui gagna sur le Turc ceste grande & remarquable victoire, où toute la Chrestienté auoit vn grand interest. Son election fut tant au contentement de la Seigneurie que de tous les peuples estrangers: Venise fut assiegée de la peste, qui cessa incontinent moyennant le vœu que l'on fit de racheuer le bastiment de l'Eglise du Redempteur: Le Duc accompagné du Clergé, du Senat, & de tout le peuple, y alla en procession le 21. iour de Iuillet en l'an 1577. & continuant tous les ans en pareil iour. Peu apres le feu fit grande ruyne au Palais Ducal, & vid. on entre le cercle Arctique & le Tropique de Capricorne, vne estoile cheueluë de grandeur excessiue, qui parut plusieurs iours. Auecens disent qu'elle presageoit la mort de ce grand Duc, qui ne dura pas vn an en ceste dignité.

87 NICOLÒ DE PONTE apres le deceds de Venerio fut créé Prince de Venise, il estoit homme qui auoit de grandes lettres, & de tres-bonnes parties en luy, il fit de si grandes choses & remarquables pour la Repub. aux occasions de grande importance: De son temps la Repub. eut paix & concorde avec tous les Princes: il regit 8 ans.



Paschalis Cicogna

Marinus Grimani

Leonardus Donatus

88 PASCHALE CICOGNA fut esleu Duc de Venise: On remarqua en luy vne si grande preud'homme, qu'on disoit de luy qu'il honoroit plus la charge qu'elle ne l'honoroit: il estoit grand iusticier: De son temps il y eut vne grande cherté, l'estaye de bled valoit à Venise dix escus: A fin que les pauvres fussent secourus en ceste grande cherté, il fit quester par les Marguilliers de chaque parroisse par toutes les meilleures maisons quelque somme de deniers tous les mois iusques à ce que la cherté fut passée, & icelle estoit de-partie aux pauvres: Il fit bastir le merueilleux pont de Realte, en l'an 1593. entre Sottoselua & saint Laurens, à costé d'Vdine dix mille, & 8 de Maran. Il fit edifier la forteresse de Palma, en vn lieu dit Palmada: & depuis le fort de Nasse en la Cephalonie: il gouuerna la Republique enuiron dix ans.

89 MARINO GRIMANI pour auoir esté reconnu dedans la Rep. & dehors, singulier & parfait, tant pour la grandeur & augmentation publique, en traitant avec les plus grands Princes de l'Europe, qu'au gouuernement de plusieurs villes, & en diuerses charges dignement par luy exercees, comme de Recteur, Senateur, Conseiller & Procureur de S. Marc, fut esleu Duc de Venise, apres le deceds de Paschale Cicogna. Aux nouvelles de son election s'en ensuiuit vne telle allegresse par tout qu'à peine en auoit-on veu vne pareille: Auparauant plusieurs Princes d'Italie luy enuoyerent leurs Ambassadeurs pour se confesioyr avec luy de sa promotion à ceste dignité; il fit faire vne procession memorable à Venise, pour la paix concludë à Veruius entre les Roys de France & d'Espagne. Pendant son gouuernement furent acquitez les prests de grandes sommes de deniers qu'on auoit fait à la Repub. & dont on payoit rente tous les ans. On destourna le fleuve du Pau de son liët, pour faire couler son eau en autre part, à cause qu'il apportoit dommage aux estangs. On fit de mesme au fleuve de la Brate en la place de S. Marc, plusieurs somptueux Palais ont esté edifiez, & celuy du Duc augmenté de plusieurs riches & superbes decorations. En 1603 on renoua la confederation avec les Grisons, aux deputez desquels la Seigneurie fit present à chacun d'vne chaisne d'or, avec vne medaille de mesme, où estoit d'vn costé S. Marc Patron des Venitiens, & de l'autre costé trois armoiries avec la deuisé des trois bandes Grises. Il fut Duc dix ans 8 mois.

90 LEONARDO DONATO Cheualier & Procureur de S. Marc, en l'an 1601. Prouiseur general pour la Seigneurie en terre ferme, pour s'opposer à toutes les occasions importantes à l'Estat Venitien mena en Lombardie plusieurs compagnies de gens de cheual & de

pied, pour estre en garnison dedans les places qui sont de ce costé-là sous la puissance de la Rep. de Venise, craignant qu'une grande armée qui s'estoit levée des terres du Duché de Milan, par le commandement du Comte de Fuentes pour le Roy d'Espagne, ne vint fondre en ceste part, il se monstra si valeureux, prudent, & diligent en ceste charge, qu'il assura toutes choses: ce qui fit peut-estre changer de dessein à ceste levée de gens de guerre, qui voyant qu'on se temoit sur ses gardes se partir en trois. Vne partie fut en Flandres, vne autre en la Carnitie, & la plus grande partie avec le Prince Doric pour aller à l'entreprise d'Alger, encore qu'elle ne réussit pas: tous les bons & agreables services furent recogus de la Rep. car apres le trespas de Marino Grimani, il fut installé en sa place le 10. de Januier 1606. retournant fraichement d'Ambassade de Constantinople. En toutes les concurrences où les affaires de l'Estat Venitien se sont trouuees, il a fait preuve des dons de graces que la liberalité du Ciel luy a données, en quoy il a fait voir sa capacité plus qu'admirable, & qu'aucun de ses predecesseurs ne l'a devancé qu'en tēps & non en merites, qui l'accompagnerent iusques à l'extremité de sa vie, qui luy arriva subitemēt le 16. iour de Juillet 1614. comme il reuenoit du Senat.



91 *Marco Antonio Memmo* 92 *Giovanni Bembo* 93 *Nicolò Donato*

91 MARCO ANTONIO MEMMO personnage de grande reputation, & grandement versé en la cognoissance des affaires qu'il faut sçavoir manier & conduire pour bien gouverner vne Repub. fut esleu Duc de Venise le 17. de Juillet 1614. au lieu de Leonardo Donato, estant aagé de 77 ans: Apres avoir prudemment gouverné la Repub. pres de 3 ans, il partit de ceste vie pour aller en la meilleure, au grand regret de tous les Ordres de la Seigneurie de Venise.

92 GIOVANNI BEMBO apres le decez de Marco Antonio Memmo, fut esleu Duc de Venise, non sans cause, & comme ayant bien merité de la Repub. en plusieurs occasions, & en ce qu'estant esleu General de la Dalmatie, apres le deceds d'Armoro Trepolo, il print huit mil hommes de guerre, avec lesquels il s'en alla pour suivre les Vicoches qui estoient des Corsaires & Pyrates qui exerceoient toutes sortes de violences & brigandages sur les marchands sans mercy, tant sur ceux qui navigeoient sur le Golphe que sur plaine mer, & leur donna vne si rude charge qu'ils furent de terminer leurs courses dedans le port de Rogosvize, où il leur fit endurer & souffrir les supplices que leurs voleries meritoient. Le Senat desirant gratifier & remunerer d'une si magnanime & loüable expedition, & considérant que son aage d'oresnavant se devoit reposer, le rappella à Venise, & l'honora de la dignité de Duc, où pendant les deux ans qu'il l'a esté, ses excellentes vertus ont fait paroître que sa prudence n'estoit moins habile pour gouverner vne grande Rep. que sa generosité avoit esté hardie en toutes executions militaires. Il mourut en May 1618.

93 NICOLÒ DONATO aagé d'environ 80 ans, fut esleu en la place de Giovanni Bembo: Le iour d'apres son eslection, le menu peuple de Venise fit cognoître par ses deportemens qu'il ne l'auoit point agreable: Mais ce Duc ayant fait diminuer le prix des viures pour l'aduenir, contenta tellement ce peuple qu'il fit des acclamations d'allegresses, & changea sa mauuaise volonté en respects & reuerences. La mort ne luy donna le temps de tenir le gouvernail de l'Estat dauantage qu'un mois & 3 iours.





94 *Antonio Priuli* 95 *Francesco Contarini* 96 *Cornelio Cornaro*

94 ANTONIO PRIVI, huit jours apres la mort de Nicolo Donato, fut esleu Duc de Venise, tandis qu'il estoit à Gradisque pour les affaires de la Seigneurie, le General de l'armée navale eut mandement expres du Senat de s'en aller trouver le Prince, & de l'accompagner jusques à Chiozze. Le grand Chancelier partit apres luy, pour presenter le bonnet Ducal à sa Seigneurie, accompagné des Secretaires d'Etat, & de beaucoup de Noblesse. Douze Ambassadeurs furent deputez pour aller au devant au nom de la Rep. Chacun d'eux se mit dans un brigantin armé separément, & avec sa liurée. Le rendez-vous fut à Chiozze, où la Serenissime Seigneurie embarquée dans la galere Ducale qu'on appelle le Bucentaur, & accompagnée de plusieurs Seigneurs, s'en alla recevoir le Duc, qui fut conduit à Venise avec beaucoup de pompes & de magnificences. Il y a eu de la maison Laurens & Hierosime Priuli, qui ont esté Ducs de Venise.


95 FRANCISCO CONTARINI fut esleu Duc apres la mort d'Antonio Priuli, en consideration des grands services qu'il avoit rendus à la Rep. particulierement en diverses Ambassades. Il n'aspiroit point à ceste dignité, de laquelle il fut honoré avec une ioye universelle, s'en estant montré digne par toutes ses actions. Il estoit homme de bien, & sçavant, & travailla vertueusement pour la conservation de ses voisins, & pour le bien de toute l'Italie: car il fit une ligue avec la France, le Duc de Savoie, les Suisses & Grisons, pour recouvrer la Valteline, laquelle avoit esté occupée par les Espagnols; ce qui a produit le recouvrement des pays de ses voisins desja perdus. En fin il est mort âgé de 75 ans, & a esté extrêmement regretté de toute la ville de Venise.

96 CORNELIO CORNARO a succédé à Francisco Contarini, estant Procureur de S. Marc, & homme fort expérimenté aux matieres d'Etat. Il est estimé de toute la Repub. pour sa grande generosité, & a trois enfans aussi fort renommez pour leur valeur & sage conduite. L'un d'iceux est Cardinal, & l'autre a esté desja Ambassadeur ordinaire en Espagne. C'est le second Duc de ceste famille, âgé à present de 80 ans, ou environ.














ABBREGEES DE LA VIE, MOEVRS,
ET GESTES DES DVCS DE BRABANT,
FORESTIERS,
ET COMTES DE FLANDRE.

Briefue description du pays de Brabant.



A Prouince de Brabant est en la basse Germanie: Elle est limitee de la Meuse vers le Septentrion, qui la separe du pays de Guldres, & de Hollande. Au Midy luy regardēt Hainault, Namur, & le pays du Liege. A l'Orient luy est encores la Meuse: Et à l'Occident le fleuve de l'Escault, qui separe les Brabançons de Flandre, confinant avec la Principauté d'Alost. Les villes principales de Brabant sont, Louvain, Anuers, Bruxelles, Malines, Bosseduc, Maestrich, & plusieurs autres fermées de murailles: & d'autres qui ne sont ceintes de murs. On tient que Louvain fut edifié par Iules Cesar: Autres disent que ce fut par vn Escossois nommé Lupé, long temps auāt luy. Elle est à present plus recommandable pour sa fameuse Vniuersité, que pour quelque autre remarque qui la puisse singulariser. L'Vniuersité y fut establie & instituée enuiron l'an de salut 1426. par Iean 4. du nom Duc de Brabant, & enrichie de beaux priuileges par le Pape Martin V. Et de nostre tēps accreüe & augmentee de grandes immunitéz, & confirmation de leurs anciēnes libertez par Philippes 2. Roy des Espagnes. C'est pourquoy de tout temps la ville de Louvain a esté & est la metropolitaine de Brabant, & qui precede toutes les autres villes de son estenduē en preeminence; soit à prester le sermēt au Roy, ou à le receuoir de luy mesme, ou à porter la parole es choses concernant les affaires; sauf es demandes des aydes & emprunts pour le prince; où Anuers, comme y ayant le plus d'interest, est celle qui parle la premiere. Pour euiter prolixité nous ne parlerōs des autres villes: mais nous dirons que le pays de Brabant a prins sa denomination d'un certain Siluius Brabo, cinquante ans auant la venue du Sauueur du monde, qui en laissa le gouvernement à Carlo Brabo son fils; enuiron le temps que les Messins, dits Mediomatrices, ceux de Treues, & de Tul, se soubmirent à l'Empire Romain. Cestuy eut vn fils nommé Titus qui le suruesquit, & qui fut mis honteusement hors de son gouvernement, & enuoyé en exil pour auoir forcé & violé vne Vierge Vestale dedans le Temple. Les Brabançons installerent en son lieu son frere Iules, qui gouerna si bien la Seigneurie de Brabant, qu'il fut fort aymé & chery de ses subjets: & pour perpetuer sa memoire il edifia la ville de Iulliers entre la Meuse & le Rhin. De luy nasquit vn fils nommé Octauius qui luy succeda, l'an de salut 101. lequel s'allia avec les Romains pour se maintenir, & avec leurs forces il chassa & guerroya les Saxons. L'Empereur Trajan l'establit Seigneur de la Gaule Belgique: sous son gouvernement, ces peuples, & ceux de Cologne se conuertirent à la foy Chrestienne, par les exhortatiōs & salutaires Sermons de Maternus. Il deceda l'an de grace 140. laissant vn fils nommé Godard, qui fit construire le Chasteau d'Hus sur l'un des bors de la riuere de Meuse. Apres la mort Godefroy son fils paruint à l'administration du gouvernement paternel, iceluy donna secours à Marc Anthoine Verus contre les Saxons & Germains. Il quitta le party des Romains, apres qu'il eut occis le neveu de l'Empereur Commode, & les chargea & chassa de l'emboucheure du fleuve du Rhin, du Scalde, de la Meuse, & du Scambre. Il mourut l'an de grace 232. Ventus son fils luy succeda, qui se reünit & reconcilia avec les Romains qu'il assira, pour entretenir amitié avec eux en toutes occurrences, où il fut requis. Il mourut en l'an 289. laissant pour successeur Arfad son fils, qui secourut Cōstan-

tius pere de constantin le Grand contre les Germains. Il trespassa l'an 335. Martian son fils luy succeda, qui fortifia de ces forces celles de Constantin contre Licinius & Maxence: Iceluy par ces braues & genereux faits d'armes conqueste la Hongrie, & se fit tributaires & subjets les Artoisiens, & les Picarts adjacents. Il deceda l'an 373. laissant vn successeur.



Tassandre premier Duc de Brabant.

Ansigigius 2^e Duc de Brabant.

Charles le Bel 3^e Duc de Brabant.

1. **T**ASSANDRE fils de Martian, apres le deceds de son pere paruint au Duché de Brabant, & en est reputé le premier Duc, pource qu'il a en ceste dignité gouuerné plus absolument que ses deuanciers, & qu'il commença le premier d'entr'eux à professer le Christianisme. L'Empereur Gratian luy porta vne rancune irreconciliable: Pour s'asseurer contre icelle, & se garder de ses aguets & ne tomber dedans ses mains, il moyenna son refuge aupres d'Eugenius Germanicus & Herbogastes. Il inclina vers l'Empereur Maximian, qui le maintint & protegea grandement, pource qu'il auoit vne grande confiance en lay. Il mourut l'an 406.

2. **ANSIGIGIVS** fils de Tassandre succeda au Duché de Brabant, par le deceds de son pere. Estant en ceste dignité, il porta ses armes contre les Gots, Visigots & Vandales, qu'il desfit avec leur Roy Gostir aupres d'Arles, en faueur de l'Empereur Honorius, à cause dequoy il le confirma en son Duché. Il regna 30. ans, laissant pour luy succeder vn filz nommé Charles.

3. **CHARLES** surnommé le Bel fut Duc de Brabant apres son pere Ansigigius. L'Empereur Valentinian le fit Chef de ses Cheualiers, & outre ce luy donna sa seur en mariage, & le teint aupres de sa Majesté. Depuis estant retourné en Brabant, il mourut l'an 460. ayant regné 24. ans.



Landus 4^e Duc de Brabant.

Austrasius 5^e Duc de Brabant.

Charles Naso 6^e Duc de Brabant.

4. **LANDVS** succeda au Duché de Brabant apres Charles son pere: Iceluy abandonna le party des Romains, & se renga du costé de Chilperic Roy de France qui en fit beaucoup d'estat, pource qu'il auoit la fidelité en recommandation, & qui s'estoit manifestée en son endroict.

en plusieurs rencontres. Il regna di-huict ans.

5. AVSTRASIVS fils de Landus, fut apres luy Duc de Brabant, par le commun consentement des Seigneurs & Plebees de la Prouince. Pendant son gouvernement, il n'y eust aucun si puissant qui oüst entreprendre de luy courir sus. Les larrons & voleurs estoient severement punis. La Justice obseruee; les affaires d'Etat estoient manies & traictees par des personages choisis & tiez parmy les plus sages & prudents. La charité regnoit pour lubvenir aux pauvres necessiteux, à cause dequoy il s'acquit vne tres-grande reputation, non seulement parmy les siens: mais parmy les peuples estrangers. Quelques Historiens tiennent pour verité que ce fut luy qui donna son nom à l'Austrasie. Il mourut en l'an 504. ayant regné 24. ans, & laissé vn fils pour luy succeder.

6. CHARLES NASO fut Duc de Brabant, apres la mort de son pere Austrasius, qui l'auoit si soigneusement fait instruire es choses que doit scauoir vn homme qui a l'autorité & le gouvernement sur les autres: Ses subjects furent semblablement gouvernez comme ils auoient esté sous Austrasius, pource qu'il ne marcha par autres sentiers, que par ceux qui luy auoient esté frayez & monstrez. Il eut pour femme Valeris fille de Berrarius Prince de Tuinge, & en eut vn fils nommé Charles dit Hasbanus qui luy succeda. Il mourut l'an 536. ayant regné 32. ans.



Charles Hasbanus 7
Duc de Brabant

Carloman 8 Duc de
Brabant

Pepin 9 Duc de
Brabant

7. CHARLES HASBANIVS eut le Duché de Brabant apres la mort de son pere Naso, & fat en grand credit aupres Theodebert Roy d'Austrasie, lequel le delegua pour estre Ambassadeur de sa part deuers Iustinian, pour obtenir l'assistance de son secours contre Childebert & Clotaire. Il mourut l'an 589. ayant regné 50. ans.

8. CARLOMAN succeda à son pere Hasbanus. Le Roy Chilperic l'affectionna, pource qu'il estoit vaillant, & fit de beaux exploits de guerre en Lombardie: & depuis donna secours à Clotaire 2. du nom Roy de France, contre ses ennemis, & chassa Brunehilde d'Austrasie. Il mourut l'an 620. & regna 34. ans: laissa Pepin Landry, dit l'ancien, pour successeur.

9. PEPIN fils de Carloman 1. du nom Duc de Brabant, espousa vne Dame de Guyenne, de laquelle il eut trois fils, desquels l'un nommé Grimoald luy succeda: il en eut aussi deux filles nommees Beggue, & Gertrude. La premiere, & son mary Ansegise (apres la mort de Grimoald tué par ses ennemis) parvinrent à la dignité Ducale. Gertrude a esté canonisee. Quelques Historiens le nomment Pepin Landry, & le font estre Duc en l'an 620.



Grimoaldus 10 Duc
de Brabant.

Ansegise et Beggue. 11
Duc de Brabant.

Pepin 2. du nom. 12.
Duc de Brabant.

10. GRIMOALDVS fils aîné de Pepin, fut créé Duc de Brabant apres son deceds. Avec ce tiltre il portoit celuy de Maire du Palais du Roy d'Austrasie Sigebert, & luy persuada de recouurer la Comté d'Ardenne, & d'Hannonie pour les enfans de Blunulfe qui en auoient esté despoüillez. Il eut quelque pretention sur le Royaume d'Austrasie, qui ne luy reüssit en quelque rencontre. Il se heurta contre quelques troupes de gens de guerre conduites par Erceimbald pour Clouis 2. du nom Roy de France, qui deffit ses gens, & l'emmena prisonnier à Paris, où il mourut.

11. ANSEGISE Marquis de l'Empire pres du fleune Scalde, espousa Beggue fille de Pepin Landry, & sœur de Grimoald : & à cest effect s'acquitt le tiltre de Duc de Brabant. Childeric 2. du nom Roy de France, le fit son Lieutenant en Austrasie.

12. PEPIN second succeda à Ansegise & Beggue ses pere & mere au Duché de Brabant. Il print son surnom d'Heristal ou d'Herstal d'une place située entre le rieg & Mastrich, où il auoit fait bastir vn chasteau sur la Meuse, pour s'y aller recreer quelquesfois : son zele fut grand enuers la Religion Catholique. Il eut de Plestrude sa femme, qui auoit pareil zele & pieté que luy, vne heureuse race à sçauoir trois fils, drago, Grimoald martyrisé pour le nom de Iesus-Christ au rieg, où il gist en l'Eglise S. Jacques. Sylue pour sa vie austere & religieuse, a esté inseré au nombre des Saints. Norburgue sa fille velquit saintement. Apres sa mort plusieurs Miracles se sont faits où elle est inhumée à Cologne. Tous ces enfans moururent deuant Pepin. Il fit la guerre aux Frisons, & print sur eux Valtembourg, dit à present Vtrech, les ayant subjugué il les fit instruire en la Religion Catholique par vn sçauant & saint personnage appellé Guilibord. Il fut tellement espris de la beauté d'une Dame nommée Alpiade, qu'il repudia Plestrude pour l'espouser : & eut d'elle Charles Martel, lequel il fit receuoir en sa place auant mourir. Il regna 29. ans.



Charles Martel. 13
Duc de Brabant.

Pepin le bref. 3 du nom.
14 Duc de Brabant.

Charles-Magne. 15.
Duc de Brabant.

13. CHARLES MARTEL fut Duc de Brabant apres Pepin, & Maire

du Palais sous les Roys Dagobert 2. Clotaire 4. & Childeric 2. surnomé Daniel. Il eut guerre contre Radbod Duc de Frie, & força Popon son fils de se faire Catholique. Il subjuga les Saxons & les Gots, regaigna le Languedoc & la Prouence sur les Sarrazins. Sa generosité & valeur luy acquerirent le surnom glorieux de Martel: & les Estats de France le voulurent faire Roy. On dit qu'en les remerciant il fit response, qu'il aymeroit mieux commander aux Roys que d'estre Roy. Le S. Siege receut beaucoup d'assistance de luy contre luitprand Roy des Lombards. Il deceda le 22. d'Octobre l'an 741. nommé le Prince des François. Il laissa 2. fils & vne fille: & gist à S. Denys.

14. PEPIN LE BREF, troisieme du nom fils de Charles Martel, fut Roy de France, & Duc de Brabant. Il chastia la rebellion des Saxons: passa en Italie pour venger l'injure faicte au Pape par Astulphe Roy des Lombards: cela luy succeda heureusement. Il reprima l'insolence de Vvaifer Duc d'Aquitaine, & le rengea à la raison, prenant la pluspart de ses villes, sa mere, ses sœurs, & les nieces: & se voulant remettre sus pied, il donna vne bataille pres Perigord, où il perdit le reste de sa fortune & sa vie: Ainsi l'Aquitaine fut reünie à la Couronne de France. Apres plusieurs victoires il mourut de maladie à Tours le 24. Septembre, l'an 768. ayant regné 54. ans: & gist à S. Denys.

15. CHARLES-MAGNE Empereur des Romains, Roy de France & Duc de Brabant, fit la guerre à Didier Roy des Lombards à la requeste du Pape Adrian, & le print prisonnier dedans Paue & l'enuoya en exil au Liege, combien qu'il eut espousé Hermingarde sa fille; Galiene, Hildegarde, Fastrade, & Luithegarde furent pareillement les femmes. Il debella les Bretons: print sur les Sarrazins d'Espagne Pampelune, Saragosse, & rendit plusieurs Royaumes & Seigneuries tributaires. Il vainquit les Sclavons & Vandales, qui occupoient le pays de Brandebourg. Il conquist sur les Huns & Auaros la Pannonie: Et pour s'immortaliser davantage il fonda les Vniuersitez de Paris, Noulongne, & Paue. Il deceda le 28. Ianuier l'an 814. aagé de 72. ans: & de son regne 46. Il gist à Aix la Chapelle.



Louys Debonnaire.
16. Duc de Brabant

Lothaire. 17. Duc
de Brabant

Charles le Chauue. 18.
Duc de Brabant.

16. LOVYS DEBONNAIRE fils de Charles-Magne, Empereur de Rome, Roy de France & Duc de Brabant, eut deux femmes, Armenias de la maison de Saxe, & Judith fille de Vveison Comte d'Altoit. Il remit en son obeysance les Sclavons, Sorabes & Gascons, qui s'en estoient distraits. Il vainquit les Bretons, & ayant prins en la bataille leur Roy Murtmenian le fit tuer. Il fut persecuté de ses enfans, & en fin deliuré de leurs mains l'an 834. par les Princes fidelies François. Il trespassa le 30. an de son aage: & de son regne le 27. en vne isle sur le Rhin. Il gist à Mets.

17. LOTHAIRE Empereur, Roy d'Italie, d'Austrasie, & Duc de Brabant, eut de grands differends avec ses freres Louys & Charies, à cause de leurs partages: en fin s'entrekrēt cruellemēt la guerre, & en plusieurs batailles se perdit grand nombre de gens, & la Noblesse François fut beaucoup diminuee. La necessité des affaires, plustost que la raison, les mit d'accord; moyennant lequel Charles auroit la France, Louys l'Allemagne, Lothaire le tiltre d'Empereur, l'Italie la Prouence, & l'Austrasie, la-

quelle il voulut estre appelee de son nom *Lotharingia*, qui veut dire Lorraine. Apres quelque temps Lothaire quitta l'Empire à son fils, & s'en cloitra en l'Abbaye de Prune dans les Ardennes, où il vesquit monastiquement, ayant regné 37. ans.

18. CHARLES LE CHAUVÉ Empereur, Roy de France, & Duc de Brabant, vainquit les Normans, & les mit en desroute: reprit Angers: donna bataille à son frere Lothaire pres Fontenay en Poictou. Apres auoir mis à fin plusieurs belles expeditions pour le restablissement & augmentation de son Estat. Il passa en Italie pour s'opposer aux desseins qu'y auoient les fils de son frere, & escheut malade de fièvre à Mantouë, où son trespas fut aduancé par vn poison que son Medecin, qui estoit Iuis, auoit mis dedans sa medecine. Il eut deux femmes, Hermingarde de laquelle nasquirent Louys le Begue, Lothaire, Charles Carloman, Et de Richilde sœur de Bifon Roy de Bourgogne, il eut deux fils qui ne vesquirent qu'un an, & vne fille appelee Iudith. Il deceda le 6. Octobre l'an 877. & gist à S. Denys en France.



Louys surnommé le Begue. 19 Duc de Brabant.

Charles le Simple. 20. Duc de Brabant.

Louys le Simple 21. Duc de Brabant.

19. LOVYS surnommé le BEGUE, succeda aux souverainetez de son pere. Il fut trauerse pour l'Empire par les Italiens, & Allemans. Les Normans furēt chastiez des pilleries qu'ils auoient exercees en Picardie, Flandres, & Brabant: mesmement pres de Cologne. Il eut deux femmes Aufgarde ou Ansgarde & Richseult sœur du Roy d'Angleterre, de laquelle il eut Charles le Simple: & eut d'une concubine Louys & Carloman. Il deceda à Compiègne le 10. Auril l'an 879.

20. CHARLES LE SIMPLE Roy de France & Duc de Brabant: chacun pendant son regne voulut tenir en propre ce qu'il tenoit du Domaine Royal. Les grāds Seigneurs & Gouverneurs des Prouinces s'en firent beaucoup accroire. De grands troubles furent esmeus en France par les monopoles d'Hermes Archeuesque de Rheims, qui auoit couronné Roy de France Eudes ou Odon, tandis que Charles estoit en Lorraine. Apres la perte d'une bataille, qui auoit esté donnee entre luy & Robert frere d'Odon, apres ceste disgrace, voulant reuenir en France il fut pris par le Comte Heribert, qui l'ayant tenu longuement prisonnier à saint Quentin, le transféra à Chasteau-Tierry, & de là à Peronne, où il deceda cinq ans apres sa prison. Il eut pour femme Ogine ou Algine fille d'Edouard Roy d'Angleterre.

21. LOVYS LE SIMPLE Roy de France, & Duc de Brabant, fut r'appellé d'Angleterre par les Princes de France, à la persuation de Hugues le blanc: quelque temps apres voyant que la Roy ne satisfaisoit à ce qu'il esperoit, quitta son party, & pour se rendre fort contre luy, s'allia avec l'Empereur Othon, prenant sa sœur en mariage: Mais l'Empereur reconnut en fin que l'assistance de ses armes n'estoit iuste: & partant recommença à soutenir le Roy, qui mourut d'une estrange maladie le 12. Novembre l'an 954. Il eut pour femme Geberge fille de Héry Roy de Saxe.



Charles le Gros 22
Duc de Brabant.

Othon 23 Duc de
Brabant.

Lambert et Geberge
24 Duc de Brabant.

22. CHARLES LE GROS Roy de France & Duc de Brabant, apres le deceds de Louys fils de son frere Lothaire Roy de France. Hugues Capet luy courut sus avec vne puissante armee : La bataille se donna de part & d'autre avec beaucoup de courage, en deux charges, Charles fut victorieux, & en la troisieme la bonne fortune luy tourna le dos, & mourut fort miserablement en vn village de Suabe.

23. OTHON l'un des fils de Charles le Gros eut la Duché de Brabant, & luy fut force de quitter le Royanne de France auquel il devoit succeder, pource qu'il estoit peu puissant, & que la fortune de son feu pere le rendoit meprisable, ses sujets ne laisserent de l'aymer, pource qu'il les gouverna fort tranquillement. La mort l'ayant otté du monde sans qu'il eust esté marié, fit place à Henry Duc de Baviere pour posseder le Duché de Brabant. Iceluy venant à estre esleu Empereur le bailla en partie, sçavoir ce qu'on appelle le Brabant François, à Godefroy Comte d'Ardenne, avec la Lorraine, & en pria Geberge sœur d'Othon. A ce Godefroy succeda Gosselin son frere: De luy yssit Estienne XI. Pape, & vn Godefroy son successeur; & Ede qui fut mariee à Lambert, qui posseda la Comté de Louvain. A Godefroy succeda Godefroy 3. son fils, surnommé le Bossu, qui posseda le Brabant & la Lorraine; & qui encore par l'effort de ses armes se fit maistre & Seigneur de la Hollande & de la Frise. D'une sienne sœur nommee Ide femme d'Eustache Comte de Boulogne, nasquirent Godefroy 4. & Baudouin Roys de Hierusalem. Ces quatre pour avoir esté plustost usurpateurs de ce Duché que legitimes Ducs, n'ont esté mis au rang des autres par Barlande, qui n'a entendu parler que des Ducs de Brabant en son histoire.

24. LAMBERT espousa Geberge sœur d'Othon, qui fut iniustement frustrée de l'heredité de son frere, qui estoit le Duché de Brabant: Elle joutit neantmoins du Comté de Louvain & de Bruxelles, & du Marquisat du sainct Empire qu'elle avoit eu de son pere pour son douaire. Lambert son mary portant impatiemment le tort qu'on luy faisoit de ne la laisser joutir du Duché de Brabant, s'arma contre Geoffroy des Ardenes: mais il mourut en vne bataille qu'il luy donna, laissant vn sien fils nommé Henry le Vieil, Côte de Louvain & de Bruxelles; lequel eut de sa femme Gertrude, fille de Robert le Frison Comte de Fladres, Lambert aussi Comte, qui luy succeda; & Ide, qui fut mariee à Baudouin Comte de Flandres & de Hainault; & Malthide, qui espousa Eustache Comte de Boulogne. De ceux cy descendit Geoffroy dit le Barbu, qui par ses exploits guerriers & valeureux recouvra le Brabant & la Lorraine.



Geofroy ou Godefroy
Duc de Brabant.

Geofroy 2^e du nom 26
Duc de Brabant.

Geoffroy 3^e du nom 27
Duc de Brabant.

25. GEOFFROY ou Godefroy, fils d'Henry 3. petit fils de Lambert, rentra dedans ledit Duché que les Princes des Ardennes auoient usurpé sur ceux à qui legitimelement il appartenoit: sa vaillance se fit grandement redouter, & en diuers lieux il laissa des marques signalees de sa proüesse. Il fut surnommé le barbu, pource que comme l'aîné de ses freres, il auoit promis à son pere de ne couper iamais sa barbe, qu'il n'eust recouré la Lorraine & le brabant: cela luy reüssit. Il fut genereux, vaillant, de bonnaire enuers ses subiects & autres: deuôt & religieux. Apres son deceds il fut inhumé à Affligim, qui est vne Abbaye entre Bruxelles & Aloft.

26. GEOFFROY second, fils de geoffroy le Barbu, succeda au Duché de Brabant, que Henry de Luxembourg luy voulut contester: mais il dressa vne puissante armee, avec laquelle il assiegea la ville de Trudan, dont les habitans tenoient le party de Henry. Iceux se voyant reduits en grande extremite, vinrent à composition, & luy iurerent foy & hommage, moyennant quoy il leur pardonna. Il poursuivit ledit Henry par delà Aix la Chapelle, & le desfit: puis retourna victorieux en Brabant avec son armee qu'il fit fondre sur le Prince Grimbergue, contre lequel il deprostita: car en ceste guerre son ennemy recoura tout ce qu'il auoit perdu. Apres auoir tenu le Louvain enuiron trois ans & quelques mois, il mourut: Son corps gist audit Louvain en l'Eglise saint Pierre.

27. GEOFFROY 3. succeda n'ayant qu'un an à son pere Geoffroy 2. au Duché de Brabant, qui fut desolé & pillé par l'armee du Prince de Grimbergue, ennemy capital de son ayeul, & de son fen pere. La Noblesse du Brabant composa vne puissante armee, puis se mit en campagne, choque son ennemy, & pour encourager ses soldats, fit porter à la teste de l'armee leur petit Prince dedans vn berceau: cela fit effet. La pitié de le voir en ce bas aage assailly de la fortune, enflamma leur courage & leurs armes; de maniere qu'ils meirent en route l'armee de Grimbergue avec grande effusion de sang. Geoffroy ayant atteint l'age de 25. ans, espousa Marguerite fille de Henry de Limborg, de laquelle il eut deux fils, Henry qui fut apres luy Duc de brabant, & Albert qui eut l'Euesché de Liege; & vne fille nommee Aleide, qui espousa vn Roy d'Angleterre. D'une seconde femme qu'il eut naquit vn fils qu'on nomma Guillaume. Pendant son gouvernement plusieurs prodiges furent veus: on veid trois Lunes & trois Soleils au Ciel. Son corps gist à Louvain en l'Eglise de Barione.



Henry premier 28
Duc de Brabant

Henry 2^e 29^e Duc
de Brabant

Henry 3^e 30^e Duc
de Brabant

28. HENRY premier succeda au Duché de Brabant apres le deceds de Geoffroy 3. son pere. Mathilde Comtesse de Boulogne fut sa femme, de laquelle il eut deux fils, Henry qui luy succeda, & Godefroy. De quatre filles qu'il eut, l'aînée nommée Marie espousa l'Empereur Othon 4. les autres furent placees en bon lieu. Iceluy allant avec l'Archevesque de Mets au voyage de la Terre-Sainte, fut déclaré Chef des Chrestiens cōtre le Turc. Il fut assez heureux en guerre & en plusieurs de ses entreprises. Il ayma les François, deffit plusieurs Sarrazins, puis deceda à Cologne ayant tenu son Duché 48. ans. Son corps gist à Louvain en l'Eglise saint Pierre.

29. HENRY 2. apres le deceds de son pere fut Duc de Brabant, il espousa Marie fille de Philippes Roy des Romains: il en eut vn fils nommé Henry & quatre filles, Mathilde espousa le fils du Roy de France, Marie le Duc de Beyren: Beatrice le Landgrave de Thuringe, & Marguerite fut Religieuse de l'Ordre de Cîteaux à Vaalduc. Apres la mort de sa femme il se remaria à vne Dame de grand lieu nommée Sophie, de laquelle il eut vn fils. Il eut plusieurs guerres qui troublerent son Estat. Le Pape Innocent 4. l'ayant priué de l'Empire, Frideric 2. le voulut faire Empereur: mais il le refusa, & fit tourner l'affection de sa Sainteté sur Guillaume Comte de Hollande son neveu, lequel fut déclaré Roy des Romains apres la mort de Henry Landgrave, qui auoit succedé à Frideric 2. Il mourut le 22. an de son gouuernement: Son corps fut inhumé en vn Monastere appellé Vileres.

30. HENRY 3. fut Duc de Brabant apres le trespas de son pere. Il eut d'Aleyde fille du Duc de Bourgogne trois fils, Henry, Iean, & Godefroy, & vne fille nommée Marie, qui fut mariée à Philippes 3. Roy de France. Ce Prince veltquit en paix & tranquillité debonnaire enuers ses subjects, les ayant gouuernez l'espace de seize ans. Il est enterré à Louvain au Conuent des Freres Prescheurs, avec sa femme.



Iean 1. 31 Duc de
Brabant

Iean 2 du nom 32
Duc de Brabant

Iean 3^e du nom 33
Duc de Brabant

31. JEAN fils de Henry 3. fut preferé au Duché de Brabant à son aîné Henry, pour quelque defect qu'il auoit, huit ans apres le deceds de son pere; non sans beaucoup de peine & de tranesies par ceux qui tenoient le party de son frere. Il espousa Marguerite fille de Philippes Roy de Frâce, qui mourut en travail d'enfant. De sa seconde femme, fille de euy Comte de Flādre, il eut deux fils & deux filles. Il eut guerre contre l'Archeuesque de Cologne qu'il vainquit. Il mourut d'un coup de lance qu'il receut en vn tournoy qui se faisoit en Angleterre, à cause des nopces de la fille du Roy: Son corps fut porté à Bruxelles, & gist en l'Eglise des Cordeliers.

32. JEAN second succeda à son pere Jean premier, & print à femme Marguerite d'Angleterre fille du Roy Edoüard: pendant son gouuernement il y eut de grādes guerres en Flādre, entre les François & Flamands. L'occasion d'icelles fut que euy Comte de Flandres vouloit donner sa fille Philippes en mariage au fils d'Edoüard Roy d'Angleterre, contre la volonté de Philippes 4. Roy de France qui l'auoit nommee sur les fōds de Baptême, & esleuee en sa Cour. Ce Prince estoit valeureux, mais il n'entreprenoit aucune guerre qu'à iuste occasion. Apres auoir gouuerné 19. ans il mourut de la pierre qu'il auoit en la vessie: Son corps repose en l'Eglise sainte Goule à Bruxelles.

33. JEAN 3. succeda à son pere, tant en sa dignité qu'en ses bōnes mœurs en l'age de 12. ans. Le cōmencement de son gouuernemēt fut embrouillé pour les debtes de son ayeul & de son pere: ce qui fit longuemēt cesser le commerce qui se remit en fin sus. La peste & la famine desolerent fort le Brabant l'an 1315. par des pluyes qui durerent dix mois. La terre fut infructueuse, & cela causa vn second Deluge qui noya beaucoup de pays. Il fit la guerre au pays de Valkembourg & au Comte de Flandre, pour la Principauté de Malines. Son Estat fut agité de diuers fleaux de Dieu. Il eut de sa femme 3. fils, Henry, Geoffroy, & Jean, qui moururent sans enfans: & quelques filles, dont vne nommee Marie espousa Guillaume Comte de Hainault & de Holande: & apres sa mort Venceslas, fils de Jean Roy de Boēme. Il deceda le 43. de son gouuernement, au grand regret de ses subjects. Il est enterré en l'Abbaye de Vileer.



Venceslas et Jeanne
34 Duc de Brabant.



Antoine et ses deux
fils Jean et Philippes
35. 36. 37. Duc de Brabant.

34. V. VENCESLAS succeda à son beau-pere au Duché de Brabant, à cause de Jeanne sa fille qu'il auoit espousee à son aduenement, & pour vne assez legere occasion aduint vn grand remuēment à Louvain, qui dura pres de deux ans. Il eut guerre avec le Marquis de Iulliers: En ceste guerre il fut pris prisonnier, & puis remis en liberté, pour la crainte qu'eut le Marquis, de Charles 4. du nom Empereur, qui estoit son beau-frere. Apres tout cecy il fut encōres heurté de quelques ennemis qu'il vainquit. Son beau-frere l'estant venu voir en son Duché, grāte resjouissances furent faictes, apres lesquelles pour s'estre trop eschauffé en quelques recreations, vne maladie le vint saisir estant de retour à Bruxelles: pour chāger d'air il s'achemina à Luxembourg, où peu apres il trespassa, & fut enterré au Monastere d'Orual, qu'il auoit fait edifier.

& renté de grands reuenus. La Duchesse Ieanne la femme eut beaucoup d'ennuy de sa mort; elle fut la guerre au Duc de Gueldres, & resta victorieuse: ceste Dame mourut par de grace 1406.

35. ANTOINE fils de Philippus Duc de Bourgogne, surnommé le Hardy, fut Duc de Brabant apres Vvencellas, à cause que de Marguerite sa belle-sœur, mariee à Louys Comte de Flandre, il y eut vne fille de meisme nom, qui en secondes nopces espousa Philippes le Hardy, fils de Iean Roy de France. De ceste femme nasquirent Iean, Anthoine & Philippes. Iean eut le Duché de Bourgogne, & Anthoine celuy de Brabant. Apres le deceds de Ieanne sa grãde Tante, decedee sans enfans, les affaires de Brabant prospererent beaucoup sous le gouuernemēt de ce bon & loüable Prince, amateur de Iustice, de vertus & de pieté. Il espousa Ieanne de S. Pol, tres-sage & vertueuse Dame: & eut d'elle deux fils, Iean & Philippes, & vne fille qui deceda en bas aage. Peu apres le deceds de sa femme il espousa Elizabeth, qui luy apporta le Duché de Luxembourg. Il mourut en vne bataille près la ville de Terouenne (autres disent Azinnortan) entre les François & les Anglois, où il estoit venu pour tesmoigner l'affection qu'il portoit au seruice de Charles 7. Roy de France: Son corps gist à Beure, apres celuy de Ieanne de S. Pol sa premiere femme.

36. I E A N son fils aîné luy succeda aagé de 13 ans, ayant atteint les 17. il se maria à Dame Iaquette ou Iaqueline de Beyers, fille de Guillaume Comte de Hainault & de Holãde. Le diuorce s'estant mis entr'eux par faux rapports, ladite Dame sort secrettement de Brabant, passe en Angleterre, & prend à mary le Duc de Clocestre, qui apres la consommation de son mariage vient avec vne puissante armee faite de grands degasts & pilleries dedãs le Hainault. Le Duc Iean s'y oppose: De part & d'autre se font de grãds cōflicts. L'Anglois est dechassé. Le Pape declare la separation de la Duchesse d'avec son mary estre iniuste: nonobstant cela le Duc ne la veut reprendre; ny son second mary, qui se remarie en Angleterre. Se voyant entre les extremitez, elle fait du pis qu'elle peut. Iean n'ayāt plus de guerre fonde l'Vniuersité de Louvain, tiēt les États à Lyre pour les affaires: puis se retire à Bruxelles avec le Côte de S. Pol, où il escheut malade le Dimanche de deuant les Rameaux, & mourut l'an 1426. le 24. de 50 aage. Il gist à Brenne en l'Eglise S. Ieā l'Euāgeliste.

37. P H I L I P P E s premier du nō, Duc de Brabant, apres le deceds de Iean son frere aîné, eut desir de voir la terre sainte, & la ville de Hierusalem: ce que le Pape (duquel il cuidoit auoir la permission, estant allé expres à Rome) ne luy permit, à cause de la guerre ouuerte entre le Roy de Cypre & le Turc. Estant sur le point de se marier avec Iolante fille de Louys Roy de Sicile sa fiancée, qu'il auoit enuoyee querir par les principaux de sa Cour. Il mourut n'ayant gouuerné que 3. ai 53. mois.

Description de la Flandre.

LE pays de Flandre est diuisé en Flandre Flamegante, qui est le principal, Flandre Gallicane ou Francoise, à cause qu'on y parle François, & Flandre Imperiale. La premiere region est contenuë des la mer Septentrionale, iusques au fleuve Lise. La seconde est limitee par le Cambresis, l'Escault, l'ise, Pays d'Artois, & la Flandre Flamegante. La 3. nommee Flandre Imperiale, a son limite de peu d'estenduë vers le pays de Brabant, pris entre les riuieres de l'Escault & de la Denre. Tout ce pays a pris sa nomination de Flandbert nepueu de Clodion Roy de France, qui espousa la fille de Golduere, Roy des Rutheniens nommee Blesinde, qui chassa de la Gaule Belgique les Romains, & depuis Hollandin frere de sa femme. En ce pays est la forest Charbonniere, par aucuns dite Carbonniere, à cause de certain Seigneur de ce lieu nommé Cambron: Et pour autant qu'en ceste forest se repairoient multitude de brigands & voleurs, il fut trouué necessaire d'y mettre des gardes qui portassent vn tiltre digne & honorable, & furent iceux nommez Forre-riers de Flandre lesquels estoient grands Seigneurs, & qui pouuoient

tenir teste à ceux qui vouloient entreprendre sur eux, & joiſſoient deſſors de la Seigneurie de Harlebec, qui n'eſt plus que Vicomté maintenant: Leur gouvernement & leur pouuoir ne s'eſtendoit ſeulement ſur la terre, qui eſtoit adonc foreſtiere & bocageuſe: mais ſur les riuieres & ſur la mer, & y faiſoient toutes les fonctions des Admiraux. De ceſte dignité Baudouin premier de ce nom, le dernier & 8. foreſtier de Flandre, fut créé & inueſty du Comté de Flandre par Charles le Chauue Roy de France l'an 879. Il ne faut nullement douter qu'iceux Foreſtiers n'ayent eſté erigez auparauant que les Comtes, qui ſont deſcendus d'eux, & qu'ils doiuent eſtre mis deuant eux icy.

LES FORESTIERS DE FLANDRE.



Liderick dict le Buc. 1^{er} Foreſtier de Flandre.

Anthoine. 2^e Foreſtier de Flandre.

Bouchard. 3^e Foreſtier de Flandre.

1. **L**YDERICK dict le Buc, ſils unique de Saluati Prince de Dijon, fut ſain le premier Foreſtier de tout l'eſtenduë & pays de Flandre par Dagobert Roy de France l'an de grace 621. pour en iouyr par luy & ſes ſucceſſeurs. pource qu'il auoit vaillamment combattu & deſſiné en duel l'humide le Tyran Seigneur de Buc, qui auoit tué ſon pere. Il iouy de cet office enuiron 52. ans, & ſe comporta en ceſte charge vertueuſement, & gouvernant la Flandre avec vne grande obſeruation de Juſtice, & vne grãde police. Il mourut aagé de 92. ans, & fut enterré avec grande ceremonye. Il fut allié en la ſon de Matoué par Madame Rithilde fille de Clotaire 2. de ce nom, & de ſichilde auec ſa femme. Paradin l'a dit ſœur de Dagobert, il eut d'elle 12. enfans mâles.
2. **ANTHOINE** ſils de Liderick le Buc & du Rithilde de France, eut le gouvernement de la Flandre, comme Foreſtier, apres ſon deceds enuiron l'an 692. Sa mauuiſe vie, & ſes deportemens le rendirent mal voulu, & par ſa negligence les Gots, les Vandales & Huns coururent & deſolerent terriblement la Flandre, qui fut remplie de tueries: Il fut en fin contraint de l'abandonner, & ſe retira en France. Quelque autre dit, que voulant fuyr, les Vandales l'apprehenderent, & qu'ils le tuerent, & tous ſes enfans, avec la plus grande partie de ſes freres.
3. **BOUCHARD**, apres le deceds de ſon frere fut Foreſtier, & gouverna la Flandre. Theodoric Roy de France luy oſta ceſte charge, en indignation de ce qu'il auoit ſecouru à ſon beſoin Pepin ſon ennemy. Il fut allié en ſa maiſon ou en celle de Lorraine par Helauce fille de Vualgiſe Marquis duſ. Empire ſur la riuiere de l'Eſcaut quiluy apporta en mariage la Principauté de Louvain. Il eut d'elle Eſtorede qui luy ſucceda.



*Estorede. 4.^e Forestier
de Flandre.*

*Lyderick. 2. du nom. 5.
Forestier de Flandre.*

4. ESTORDE fils de Bouchard succeda en l'estat de Forestier de Flandre, fut Prince de Louvain & Seigneur de Harlebeck: & Charles Martel visitant la Flandre, & la voyant ruinee & presque perduë par les courses & degasts qu'y faisoient les Vandales: & autres brigands, luy commanda de leur courir sus, & luy donna assistance pour ce faire: de maniere qu'en peu de temps il nettoya la Flandre de telles canailles. Il eut de sa femme Idonie Lyderick 2. du nom, Forestier de Flandre.

3. LYDERICK fils d'Estorede & d'Idonie sa femme, commença à regner l'an 792 comme Forestier il gouverna la Fladre sous les regnes de Charles-Magne & Louys Debonnaire son fils par 44 ans. De Flandrine sa femme issue d'Allemagne, il eut Inguerran qui luy succeda Le susdit Roy pour remunerer ses martiales actions, erigea la Principauté de Harlebeck en Comté, & fut le premier Comte d'icelle. Il trespassa l'an 836. & gist à Harlebeck.



*Inguerran. 6. Forestier
de Flandre.*

*Odacre. 7. Forestier
de Flandre.*

6. INGUERRAN fils de Lyderick & de Flandrine, eut l'Estat de Forestier de Flandre, & la gouverna sous Louys Debonnaire & Charles le Chauve, auxquels il fit hommage des terres qu'il tenoit. Il mourut l'an 852. ayant gouverné 24. ans. Il est inhumé à Harlebeck, & laissa un fils nommé Odacre, qui jouyt de la charge.

7. ODACRE fils d'Inguerran jouyt de l'Estat de son pere l'an 852 & gouverna la Flandre 11. ans. Il restablit beaucoup de ruynes que les guerres y auoient faictes. Il fortifia plusieurs villes, & ceignit de murailles la ville de Gand. Sa femme fut fille du Preuost de la Chitiue, qui n'estoit pour lors qu'un petit village, & maintenât une ville appelée S. Omer. D'elle nasquit Baudouin dit Bras de fer, qui fut Forestier & premier Comte de Flandre. Il mourut l'an 863. & gist à Harlebeck.

LES COMTES DE FLANDRE.



Baudouin premier
Comte de Flandre.

Baudouin 2^e du nom
Comte de Flandre.

Arnoul le Vieil 3^e
Comte de Flandre.

1. **B**AUDOUIN fils d'Odacre, selon aucuns Adaquier, surnommé Bras de fer, à cause qu'il chargeoit rudement ses ennemis, fut le premier Comte de Flandre l'an 863. & restabli en ceste dignité par la reconciliation qu'il fit avec Charles le Chauue Empereur & Roy de France, duquel il auoit enleué par force sa fille appelée Judith, veufue du Roy Edoiard d'Angleterre. Il fut homme de grande stature, & fort de membres. Il eut trois fils, le premier mourut ieune. Baudouin surnommé le Chauue luy succeda: & vn nommé Eudol, que tua Hebert Comte de Vermandois. Il deceda à Arras l'an 897. & gist en l'Eglise S. Bertin.

2. **B**AUDOUIN 2. du nom, nommé le Chauue, succeda à son pere Baudouin Bras de fer, se maria à Eltrude d'Angleterre fille du Roy Elfrede, Dame pieuse, qui fit bastir plusieurs Eglises, & luy engendra Arnulphe Comte de Flandre, Adulphe Comte de Boulougne, & deux filles, Elgise & Elstrude. Il gaigna plusieurs victoires sur les Danois, rempara la ville de Bruges, & l'emmurailla: & mourut l'an 919. Sa femme le suivit l'an 919. Ils sont inhumez à saint Pierre lez Gand.

3. **A**RNOUL le Vieil, Comte de Flandre, par le trespas de son pere, l'an 919. espousa Aleyt fille de Hubert Comte de Vermandois, qui luy donna Baudouin le ieune Comte de Flādre, & deux filles Luytegarde femme du Comte Vuithman: & Eltrude, qui fut rauie, & depuis mariee à Filcorin Normand, Seigneur de Guisnee. Il eut de grands differends avec l'Empereur Othon pour les limites du pays, dont s'accorderent ensemble: eut guerre cōtre les Normands pour la mort du Duc Guillaume, dit Longue-espee, & chassa les Huns & Vandales de la Flandre: & pour ce subiect-là, le Pape luy permit de leuer les dîmes sur tout le pays du Côté de Flandre Estant aagé de 92. ans il mourut, l'an 964. & sa femme auparavant luy. Ils gisent à S. Pierre lez Gād.



Baudouin le Jeune 3^e du
nom 4 Comte de Flandre.

Arnulphe le Jeune 5^e
Comte de Flandre.

Baudouin 4^e du nom 6^e
Comte de Flandre.

4. **B**AUDOUIN le ieune 3. du nom Cōte de Flandres, par le transport que luy fit volontairement Arnoul le vieil son pere. De son viuant il espousa Mehaut de Saxe, fille du Duc Herman, qui luy cōceut Arnulphe dit le ieune, Cōte de Flandre Il ne regna que 3. ans, puis mourut de la petite verolle en l'an 967. Il gist en la ville de S. Vinox.

5. **A**RNULPHE le ieune 2. du nom paruenue à la Comté de Flandre, apres le deceds de son pere. Il espousa Roselle fille de Berengier Roy de Lombardie, & eut d'elle 3. fils & vne fille: De ses fils Baudouin luy succeda. Il eut guerre contre Lotaire Roy de France, qui l'ayant despoüillé de sa Comté luy restitua, & quelques autres terres, par l'entremise & recommandation de quelques Princes. Il trespassa d'une fièvre chaude en sa maison à Gand le 13. Mars 988. Il gist à S. Pierre audit Gand.

6. BAUDOUIN 4 du nom: dit belle-Barbe, fils aîné d'Arnulphe le ieune, vint au Comté de Flādre l'an 988. & en l'an 1006. il vſurpa la ville de Valenciennes ſur l'Empereur Henry 2. qui mit en vain le ſiege deuant pour la ſauoir. aſſiſté des forces de Robert Roy de France, & de Richard Duc de Normandie L'Empereur pour la grandeur de ſon courage & ſon aſſeurance, luy remit l'oſſenſe qu'il auoit commiſe, à cauſe de quoy il rendit la ville de Cambray. Il eſtablit la Chancellerie en Flādre: gouuerna le pays 46. ans, & mourut l'an 1035. laiſſant de ſa femme Ognie fille de Guilbert Duc de Lorraine & Comte de Luxembourg, Baudouin le Debonnaire. Ils gisent tous deux à ſainct Pierre lez Gand.



Baudouin 5 du nom et
Alise 7 Comte de Flandre. Baudouin 6 du nom et
Richilde 8 Comte de Flandre. Arnulphe 3 du nom.
Comte de Flandre.

7. BAUDOUIN 5. du nom, après le trespas de ſon pere fut Côte de Flandre, & nommée Debonnaire Il eſpouſa Adele ou Alise fille de Robert Roy de France, de laquelle il eut trois fils & vne fille. Baudouin 6. l'un de ſes fils luy ſucceda; & la fille nommée Mahaut fut mariée à Guillaume Roy d'Angleterre. Il fit encceindre de murailles la ville de l'Iſle, y faiſant faire des portes & follees: & y fonda l'Egliſe Canoniale de S. Pierre. Il deſcda l'an 1067. ayant regné 33. ans.

8. BAUDOUIN 6. du nom ſurnommé de Mons, & le paſſible, ſucceda à ſon pere: fut de ſi douce & paſſible humeur qu'il ne porta oncques armes ou eſpee, ſe cōtenta ſeulement de bien faire rendre la Juſtice par ſes Magiſtrats à ſes ſubiects. Il nettoya ſon pays de larrons, & la police fut grandemēt obſeruee & gardée par toutes ſes terres. Il eut de Richilde fille vniue du Comte de Mons en Haynault, Arnulphe qui fut Côte de Flandre, & Baudouin Comte de Haynault. Son regne ne fut que de 3. ans, & mourut l'an 1070. Il giſt avec ſa femme au Monaftere de Hannō qu'il auoit fait edifier.

9. ARNULPHE 3. du nom ſurnommé le Simple, Comte de Flandre l'an 1070. bailla à ſon frere Baudouin la ville & le chasteau de Doüy pour ſon partage. Son oncle Robert le Friſon le pria d'une grande partie de ſa ſucceſſion. Il donna deux batailles à ſon oncle, & mourut en l'une fort vaillamment l'an 1071. ſans auoir eſté marié. Il reſoſe à ſainct Bertin.



Robert 1 du nom.
10 Comte de Flandre. Robert 2 du nom.
11 Comte de Flandre. Baudouin 7 du nom.
12 Comte de Flandre.

10. ROBERT premier de ce nō ſurnommé le Friſon, fut par la mort d'Arnulphe ſon neveu Comte de Flandre, ſans aucune reſiſtance. Il eſpouſa Gertrude fille de Bernard Duc de Saxe, de laquelle il eut Robert Comte de Flandre: Philippes Comte d'Ipre: Baudouin Eueſque de Therouenne: Marie Abbeſſe de Meſſine: Adele, qui eſpouſa Carut Roy de Dannemarc: & Gertrude femme du Comte de Louvain, mere de Thierry Comte de Flandre, & de Simon d'Alſace, qui eſpouſa Marguerite heritiere d' Hannon voulant faire la guerre à Guillaume Roy d'Angleterre, qui reſuſoit

de luy payer quelque tribut, il mourut en la maison de Vinendale l'an 1077.

11. ROBERT 2. du nom dit le Jeune, surnommé de Hierusalem, pource qu'il y avoit esté avec Godefroy de Bouillon, joüit du Comté de Flādre, & espousa Clemence de Bourgogne, fille de Guilaume surnommé Tesle hardie, de laquelle il eut Baudouin surnommé la Hache Comte de Flādre: Guilaume & Philippes qui decederent ieunes. Apres plusieurs beaux faits de Cavallerie, passant le pont de Neelle pres de Meaux pour venir au Couronnement de Louys Roy de France, son cheval trespucha, & le Comte cheut dessous, dequoy il fut tout brisé & rompu; & en mourut le troisieme iour d'apres l'an 1111. Il est inhumé à S. Vaast d'Arras. Sa femme le survesquit 17. ans.

12. BAUDOUIN 7. du nom surnommé la Hache, pource qu'il vsoit d'un tel baston, & qu'il portoit mesmes en ses bannieres, fut Comte de Flandre apres la mort de son pere: fut iusticier implacable & severe. Il espousa Anne de Bretagne fille du Comte Alain, qui pour la consanguinité trop proche fut separée d'avec luy par le Pape, & ne voulut depuis se marier. Il deceda d'une blessure qu'il eut l'an 1119. apres avoir nommé pour son heritier Charles de Daanemarc, fils du Roy Canut son cousin germain. Il gist à saint Bertin.



Charles le bon 13.
Comte de Flandre.

Guillaume de Normandie 14.
Comte de Flandre.

Thierry 15.
Comte de Flandre.

13. CHARLES surnommé le Bon, fils de Canut Roy de Daanemarc, fut par le decés de son cousin Baudouin reçu Comte de Flandre. Il vesquit saintement & religieusement, faisant de grandes charitez aux pauvres. Il chassa les Juifs de Flandre, & tint en loque paix ses subiects. De Marguerite sa femme, fille de Regnault Comte de Clermont & d'Auvergne, Comtesse d'Amiens, il n'eut aucuns enfans. Il fut tué par Bossart Vanden Straten l'an 1127. dedans l'Eglise sainte Donast à Bruges oyant la Messe, pource qu'il avoit fait ouvrir les greniers à bled pour le vendre & distribuer aux pauvres à prix raisonnable. Il gist à S. Christofle de Bruges.

14. GUILLAUME de Normandie, fils de Robert de Courte-cuisse, fut constitué Cōte de Flandre par Louys le Gros, Roy de France, l'an 1128. nonobstant l'empeschement & l'oppositiō qu'y faisoit Guillaume de Lor Vicomte d'Ipre, & Thierry d'Alsace, & autres contendans pour la proximité de parentage. Pour n'avoir iceluy Guillaume cōtinué la modestie par laquelle il avoit emporté le Cōté par dessus les autres en fut destitué, pour les cruautéz & tyrānies qu'il exerceoit: & en son lieu fut erigé Thierry Comte d'Alsace: Ce que voulut empescher, il fut frappé d'un coup de fleche qui luy osta la vie au siege d'Alost, l'an 1129 ayant gouverné seulement un an. Il gist à S. Bertin.

15. THIERRY d'Alsace, fils aîné de Thierry Lantgraue & Gertrude de Flandre, fille de Robert le Fison, fut esleu Comte de Flandre pour sa generosité, prudence, & discretion. Il fut 4. fois au voyage de la terre Sainte, & avant son quatrieme voyage il pourueut son frere Philippes du Comté de Flādre: & apres son retour le laissa disposer de tout, & se retira au Monastere de Vuatine qu'il avoit fait bastir. Il deceda l'an 1168, âgé de 69. ans. Il eut pour sa premiere femme Marguerite de Clermont veufue de Charles le Bon dont il eut une fille nommée Laurette, qui fut mariée à Henry Duc de Luxembourg. De Sibille d'Anjou fille de Foucault Cōte d'Anjou & Roy de Hierusalem sa 2. femme, il eut Philippes Comte de Flādre, Mathieu Comte de Boulou-gne, Gerard Preuost de S. Donast, Baudouin Evesque de Therotienne, Pierre esleu Evesque d'Auers, & depuis Cōte de Neuers, Marguerite mariée en secōdes nopces à Baudouin 4. Comte de Hainaut & de Namur, Gertrude mariée à Lambert Comte de Montagu, & de Mortagne, & Matilde femme de Humbert 2. Comte de Sauoye.



Philippe 16 Comte de Flandre

Baudouin 8 et Marguerite Baudouin 9 du nom 18 Dalsace 17 Comte de Flandre

16. PHILIPPE d'Alsace, fils aîné de Thierry d'Alsace, qui par ses proesses & faits d'armes merita le tiltre de Grand, fut par la demission de son pere. encore viuât, Comte de Flandre, où il gouerna en iustice, paix & tranquillité ses subiects 22. ans. Le zeile de la foy Chrestienne le porta deux fois en Syrie au secours de son cousin le Roy de Hierusalem, d'où au retour de son premier voyage il rapporta l'Escu de de Nobilion Roy d'Albanie, qu'il tua de sa propre main, où estoit en champ d'or vn Lyon de sable griffé de gris: En la memoire dudit Comte, ses successeurs portent encores les mesmes marques & blason en leurs escus Il mourut deuant Aire en son dernier voyage, & fut ensepulturé à Cleruaux. D'Isabelle fille de Rodolphe Comte de Vermandois il n'eut lignee, ny de Mahault fille d'Alphonse Roy de Portugal, sa 2^e femme. 17. BAUDOUIN 8. du nom Comte de Hainaut, de Namur, & de Flandre par sa femme Marguerite d'Alsace en l'an 1192. Il venoit en droicte ligne de l'extraction de Baudouin dit de Mons, que son Oncle Robert le Frison auoit despoüillé de son Comté, sous pretexte que tout ce qu'il faisoit, comme son tuteur, estoit pour son bien. De grandes guerres s'esmeurent entre luy & Thierry de Beures Comte d'Alost contre Henry Comte de Namur, & contre le Comte de Neuers. Pendant son gouuernement pour les limites de leurs terres & seigneuries, il resista à tout avec une grande prudence & cōstance martiale, puis mourut en l'an 1194. Son corps repose en l'Eglise S. Vaudru en la ville de Mons en Haynaut. Il eut de ladite femme Baudouin de Constantinople Comte de Flandre & de Haynaut, Jean Comte de Namur, Philippe qui s'intitula Comte de Vamur, Henry qui fut aussi Comte de Namur, & puis Empereur de Cōstantinople, Isabelle femme de Philippes le Conquerant Roy de France, Isolante femme du Comte de Neuers, & depuis Empereur de Constantinople, & Sibille femme de Gerard de Luxembourg Comte de Ligny. 18. BAUDOUIN 9. du nom, dit de Constantinople, pource qu'il la deliura des oppressions du Tyran Alexis, & la remit es mains de son nepueu à qui il l'auoit ostee, succeda à son pere au Comté de Haynaut & de Flandre en l'an 1195. Ce Baudouin estoit vaillant, & ne pouuoit denieuer en repos tant il estoit belliqueux & actif, qui ne pouuoit apporter aucune lacheté, comme il le monstra au neueu d'Alexis qui auoit restitué à l'Empire: car il s'en inuestit & l'en dechassa pour luy auoir manqué, de sorte qu'il fut esleu Empereur de Cōstantinople en sa place. La fortune en l'an 1205. luy tourna le dos & le fist tomber dans les mains du Roy de Bulgarie qui l'enuooya en Turquie où gist son corps. Marie sa femme, fille de Henry surnommé le Large, Comte de Champagne, eut de luy deux filles, Ieanne Comtesse de Flandre & de Haynaut, & Marguerite qui succeda à ses Comtez apres la mort de sa seur.



Fernand de Portugal et Ieanne sa fem. et Thomas de Sauoye. 19 Comte de Flandre

Guillaume de Bourbon et Marguerite sa fem. 20 Comte de Flandre

19. **FERNAND** de Portugal fils de D. Sâcho de Portugal, ayant espousé Jeanne fille de Baudouin de Constantinople, & de Marie de Champagne fille de Henry surnommé le Large Comte de Châpaigne fut Comte de Flandre & de Haynaut: car sa femme en estoit heritiere. Philippes Auguste Roy de France luy fit la guerre, & le print prisonnier en vne bataille qui se donna à Boissines: de là mené au Loure à Paris, où il fut en captivité 12. ans, & en fin mis en liberté par l'intercession de quelques Princes & Seigneurs qui obtindrent sa delivrance du Roy. Sa prison luy causa quelques infirmités, & entre autres la gravelle, qui luy avança ses iours, & mourut sans enfans l'an 1232. Son corps est inhumé à Marquetres. Sa femme deceda 11. ans apres luy, & gist en mesme sepulture. Thomas fils puîné du Côte Thomas de Sauoye, & de Beatrix fille du Côte de Geneue, fut pour vn temps Comte de Flandre, & ne laissa aucuns enfans.

20. **MARGHERITA** seconde fille de Baudouin Empereur de Constantinople, & de Dame Marie de Champagne, par le deceds de Jeanne sa sœur aînée, succeda aux Comtez de Flandre & de Haynaut: Estant encore ieune, Bouschard ou Boschard fils de Jacques d'Auenes, d'extraction noble & ancienne en Haynaut, Preuost & Chanoine de S. Pierre de l'Isle, luy fut baillé pour tuteur. Elle espousa Guillaume de Bourbon sieur de Dampierre aussi Comte de Flandre, leon Comte de Namur, & Marie qui fut Abbesse de Flines. Estant decedee en l'an 1279. elle fut inhumee en grande ceremonie en l'Abbaye de Flines.



*Guillaume de Dampierre et
Beatrix de Brabant 21 Comte
de Flandre*

*Guy de Dampierre Mehault de
Bethunes Isabelle de Luxembourg
22 Comte de Flandre*

21. **GUILLAUME** de Dampierre fut Comte de Flandre. Il accompagna S. Louys Roy de France en son dernier voyage de la terre sainte, & fut fait prisonnier par les Turcs & Sarrazins, qui luy firent payer de rançon huit mille besans Sarrazinois. Apres son retour en Flandre, il mourut l'an 1251. & fut inhumé à Flines. Son gouvernement fut de trois ans, n'ayant eu de Beatrix de Brabant aucuns enfans.

22. **GUY** de Dampierre, fils de Guillaume de Bouillon, Seigneur de Dampierre, succeda au Comté de Flandre apres le deceds de son frere Guillaume de Dampierre. Il espousa en premieres nopces Mehault de Bethunes, fille de Robert l'aduoit d'Atras Seigneur de Bethunes, & eut d'elle six fils & trois filles, qui furent tous bié pourueus. D'Isabelle de Luxembourg Comtesse de Namur, fille de Henry Côte de Luxembourg, de la Roche en Ardenne & de Namur sa 2. femme, il eut 3. fils & 4. filles mariees hautement. Elle trespasa l'an 1298. son corps repose à Petergen lez Oudenarde, en vn Cloistre de sainte Claire. Son mary Guy de Dampierre fina sa vie en prison à Compiègne, aagé de 80. ans, l'an 1304. ayant gouverné 14. ans. Il est inhumé à Flines.



*Robert 3 du nom 23
Comte de Flandre*

*Louys de Nevers dict de
Crespy 24 Comte de Flandre*

*Louys 2 du nom 25
Comte de Flandre*

23. **ROBERT** troisieme de ce nom, dit de Bethunes, pource qu'il en estoit Seigneur

auparauant que d'estre Comte de Flandre, parut en toutes ses actions vertueuses, hardy, & vaillant. Il remit es mains du Roy de France les villes de l'Isle & de Douay. Il alla en Sicile pour la defence de Charles Roy de Sicile & Duc d'Anjou son beau pere. Il tua en bataille Memfroy de sa propre main. Il eut de Catherine d'Anjou fille du Roy de Sicile vn fils qui mourut ieune. D'Iolante sa 2. femme luy nasquirent Louys Comte de Neuers & de Rethel, Robert dit le Casiel, Ieanne, Iolante, Mahaut & Henry qui se renga du party des Anglois. Il mourut l'an 1322. en la ville d'Ipre, où il gist à l'Eglise saint Martin.

24. LOUYS de Neuers, dit de Crecy, succeda à ses pere & mere aux Comtez de Neuers, Rethel, & à la Comté de Flandre, à son ayeul paternel Robert de Bethunes en l'an 1322. Ses subjets s'esleuerent contre luy & le dechasserent hors son Comtat, & depuis l'ayant rencontré le constituerent prisonnier dedas Bruges. Le Roy Philippes de Valois le restitua en sa dignité par force d'armes: C'est pourquoy il fut de son party contre Edouart Roy d'Angleterre, & mourut en la bataille qui se donna à Crecy entre le Roy de France & ledit Roy d'Angleterre l'an 1346. Il eut de Marguerite de France, fille puînee de Philippe Roy de France, Louys dit de Malain. Elle mourut l'an 1382.

25. LOUYS deuxiesme du nom, fils unique de Louys dit de Crecy, & de Dame Marguerite de France, leur succeda en l'an 1346. es Comtez de Flandre Rethel & Neuers. Son grand courage, ne trouua rien qui ne fust entreprenable, si perilleux fust-il. Le Roy d'Angleterre Edouart 3. avec vne puisante armee, & les Gatois qu'il auoit subornez & attirez à soy troubla bien son Estat, & luy donna beaucoup d'affaires, & fut contraint d'auoir recours à Philippes de Valois Roy de France, qui ioignant les forces avec celles que Louys auoit ramassees deffus les Flamands. De Marguerite de Brabant, seconde fille de Iean de Brabant, il eut Marguerite Comtesse unique & seule heritiere. Il mourut en l'an 1382. & gist à l'Isle à S. Pierre en la Chapelle nostre Dame. Il fut surnommé de Malain, pource qu'il naquît à Male au Comté de Flandre.



Philippes de France et
Marguerite 26 Comte
de Flandre

Iean 27 Comte de
Flandre et c.

Philippes 3, dict le bon
28 Comte de Flandre.

26. PHILIPPES de France surnommé le Hardy, tant pour auoir soustenu le siege & bataille de Poitiers, estant encor fort ieune, que pour le rág de hardiesse qu'il prit au sacre du Roy Charles 6. Il estoit le quatriesme fils de Iean de Valois Roy de France, & de Dame Bonne de Boheme; & fier germain de Charles 5. aussi Roy de France: par le don & octroy delquels il fut Duc de Bourgongne, & apres par alliance de mariage fait avec Marguerite fille unique du Comte Louys de Crecy (dit de Malain) fut Comte de Flandre, Duc de Brabant, Comte d'Artois, Seigneur de Salines & Malines. Il eut d'elle Iean, Anthoine, & Philippes, & trois filles, Marguerite, Marie, & Catherine. Il mourut à Hal, ou Haux, en Hainaut, l'an 1404. gist aux Chartreux lez Dijon. Sa femme mourut à Arras en la mesme annee, & gist à S. Pierre en la ville de Lisle pres ses pere & mere.

27. IEAN fils aîné de Philippes Duc de Bourgongne, de Brabant, & Comte de Flandre eut toutes les souverainetez de son pere apres son deceds, & monstra à ses ennemis que la grandeur du courage ne se mesuroit à celle du corps. Il tira sa raison de la rebellion commise par les Liegeois tant enuers luy que les siens. De Marguerite de Bauierre fille aînée d'Albert Comte de Haynault, il eut Philippes (dit le bon) Duc de Bourgongne, & cinq filles, toutes aduantageusement pourueues en diuerses Prouinces. Apres il espousa la fille de Louys 3. Duc de Bourbon qui le suruequit: Car il fut tué en parlementant sur le pont de Montereau. faut Yonne, l'an 1419. ayant gouverné ses Estats & Seigneuries 15. ans.

28. PHILIPPES 3. (dit le Bon) fils unique de Iean & Marguerite de Bauierre, fut Comte de Flandre, Duc de Brabant, de Bourgongne & autres Seigneuries. Il fut Prince tres-sage: chastia les rebelles de Gand, & subiugua les Liegeois: ruyna Dinant. Il institua l'Ordre de la Toison d'Or l'an 1429. Eut pour premiere femme Michelle, fille de Charles 6. Roy de France, & selon aucuns, de Charles 7. Sa seconde femme fut Bonne, fille de Philippes d'Artois, n'eut aucuns enfans de ces deux; Et sa 3. fut Isabelle

de Portugal, dont il eut Anthoine & Iosse, qui moururent ieunes, & Charles qui luy
succeda. Il mourut à Bruges l'an 1467. & gist à Dijon.



Charles surnommé le hardy 29 Comte de Flandre. Maximilian et Marie de Bourgongne 30 Comte de Flandre. Philippe d'Austriche surnommé le Beau 31 Comte de Flandre.

29. CHARLES appelle en sa ieunesse Comte de Charolois, fils vnique du bon Duc Philippe, & de Dame Isabelle de Portugal, succeda à son pere en la Comté de Flādre, & fut en general heritier de la maison de Bourgongne. Il fut Prince tres-hardy & belliqueux. Son apprentissage de guerre fut contre Louys vnzieme, Roy de France: il chassa les Liegeois, qui s'estoient rebellez contre leur Euesque Louys de Bourbon son cousin germain. Catherine de France sœur de Louys vnzieme fut sa premiere femme, dont il n'eut aucuns enfans. Sa 2. fut Isabelle de Bourbo, de laquelle il eut vne fille nommee Marie, qui fut sa seule & vnique heritiere, & depuis mariee à Maximilian: Et sa 3. Marguerite sœur d'Edouard Roy d'Angleterre, qui le suruesquit. Sur la fin de son aage il perdit trois batailles en vn an. La premiere à Morat en Suisse, où il perdit ses gens: La seconde à Grangy, là où il perdit le pays: Et la troisieme à Nancy où il perdit la vie, qui fut l'an 1476. & gist à Bruges en l'Eglise nostre Dame. Il fut surnommé le Hardy.

30. MAXIMILIAN Archiduc d'Austriche, & depuis Empereur, avec ses autres tiltres porta celuy de Duc de Brabant, & de Comte de Flandre, par la succession qu'eut sa femme Marie de Bourgongne fille de Charles le Hardy. Il eut d'elle Philippes, qui luy succeda, François & Georges qui moururent ieunes, Marguerite mariee à Jean d'Arragon. Elle mourut l'an 1482. & gist à Bruges en l'Eglise nostre Dame pres son pere. Il espousa en 2. nopces Blanche-Marie fille de Galeas Duc de Milan, & n'eut d'elle aucuns enfans. Il mourut l'an 1519. & est inhumé à Neustat en Allemagne.

31. PHILIPPE d'Austriche, surnommé le Beau, dit Croit-conseil, fils aîné de Maximilian, eut le Duché de Brabant, le Comté de Flandre & autres Seigneuries par le trespas de sa mere l'an 1482. estant encore fort ieune: mais de bon entendement. Il eut de sa femme Jeanne d'Arragon, Charles V. Empereur, Fernand Roy des Romains & depuis Empereur, Leonor qui espousa Emanuel Roy de Portugal, & en secondes nopces François premier du nom Roy de France Isabelle femme de Christienne Roy de Dannemarch, Catherine femme de Jean Roy de Portugal, & Marie femme de Louys Roy de Hongrie. Il mourut en Espagne l'an 1555. n'estant qu'en la fleur de son aage, & son pere encore viuant. Il gist à Grenade.



Charles 5^e Empereur. 32 Comte de Flandre.



Philippe Roy d'Espagne. 33 Comte de Flandre.

32. CHARLES V. Empereur, Roy d'Espagne, fils de Philippes d'Austriche & de

Ieanne d'Arragon, eut parmy ses autres tiltres celuy de Duc de Brabant & de Comte de Flandre, & autres Seigneuries par le trespas de son Pere, & de sa mere es Royaumes d'Arragon, Leon, Castille, Naples: ce Prince fut haut de courage & grande entrepri- se. Il fit plusieurs actes memorables trop longs à reciter. De sa femme Isabelle de Por- tugal, il eut Fernand qui mourut ieune, Philippes 2. Roy des Espagnes qui luy succe- da, Marie femme de Maximilian Empereur, elle mourut l'an 1539. Il se retira du mon- de sur la fin de ses iours, & se mit en vn Monastere appellé S. Iust où il mourut l'an 1558. ayant esté Empereur 40. ans. Il est inhumé à S. Laurent de l'Esecurial.

33. PHILIPPES 2. fils vnique de Charles 5. Empereur Roy des Espagnes, print avec ses autres tiltres celuy de Duc de Brauant & de Comte de Flandre. Il eut en pre- mieres nopces Marie de Portugal, & eut d'elle Don Charles Prince d'Espagne. En se- condes nopces Marie Royne d'Angleterre, dont il n'eust enfans. En 3. nopces Isabel- le fille de Henry 2. Roy de France, & eut d'elle Isabelle Claire Eugenie Infante d'Es- pagne, mariee à Albert Archiduc d'Autriche, & Catherine qui fut mariee au Duc de Sauoye: & sa 4. femme fut Anne Marie, fille aînée de Maximilian Empereur, dont il eut trois fils & vne fille, qui moururent incontinent, excepté Philippes 3. Roy d'Espa- gne. Il mourut aagé de 72. ans le 13. de Septembre 1598. de son regne le 40. Il est inhu- mé à saint Laurent de l'Esecurial.





Albert Archiduc d'Autriche et D. Isabelle Claire Eugenie Infante d'Espagne


34. ALBERT Archiduc d'Autriche, fils de l'Empereur Maximilian 1. neveu de l'Em- pereur Ferdinand, & frere de Rodolphe, Duc de Bourgogne & de Brabat, & Comte de Flandre de par sa femme la Serenissime Princesse D. Isabelle Claire Eugenie Infan- te d'Espagne, fille aînée du Roy Catholique Philippes 2. de laquelle les nopces furēt faites à Valence l'an 1599. Tost apres ils s'acheminērēt pour les affaires des Pays bas, & arriuerent à Bruxelles le 5. Septembre audit an, où ils furent receus magnifiquement, & aussi es autres villes. Il a durant sa vie bien gouverné la Flandre, mais il n'a laissé au- cuns enfans, & est mort l'an 1621. en Avril fort regretté de ses Sujets.











DES GRANDS MAISTRES DE L'ORDRE DE S. IEAN
de Ierusalem, avec l'origine & progres des Cheualiers du mesme Ordre,
& de leurs exploicts de guerre depuis l'an 1099. iusques à present.



L'ORDRE & milice de S. Iean de Ierusalem, a eu sa naissance & premiere origine en la saincte Cité de Ierusalem, & a passé en icelle les premieres années de son enfance, & vne grande partie de son adolescence. Lors que les Sarrazins estoient maistres de la saincte Cité & du pays d'alentour, le Temple du S. Sepulchre de nostre Seigneur fut ruiné enuiron l'an de salut 1012. par le commandement d'Equen Caliphe des Sarrazins, & demeura ainsi en ruine 36 ans, iusques au tēps de Constatin Monomaque, Empereur de Constantinople, lequel à la priere des Chrestiens qui habitoient en Ierusalem, du consentement de Bomenfor Elmoïn Stensab Caliphe ou Souldā d'Égypte, le fist rebastir à ses frais l'an 1048. Enuiron ce mesme temps aucuns Gentilshommes & marchands Italiens de la cité de Melphes souloient frequenter les ports & citez maritimes de Syrie & d'Égypte, & parce qu'ils portoient des marchādises en ces pais-là ils estoient aimez & bien voulus, non seulement des Gouverneurs des villes, mais aussi du Caliphe d'Égypte: estans bons Chrestiens souuēt ils alloient en Ierusalem visiter les saincts lieux, & n'ayans aucune retraicte en la ville, ils obtindrent congé & permission du Caliphe d'y bastir vne Eglise, & vn Palais pour leur vſage & habitation, & de ceux de leur nation au quartier de la ville où les Chrestiens habitoiēt proche du S. Sepulche. Ils y edifierent deux Monasteres, l'un en l'honneur de la glorieuse Vierge mere de Dieu, nommé la saincte Marie de la Latine à la difference des Eglises Grecques qui estoient en Ierusalem, & y mirent vn Abbé du mont Cassin, pour loger les pelerins Chrestiens, & l'autre en l'honneur de saincte Marie Magdelaine, pour y retirer les fēmes qui venoient en pelerinage, lequel estoit gouverné par des Religieuses, & puis apres ils firent bastir vn Hospital pour y loger, tant les pelerins malades, que ceux qui estoient en bonne disposition, & pareillement vne Eglise qui fut dedicee à S. Iean Baptiste, & ces Monasteres, Eglises & Hospitiaux furent long temps entretenus par le soing, & aux despens des Melphitains qui les auoient fondez, & ce iusques au tēps que la ville fut conquise par les Princes Chrestiens sur les Infideles, & que Godefroy de Buillon en fut esleu Roy, qui fut en l'an de salut 1099.



Gerard premier grand maistre Fr. Raymond de Podio.

1. Lors de la prise de la ville, frere Gerard estoit Recteur ou Gouverneur de l'Hospital de S. Iean, lequel lors que la ville fut assiegée des Chrestiens, fut fort mal traité par les Infideles, & fut long temps par eux detenu captif & prisonnier, parce qu'ils se desioient qu'il auoit secrette intelligence avec les Chrestiens qui assiegeoient la ville. Mais apres que les Chrestiens en furent maistres, il fut deliuré de prison, & gouverna fort charitablement & soigneusement l'Hospital de S. Iean, persuadant & induisant les Roys & Princes Chrestiens de l'enrichir & doter, ce qu'ils firent liberalement: de sorte qu'en France, en Italie, en Espagne, & autres Prouinces de la Chrestienté, l'Hospital de S. Iean eut en peu de temps de grāds reuenus & possessions. Dés l'an 1113, le Pape Pascha 2. receut frere Gerard & les Cheualiers de S. Iean en la protection du S. Siege Apostolique, leur octroya de grands privileges, & ordonna qu'apres le decez de Gerard, l'on procederoit canoniquement à l'eslection d'un autre Recteur & Gouverneur, qui fut depuis appellé grand Maistre de l'ordre ou milice de l'Hospital de S. Iean de Ierusalem, nom qui a duré iusques à present depuis cinq cens ans en ça.

2. L'an 1118, frere Gerard passa de ceste vie en l'autre, sous le Pontificat du Pape Gelase 2. & lors que commença l'ordre des Templiers, apres son decez luy succeda par eslection, frere Raymond du Puy, qui estoit Cheualier profez de l'ordre, quoy qu'aucuns estimer que frere Roger succeda à defun Gerard, & qu'il gouverna l'Hospital de S. Iean depuis l'an 1118. iusques au temps du decez de Baudouin 2. du nom Roy de Ierusalem, qui mou

rut l'an 1131. Frere Raymond en vn Chapitre general tenu en Ierusalem, avec l'aduis
 des Cheualiers fist des statuts de l'ordre, forma & institua la regle de vie, de laquelle les
 Cheualiers vseroient à l'aduenir, il fut appellé Grand-Maistre de l'ordre, & se qualifioit
 par ses tiltres seruiteur des pauvres de Iesus Christ, & Gardien de l'Hospital de Ierusalem.
 Sa regle fut approuuée & confirmée par Calixte 2. l'an 1120. & depuis par Honoré 2. &
 Innocent 2. & de main en main par leurs successeurs, lesquels ordonnent que les Che-
 ualiers Religieux viuroient selon la regle de S. Augustin. Ce grand Maistre voyant que
 le reuenue de l'Hospital s'augmentoit de iour à autre, & qu'il ne le pouoit mieux em-
 ployer que contre les Infideles, leur faisant la guerre, il s'offrit au Roy de Ierusalem avec
 toutes ses forces & pouvoir, & de ses Religieux, lesquels portoient en leurs drapeaux
 & estendards la Croix d'argent en champ de gueules par ordonnance du Pape Innocent 2.
 de l'an 1130. Et des lors les freres & Religieux furent distinguez en trois degrez, car les
 vns furent Cheualiers, les autres Chapelains, & les autres Seruans, n'y ayant du comen-
 cement autre difference entr'eux, sinon que quelques vns d'eux estoient prestres &
 Clercs, & les autres Laïcs, & depuis ce temps-là il ne se fist aucune entreprise en la Pale-
 stine contre les Infideles, que le grand Maistre n'y trouuast en personne avec les Che-
 ualiers & Religieux, lesquels furent premierement appelez Cheualiers Hospitaliers, ou
 de l'Hospital de S. Iean de Ierusalem, puis Cheualiers de Rhodes, & à present Cheualiers
 de Malte. Ils furent en si grande reputation, qu'il estoient employez au menier
 & conduite de grandes affaires & d'importance. Entr'autres freres Gerard Gebert, Che-
 ualier de cet ordre fut enuoyé par le Roy Foulques d'Anjou en Angleterre, pour traicte-
 le mariage de Constance Princessse d'Antioche, niepce de la Roynie Melisende, & fille du
 Prince Boëmond, avec Raymond fils du Comte de Poitiers, qui estoit lors en la Cour
 de Henry Roy d'Angleterre, lequel mariage fut cõclud par la dextérité de ce Cheualier.
 aussi en ce temps Raymond Berenger Comte de Barcelonne & Prince de Catalogne, qui
 auoit conquis les Isles de Majorque & Minorque sur les Mores, & descendu en quel la
 chasteté & l'honneur de Maliaud, frere de l'Empereur Henry 5. contre deux Cheualiers
 Allemans qui l'auoient fausement accusé d'adultere, sur la fin de ses iours se resolut de
 prendre l'habit de ceste sacrée Religion, & en ceste sacrée profession il perseuera sain-
 tement le reste de ses iours en l'an 1131. Et environ ce meisme temps on tient qu'en vn
 momēt trois Cheualiers de cet ordre qui estoient François naüts de Picardie, que le Soul-
 dan d'Egypte retenoit captifs, furent miraculeusement deliurez & transportez d'Egypte
 avec Ismerie fille du Souldan, au lieu où est à present l'Eglise dediée à nostre Dame de
 Liesse, ce qu'on dit estre aduenü l'an 1139. En l'an 1153. le grand Maistre Raymond fist
 cõtiner le siege de la ville d'Alcalon, que les Infideles auoient defendu contre les Chre-
 stiens plus de 50 ans, & en fin s'en rendit maistre le 12. Aoust 1153. qui fut le 10. du regne
 de Baudouin 3. & en recognoissance de ceste prise signalée vtile à toute la Chrestienté, le
 Pape Anastase 4. conceda & octroya de tres grands priuileges à l'ordre de l'Hospital de
 S. Iean par la Bulle du 11. Nouembre en ladite année, & les exempta de la iurisdiction &
 correction des Prelats Ecclesiastiques d'Orient. Ce qui fut cause de g. à la troubles en-
 tre les Euesques de ce pais-là, & les Cheualiers de cet ordre, lesquels Cheualiers furent
 toujours supportez & soutenus fauorablement par le S. Siege & les Cardinaux. Aucuns
 ont estimé que le grand Maistre Raymond estoit Florentin, mais la plus veritable opi-
 nion a esté qu'il estoit François, natif du Dauphiné, issu d'une maison noble nommée du
 Fay, dont mesmes Jacques Bosius Italien, qui a escrit amplement l'histoire de l'Ordre
 ingenument en demeure d'accord. Il mourut l'an 1160. du temps d'Alexandre 3. Pape,
 avec ceste reputation qu'il auoit esté homme de bonne & sainte vie, craignant Dieu,
 fort prudent & aduisé es affaires du monde, & tres-valeureux au fait des armes.



Frere Auger de Balben. Frere Arnould de Comps.

3. Apres que Raymond fut decedé, luy succeda en la maistrise & gouuernement de l'Or-
 dre frere Auger de Balben, du temps duquel il ne se trouue aucune chose digne de me-
 moire, si ce n'est que de son temps mourut le Roy Baudouin 3. qui fut grandement regretté
 des Chrestiens, mesmes des Infideles, qui disoient que les Chrestiens pour la mort de
 Baudouin auoient iuste occasion de se dolloir, parce qu'ils auoient perdu vn Prince qui

n'auoit son pareil en tout le monde. Le grand Maistre Auger apres auoir gouuerné en
 paix & repos la Religion enuiron trois ans, mourut l'an 1163. &
 4. Frere Arnould de Comps fut esleu grand Maistre en son lieu. Peu de temps apres son
 eslection, il entra en Egypte avec le nouveau Roy de Ierusalem Amaury, lequel fist guerre
 au Caliphe d'Egypte, parce qu'il refusoit de payer & continuer le tribut annuel, qui s'e-
 toit obligé à Baudouin 3. de payer perpetuellement aux Roys de Ierusalem. Cét Arnould
 apres auoir avec grande prudence & valeur gouuerné l'Hospital de S. Iean enuiron
 quatre ans, mourut l'an 1167. & luy succeda



Fr. Gilbert d'Asaly.

Frere Gastus.

5. Frere Gilbert d'Asaly, ou de Saily, lequel estoit de grand cœur & liberal qu'il pa-
 choit à la prodigalité, spécialement à l'endroit des soldats, de sorte qu'il fist de grandes
 despeses & eipuisa tout le thesor de la Religion, & fut contraint d'emprunter argent
 à interest, à condition que s'il prenoit sur les infideles la ville de Belbeis, anciennement
 appelée Pelusium, elle demeureroit acquise à la Religion, d'où il vint à chef heureuse-
 ment le 3. Nouëbre 1168. en laquelle année il tint un Chapitre general dans Ierusalem, &
 voyant qu'il s'estoit grandement endebté, & qu'il auoit chargé la Religion de plus de
 cent mil escus de debtes, & ennuyé de ce que toutes les entreprises ne réussissoient selon
 son desir, il delibera de renoncer à la grande Maistrise, ce qu'il fit en l'an 1169.
 6. Et fut par sa resignation, ou plustost renonciation, esleu grand Maistre un autre Che-
 ualier nommé frere Gastus ou Castus, duquel il ne se trouua aucune chose qui fust à pro-
 pos de cette briefue histoire, & la briefuete du temps qu'il gouuerna en fut cause, parce
 qu'il ne fut pas un an en cette charge, ains il mourut au mesme an de son eslection, & il eut



Frere Ioubert.

Frere Roger de Moulin

7. Frere Ioubert homme tres-religieux pour successeur au mesme an 1169. lequel en l'an
 1176. se ioinit avec le Comte de Flandres Philippe, qui estoit venu en Syrie au secours
 du Roy Baudouin 4. contre Saladin, duquel une puissante armée à merueilles fut defai-
 te par les Chrestiens au mois de Nouëmbre 1177. lors que le Pape Alexandre 3. & l'Em-
 pereur Federic Barberousse, se reconcilierent ensemblement: en fin Saladin se retira du
 pays de Damas en l'an 1179. auquel mourut frere Ioubert Maistre des Hospitaliers, ayant
 gouuerné l'ordre de S. Iean enuiron dix ans.

8. En son lieu fut esleu frere Roger de Moulins, homme de grande prudence & de grande valeur en ladite année 1179. De son temps estât suruenue vne grande inimitié & dissension entre le Prince d'Antioche & le Patriarche dudit lieu, frere Roger fut choisi pour estre mediateur de paix & d'accord entr'eux, ce qui aduint en l'an 1181. auquel mourut le Pape Alexandre 3. & fut esleu en son lieu le Pape Lucius 3. Frere Roger fut avec Heraclius Patriarche de Ierusalem, & frere Alnould de Troge Maistre des Templiers, enuoyé par le Roy de Ierusalem en Occident en qualité d'Ambassadeur, afin de demander secours aux Princes Chrestiens, & furent les Ambassadeurs bien receus du Pape, de l'Empereur, du Roy Philippe Auguste, des Roys de Sicile, d'Angleterre, & de Hôgrie, & s'en retournerent en Syrie, fors le maistre des Templiers, qui mourut en chemin. En l'an 1187. le Comte de Tripoly s'estant ligué & confederé avec Saladin, il luy donna passage, & secourut de viures son armée, & Saladin ayant assiéé la ville de Ptolemaide, les Cheualiers de S. Iean & les Templiers mirent en desordre son armée, & frere Roger grand Maistre combatant valeureusement mourut, son cheual estant tombé sous luy, & fut accablé de la pesanteur de ses armes, & foulé aux pieds de la cavalerie des ennemis, le corps duquel fut puis apres trouué entre les morts, & enseuely avec beaucoup de larmes & de tristesses: & nonobstant ceste grande perte du grand Maistre, les Cheualiers de S. Iean, & les Templiers obtindrent le gain de la bataille cõtre les Turcs & les Sarrazins, desquels en demeurera sur la place iusques à 15000. de morts le 1. iour de May l'an 1187. De son temps frere Roger obtint du Pape Lucius 3. confirmatiõ de la reigle & des priuileges que les Papes ses predecesseurs auoient concedé à la Religion de S. Iean, apres la mort duquel



Fr. Garnier de Naples de Suri Fr. Emengard Daps.

9. Frere Garnier de Naples, de Syrie, fut esleu grand Maistre: Du temps d'iceluy fut donnée vne bataille sanglante entre les Chrestiens & Infideles, en laquelle le Roy de Ierusalem Guy de Lusignan fut pris prisonnier avec les principaux de son Royaume, la vraye Croix que les Chrestiens portoient en bataille fut prise par les Infideles, quasi tous les Cheualiers de S. Iean, & les Templiers furent tuez de sang froid, & frere Garnier estant blessé en plusieurs endroits de son corps, se sauua par la bonté & vitesse de son cheual dans la ville d'Ascalone, où il trespassa le 14. Iuillet.

10. Le 20. dudit mois 1187. les Cheualiers qui estoient en Ierusalem esleurent frere Emengard d'Aps. Le 2. d'Octobre de la mesme année, la ville de Ierusalem fut soumise à la puissance de Saladin 88. ans 2. mois 17. iours. apres laquelle fut deliurée par Coudroy de Beillon de la main des Infideles au 2. an du Pontificat du Pape Urbain 3. Federic 1. sur-nommé Barberousse tenant l'Empire d'Occident, & Isaac l'Ange celuy d'Orient, & regnât en France Philippe Auguste, & furent chassés de Ierusalem les Cheualiers Hospitaliers, & les Templiers, & tous les Chrestiens Latins, desquels Chrestiens les Hospitaliers racheterent de la captiuité des Barbares, iusques au nombre de mil de leurs deniers: Toutes les Eglises de la ville furent pollües & profanées, fors le Temple de la Resurreccion, qui fut racheté à grand prix d'argent par les Chrestiens Oriëtaux. Apres la perte de Ierusalem les Hospitaliers assistans les Princes Chrestiens, allerent au siege de la ville de Ptolemaide, lequel dura trois ans, & fut ladite ville reprise par les Chrestiens le 12. Iuillet 1191. En ceste ville-là les Cheualiers de S. Iean firent leur demeure ordinaire. L'an 1192. mourut le grand Maistre d'Aps en la ville de Ptolemaide, & fut esleu grand Maistre en son lieu



Fr. Geofroy de Duysson. Fr. Alphonse de Portugal.

11. Frere Geofroy de Duysson; De son tēps il y eut trefve pour cinq ans entre les Chre-
tiens qui estoient en la terre Sainte & Saladin, qui fut cause que plusieurs Seigneurs &
Gentils-hommes de diverses nations s'en retourerent en leur pays, & donnerent leurs
biens à la Religion de S. Jean: ce qui augmenta grandement leur reuenu, & apres le de-
cez de Henry Comte de Châpaigne, les Hospitaliers & les Templiers demurerent gou-
verneurs & administrateurs du Royaume de Ierusalem, lesquels esleurent Amaury de
Lusignan, qui avoit succédé au Royaume de Cypre, Roy de Ierusalem, avec le cōsentement
du Patriarche, des Prelats & Barons du Royaume en l'an 1174. & peu apres mourut
le grand Maître de Duysson, & luy succeda par election

12. Frere Alphonse de Portugal, Chevalier de l'ordre S. Jean, issu de la maison des Roys
de Portugal: mais il n'est encore certain de quel Roy il estoit fils, il a fait des statuts fort
dignes & louables, dont aucuns sont encorés gardez en la Religion: Et parce qu'il estoit
trop rude & severe, il encoûtra la hayne de la plus grande partie des Chevaliers Hospita-
liers, qui fut cause qu'il renvoya au Magistère, & s'embarqua pour s'en retourner en Por-
tugal au mesme an de son election, qui fut 1149. & y mourut l'an 1207. le 1. de Mars.



Fr. Geofroy le Rat. Fr. Guarm de Montagu.

13. Au mesme an 1194. Geofroy le Rat, qui estoit grand Prieur de France fut esleu grand
Maître. & mourut Saladin, auquel succeda son fils Noradin Seigneur d'Alep: De son
temps Simon Comte de Montfort fut enuoyé par le Roy Philippe Auguste, avec une ar-
mée en Syrie, où trouvant bien du desordre, il fit trefve pour dix ans avec les Infideles
pour se donner le tēps de se faire tranquille: il y eut un grand differend entre les Hospita-
liers & les Templiers, fondé sur ce que les Hospitaliers se plaignoient que les Templiers
n'alloient entreprendre sur leur Jurisdiction, & l'avoient mesprisee & violée, lequel differend
apres plusieurs rencontres & furieuses escarmouches fut appaisé & accordé par l'en-
treuise du Roy Amaury, des Patriarches d'Antioche & de Ierusalem, & d'autres Princes
& Prelats Chrétiens, qui les firent compromettre de leur differend en la personne du
Pape Innocent 3. Ce qui fut cause d'un grand bien. L'an 1205. mourut le Roy Amaury, &
parallèlement la Royne Isabelle, laquelle institua son heritiere sa fille Marie qu'elle avoit
eu de Conrad de Monterrat, & luy assigna pour tuteurs les Hospitaliers & Templiers.

L'an 1260. passa de ceste vie en l'autre le grand Maistre le Rat, & luy succeda
 14. Frere Guerin de Montagu de la langue d'Auvergne, lequel secourut Lion Roy
 d'Armenie, contre les Turcs & Barbares qui s'estoient iettez en son Royaume, & pour
 recompense il leur donna la ville de Salef avec les chasteaux de Camard & Chateau-
 neuf, & leurs dependances, & se recommanda, ensemble son heritier & son Royaume
 aux Cheualiers de l'Hospital S. Iean, & ce don fut confirme par le Pape le 5. d'Aoust l'an
 13. du Pontificat d'Innocent 3. qui reuint l'an de salut 1209. lors que Iean de Brienne
 & Marie la femme, & heritiere du Royaume, furent couronnez Roys de Ierusalem: le
 mesme Pape confirma aussi les statuts & privileges de l'ordre des Hospitaliers, & les am-
 plifia, il deceda l'an 1216. peu de temps apres le Concile general de Larran, & le Pape
 Honorius 3. luy ayant succede, il aduertit les Hospitaliers de son election, & le Roy de
 Hongrie & l'Archiduc d'Autriche s'estans croisez a sa persuation, furent par luy reco-
 mandez au grand Maistre Guerin, & aux Cheualiers de S. Iean, pour les conduire & assi-
 ster au recouurement de la terre Sainte: & de fait Andre Roy de Hongrie logea en leur
 Palais, & les pria de le receuoir au nombre des Confreres de leur Religion, & leur dona
 cinq cens marcs d'argent de rente, qu'il leur assigna sur le reueu des salines de son
 Royaume, & le don est date de l'an 1217. L'an 1222. le grand Maistre Guerin appaisa
 vne grande discorde qui s'estoit meue entre la Roynie de Cypre Isabelle, & le Roy Hery
 son filz, & les Seigneurs & Barons du Royaume d'une part: & les Archeuesques, Eue-
 ques, Prelats, & le Clerge de ce Royaume l'autre, pour raison de leurs decimes & pos-
 sessions, & puis apres il vint a Rome au mandement du Pape, & estât retourné en la terre
 Sainte, il fut prie avec les Cheualiers de son ordre d'accepter sous la protection du S.
 Siege, la defence du Roy & le gouuernement du Royaume de Cypre: finalement en l'an
 1230. le grand Maistre Guerin mourut en la ville de Ptolemaide, & fut esleu en son lieu
 frere Bertrand de Texe, duquel le portraict ne se trouue. L'Empereur Federic 2. estant
 reconcilié avec le Pape Gregoire 9. il le supplia d'imposer son autorité vers le grand
 Maistre Bertrand & les Hospitaliers, a ce qu'ils prissent la protection de ses affaires en
 Syrie, ce que le Pape luy accorda, & en rescriuit en sa faueur au grand Maistre le 26. Iuil-
 let l'an 1233. En ce temps viuoit S. Hugues Cheualier de cet ordre, & Commandeur de Gé-
 nes, qui fut canonise par le mesme Pape Gregoire 9. L'an 1240. frere Bernard mourut en
 la ville de Ptolemaide, & luy succeda par election



Frere Gerinus.

Fr. Bertrand de Comps.

15. Frere Gerin, lequel dona au Comte de Cornouaille, frere de Hery Roy d'Angleterre,
 vne petite partie du sang tres-precieux de nostre Seigneur Iesus Christ, qui estoit gardé
 en Ierusalem par le Maistre del'Hospital de S. Iean, qu'il apporta en Angleterre. L'an
 1242. passa de ceste vie le bien-heureux frere Gerard Meccati, frere seruant del'ordre S.
 Iean, nari de Villemagne, village proche de Florence, lequel ayant pris l'habit du tiers
 ordre de S. Francois, vescu si religieusement qu'il estoit reputé vn autre S. Hilarion. Le
 grand Maistre Gerin combatant contre les Corasmins Infideles, fut pris prisonnier, &
 enuoyé au Souldan d'Egypte, où il mourut l'an 1244 & en sa place fut esleu
 16. Frere Bertrand de Comps, du temps du Pape Innocent 4. qui conuoqua vn Concile
 general a Lyon 1245. & du Roy S. Louys, lequel grand Maistre se trouua en vne furieuse
 bataille qui fut donnée contre les Turcomans, qui saccageoient le pays d'alentour An-
 tioche au mois d'Aoust 1248. où ayant receu les blessures mortelles, il finit ses iours, &
 en la ville de Ptolemaide fut esleu grand Maistre le 24. du mesme mois d'Aoust



Fr. Pierre de Villebride. Fr. Guillaume de Castelno.


17. Frere Pierre de Villebride. De son temps le Roy S. Louys se croisa contre les Infidelles, avec plusieurs Princes & Prelats de France, & vint assieger Diamette, où il fut assisté des Cheualiers Hospitaliers & Templiers, & la ville fut bien tost reduë au Roy S. Louys l'an 1250. le Souldan d'Egypte donna vne bataille aux Chrestiens, où le Roy S. Louys fut fait prisonnier, avec ses freres Charles & Alphonse, & le Roy de Cypre, comme aussi furent les grands Maistres des Hospitaliers & Templiers, avec la plus grande partie de leurs Cheualiers, laquelle prise fut cause d'un accord qui se fist entre le Roy S. Louys & le Souldan. L'an 1251. le grand Maistre de Villebride mourut, & luy succeda par electio
18. Frere Guillaume de Chasteau-neuf, ou Castelno, de la langue d'Auvergne, sous le Pontificat du Pape Alexandre 4. qui donna aux Hospitaliers le Chasteau de Bethanie l'an 1256. De son teps les Chrestiens de la terre Sainte perdirent toute l'esperance qu'ils en auoient d'estre secourus par les Princes de l'Europe. L'an 1260. le grãd Maistre de Castelno mourut, & les Hospitaliers esleurent en son lieu



Frere Hugues Reuel. Frere Nicolas Lorgue.

19. Frere Hugues Reuelle, ou Reuel, du temps duquel le Pape Urbain 4. dōna aux Cheualiers de S. Iean le mont de Tabor, l'an 1261. & l'an 1262. ils acheperent le Chasteau d'Assur, & les deux années suivantes ils prindrent sur les Sarrazins vn Chasteau nommé Lilion, & desfirent & taillerent en pieces deux Emirs ou Capitaines & Colonels des Sarrazins, qui fut cause que le Souldan d'Egypte se delibera de ruiner les Hospitaliers : & dē fait l'an 1265. il print de force sur eux le chasteau d'Assur, à la prise duquel fut tué nonante Cheualiers de S. Iean. Ce qui abbaisa fort la Religion de S. Iean, & l'an 1267. les Hospitaliers & Templiers furent assaillis & rompus en bataille par les Sarrazins pres de la ville de Prolemaide, qui gasterent & saccagerent tout le pais d'alētour, & l'an 1270 les Hospitaliers perdirent le chasteau de Crac, qui fut pris d'assaut par le Souldan, & tous les Cheualiers qui estoient dedans furent mis au fil de l'espée. Et en fin l'an 1273. le grãd Maistre Reuel finit ses iours, ayant tenu cinq Chapitres ou assemblées de la Religio de S. Iean, où furent faicts plusieurs beaux statuts pour la reformation de la Religion.
20. Apres son decez fut esleu grand Maistre de l'ordre frere Nicolas Lorgue, lequel sçachant qu'il n'y auoit rien qui apportast plustost la ruine aux Republiques & Communautéz que la discorde & dissention, il mit telle peine de recōcilier les Hospitaliers, avec

les Templiers, qu'il les mit d'accord. En l'an 1282. les Cheualiers de S. Jean obtindrent vne signalée victoire contre les Sarrazins qui estoient venus assieger le chasteau de Margat leur principale forteresse: cela donna occasion au Souldan d'assieger ceste forteresse, ce qu'il fist l'an 1285. laquelle fut valeureusement defendue par les Hospitaliers, & en fin quittée par composition par les Cheualiers qui se retirerent les enseignes ployées en la ville de Ptolemaide. L'an 1288. le grand Maistre Lorgue deceda de regret qu'il auoit de voir les affaires des Chrestiens en la terre Sainte aller tousiours en decadence, & de mal en pis, sans y pouoir apporter remede.



Frere Jean de Villers.

Fr. Odo de Piribus.

21. Au meisme an fut esleu grand Maistre frere Jean de Villiers de la langue de France. De son tēps la ville de Tripoly fut prise sur les Chrestiens par les Infideles, cōme aussi les villes de Sidonia & Barut en l'an 1239. & la ville de Tyr fut reduite sous la main du Souldan, avec lequel les Chrestiens de la ville de Ptolemaide firent trefue, & cependant le grand Maistre vint à Brindisi, avec le grand Maistre des Templiers pour solliciter les Princes Chrestiens de se croiser: En l'an 1291. le Souldan vint assieger la ville de Ptolemaide, qui fut vertueusement defendue par les Cheualiers de l'Hospital du Tēple, laquelle en fin fut prise le Vendredy 18. May audit an 1291. & avec ceste perte furent les Chrestiens chassés de la terre Sainte 171. an 10 mois 3 iours apres que Godefroy de Buillon Peult eue quise. Le grād Maistre avec le reste de ses Cheualiers se sauua par mer dans l'Isle de Cypre, où il's furent bien receus par le Roy de l'Isle, qui leur assigna, & aux Tēpliers la ville de Limiffon, qui est vn port de mer pour s'y habiter, où le grād Maistre de Villiers assembla deux Chapitres generaux, l'un en l'année 1291. en Decēbre, & l'autre en Octobre 1293; où il fit de nouueaux statuts de l'ordre: & en 1294. il mourut à Limiffon, & lui succeda 22. Frere Odo des Pins de la langue de Pronence: Du temps du Pape Boniface 8. il encourut la haine & disgrâce des Cheualiers de son ordre, à cause de sa negligence & auarice, & y eut quelques propos tenus, de le priver de sa grande Maistrise, ce qui fut empesché par le Pape pour euitier scandale, & en fin il fut cité à comparoistre à Rome en personne, pour respondre aux plaintes des Hospitaliers; où il s'achemina: mais il mourut en chemin l'an 1296 ayant es années precedētes tenu à Limiffon 2. Chapitres generaux.



Fr. Guillaume de Villars. Fr. Foulques de Villaret


23. Les Cheualiers ayans ſçeu la mort du grand Maistre des Pins, eleurent a Limiffon le
24. Mars 1296. frere Guillaume de Villaret pour luy ſucceder, lequel eſtoit de la meſme
langue de Prouence, & Prieur de S. Gilles, où il eſtoit lors de ſon eſlection, dont ayant eu
aduis, ſ'achemina incontinent au Royaume de Cypre, & ſe gouverna en ceſte charge
fort prudemment. De ſon temps Viſam Caſſam Roy des Tartares ſe fiſt Chreſtien, & re-
couura la ville de Ieruſalem, où il mit en garniſon les Hoſpitaliers & Templiers l'an
1300. comme auſſi il priſt la ville de Damas, & les Hoſpitaliers & Templiers ſ'en retour-
nerent en Cypre, & le grand Maistre mourut l'an 1308. ayant tenu à Limiffon cinq Cha-
pitres generaux, & veu la ruine enriere des Cheualiers du Temple.

24. Le grand Maistre eſtant decedé ſe eleu en ſon lieu frere Folquet de Villaret, de la
meſme langue de Prouence. Se voyant paruenù à ceſte dignité ſouueraine, il ſe reſolut de
ſe retirer de l'Iſle de Cypre, & ſ'habituier ailleurs, ce qu'il executa ſort heureuſement :
car en la meſme année de ſon eſlection, qui fut l'an 1308. il fiſt vn voyage en Conſtanti-
nople, & depuis en France, où le Pape luy fit don de l'Iſle de Rhodes, laquelle avec ſes
Cheualiers, il conqueſta l'an 1309. & ſept Iſles proches d'icelle, & là fut tranſferée la re-
ſidence de la Religion de S. Iean, tellement qu'ils furent apres ſurnomez Cheualiers de
Rhodes. Incontinent apres le premier Empereur des Turcs Ottomā vint aſſieger Rhodes
avec vne puillante armée, laquelle fut ſecourue par Amedée 4. Comte de Sauoye, & Ot-
roman fut contrainct de leuer le ſiege: Depuis ce temps les Comtes de Sauoye ont pris
en leurs armoiries la Croix blanche en champ de gueulles, en memoire du ſecours
qu'ils donnerent à l'ordre de S. Iean. La Religion des Tēpliers ayant eſté ſupprimée au
Concile general de Vienne en Dauphiné, la pluſpart de leurs biens fut donné a la Reli-
gion de S. Iean par le Pape Clemēt 5. l'an 1312. Et en l'an 1314. les Cheualiers de Rhodē
conquirent l'Iſle de Lango, & autres Iſles de l'Archipelague. l'an 1317. le grand Maistre
Folquet ſe complaiſant en ſes victoires & conqueſtes deuint glorieux & altier, ce qui le
miſt en haine: & de ſaict les Cheualiers del'ordre ſe reuolterent contre luy, & le depo-
ſerent de la dignité de grand Maistre, & en ſa place eleurent



Fr. Maurice de Pagnac Fr. Elion de Villeneuve

25. Frere Maurice de Pagnac, & le Pape Iean 22. en ayant eu aduis en fut fort eſmeu, &
deputa deux Prelats pour alier à Rhodes, ſ'informa du faiſt, avec mandement de citer le
grad Maistre de Villaret & de Pagnac à comparoitre à Auignon en perſonne, à quoy ils
obeyrent, & le Pape crea cependant frere Gerard des Pins, Vicaire ou Lieutenant general
de la Religion de S. Iean, du tēps duquel Orcanes Empereur des Turcs, ſ'ap procha d'aſ-
ſieger l'Iſle de Rhodes, ſur lequel les Cheualiers de Rhodes obtindrent l'an 1321. vne eſ-
merueillable victoire, où il y eut dix mil Turcs taillez en pieces. En ces entremiſes Mau-
rice de Pagnac mourut à Montpellier l'an 1322. & Folquet de Villaret fut reſtaſſé en ſa
dignité de grand Maistre, lequel voyant qu'il n'eſtoit bien voulu des Cheualiers, renō-
ça à ſa grade Maistrise en l'an 1323. & les Cheualiers de Rhodes preſenterēt au Pape Iean
26. Frere Elion de Ville-neufve de la meſme langue de Prouence, & Prieur de S. Gilles
pour grad Maistre, dont ſa Saincteté fut fort reſiouye, & luy deſpecha des Bulles à ceſte
fin. Ce grand Maistre tint à Montpellier vn Chapitre general en Octobre 1330. ſes ache-
minant pour prendre la route de Rhodes, il tomba en vne grande maladie en la ville de
Marſeille, & eſtant venu à conualeſcence l'an 1332. il arriua finalement à Rhodes, & en la
meſme année il y tint vn Chapitre general, où furent faites de fort bonnes ordōnances,
& ſous le bon gouvernement du grand Maistre de Ville-neufue, la Religion neſ acquit-
ta pas ſeulement de ce qu'elle deuoit, mais en outre elle deuint tres-riche, de ſorte que
plusieurs luy porterent enuie, & propoferent au Pape en l'an 1342. de diuiſer en deux les
biens d'icelle, & d'en faire deux ordres militaires, ce qui ne ſortireſt eſt. L'an 1343. il y eut
ligue faite entre la Seigneurie de Veniſe, le Roy de Cypre, & la Religion de S. Iean, & le
grand Maistre. En l'an 1346. ayant acquis le ſurnom de Gouverneur heureux, le 27. de May
mourut à Rhodes, ayant de ſon viuant fait fermer de murailles & tours le Palais du grad
Maistre, & ordonné & diuiſé les langues, bailliages & dignitez de la Religion.



Fr. Dieudonne de Gozon. Fr. Pierre de Cornillan.

27. Apres le trespas du grād Maistre de Ville-neufue, frere Deode, ou Dieu dōnē, de Gozon, Cheualier de la mesme lāgue de Prouēce, fut esleu grād Maistre l'an 1346. enuoyé 4 ans auparauāt que d'estre promu à ceste dignité souveraine, il auoit cōbatu vn horrible & mōstrueux Dragō qui affligeoit l'Isle de Rhodes, & l'auoit mis à mort, d'oū il fut tant honoré & eslimé d'vn chacun, que sa memoire en sera recommandable à iamais vers la posterité. En l'an 1347. il secourut le Roy d'Armenie contre le Souldan d'Egypte: En l'an 1351. le Pape Clement 6. recōmanda avec beaucoup d'affection au grand Maistre, Constance Roy d'Armenie. Et en l'an 1353. le fils de l'Empereur de Constantinople Iean Cātacuzen vint iusques à Rhodes demāder secours au grand Maistre: lequel grād Maistre apres auoir gōuerné la Religion de S. Iean sept ans six mois & dix iours, mourut le 7. Decembre audit an 1353. & fut enterré dans l'Eglise S. Iean de Rhodes, ayant fait tenir deux Chapitres generaux, l'vn en Ianuier 1346. & l'autre en Mars 1352.

28. Succeda au grand Maistre par eslection frere Pierre de Cornillan, Prieur de S. Gilles de la mesme langue de Prouence, au mesme an 1353. lequel ne fut grād Maistre qu'en 8. mois, & 17. iours, car estāt tombé en vne maladie en la ville de Rhodes, il mourut le 24. d'Aoust 1355. Il fut homme de vie moult exemplaire, & si seuer, qu'il fut lurnommé le Correc̃teur des coustumes, il tint vn Chapitre general à Rhodes en l'an 1354. où furent faits plusieurs bons & viles statuts. Et fut esleu en sa place



Fr. Roger de Pimbus. Fr. Raymond Berengier.

29. Frere Roger des Pins, de la mesme langue de Prouence en l'an 1355. De son tēps le Pape persuada à la Religion de S. Iean d'achepter la principauté d'Achaïe de Iacques de Sauoye, Prince de Piedmont, & y eut vne assemblée generale des Cheualiers de Rhodes faite en la ville d'Auignō pour effectuer le traité de cēt achapt, & pour reformer quelques abus qui s'estoient glissez entre les Religieux de l'ordre de S. Iean. L'an 1357. les statuts de l'Ordre furent traduits en langage Latin, & à tous les Prieurez fut enuoyé vn authentique volume d'iceux par ordonnance du grand Maistre. L'an 1359. le grand Cōmādeur, & le Mareschal de l'ordre furent enuoyez en France par le grād Maistre en qualité d'Ambassadeurs, visiteurs & reformateurs. Il y eut vne assemblée des Cheualiers cōuōquée par le Pape en la ville de Carpentras, mais elle ne fut tenuē à cause du decez du grand Maistre, lequel mourut le 28. May 1365. & fut fort regretté des pāures principa-

lement, vers lesquels il estoit fort charitable & grand aumosnier.
 30. Frere Raymond Berenger de la mesmelangue de Prouence, fut esleu grand Maistre
 1365. qui estoit auparavant Commandeur de Castel Sarrazin, & deputa incontinent les
 Ambassadeurs vers le Pape à Auignon, pour luy rendre obeïssance, & iurer fieleité. De
 son temps le Roy de Cypre & la Religion de S. Iean firent vne ligue ensemble, & prin-
 drent de force la ville d'Alexandrie d'Egypte, laquelle ils pillerent, saccagerent & brus-
 lerent; & en l'an 1366. le Pape escriuit aux Roys & Princes Chrestiens, les exhortant &
 priant de vouloir secourir la Religion de S. Iean, & le Roy de Cypre, & donna de grâdes
 Indulgences à ceux qui les secoureroient. Les Armeniens ayans esté chassés par les Sar-
 razins de leurs maisons, sont receus charitablement par ceux de la Religion dans l'Isle
 de Lanno: & en mesme temps la ville de Tripoly de Syrie est prise & saccagée par le Roy
 de Cypre, & les Cheualiers de Rhodes. En l'an 1371. le grand Maistre est esleu par le
 Pape, Nonce du S. Siege Apostolique, pour appaiser les rumeurs & diuisions qui estoient
 au Royaume de Cypre, où il alla en personne, & par son autorité & prudence il fit cesser
 toutes les dissensions & troubles qui y estoient. En l'an 1373. le grâd Maistre eut volô-
 té de renoncer à la grande Maistrise, & enuoya pour cet effect vn Theologien son parent
 au Pape pour luy en demander permission, ce que le Pape Gregoire XI. ne voulut luy
 octroyer, ains luy commanda de demeurer en ceste charge pour le bien de la Chrestienté.
 Et la mesme année fut tenuë à Auignon vne assemblée generale de ceux de la Religio, &
 peu de temps apres le grand Maistre alla de vie à trespas, ayant gouuerné la Religion de
 son ordre enuiron dix-huict ans & demy, ayant tenu de son teps deux Chapitres gene-
 raux à Rhodes: l'un en Mars 1366. & l'autre en Octobre 1370. où il fut fait plusieurs
 bonnes ordonnances selon la necessité du temps.



Frere Robert de Juli. & Iean Ferdinand de Heredia

31. Au mesme an 1373. frere Robert de Iulliac ou de Juli grand Prieur de Frace, fut esleu
 grand Maistre, lequel estoit lors de son eslection au gouuernement de son Prieuré, &
 ayant sceu la nouuelle de son eslection, il s'en alla incontinent à Auignon baiser les pieds
 de la Sainteté, où il fut fort bien recueilly & grandement honoré, & là fut tenuë vne as-
 semblée generale de la Religion: & le Pape bailla le gouuernement de la ville de Smyrne
 à la Religion de S. Iean, & commanda au grand Maistre de l'accepter sous peine d'exco-
 munication, lequel en l'an 1374. s'embarqua pour aller à Rhodes, où il arriva heureuse-
 ment, & par sa presence il appaisa toutes les rumeurs qui auoient couru du desordre qui
 y estoit pendant son absence. Il se fist vne autre assemblée à Auignon l'an 1376. & en ce
 mesme temps le Pape alla tenir son Siege à Rome, que luy & ses predecesseurs auoient
 tenu en Auignon per l'espace de 71. an, & en la mesme année le 29. Iuin, deceda le grâd
 Maistre Iulliac, & fut
 32. En son lieu esleu frere Iean Fernandes d'Heredia, de la langue d'Arragô, natif de la
 ville de Valence, qui auoit esté Prieur de Catalogne, & Chastellain d'Emposta, & auoit
 esté marié deux fois, & estant veuf, il prist l'habit de la Religion, & fut fait Cheualier de
 Rhodes du temps du grâd Maistre de Villeneuve, & estant simple Cheualier, avec per-
 mission du grand Maistre, il alla visiter le S. Sepulchre, & les autres lieux de la terre Sain-
 te: Il fut Ambassadeur du Pape Clemēt 6. vers les Roys de Frace Philippe 6. & Edouard
 3. d'Angleterre, & fist vn bon seruice au Roy Philippe l'an 1346. Car estant demonté de
 son cheual en vne iournée de bataille contre les Anglois, il luy bailla son cheual sur le-
 quel le Roy se retira en lieu de sauueté, & pareillement il fortifia de bastions & nouuel-
 les murailles la ville d'Auignon, de laquelle il estoit gouuerneur de par le Pape, qui en
 recompense luy fist conferer le Prieuré de S. Gilles, lors qu'il vint à vacquer. Estant
 grand Maistre, il print la route de Rhodes l'an 1377. & estant requis par le general de
 l'armée des Venitiens de s'vnir avec luy, & d'aller en la Morée en l'an 1378. ils assiegerent
 la ville de Patras, & la prirent avec le chasteau: & le grand Maistre combatant corps
 à corps avec le Gouverneur de Patras, il le tua, & depuis il fut en vne embuscade de
 Turcs prisonnier, & par eux recogneu, qui fut cause que pour moyenner sa liberté, on
 rendit aux Turcs Patras, & les autres lieux qu'on auoit conquis sur eux, & toutesfois

ils ne laisserent de l'emmener en Albanie, & le tindrent esclau pour trois ans, iusques en l'an 1381. Durā la captiuité du grand Maistre, fut tenu vn Chapitre general de la Religion à Rhodes, où presida frere Bertrand de la Flotte grand Cōmandeur. En l'an 1381. le grand Maistre fut racheré de la prison, & retourna à Rhodes, où vindrent des Ambassadeurs de Smyrne pour demander secours au grand maistre. En l'an 1382. vne autre assemblée generale fut tenuē à Rhodes, & y fut aduise que le grand Maistre viendroit en France, & de fait il fut en la ville d'Auignon, où le Pape Clement 7. fut recogneu par luy & par la Religion de S. Iean pour vray Vicair de nostre Seigneur Iesus, & fut tenu vn Chapitre general de l'Ordre à Valence sur le Rhosne, qui fut cause que le Pape Urbain 6. le priua de sa dignité de grand maistre, & en son lieu subrogea frere Richard Carraciolo Neapolitain, en l'an 1383; mais la Religion ne l'a oncques voulu recognoistre pour grā Maistre, lequel du viuant d'Heredia mourut à Rome l'an 1395. En l'an 1396. mourut le grand Maistre Heredia, & fut enterré à Caspé.



Fr. Philibert de Naillac. Fr. Antoine de Rinne

33. La nouuelle du decez du grand Maistre Heredia estant venuē à Rhodes, fut en son lieu esleu grand Maistre frere Philibert de Naillac de la langue de France, grand Prieur d'Aquitaine en l'an 1396. au Printemps, lequel fut inuité par le Roy de Hongrie Sigismond d'aller à son secours contre Bajazeth, ce qu'il fist l'an 1407. en personne. Il fut donné vne bataille à Nicopoli, où Bajazeth eut la victoire, d'où se sauua le Roy de Hongrie, & avec le grand Maistre se retira à Rhodes, où l'Empereur de Constantinople enuoya ses ioyaux plus precieux en garde au grand Maistre, pour crainte qu'il auoit que Bajazeth print Constantinople, mais il en fut empesché par Tamerlan, lequel surmonta Bajazeth, & le retint captif en vne cage tandis qu'il vescu: & apres le siege de Constantinople leuē, le grand Maistre renuoya les ioyaux à l'Empereur. Apres la defaite de Bajazeth le grand Maistre de Naillac avec vne armée nauigea en Carie, & là fist bastir vne forteresse inexpugnable qu'il nomma le Chateau de S. Pierre en l'an 1399. sous le regne du Roy de France Charles 6. En l'an 1403. il y eut guerre entre le Roy de Cypr & les Geneois, laquelle fut pacifiée & appointée par l'autorité & prudence du grand Maistre de Naillac, vers lequel le Souldan d'Egypte enuoya vn Ambassadeur pour demander la paix, & l'an 1409. le grand Maistre assista en personne au Concile de Pise, assemblé pour esteindre le schisme qui estoit lors en l'Eglise, & la garde du Conclau fut commise au grand Maistre, & fut Alexandre 5. esleu Pape, lequel confirma l'eslection du grand Maistre de Naillac, & iceluy grand Maistre conuoqua vn Chapitre general en la ville de Nice en Prouence, qui fut depuis transferé en la ville d'Aix, & outre le mesme Pape confirma les priuileges de la Religion, & octroya des pardons à quiconque donneroit du secours, ou presteroit de l'ayde à la Religion de S. Iean, & l'enuoya Ambassadeur en l'an 1410. vers les Roys de France & d'Angleterre. Et ledit grand Maistre se trouua l'an 1414. au Concile general de Constance, où trois Papes furent deposez, & Martin 5. y fut esleu Pape l'an 1417. la garde du Conclau ayant esté derechef baillée au grand Maistre, lequel s'achemina en France l'an 1418. où il se fit vne assemblée generale de la Religion en la ville d'Auignon, depuis à Florence, en fin à Ancone, où il se fist vne autre assemblée, & de là il s'en retourna à Rhodes en l'an 1420. où il tint vn Chapitre general, & l'an 1421. au commencement de Iuin il mourut.

34. Et fut esleu grand Maistre au lieu du defunct, frere Antoine Fluiiano, ou Riniere, de la langue d'Arragon, au commencement de Iuillet l'an 1421. De son temps comença le Concile general de Basse en l'an 1430. & l'an 1433. vn Chapitre general fut tenu à Rhodes, auquel furent deputez des Ambassadeurs de la Religion de S. Iean pour assister au Concile. L'an 1435. le Souldan d'Egypte ensté de la victoire qu'il auoit obtenuē en Cypr, rompit la trefue, & fist de grands preparatifs d'armée en intention d'assieger Rhodes, mais ayant entendu que le grand Maistre auoit fait de bonnes prouisions pour se defendre, il delaissa ceste entreprisse, & fut la Religion en paix de ce costé-là. L'an 1437. le grand Maistre fonda & dota vne Chapelle en la ville de Rhodes, qu'il auoit fait bastir en l'Eglise du Conuent, & le 29. d'Octobre il mourut, apres auoir gouuerné la Religion avec beaucoup de prudence peu moins de seize ans & demy.



Fr. Jean de Lastie

Fr. Ioubert de Milly

35. Le 8. Novembre au mesme an 1437. fut esleu grand Maistrefrere Jean de Lastie, de la langue d'Auvergne, lequel lors de son effectio estoit absent, & residoit en Auvergne, dont il estoit Prieur, & avant que s'acheminer à Rhodes, il tint vne assemblée à Valence, & au mois de Decembre 1438. il arriua à Rhodes, où en l'an 1439. il fit cōmencer à bastir la nouvelle Infirmerie que le precedent grand Maistre par testament auoit ordonné d'estre faite à ses despens. De son temps le Pape Eugene 4. fut depose par le Concile de Basle, & Felix 5. creé en son lieu, qu'on a tenu à Rome pour Antipape, & l'an 1440. le Souldan d'Egypte s'estant avec vne armée approché du port de l'Isle de Castel-rouge appartenant à la Religion, & de là ayant tourné vers Rhodes, il fut chassé par l'armée des Cheualiers qui n'auoient que huit galleres, & en l'armée du Souldan y en auoit 18. & y furent tuez environ sept cens Sarrazins, outre ceux qui furent blesez en tres-grand nombre. Ce qui irrita en telle sorte le Souldan, qu'il se ligue avec Amurath Empereur des Turcs, en intention de se rendre Maistre en l'Isle de Rhodes, & d'en chasser la Religion. Et de fait l'an 1444. il vint assieger Rhodes, laquelle fut vertueusement defendue par les Cheualiers Rhodiens, & au mois de Septembre de la mesme année, il y eut vne assemblée generale tenuë à Rhodes, pour subuenir aux necessitez de la Religion. L'an ensuiuant le grand Maistre reconcilia avec le Pape, le Roy de Cypre, & fist paix avec Amurath, & tint vn Chapitre general à Rhodes en Juillet, & en la mesme année ordonna qu'on tiendroit vn Chapitre general à Siennne, où le grand Maistre enuoya ses Lieutenans & Procureurs, & fut le Chapitre transferé à Rome, qui y fut tenu dans le Palais de S. Pierre, l'an 1446. auquel an la paix fut faite entre la Religion & le Souldan. L'an 1449. cessa le schisme en l'Eglise par la renonciation que fist Felix 5. en faueur du Pape Nicolas 5. en laquelle année au mois de Septembre fut tenu vn Chapitre general à Rhodes, durant lequel le Duc de Cleues passa à Rhodes, retournant du voyage qu'il auoit fait en Ierusalem pour edifier le S. Sepulchre, & les autres lieux de deuotio de la terre Sainte. L'an 1451. fut faite vne assemblée generale à Rhodes, où l'administration & gouuernement du Thresor & du Conuent fut donné au grand Maistre, lequel en l'an 1451. apres la mort d'Amurath renouella la paix avec Mahomet 2. son fils entre luy & la Religion, & l'année suivante Mahomet se rendit maistre de la ville de Constantinople le 29. iour de May, & estant enorgueille de cet heureux succez, il manda au grand Maistre qu'il luy payast par an deux mil ducats de tribut, autrement qu'il n'entendrait plus entretenir la paix iurée: à quoy le grand Maistre fist vne responce courageuse, & auoir que la Religio, l'Isle de Rhodes, ny luy, n'estoient subiects à autre qu'au S. Siege Apostolique, & qu'il ne luy payeroit iamais aucun tribut, estant resolu plustost de mourir, que d'endurer que de son temps la Religion fust serue & tributaire, qui auoit tousiours esté libre, & deputa des ambassades vers le Pape & les Princes Chrestiens, pour auoir d'eux secours contre le parjure Mahomet, & l'an 1454. le 19. May il mourut, ayant valeureusement gouuerné la Religion seize ans, six mois, & treize iours.

36. Frere Jaques de Milly de la langue d'Auvergne, dont il estoit Prieur, succeda au grad Maistre de Lastie le premier de Iuin 1454. & estoit en son Prieuré lors qu'il fut esleu, & son nepueu frere George de Boifroid luy en apporta les premieres nouvelles, & incontinent il s'achemina à Rhodes, où il tint vn Chapitre general au mois de Novembre de la mesme année. L'an 1459. l'Isle de Rhodes fut grandement affligée de peste & de famine, dont elle demeura demy deserte, & pour la repeupler furent publiées des citations generales à tous les Cheualiers des'y trouuer dans certain temps. L'an 1457. Mahomet assiegea l'Isle de Lango, & le chasteau de l'Isle des Singes, mais il fut courageusement repoussé, & les Cheualiers en rapporterent vne signalée & heureuse victoire, & en la mesme année le Roy de France Charles 7. donna à la Religion en pur don seize mil escus. L'an 1459. fut tenu à Rhodes vn Chapitre general en Octobre, & l'an 1460. fut faite vne assemblée generale à Rhodes, où furent eitez plusieurs Prieurs, Baillifs, & Commandeurs de l'Ordre, pour la defense de la Religion, & en l'an 1461. le 17. Aoust, le grand maistre mourut, ayant avec beaucoup de prudence gouuerné la Religion en temps fascheux & difficile sept ans, deux mois & seize iours, & fut grandement regretté, parce qu'il estoit fort benin, affable & humain, & desireux de conseruer la paix & l'union entre les Religieux.



Fr. Pierre Raymond Zacoſta Fr. Iean Baptiſte des Vrsins

37. Frere Pierre Raymond Zacoſta de la langue d'Arragõ, Chafteſſain d'Empoſta, fut creë grand Maſtre le 24. d'Aouſt 1461. qui eſtoit lors abſent en Eſpagne, d'où il partit en l'an 1462. & paſſant par Rome vint à Rhodes, où il tint vn Chapitre general, durant lequel fut erigée la 8 langue de Caſtille & Portugal en la Religio, n'y ayant eu auparauant que ſept langues, ſçauoir trois, de France, d'Auuergne, & de Prouëce, vne d'Italie, vne d'Angleterre, & vne d'Allemagne. L'an 1464. l'armée des Venitiens aſſiegea la ville de Rhodes, mais le ſiege fut bien toſt leué, & les Venitiens s'en retournerent en leur pays, leur guerre eſtant apaiſſée par la prudence du grand Maſtre, lequel fiſt baſtir la Tour de S. Nicolas à la bouche du port de Rhodes, au lieu meſme où eſtoit anciennement ce grand Coloſſe du Soleil nommé entre les ſept merueilles du monde, & pour ayder à la baſtir Philippe Duc de Bourgogne donna dix mil eſcus d'or. En l'an 1465. le grand Turc enuoya des ambafſades à Rhodes, pour moyenner vne paix entre les Hoſpitaliers & luy, mais elle fut reſuſée par ceux de la Religion, au cõtraire en preſence des Ambafſadeurs ils denoncetẽt la guerre au Turc. L'an 1566. le Pape transfẽra la celebration du Chapitre general de la Religio à Rome, où le grãd Maſtre vint en perſonne, & le Pape Paul 2. y voulut aſſiſter, & le 21. Feurier 1467. le grãd Maſtre mourut à Rome aagé de 74. ans, ayant tenu la grand Maſtriſe cinq ans, ſix mois, & trois iours. Il fut inhumé dans l'Egliſe de S. Pierre.

38. Frere Baptiſte Orfino Prieur de Rome, de la langue d'Italie, ſucceda au grand Maſtre Zacoſta le 4. de mars 1467. & fut pourueu par le Pape de ceste dignité, parce qu'elle auoit vacqué en Cour de Rome, mais ce fut par l'aduis de tous les Cheualiers & Religieux de l'Ordre de S. Iean, qui ſe trouuerent lors à Rome, & le grãd Maſtre preſta incontinent apres le ſerment entre les mains du Pape, ce qu'eſtant ſçeu à Rhodes, ceux de la Religion en firent faire les feux de ioye, & le grãd Maſtre y arriua bien toſt apres, où en l'an 1469. ayant eu certain aduis que le grand Turc preparoit vne puiſſante armée pour aſſieger Rhodes ou Negrepont, il manda grand nombre de Cheualiers abſens, afin de venir à la defence del'Iſle, & meſme il s'vnit & ſeligua avec la Seigneurie de Veniſe cõtre le Turc, & de fait en l'année 1470. Mahomet priſt de force la ville de Negrepont le penultiẽme iour de Iuillet, & cõmiſt de grandes & horribles cruautẽz, & fiſt tuer de ſang froid tous les Latins qu'il y trouua, & publier la guerre à ſon de trompe contre la Religion, qui fut cauſe que le grand Maſtre enuoya deuers le Pape demander ſecours, & les Rhodiens ſe mirent à ieuner, faire vœux, prieres & proceſſions publiques pour implorer le ſecours diuin, & firent tous les appareils qu'ils peurent pour ſe defendre contre l'armée Turqueſque, & l'an 1471. le grand Maſtre tint vn Chapitre general à Rhodes, où il eut vn differend contre les Procureurs du Threſor, qui fut terminẽ par le Legat du Pape Sixte 4. venu à Rhodes pour cẽt eſſet. L'an 1475. fut tenu vn ſecond Chapitre general par le grãd Maſtre en la ville de Rhodes, & en ce Chapitre on cõmença à faire des ordõnances capitulaires outre les ſtatuts, & en l'an 1476. le grand Maſtre mourut le 8. Iuin d'une longue & falcheuſe maladie, qui l'aſſiegea pres d'un an entier, apres auoir gouuerné la Religion avec grande authorité, grauité & prudence, l'eſpace de neuf ans, trois mois, & trois iours.



Fr. Pierre d'Aubusson. Fr. Emery d'Amboise

39 Le 17. Juin 1476. frere Pierre Aubusson de la langue & Prieur d'Auvergne, & Capitaine de la ville de Rhodes, fut esleu grand Maistre, lequel iura solennellement suivant la coutume de garder les statuts de l'Ordre, & despescha vn Ambassadeur à Rome pour donner aduis au Pape de son election, & luy rendre l'obeissance deuë: & l'an 1477. il alla visiter toutel'Isle de Rhodes, & fist de grandes prouisions pour la defendre contre l'armée du Turc, & cita grand nombre de Prieurs, Comandeurs & Cheualiers pour assister au Chapitre general & à la defence de l'Isle de Rhodes, & il renouella la paix avec le Souldan d'Egypte. Et en la mesme année le Roy Louys XI. obtint vn Iubilé en France, en faneur de la Religio & des Cheualiers de Rhodes, & voulut que les deniers qui en prouindroient fussent seulement employez pour leur defense, & de ce Iubilé on tira de grands deniers, qui furent employez aux fortifications des places & chasteaux de l'Isle de Rhopes, il fist trefve pour 30. ans entre ceux de la Religion de S. Iean, & le Roy de Tunis: en l'an 1478. il tint vn Concile general, où l'administration du Thresor luy fut baillée, & la Religion du S. Sepulchre de Ierusalem fut vnice avec celle de S. Iean. L'an 1479. il fut resolu au Coseil de Mahomet 2. Empereur des Turcs, que Rhodes seroit assiegée, dont aduertty le grand Maistre en donna aduis incontinent au Pape, & luy demanda secours: & l'an 1480 le grād Turc assiegea la ville de Rhodes avec vne puissante armée, à ce siege fut faite plusieurs sorties, & les Turcs furent tousiours repoussez & chassez, combien qu'ils fussent bien iusques à cent mille combatans, & que l'armée fust composée de 160. voiles, le grand Maistre fut secouru par Messire Anthoine d'Aubusson, Vicomte de Montelis son frere, qui estoit tres-grand guerrier, & tres-experimenté Capitaine, il fut esleu Capitaine general de l'armée des assiegez. En peu de iours les Turcs firent donner 3700. coups de canon & d'artillerie contre les murailles de la ville, il y eut vn assaut merueilleux de 40000. Turcs, qui furent valeureusement repoussez, & le grand Maistre y receut cinq playes, dont l'une fut iugée mortelle, & en fin on refista si bien aux assiegeans, qu'ils furent contrains de leuer le siege ayans perdu grand nōbre de leurs soldats, & l'armée des Turcs avec grand dōmage & honte s'en retourna à Constantinople, apres auoir assiege la ville en vain par l'espace de 39. iours, & en memoire de ceste victoire fut fondée & bastie vne Eglise dediee à Nostre Dame de la Victoire dans la ville de Rhodes. Apres ce siege Mahomet 2. se resolut de venir en personne à Rhodes, & là fut faite vne assemblée generale des Cheualiers, mais la mort de Mahomet empecha ce dessein, & ses enfans Bajazeth & Zizime se firent la guerre apres le decez de leur pere, ce qui donna du repos aux Cheualiers de Rhodes, mesmes Zizime eut recours à l'aide du grand Maistre, & se retira en la ville de Rhodes en l'an 1482. où il fut receu avec tres-grand honneur, & de là conduit en France. Du temps de ce grād Maistre d'Aubusson les statuts de la Religion furent reformez & redigez en vn volume & la paix fut arrestée entre la Religion & le grand Turc Bajazeth, le Pape ayant donné pouuoir au grand Maistre d'y entendre. Il fut fait Cardinal Diacre par le Pape Innocent 8. le 9. de Mars 1468. qui luy enuoya le Chapeau de Cardinal, & le fist son Legat en Asie: Et l'an 1500. le Pape Alexādre 6. le fist Legat & general de l'armée de la Ligue cōtre le Turc, finalement il mourut à Rhodes l'an 1503. le 3. Iuillet plein d'honneur & de reputation, & enterré avec vne grande pompe funebre. Il a vescu 80. ans 3. mois & 4. iours, & gouverné la Religion 27. ans 16. iours, & de son temps il y a eueing Chapitres tres-generaux tenus à Rhodes, esquels plusieurs statuts louables ont esté dressez.

40. Il y auoit 387. Cheualiers assemblez à Rhodes lors que le grand Maistre d'Aubusson deceda, lesquels esleurent pour successeur frere Emery d'Amboise, frere de Georges d'Amboise, Cardinal & Legat en France, Archeuesque de Roüen le 10. Iuillet 1503. Il estoit de la langue de France, & grand Prieur de France, lors de son election, où il estoit residant quand il fut esleu: Frere Guy de Blanchefort vint en France pour accompagner le grand Maistre lors qu'il feroit le voyage de Rhodes. L'an 1504. le grand Maistre fist son entrée solennelle en la ville de Rhodes, & y fut receu avec beaucoup de resioissance & d'applaudissement, veu mesmes que les Roys de France & d'Espagne auoient escrit des lettres de recommandation au Conuent de la Religion en sa faueur Si tost qu'il fut arrivé, il tint vn

Chapitre general, où il fut ordonné qu'on feroit vn somptueux sepulchre de bronze au defunct Cardinal grand Maistre; & l'an 1510. il tint vn autre Chapitre general, en laquelle année la Religion obtint vne signalée victoire navale contre le Souldan d'Egypte par la conduite de frere Philippe de Villiers de l'Isle Adam, Cheualier François, qui depuis a esté grand Maistre: en fin l'an 1512. le grand Maistre mourut à Rhodes, le 13. de Novembre, ayant gouverné la Religion neuf ans quatre mois & trois iours, âgé de 78. ans quatre mois & six iours.



Guy de Blanchefort *Fr. Fabrice de Carretto*

41. Le 22. du mesme mois de Novembre, les Cheualiers de l'Ordre assemblés iusques au nombre de 410. esleurent grand Maistre frere Guy de Blanchefort de la lague & Prieur d'Auvergne, neveu du defunct grand Maistre d'Aubusson, il estoit resident sur son Prieuré lors de son election: au mesme an 1512. le Concile general de Latran fut tenu à Rome, où frere Fabrice de Carretto, Admiral & Procureur de la Religion de Rhodes fut Capitaine de la garde du Concile, lequel fut assemblé par le Pape Iule 2. & continué par son successeur le Pape Leon 10. en l'an 1513. auquel an le grand Maistre de Blanchefort s'estant embarqué à Nice en Prouence pour venir à Rhodes, il fut en chemin surpris d'une maladie, dont il mourut le 24. Novembre, vn an & deux iours apres son election.

42. En son lieu fut esleu grand Maistre frere Fabrice de Carretto Geneuois, de la langue d'Italie le 15. Decembre 1513. en vne assemblée generale faite à Rhodes, où se trouuerent 510. Cheualiers, où estoit present iceluy de Carretto, qui auparauant estoit Admiral de la Religion. Le corps du defunct grand Maistre de Blanchefort fut apporté à Rhodes, & y fut enterré fort honorablement dans l'Eglise de S. Iean. L'an 1514. vn Chapitre general fut tenu à Rhodes, & apres la celebratiō d'iceluy frere Philippe de Villiers de l'Isle Adam Seneschal du grand Maistre fut enuoyé en France, avec souveraine autorité sur tous les Prieurez du Royaume en qualité de Visiteur, Correcteur, Lieutenant, & Ambassadeur du grand Maistre & du Conuent. L'an 1516. la paiz fut faite entre ceux de la Religion de S. Iean, & Tomombey Souldan d'Egypte, successeur de Campson Gaury, lequel peu de temps auparauant auoit esté tué en vne bataille que gaigna sur luy Selim Empereur des Turcs, mais Tomombey fut peu heureux: car en l'an 1517. il fut pris, pendu & estranglé à vne des portes de la ville du grand Caire, par l'ordonnance de Selim, qui fut cause que le grand Maistre fortifia l'Isle de Rhodes à son pouuoir, & enuoya des Ambassadeurs au Pape & aux Princes Chrestiens, pour leur faire entendre les victoires de Selim, afin d'y donner ordre, & luy prester secours: & en l'an 1520. il tint vn Chapitre general, & au mesme an Selim mourut, & luy succeda son fils Sultan Soliman: & l'an 1521. le 10. Ianuier le grand Maistre de Carretto finit ses iours à Rhodes, ayant gouverné 7. ans & 26. iours, & laissé à Rhodes de grandes munitions: & eut pour successeur



Fr. Philippe de Villiers Lascada *Fr. Perin de Ponte.*

43. Frere Philippe de Villiers de l'Isle-Adam, de la langue & grand Prieur de France, où il estoit lors qu'il fut esleu. Pendant son absence frere Gabriel de Pommereux grand Cōmandeur fut esleu Lieutenant du grand Maistre, auquel il fist sçavoir la mort du grād Maistre Carretton, & qu'il luy auoit succedé par eslection, & le pria de venir incontinent à Rhodes, où bien tost apres il arriua, & y fist son entrée solennelle. En la mesme année de son eslection, qui fut faite l'an 1521. Le 22. Ianuier, Sultan Solimā prit resolutiō d'assiéger l'Isle de Rhodes, & executant la dernière volonté de son pere Selim, dont ayant eu aduis le grand Maistre de Villiers, il fist tous les apprests à luy possibles pour se defendre contre l'entreprise du Turc, il fortifia & munit en diligence la ville de Rhodes, & enuoya au Pape Adria 6. vn Ambassadeur, pour luy demander secours: ce qu'il ne peut obtenir à cause de la guerre qui estoit lors entre le Roy de France François I. & l'Empereur Charles V. L'an 1522. au mois de Iuin cōmença le memorable siege de la ville de Rhodes, qui fut assiégée d'vne armée de 200000. Turcs, & depuis l'armée s'accrut iusques au nombre de 300000. hommes, les assiegez se defendirent courageusement, & y furent faits de grands exploits, & spécialement par le grand Maistre, lequel durant le siege eut tousiours la cuirasse sur le dos: les assiegeans furent en plusieurs assauts repoussez, & en vn d'iceux il y eut 20000. Turcs qui demorerent sur la place: En fin le grand Maistre n'estant secouru, fut contraint de rendre la ville à composition le 24. Decēbre 1522. les Turcs ayans perdu plus de cent mil hommes. Le 1. iour de Ianuier 1523. le grād Maistre avec 50. voiles paruint de Rhodes, & prit la route de Candie, apres auoir l'Isle de Rhodes esté en la puissance des Cheualiers Hospitaliers par l'espace de 213. ans, sçauoir depuis l'an 1309. iusques à la fin de l'an 1522. Apres la perte de Rhodes le grand Maistre & ses Religieux n'eurent aucune demeure assurée, iusques en l'an 1530. que l'Empereur Charles V. leur donna l'Isle de Maistre, où ils arriuerent le 26. Octobre: Le grād Maistre y fist bastir vn Palais au Chasteau S. Ange pour sa demeure, & de ses successeurs, & y ayant fait son entrée solennelle, il fist bastir vn autre Palais en la vieille cité de Malte: & finalement apres auoir gouverné la Religion 13. ans 7. mois, aagé de 70. ans, il deceda le 21. Aoust 1534. à Malte, & y fut inhumé en vne Chapelle qu'il auoit fait construire au Chasteau S. Ange: & fut esleu

44. Frere Pierre du Pont, natif d'Ast, de la langue d'Italie le 26. d'Aoust l'an 1534. Il estoit auparavant la prise de Rhodes gouverneur de l'Isle de Lango, & apres la perte d'icelle, il en partit avec tous les Cheualiers de son gouvernement, & se vint ioindre en l'Isle de Candie à l'armée de la Religion: Il fut fait Seneschal du grand Maistre, & Bailly de Lango, & fut enuoyé en Ambassade vers le Seigneur de Lautrec: il fut esleu Bailly de sainte Eufemie du Conuent à Nice, où estant il fut créé grād Maistre apres le decez de son predecesseur, lequel il regretta grandement au lieu de se resioir de son eslection, & s'estant embarqué à son Baillage sur les galeres de la Religion, il arriua à Malte le 10. Novembre au mesme an 1534. De son temps l'Empereur Charles V. entreprit d'aller en personne au Royaume de Tunis en Afrique, où il fut assisté des galeres de la Religio, & les Cheualiers d'icelle y firent de grands exploits d'armes, & particulièrement à la prise de Golettes qu'on estimoit estre vn fort inexpugnable. Apres ceste guerre finie, le grād Maistre mourut aagé de 73. ans, le 17. Novembre 1535. ayant gouverné seulement 14. mois 22. iours.



Fr. Didier de Tollon de s^{te} Iaille Fr. Iean de Homedes

45. Le 22. du mesme mois fut esleu grand Maistre frere Desiré, ou Didier de sainte Iaille de Tolon de la langue de Prouence, Prieur de Tholose, où il residoit lors de son eslection, de laquelle ayant entendu les nouuelles, le bon vieillard leuant les mains au Ciel dit semblables paroles, *Mon Dieu, si ie suis necessaire à vostre peuple, ie ne refuse ceste peine & fatigue*, & quelque temps apres il s'achemina pour venir à Malte, mais estāt moult vieil, arriuē qu'il fut à Montpellier, il tomba en vne grande maladie, dont il deceda le 26. de Septembre 1436. & fut inhumé avec grand honneur en l'Eglise de la Cōmanderie de S. Gilles hors les portes de la ville de Montpellier, & delaisa conformément à son nom vn desir indicible de soy-mesme à la Religion, pour la grande opiniō qu'on auoit conceu de luy, de sa iustice, de sa bonté, & de son extrême valeur. Les Religieux ayant esté aduertis de son decez, le 17. Octobre 1436. le 20. ils esleurent

46. Frere Jean d'Homedes de la langue d'Arragon, lequel estoit lors en Espagne, dont il parut sur la fin de l'an 1537. & arriva à Malte le Lundy 21. de Janvier 1538. où il fut receu avec grâde allegresse, quoy qu'il fut mal content de ce que l'on ne luy auoit enuoyé des galeres, ny la Carraque de la Religion pour le conduire, & à ceste occasion il fit desarmer & defaire la grande Carraque, dont il y eut quelques plaintes faites contre luy. En l'an 1539, fut tenu à Malte vn Chapitre general, & vn autre en l'an 1543. Volontiers il discouroit du siege de Rhodes, pour donner à cognoistre à vn chacun qu'il y auoit perdu vn oeil. Il fist faire vn parc d'animaux, & vn beau iardin dans l'Isle de S. Michel, & là il passoit la plus grande partie du iour, ce qui donna suiet de murmurer cōtre luy, qu'il estoit lasche au gouuernement public. De son temps la ville de Tripoly en Barbarie fut perdue pour ceux de la Religio, & prise par le Turc, dont il demeura grandement estonné & estourdy. L'an 1552 le Prieur de Capouë, frere Leon Strozzi fist vne entrepryse sur l'Isle de Zoara, laquelle reüssit mal, & y furent tuez plusieurs Cheualiers de toutes langues, & mesmes plusieurs François, Auvergnacs & Prouençaux, ce qu'estant rapporté au grand Maistre, il en eut tres-grande tristesse & vif ressentiment, disant qu'il n'estoit point aduenue de plus grande perte à la Religion que celle-là depuis la prise de Rhodes. Il fist bastir les forteresses de S. Elme & de S. Michel, & aagé de 80. ans il mourut le 6. Septembre 1558. ayant gouuerné 16. ans 10. mois, & fut enterré dans la Chapelle des grands Maistres.



Fr. Claude de la Sengle. Fr. Jean de Vallette.

47. Le 11. du mesme mois frere Claude de la Sengle fut esleu grand Maistre, & assisterent à son eslection enuiron 400. Cheualiers & Religieux qui estoient lors à Malte. Il estoit de la langue de France, & Procureur general, & Ambassadeur à Rome pour la Religio, & là il receut nouuelle de son eslection, dont il aduertit le Pape Iules 3. & luy rendit en personne l'obeissance deuë au S. Siege, & peu de tēps apres vindrent vers luy plusieurs Cheualiers de la Religio enuoyez expres pour l'accompagner à Malte, où il arriva en Ianuier 1554. Il gouerna fort prudemment la Religion, par le conseil de cinq notables Cheualiers ses Officiers domestiques, sçauoir par son Seneschal, son Maistre d'Hostel, son Escuyer, son Receueur, & son Secretaire, de façon que l'estat de la Religion fut fort heureux durant le temps de la grande Maistrise, ayant obtenu le priuilege de neutralité du Roy Henry 2. & de l'Empereur Charles 5. qui se faisoient la guerre. Il fut tres-bon Religieux, & tres-vtile administrateur du reuenue de la Religion, au thresor de laquelle il laissa vne riche despouille en mourant d'un catarre qui le suffoqua le 18. d'Aoust 1557. aagé de 63. ans, ayant esté grand Maistre trois ans, vne mois, sept iours. Il fut inhumé à Malte, en la Chapelle des grands Maistres, & luy succeda par eslection

48. Frere Jean de Vallette, dit Parisot, de la langue de Prouence, lequel fut esleu grand Maistre le 21. d'Aoust 1557. Ceste eslection fut vrayement tres-agreable à tout l'Ordre de S. Jean, parce que le grand maistre estoit generalement aymé de toutes les nations, & vniuersellement désiré cōme tres-digne de ceste charge & grande dignité. En moins de deux ans il fut general des galeres, Bailly de Lango, grand Commandeur, Prieur de S. Gilles, & Lieutenant du grand Maistre: & finalement il paruint à la grand maistrise. Il ayma tant sa Religion, que depuis le iour qu'il prist l'habit d'icelle, il ne voulut pas retourner en son pais, de maniere qu'ayant fait sa residence au Conuent, il passa quasi tous les offices & degrez d'honneur de sa professio, se faisoit paroistre en toutes ses actiōs d'un rare iugement, d'une parfaite integrité, & d'une grande valeur. Si tost qu'il fut promu à ceste souveraine dignité, il se resolut de faire bastir à Malte vne ville neuue sur la montagne de S. Elme, cognoissant que toutes les autres forteresses n'estoiēt assez munies, pour soutenir la batterie d'un puissant ennemy, mais ce dessein fut differé à vn autre tēps. Il fit fortifier le chasteau de l'Isle de Goze, & laissa la demeure du chasteau S. Ange vint habiter dās le bourg de Malte, qu'il defendit tres-valeureusement contre le siege de l'Empereur Sultan Solima, où il fut grieuement blessé en vne iambe en l'an 1565. mais le siege estant leué à la honte & confusio des Turcs, il fortifia grandement l'Isle de Malte, & cōmença à faire bastir la cité nouuelle, qui fut nommée de son surnom Vallette, dont la premiere pierre fut mise par luy solennellement le Ieudy 18. Mas 1566. & par la sollicitude du grād Maistre, on continua tousiours le bastimēt d'icelle, mesmes aux iours des festes, dont le Pape Pie 5. donna dispense

aux ouuriers qui y estoient employez iusques au nōbre de 8000. personnes, & mesmes ce bon Pape enuoya vn Cōmissaire faire aduancer le bastimēt qui payoit aux ouuriers 5000 escus par mois, & cōtinua 7. mois, ceste despense reuenāt à 35000. escus. En fin le 21. Aoust 1568. le grand maistre mourut à pareil iour qu'il auoit esté esleu, ayant gouverné la Religion 11. ans entiers & accomplis, il fut merueilleusement regretté de tous ses Religieux, & encores particulieremēt du Pape, & de tous les Rois & Princes Chrestiens. De son temps furent tenus à Malte deux Chapitres generaux, esquels furent faits plusieurs nouveaux statuts pour le reglement de la Religion, & le 23. d'Aoust 1568. fut esleu



Fr. Pierre du Mont. Fr. Jean L'Euesque de La.

49. Frere Pierre de Mont, de la langue d'Italie, qui estoit lors Prieur de Capotte, incōtinēment apres sa promotiō à la grande Maistrise, il fit porter le corps de son predecesseur dās la Ville neuue, & inhumer honorablement dans la Chapelle de N. Dame de la Victoire, lequel merita d'estre surnommé le pere des soldats, le bouclier & le defenseur de la foy Catholique, & le grand persecuteur & dompteur des Infideles. Le nouveau grād Maistre auparavant d'estre paruenū à ce souverain degre, auoit fait paroistre sa prudence & valeur en d'autres charges belles & honorables: car il auoit esté 1. Parrō de la galere Capitaineſſe de la Religion, puis Lieutenant du Capitaine des galeres, Chastellain ou gouverneur de Chasteau S. Ange de Rome: Il fut Admiral, puis General des galeres, Ambassadeur de l'Ordre vers les Papes Pie 4. & 5. De Rome estant arriué à Malte, il fut esleu peu de temps apres grand Maistre, & y estant il fist en sorte que la nouvelle cité fut paracheuée, où il delibera de transferer l'habitation du Conuent, car le bon vieillard estimoit acquerir autant de gloire en faisant habiter la Ville neuue de Vallette, que son predecesseur en auoit acquis en la faisant edifier; & de fait le Dimanche 18. Mars 1571. le grand Maistre y fit son entrée solennelle avec le Conuent, & les Cheualiers de la Religion. De son temps la memorable bataille nauale de Lepante fut donnée, & la victoire obtenue sur les Turcs, en laquelle les Cheualiers de la Religio firent de beaux exploits de guerre. Ce grād Maistre estoit fort prompt à entrer en colere, & aussi prompt à s'appaier, ce qui rendit les Cheualiers peu obeissans en son endroict, de sorte qu'il commença à se desplaire, & eut volenté de renoncer au Magistere, dont il escriuit au Pape Pie 5. & le supplia luy permettre de se retirer au mont Cassin, pour y finir ses iours, ce qui ne luy fut octroyé par le S. Pere, mais peu de temps apres, sçauoir le 27. de Ianuier 1572, il deceda à Malte, & le 30. du mesme mois fut esleu grand Maistre

50. Frere Jean L'Euesque de la Cassiere, de la langue d'Auuergne, lequel auparavant son eslectiō fit paroistre sa valeur en plusieurs belles charges, car à l'entreprise de Zorah il fut Porte-enseigne de la Religion, l'estendard del'auquelle il defendit courageusement, & le rapporta à Malte, s'estant ietté en mer avec iceluy, & sauué en vne galere de la Religio, apres auoir par long espace de temps combattu valeureusement contre les Infideles, puis apres il fut esleu Capitaine general de la Cavalerie, Cōmissaire des fortifications, & Marechal de la Religio: & finalement il paruint au degre souverain de grād Maistre, où il a vescu fort religieusement, ne se passant aucun iour qu'il n'assistast au seruice diuin, & qu'il ne repeust de ses mains propres treize pauures: de ses deniers il fist bastir la grāde Eglise dedice à S. Jean Baptiste, dans la nouvelle cité de Valette, & la dota de mil escus de reuenū, & fist edifier vn tres-beau sepulchre, pour y mettre les corps des grands Maistres ses predecesseurs. Sur la fin de ses iours il luy arriua vn grandissime inconuenient, car ayant couru la mal-vueillance de plusieurs Cheualiers mal contents, il fut par leur menée iuspendu de la charge de grand Maistre, & arresté au Chasteau S. Ange avec gardes qui luy furent baillées le 6. Iuillet 1581. ce qu'il supporta fort patiemment & vertueusement, & s'en estant plaint au Pape Gregoire 13. & aux Rois & Princes Chrestiens, le Pape enuoya à Malte le Seigneur Gaspart Viconte auditeur de Rote, & depuis Archeuesque de Milan, pour gouverner la Religion en l'absence du grand Maistre, auquel il mandoit de venir à Rome, quoy que les Cheualiers eussent esleu pour Lieutenant du grād Maistre frere Mathurin de l'Escut, dit le Cheualier Romagas François, lequel s'excusa d'auoir pris & accepté ceste charge par force & contre son gré. Le sieur Viconte estant arriué à Malte, le grand Maistre

s'embarqua dans les galeres de la Religion, accompagné de quatre Seigneurs de la grande Croix, & de deux cens Cheualiers, & entra dans Rome, où il fut receu avec grand honneur, & logé au Palais du Cardinal d'Est à Monteuau, & depuis il alla saluer le S. Pere & les Cardinaux, & il fut aussi visité d'eux reciproquement, & en fin soit d'ennuy ou de lassitude d'un si grand voyage fait en son extrême vieillesse de 78. ans, il devint malade, dont il mourut le 21. Decembre 1581 ayant gouverné pres de dix ans la Religion. Son corps fut porté en deposit en l'Eglise de S. Louis, où ses obseques furent faites, & ce grand Orateur Marc Antoine Muret y prononça vne harangue funebre qui se trouue entre ses oraisons, son cœur fut enterré à S. Louis, & son corps porté à Malte, & inhumé au nouveau sepulchre des grâds Maistres qu'il auoit fait bastir en la cité de Valette, en l'Eglise cathedrale S. Iean Baptiste. A pres son decez le Pape declara la suspension dudit grand Maistre nulle & iniuste par decret, qu'il ordonna estre enregistré dans les registres de la Religion.



Fr. Hugues de Loubenx. Fr. Martin Garces.

51. Le 12. Ianuier 1582. frere Hugues de Loubenx Verdale, de la langue de Piouence, fut esleu grâd Maistre, lequel auoit conioint les lettres & sciences avec les armes: il fut fait Cheualier fort ieune, & se trouua à l'entreprise de Zoara, & apres auoir vaillamment combatu il se sauua, ayât eu plusieurs charges honorables. Il fut deputé Ambassadeur de la Religion vers le Pape Gregoire 13. dont il s'acquitta fort dignement, & agreea tellement aux Cheualiers ses Confreres, qu'ils Peseurent grand Maistre vnanimement, apres qu'ils eurent eu certaines nouuelles du decez du grand Maistre de la Cassiere. Il appaisa en peu de tēps les diuisions qui estoient entre les Cheualiers, & gouverna la Religion avec beaucoup de prudence. Le Pape Sixte 5. en l'an 1587. à la fin de Decēbre le fist Cardinal Diacre, & estât à Malte, il bastir vn Couuent de Capucins, il fortifia l'Isle, reforma les statuts de l'Ordre, fist dresser l'histoire de la Religion par Iaques Bosius, en langage Italien, & acquitta les debtes d'icelle, qui montoient à plus de 200000. escus, il ne laissa pourtant d'estre accusé vers le Pape Clemēt 8. d'auoir mal administré le thesor, & afin de se purger de ceste accusation, il enuoya son nepueu à Rome, mais ce procez estât indecis, le grand Maistre & Cardinal Verdale deceda à Malte le iour de l'Ascension le 4. May 1595. aagé de 64. ans, apres auoir gouverné 13. ans 3. mois 21. iours, laissant au thesor vne grâde quatité d'or monoié, & fut ensepulturé en l'Eglise cathedrale de S. Iean avec grand hōneur & pompe funebre.

52. Frere Martin Garces, de la langue d'Arragon, fut le 8. May 1595 esleu grand Maistre au lieu du defunct: il estoit Cheualier de grande bonté, & generalement aymé & reueré de tous, & combien qu'il eust passé 60. ans, il estoit d'une complexion assez forte & vigoureuse. Il pacifia incontinent le desordre suruenu entre les Cheualiers qui s'estoient bandez contre son predecesseur, il osta les gabelles qui auoient esté imposées, & interdit pour vn temps tous les Officiers de la Religion pour donner nouuelle forme à son gouvernement, & ce qui fut sur toutes choses tres-agreable aux Cheualiers, il defendit expressément qu'aucun Cheualier, non pas mesmes le grâd Maistre, peult auoir particulièrement des vaisseaux sur mer, pour y faire des courtes à son profit, & en fin apres auoir gouverné fort paisiblement la Religion 5. ans 9. mois, il mourut à Malte le 7. Feurier 1601. & y fut inhumé au sepulchre des grands Maistres.



Fr. Aloph de Vignancourt. Fr. Louys de Mendes Vancosilos

53. Frere Aloph de Vignancourt, de la langue de France, apres auoir eu les premieres charges de la Religion, paruint à la grande Maistrise par election le 10. iour de Feurier 1601. Dès l'an 1566. il estoit venu à Malte avec beaucoup de Gentilshommes François, sur le bruit qui couroit que l'Isle deuoit estre assiegée en peu de temps par l'armée Turquesque: il y auoit pris l'habit de la Religion sous le grand Maistre de Vallerie, & depuis il y eut des charges les plus releuées, entre autres celle de grand Hospitalier: mais estant en la dignité de grand Maistre, il fit des exploits genereux & dignes d'une perpetuelle memoire, print les Chasteaux de Passana, de Lepans, Patras, & autres forteresses en diuers lieux. En 1614. il empecha l'armée Turquesque, qui estoit composée 71. galeres de rauager l'Isle de Malte: outre les anciennes fortifications, il en fit construire de nouvelles, où il recogneut que besoin estoit pour rendre l'Isle plus forte & plus asseurée: pour la decorer d'auantage, il esleua vne belle fontaine deuant le Palais pour l'usage du public, dont les eaux viennent plus de cinq lieues de là. L'Empereur Rodolphe 2. luy donna le tiltre d'Ilustissime Altesse: en fin apres auoir dignement gouuerné en paix les Cheualiers ses Confreres. Il est mort le 14. iour de Septembre 1622.

54. Frere Louis de Mendes, Vancosilos, de de la langue Portugaise, apres auoir esté Promoteur, arriva de charge en charge à la suprême par ses precedens merites: il fit plusieurs Carauanes auparauant. De Lieutenant de galere il fut Capitaine, Recueur en son Prieuré, Ambassadeur à Rome, puis Ambassadeur extraordinaire vers sa Majesté tres-Christienne, qui luy ostroya ce qu'il desiroit, où il fit paroistre la capacité de son esprit, & Cōseruateur de l'Ordre. Apres toutes ces actions, qui ont esté interrompues par vne longue maladie, il est mort grand Maistre le 7. de Mars 1623.




Fr. Anthoine de Paula

55. Frere Anthoine de Paula de l'Auberge de Prouence, & de la langue de Prouence, à present grand Maistre, fut esleu le 10. iour de Mars 1623. & a donné plusieurs preuues de sa generosité en diuerses occurrences, & continue encore d'imiter & ensuiure ceux qui par la vertu & par les armes conseruent ce dont ils ont la charge. Dieu le maintienne en sa principauté, le tout à sa gloire, & au detrimēt de l'Empire des Turcs.

A P A R I S,







POVRTRAICTZ
DE PLVSIEVRS HOM
MES ILLVSTRES QVI ONT
FLORY EN FRANCE
DE PVIS LAN 1500 IVS
QVES A PRESENT

BRIEFS ELOGES DES HOMMES
ILLVSTRES, DESQVELS LES
pourtraicts sont icy representez.



1. Phil. de Commines.
S^r d'Argenton.

2. Charles d'Amboise.
S^r de Chaumont.

3. Gaston de Foix.
Duc de Nemours.

4. Arthus Gouffier
S^r de Boisy.

5. Pierre du Terrail.
S^r de Bayard.

PHILIPPES de Commines sieur d'Argenton en Poictou, naquit l'an 1445. au Chasteau de Commines pres de Messine, sur le fleuve du Lis, au pays de Flandres. Il fut nourry en la Cour du Duc de Bourgongne, & en l'an 1464. vint au service du Roy Louys XI. duquel il fut Chambellan & Seneschal de Poictou, & employé en de grandes charges, tant par le Roy Louys son maistre, que par Charles VIII. son successeur. Il a escrit en François l'histoire de son temps, qu'on estime la plus veritable, laquelle a esté traduite en Latin, en Italien, & en Alleman. Il espousa Dame Helene de Chambres de la maison des Comtes de Montforeau en Anjou, dont il eut vne fille vniue nommée Ieanne, qui fut mariée à René de Bretagne Comte de Ponthieure: il mourut en sa maison d'Argenton, le 17. Octobre 1509. aagé de soixante-quatre ans. Il fit edifier vne Chapelle dans l'Eglise des Augustins de Paris, où il est enterré avec sa femme, & sa fille.

2. **C**HARLES d'Amboise sieur de Chaumont fils de Charles d'Amboise, Cheualier de l'ordre du Roy, Gouverneur de l'Isle de France, & depuis de Champagne, & de Catherine de Chauigny, fut en grand credit vers le Roy Louys douziesme, par lequel il fut estably Lieutenant au Duché de Milan, où il donna certaines preuues, par ses hauts faits d'armes, de la grandeur de son courage, & de sa valeur, tant contre les Suisses, que cōtre les Venitiens. Il fut Cheualier de l'ordre, Marechal, & depuis grād Maistre de France: il mourut d'une fièvre à Correge, l'an 1511. Il espousa Dame Ieanne de Grauille fille de l'Admiral Grauille, de laquelle il eut vn fils nommé George, qui fut tué à la bataille de Pauie.

3. **G**ASTON de Foix Duc de Nemours, fils de Iean de Foix Vicomte de Narbonne, & de Marie d'Orleans, & neveu du Roy Louys XII. fit preuue de sa valeur contre les Venitiens, à la iournée de Chiaradade: il fut General de l'armée contre le Pape Iule II. & autres Potentats d'Italie confederez. Il rompit en bataille Iean Paul Baglion General des Venitiens, reprit la ville de Bresse, secourut Boulongne, & deffit les confederez en la iournée de Rauenne, où il fut vainqueur: mais poursuivant vn escadron d'Espagnols, fut tué d'un coup de picque le iour de Pasques 1512. en sa fleur de ieunesse. Il est enterré à Milan.

4. **A**RTHVS Gouffier sieur de Boisy, fut Gouverneur de François premier, en sa ieunesse, & lors qu'il estoit seulement Duc de Valois & Comte d'Angoulesme, lequel estant paruenue à la Couronne, le fit grand Maistre de France, & Sur-intendant de sa maison. Il estoit Cheualier de l'ordre du Roy, & fut par luy enuoyé vers les Princes Electeurs d'Allemagne, apres le decez de Maximilian Empereur, pour briguer leur faueur, & l'eslection à l'Empire. Mais la brigade de Charles d'Autriche fut plus forte, & le sieur de Boisy estant de retour, fit vn voyage à Montpellier, afin d'aduiser avec le sieur de Croy qui auoit aussi esté Gouverneur dudit Charles, des moyens d'une bonne paix entre leurs maistres; ce qui demeura sans effect à cause de la maladie dudit sieur de Boisy, dont il deceda au mois de May 1510.

5. **P**IERRE du Terrail sieur de Bayard natif de Dauphiné, l'un des plus vail-lans Capitaines de son temps, fut au voyage de Naples avec le Roy Charles 8. où il fit de grands exploicts d'armes, & depuis en la bataille d'Aignadel, & en la prise de Bresse, & mesmes en vn duel singulier avec Alphonse de sainte

Maure Espagnol. Il repoussa les forces de l'Empereur Charles 5. de deuant Mesieres. Le Roy François premier, voulut auoir de luy l'accolade de Cheualier, & en fin fut tué d'un coup d'arquebuse pres de Rebec & de Biagras 1523. Depuis sa mort les François tindrent les affaires d'Italie comme desesperez.



Loys de la Trimouille. Jacques de Chabanes. Guillaume Gouffier. Jean Jacques Triulce. Charles de Bourbon.
S^r de la Palisse. S^r de Bonniuet. Marechal de France. Conestable de France.

6. LOYS de la Trimouille fut en l'aage de 26. ans Lieutenant General du Roy Charles VIII. en l'armée de Bretagne contre le Duc d'Orlens, où il obtint la victoire pres S. Aubin du Cormier. Il accompagna le Roy au voyage de Naples, & fut à la bataille de Fornoue. Le Roy Louys XII. le fit son Lieutenant en Italie, où il reconquit en peu de temps le Duché de Milan. Il fut aussi à la bataille de Marignan contre les Suisses 1515. où son fils unique Charles de la Trimouille fut tué, & en fin aagé de 75. ans il mourut à la iournée de Paue 1524. & est enterré en la Chappelle du Chasteau de Thoiars.

7. JACQUES de Chabanes sieur de la Palisse, fils d'Antoine de Chabanes grand Maistre de France, fit son apprentissage avec le Roy Charles VIII. au voyage de Naples, & fut compagnon de Gaston de Foix, & apres la mort d'iceluy fut chef de l'armée victorieuse: Le Roy Louys XII. le fit Grand Maistre de France apres le decez du sieur de Chaumont, dont il se demist par le vouloir du Roy François I. en faueur du sieur de Boisy, & fut fait Marechal de France. Il mourut à la bataille de Paue.

8. GUILLAUME Gouffier sieur de Bonniuet frere du sieur de Boisy, fut Admiral de Frace sous le regne de François I. il fut employé pour traicter l'accord entre son maistre & le Roy d'Angleterre, qui sortit effect, & s'entreurent les deux Roys à Ardres. Lors que le Roy estoit à la conqueste de Milan, il entretint en paix les peuples de la Guyenne, & print Fontarabie en Nauarre. Au second voyage d'Italie il fut despesché pous la cōqueste de Milā, & empescher les desseins de Charles de Bourbon qui s'estoit joint avec l'Empereur, où il fut blesé d'une arquebuse dās vn bras, & finalement il fut tué à la bataille de Paue.

9. JEAN-JACQUES Triulce Milanois a esté tres-affectionné seruiteur des Roys Charles VIII. Louys XII. & François I. & les a assisteés guerres d'Italie pour le recouurement de Naples & de Milan, dont il chassa Ludouic Sforce, & le print prisonnier. Il fut fait Marechal de France pour recompence de ses signalez seruices, & en fin aagé de 80. ans ou enuiron, il mourut en la ville de Chartres d'une difficulté d'vrine, & est enterré à Milan, comme il auoit ordonné par son testament.

10. CHARLES de Bourbon fut fils de Gilbert de Bourbon Côte de Montpésier & de Claire de Gōzague, fille de Ferry Marquis de Mantouë, & fut pour sa valeur & magnanimité fait Conestable de France par le Roy François I. l'an 1516. pour le seruice duquel il fit de grādes proüesses: mais pour quelque desplaisir qu'il receut en Cour, attiré par les pratiques de l'Empereur, il quitta le seruice de son Roy, & en l'an 1527. ayant assiegé Rome pour l'Empereur, il la prist d'assaut, & toutefois il ne se ressentit du fruit de la victoire, car il fut tué le iour de la prise qui fut le 5. May. Il est enterré à Caiere en la Chapelle de la Roque.



Odet de Foix. Loys de Lorraine. Theodore Triulce. Philippe de Villiers. Franc. de France.
S^r de Lautrec. Comte de Vaudemont. Marechal de France. Grand M^r de Rhodes. Dauphin.

11. ODET de Foix sieur de Lautrec en Gascongne, apres la bataille de Rauenne poursuivant vn escadron d'Espagnols fut blessé en vingt endroits, & estat prisonnier fut mis à rançon, depuis il laissa des marques de sa vertu à la journée de Marignan, & à la defence de Milan contre les forces de l'Empereur. Il fut esleu General en l'armée du Roy François I. lors qu'il fit alliance avec le Pape Clement VII. & le Roy d'Angleterre pour deliurer Rome occupée par les Imperialistes, laquelle il remist en l'obeyssance du Pape, & de là passant avec vne belle armée pour la conqueste du Royaume de Naples, il le reduisit quasi en sa puissance, & assiegeant Naples il mourut de peste au mois d'Aoust 1528. & est enterré audit Naples, où Ferdinand Consalue Espagnol luy a fait dresser vn beau sepulchre de marbre 28. ans apres sa mort.

12. LOVYS de Lorraine Comte de Vaudemort estoit fils puîné de René II. Duc de Lorraine, & de Philippes de Gueldres, & petit fils de Ferry de Lorraine & d'Yolad d'Anjou, lors que son frere aîné Antoine Duc de Lorraine eut guerre contre les rebelles du Duché de Gueldres ses subiers, il fut Colonel del'Infanterie, & donna preuue tres-certaine de sa prouesse à Lupecin & au siege de Sauerne. Depuis il fit le voyage de Naples avec le sieur de Lautrec, où il fut estably General des Lansquenets, & au siege de Naples il mourut de peste l'an 1528. au mois d'Aoust, & est enterré audit Naples en l'Eglise de sainte Claire.

13. THEODORE Triulce Milanois, cousin germain de Ica Iaques Triulce, suivit aussi les armes de France, & y fit de signalez seruices sous les regnes de Louys XII. & de François I. lequel pour recompense le fit Marechal de France. Il fut estably Gouverneur pour le Roy en la ville de Genes l'an 1527. & puis apres il fut commis au Gouvernement de Lyon, où il deceda en l'année 1533. aagé de plus de 75. ans, & fut plaint & regretté de tous comme vn bon pere.

14 PHILIPPE de Villiers issu de la noble maison de l'Isle adam en France, estat Cheualier de Rhodes fut l'an 1520. esleu grand Maistre de l'ordre, & en l'an 1522. le iour de Noël la ville de Rhodes avec l'Isle fut renduë par composition à Sultan Soliman, apres vn siege memorable de neuf mois, & furent les Cheliers avec leur chef mis en l'Isle de Malte, où il mourut le 21. Aoust. 1534 âgé de 75. ans, ayant porté les armes 40. ans pour la deféce de la foy cõtre les Infidelles.

15. FRANÇOIS Dauphin de France fils aîné de François I. nasquit à Amboise 1517. en Feurier, & furent ses Partains le Pape Leon X. representé par Laurent de Medicis Duc d'Vrbain son neveu, pere de la deffuncte Roynne Catherine, & Antoine Duc de Lorraine. Pour la deliurance de son pere il fut avec son frere puîné Henry lors Duc d'Orleans baillé en ostage à l'Empereur, il estoit studieux & amateur des bonnes lettres, & plein de generosité, mais allant vers Marseille contre l'armée de l'Empereur, passant par Lyon, il fut empoisonné par Sebastien de Montcucullo, & mourut peu de temps apres à Tournon l'an 1539. aagé de dix-neuf à vingt ans.



Guillaume du Bellay
S^r de Langey.



Philippe Chabot.
Admiral de France.



Charles de France.
Duc d'Orleans.



Francois de Bourbon.
Duc d'Anguyen.



Henry d'Albret.
Roy de Navarre.

16. GVILLAVME du Bellay sieur de Langey, puîné de l'ancienne & noble maisõ du Bellay en Anjou, nasquit l'an 1496. & cõjoignit les lettres & les armes, il fut Cheualier de l'ordre du Roy, & Viceroy en Piedmont. Il a esté enuoyé en Ambassade par le Roy François I. en Italie, Angleterre, & Allemagne; il mourut le 9. Ianuier 1543. à S. Saphorin au môt de Tarrare pres Lyon âgé de 47. ans. Sa sepulture est magnifiquement esleuée en marbre dans l'Eglise de S. Iulie du Más, dont estoit Euesque son frere puîné, qui depuis a esté Doyen des Cardinaux.

17 PHILIPPE Chabot fils de Iaques Chabot sieur de Briõ, & de Magdelaine de Luxembourg fut choisi par le Roy François I. pour commander à l'armée qu'il enuoya en Piedmont pour la conqueste de Sauoye, où estat arriué, il fortifia les villes de Piedmôt pour empescher les desseins de l'Espagnol, & cõserua la vil-

Je de Marseille. Il fut pris prisonnier avec le Roy son maistre à la iournee de Pauie, & fut employé au traité de Madrid. Il fut Gouverneur de Bourgogne, & Admiral de France. Il mourut l'an 1543. & est enterré aux Celestins de Paris en la Chapelle de la maison d'Orleans, au sepulchre magnifique que luy fit dresser son fils Leonor Chabot grand Escuyer de France.

18. CHARLES de France fils troisieme de François premier, fut déclaré Duc d'Orleans apres le decez de son frere aîné: il fit preuve de sa proüesse, & de la grandeur de son courage en la prise d'Yuo, Arlun, Vireton, Luxembourg, & autres places conquises sur l'Empereur Charles 5. la fille duquel luy fut promise en mariage avec le Duché de Milan: Mais estant encores en la fleur de son aage, atteint d'une tres-ardente fièvre, il mourut l'an 1545 & est enterré à saint Denis en France avec son pere, & son frere aîné.

19. FRANÇOIS de Bourbon fils puîné de Charles Duc de Vendosme, & de François fille de René Duc d'Alençon, fut Seigneur d'Anguien, lequel en l'an 1544. le 14. d'Auril rompit en bataille rangée les forces de l'Empereur Charles 5. conduites par le Marquis du Guast, & remporta la victoire pres de Cerisoles, tant bien descrite par Paul Ioue en son histoire, & s'il n'eust esté tué à la Roche-Guyon par la cheute d'un coffre qui luy tomba sur la teste en Feurier 1546. il y a apparence qu'il eust esté le plus valeureux & renommé Capitaine & chef d'armée de son siecle.

20. HENRY d'Albret fils de Jean d'Albret & de Catherine Royne de Navarre, succeda au Royaume l'an 1517. Il espousa Marguerite veufue Charles Duc d'Alençon, & sœur du Roy François premier, ayde des forces duquel il reconquit Pampelune le 20. de May 1521. & r'entra en son Royaume qui auoit esté vsurpé par les Castillans; mais vn mois apres il fut derechef vsurpé par la negligence des Gouverneurs, ausquels le gouvernement du pays auoit esté commis. Il mourut l'an 1555. & laissa vne fille vniue son heritiere, mariée à Antoine Duc de Vendosme, pere du feu Roy Henry III.



21. Jean de Bourbon.
Comte d'Anguien.



22. Pierre Strozzi.
Marechal de France.



23. Charles de Cossé.
S^r de Brissac.



24. Antoine de Bourbon.
Roy de Navarre.



25. Franc. de Lorraine.
Duc de Guise.

21. JEAN de Bourbon autre fils puîné de Charles Duc de Vendosme, apres la mort de François son frere fut Seigneur d'Anguien, il fit preuve de sa valeur au siege memorable de Mets l'an 1552. qui fut valeureusement soutenu contre les forces Imperiales. Il fut en Piedmont conducteur d'une armée de quatorze mille pietons, & de quatre mil chevaux, pour renforcer le Marechal de Brissac l'an 1555. & les villes de Vulpian & de Montcaluo furent assiegées & prises, nonobstant le secours du Duc d'Albe. En fin il mourut à la bataille saint Quentin le 10. Aoust 1557 apres qu'il eust espousé la fille du Comte de saint Paul son oncle paternel, & est enterré à la Fere.

22. PIERRE Strozzi issu de la noble maison de Strozzi de Florence, ayant fait beaucoup de grands seruices tant en Italie qu'en ce Royaume, & en Escosse, aux Roys François I. & Henry II. fut créé Marechal de France, & fait Cheualier de l'ordre, & apres plusieurs proüesses fut tué au siege & prise de Thionuille en Iuin 1558. Je ne puis icy passer sous silence ce grand Philosophe Kyriaque Strozzi issu de la mesme famille, qui a adjousté aux Politiques d'Aristote deux liures de sa composition, ny pareillement Laurence Strozzi sa sœur, Religieuse de saint Nicolas du Pré en la Toscane, qui s'est tellement adonnée à la poésie Lyrique, qu'elle nous a laissé vn iuste volume d'Hymnes saints composez en Latin, sur toutes les festes & solennitez del'année, & est decedée le 10. de Septembre 1591. aagée de 77. ans.

23. CHARLES de Cossé sieur de Brissac, fils de René de Cossé & de Charlotte Gouffier, de la maison de Boisy, succeda à son pere, non seulement au

au Comté de Brissac en Anjou, mais aussi en l'estat de grãd Fauconnier, Capitaineries des chasteaux d'Angers & de Falaise, & au gouuernement d'Anjou & du Maine. Estant premier Gentil-homme de la maison de Monsieur le Dauphin, en l'aage de quinze ans il fit le voyage d'Italie pour le recourement de Naples, sous la conduite du sieur de Barbesieux chef de l'armée de mer. Depuis il accompagna le sieur de Humieres au voyage de Piedmôt; Il combattit en duel le sieur de Funel, puis vn grand & furieux lyon. Il fut Colonel de l'infanterie en Piedmont, puis Colonel de trois mil cheuaux legers, grand Maistre de l'Artillerie, Lieutenant du Roy delà les monts, Marechal de France, & en fin Gouverneur de Picardie: Ayant seruy quatre Roys, sçauoir François I. Henry II. François II. & Charles IX. il mourut à Paris aagé de 57. ans, laissant des enfans qui ont succédé à ses dignitez.

14. ANTOINE de Bourbon fils aîné de Charles Duc de Vendosme, & de Françoise d'Alençô, espousa en l'an 1524. Jeanne Royne de Nauarre, fille de Henry d'Albret, & de Marguerite d'Orleans, & apres le decez de son beau-pere fut Roy de Nauarre, & Gouverneur de Guyenne. Il auoit esté dès l'aage de 24. ans Gouverneur de Picardie, où il prist à force d'armes le chasteau de Tournehan & le fit razer, eut victoire sur les Flamans & Hennuyers, secourut de gens & de viures Theroüenne, nonobstant les forces de l'Empereur Charles V. conduites par le Comte du Ru, sur lequel il conquist Hedin & plusieurs autres forteresses des Pays bas. Le Roy Charles IX. venât à la Couronne le fit son Lieutenant General, & au commencement des premiers troubles assiegeant la ville de Roüen detenuë par ceux de la Religion pretendüe reformée, il fut blessé en l'espaule d'une harquebusade dont il mourut le 17. Nouembre 1562. laissant pour successeur nostre inuincible Henry III.

25. FRANÇOIS de Lorraine Duc de Guise, fils de Claude de Lorraine, & d'Antoinette de Bourbon de la maison de Vendosme, a faict de signalez seruices à ceste Couronne durant les regnes de François I. Henry II. François II. Charles IX. Il donna preuue de sa valeur au siege de Bologne contre les Anglois, puis au memorable siege de Mets contre l'Empereur Charles V. qui auoit vne armée de cent mille homes, où son PLVS OVTRE fut limité, & en la bataille de Renty, pour recôpense de quoy le Roy Henry II. l'an 1553. luy donna les estats de grand Chambellan & de grand-Maistre de Frâce. Depuis il fut Lieutenant general du Roy en Italie, & conducteur d'une puissante armée pour secourir le Pape Paul III. assailly du Duc d'Albe, Viceroy en Sicile, d'où estant retourné il prit d'assaut en sept iours sur les Anglois la ville de Calais, le chasteau de Guines, & conquist toute la Comté d'Oye: dauantage il prit Thionuille, & le 19. Decembre 1562. il remporta la victoire de la bataille de Dreux. Et l'an ensuiuant tenant la ville d'Orleans assiegee, & estant déclaré Lieutenant General en l'armée du Roy, il fut blessé en trahison par Iean Poltrot le 18. Feurier, dont il mourut le 24. dudit mois.



26. Nicol. de Brichant. S^r de Beauuais nangis. 27. Charles Tiercelin. S^r de la Roche du maine. 28. Anne de Montmorency. Conestable de France. 29. Iean de Valette. Grand M^r de Malte. 30. Timoleon de Cosse. S^r de Brissac.

26. NICOLAS de Brichanteau sieur de Beauuais Nangis, Cheualier del'ordre de S. Michel, fut en l'an 1536. Guidon de 50. hommes d'armes de la compagnie d'Antoine de Bourbon lors Comte de Marle, qui fut depuis Duc de Vendosme, & Roy de Nauarre; & l'année ensuiuant il entra dās Theroüenne qui estoit assiegee par le Lieutenant del'Empereur Charles V. & fit trois furieuses sorties sur les ennemis. Il fut aussi à la prise de Lâdrency, au siege de Boulogne, & estant Lieutenant du Duc de Vendosme, il se trouua à la prise de Mont-Lambert, Blâquenay d'Yuo, Mont-med, & autres places d'importance, & mesmes à la prise de Calais & de Thionuille: Il eut la charge d'empescher qu'aucun tort ne fut faict aux femmes & filles par l'insolence

des soldats victorieux. Il assista à la reprise de Blois l'an 1562. & fut enuoyé à Tours en qualité de Lieutenant du Roy, depuis à Meleun, & au pont sainct Cloud, & estant Capitaine de 50. hommes d'armes des ordonnances, il combatit valeureusement à la bataille de Dreux, où il fut blessé, & retenu prisonnier, de laquelle blessure il mourut en Aoust, l'an 1564. aagé de 54. ans.

27. CHARLES Tiercelin sieur de la Roche du Mayne, dès son ieune aage se voüa aux armes pour seruir nos Roys, d'entrée il fut Enseigne, puis Capitaine, par apres Archer en la compagnie du Duc d'Alençon, derechef homme d'armes, puis Guidon, apres Lieutenant, & en fin Capitaine de sa cōpagnie. Il s'est trouué en sept sieges de villes pour le seruice de ceste Couronne, & esté prisonnier à la iournée de Pauie, & à la bataille de S. Quentin, où son fils puisné fut tué en l'aage de 22. ans, il auoit en luy vne liberté de parler, qui demonstroit la generosité de son courage, il mourut à Chitré pres Chastelleraut le 2. iour de Iuin 1567. aagé de 85. ans deux mois.

28. ANNE issu de l'illustre maison de Montmorency, fut premierement esleué en la maison de Longueuille, & baillé par le Roy Louys XII à François I. lors Duc d'Angoulesme pour luy seruir d'enfant d'honneur, & fut Lieutenant de la compagnie de cent homes d'armes du sieur de Boisy grād Maistre de France, qu'il eōduisit en Italie, lors de l'entreprise de Milan, où il donna preuue de sa vertu, & en la iournée contre les Suisses à Marignan. Il fut en suite de ce Gouverneur de Nouare, & Capitaine de cent Gentilshommes de la maison du Roy. Le Roy Henry VIII. d'Angleterre l'honora de l'ordre de la Iartiere, il combatit en duel le Comte d'Egmont au siege de Mesieres. Il fut Marechal de France l'an 1524. & à la iournée de Pauie il fut pris prisonnier, & de là fut grand Maistre de France, & Gouverneur general du Languedoc, & depuis Lieutenant general du Roy deçà & delà les Monts, & en fin Pair & Conestable de France. Il appaisa les troubles suruenus en Guyenne, & notamment à Bordeaux, il a conquis Mets & Toul en Lorraine à ceste Couronne, & plusieurs autres places, & pour couronner sa gloire, apres auoir assisté en plusieurs batailles, il fut blessé à celle de S. Denis en Novembre 1567. dont il mourut, aagé de plus de 80. ans.

29. JEAN de la Valette, autrement dit Parifor, Cheualier de S. Iean de Ierusalem, François de nation, apres le decez de Dom Iean Omega Espagnol, fut esleu grand Maistre de l'Ordre, duquel la memoire sera tousiours celebre entre les Chrestiens pour auoir tres-vaillamment soustenu par plus de six mois avec peu de forces, le siege que mit deuant l'Isle de Malte Dragut Rays par le commandement de Sultan Soliman, accompagné de cent mil hommes, qu'il fut contraint de leuer à sa honte & confusion, ayant perdu enuiron trente mil Turcs en Aoust 1565. Ledit grand Maistre apres auoir fait reparer & fortifier la ville de Malte, deceda sur la fin de l'an 1569.

30. TIMOLEON de Cossé sieur de Brissac, fils de Charles de Cossé Marechal de France, fut en son enfance instruit aux bonnes lettres par le docte Buchanan Escoffois, & dès l'aage de seize ans il se trouua au siege de Bourges, estant Colonel des vieilles bandes de Piedmont, il fut employé au recouurement du Havre de Grace contre les Anglois, & apres l'Edict de Pacification, il fut enuoyé en Angleterre pour faire iurer la paix à la Roynie. Ayant eu nouuelle du siege de Malte en l'an 1565. ils s'accōpagna de cinq cents braues Gentilshommes, & de plusieurs bons soldats de pied, & y alla en intention de secourir les assiegez, mais trouuant le siege leué, il passa en Hongrie où il sejourna quelque temps avec l'Empereur, & à son retour il se trouua à la bataille S. Denis, depuis au siege de Lusignan, & à la bataille de Bassac, & en fin au siege de Mufidan en l'an 1569. il fut tué d'un coup d'harquebusade en la fleur de sa ieunesse, n'ayant lors que vingt-trois ans.



31. François de Coligny
Colonel de l'Infanterie.




32. Loys de Birague.



33. Gaspar de Coligny
Admiral de France.



34. Blaise de Monluc
Marechal de France.



35. Philippe Strozzi
Colonel de l'Infanterie.

31. FRANÇOIS de Colligny sieur d'Andelot, fils puîné de Gaspard de Colligny Marechal de Frâce, sous le Roy François I. sieur de Chastillô sur Loing, commença à acquerir de l'honneur par les armes au siege de Landrecy 1543. & depuis en Escosse incontinent apres le Sacre du Roy Henry II. où il fut enuoyé en qualité de Colonel de l'infanterie François. Il fut aussi vn de ceux qui soustindrent avec tant de valeur l'effort de l'Empereur Charles V. assiegeant la ville de Mets, & qui cōseruerent leur nouuelle conquête. Il se trouua au siege & prise de Calais, & aux prises des villes & places cōquises es Pays bas, & à la bataille S. Quentin. Apres le decez du Roy Henry II. il fut vn des chefs de l'armée des pretendus reformez, & se trouua à la bataille S. Denis, au siege de Chartres, à la iournée de Bassac, & en fin mourut l'an 1569. au mois de May dans la ville de Xaintes, & fut surnommé le Cheualier sans peur.

32. LOVS de Birague Milanois, fils de Cesar de Birague & de François de la Tour, au commencement des guerres de Piedmont fut Lieutenant Colonel du sieur Marc Antoine Cusan son beau-frere, qui suiuiot le party du Roy François I. contre l'Empereur, & depuis fut Colonel de deux mil hommes de pied. Il fut Gouverneur de la ville de S. Iaco, qu'il garda vertueusement cōtre le cāp de l'Empereur Charles V. conduit par le Duc d'Albe. Il fut choisi par le sieur de Brissac pour l'entreprise faicte sur le chasteau de Milan, & en fin apres auoir fait fort long-temps seruice à ceste Couronne, il mourut à Saluces Lieutenant pour le Roy delà les Monts l'an 1572. aagé de 63. ans.

33. GASPARD de Colligny sieur de Chastillon, frere aîné du sieur d'Andelot & du Cardinal de Chastillô, pour l'vn des premiers exploits de ses armes, receut vne arquebusade en la gorge au siege de Bains l'an 1543. Depuis il fut au siege de Carignan, & à la bataille de Cerisoles, & pour tenir en bride les Anglois qui estoient dans Bologne sur mer, il dressa vn fort en l'an 1548. qui les gehenna extrememēt. Il fut vn de ceux qui soustindrēt le siege de Mets, & apres iceluy il fut fait Admiral de Frâce l'an 1551. & Lieutenāt du Duc de Vendosme en Picardie. A la iournée de S. Quentin il fut prisonnier. Apres le decez du Roy Henry II. il fit paroistre qu'il estoit homme de grande entreprise, car estāt vn des principaux chefs des pretendus reformez, il se saisit de la pluspart des bōnes villes du Royaume, & prit les resnes du gouuernement militaire, & se trouua en toutes les batailles & expeditions de guerre si amplement descrites par nos histoires. En fin en Aoust 1572. il fut tué à Paris le iour S. Barthelemy.

34. BLAISE de Montluc natif de Gascongne par sa vaillance & adresse au faict des armes, de simple Gentil-homme a meritē d'estre Marechal de France, & Lieutenant du Roy, n'y ayant en aucunes batailles, rencontres, memorables entreprises, assauts, prises & defēces de villes depuis 1521. iusques en l'an 1571. où il ne se soit trouuē, ayant receu à diueres fois 24. blessures. Les histoires de de nostre temps en font foy, & mesmes les Commentaires qu'il a escrit en l'aage de 75. ans. Somme il a seruy fidelement cinq Rois, François I. Henry II. François II. Charles IX. & Henry III. & est decedé en l'an 1577. aagé de 77. ans, ayant eternisé sa memoire par ses actes genereux, comme aussi a faict son frere Euesque de Valence par sa doctrine, eloquence & bon conseil.

35. PHILIPPE Strozzi fils de Pierre Strozzi Marechal de France nasquit à Venise l'an 1541. & en l'aage de sept ans il fut amené en France, où il fut nourry en l'exercice des lettres, & des armes. Il apprint les rudiment de la guerre en l'aage de quinze ans, sous ce grand guerrier Charles de Cossé. Il fut depuis au siege & prise de Calais & de Guines; apres le decez du sieur d'Andelot, il fut Colonel general de l'infanterie François, & le Roy Henry III. instituāt l'Ordre du S. Esprit, le choisit des premiers pour estre Cheualier. En fin il fut esleu chef de l'armée de mer qui fut dressée pour le secours de Dom Antoine Roy de Portugal, composée de 55. voiles, & 32. enseignes de gens de pied, & s'estant mis sur mer, il tomba entre les mains de l'Espagnol qui le fit tuer de sang froid, & mourut le 28. Iuillet 1582. aagé de 41. an.



36. Jacques de Sauoye Duc de Nemours. 37. Guy de Lual. 38. Anne de Joyeuse. 39. Henry de Bourbon, Prince de Condé. 40. Henry de Lorr., Duc de Guise.

36. J A Q V E S de Sauoye Duc de Nemours fils de Philippes de Sauoye Comte de Geneue, & de Charlotte d'Orleans de la maison de Longueuille, fut tres-belliqueux, de grand entendement & prudence au fait de la guerre, comme il a monsté par effect durant les guerres du Roy Henry II. cōtre l'Empereur Charles V. & son fils le Roy d'Espagne, & du temps des guerres ciuiles pour le fait de la Religion. Il a esté Gouverneur de Lyon, où il s'est cōporté si vertueusement qu'il en a esté aymé & admiré des habitans de la Prouince, mesmes il a esté Lieutenant general du Roy au Lyonnois, & a esté chef & conducteur d'armée en l'an 1569. pour empescher le passage en France au Comte Palatin Duc des deux Ponts, finalement apres beaucoup de seruices faits à la Couronne, il mourut l'an 1583.

37. G V Y Comte de Lual issu des plus nobles & ancienne familles du Royaume, dont y a eu des Connestables, Admiraux & Mareschaux de France, estoit né pour de choses grandes, si la mort par trop hastiue ne l'eust si tost mis au tōbeau. Car il mourut en sa ieunesse au mois d'Auril 1586. du regret qu'il cōceut de la mort de ses trois freres puisnez, les sieurs de Saily, de Tanlay, & de Rieux, deux desquels peu de iours auparauant moururent de blessures qu'ils receurent à la defaite du regiment de Tiercelin en Xaintonge, où ledit sieur de Lual fit des vaillāces inroyables, & le sieur de Talay estoit n'agueres decedé à S. Ieā d'Angely. Ils sont tous quatre inhumez au chasteau de Taillebourg.

38. A N N E de Joyeuse fils de Guillaume Vicomte de Joyeuse, Mareschal de France, fut pour ses merites tellement aymé par le Roy Henry III. qu'il le fit son beau-frere, luy faisant espouser la sœur de la Royn Louyse de Lorraine, puis erigea la Vicomté de Joyeuse en Duché, luy bailla l'estat d'Admiral de France, & le gouuernement de la Normandie, en fin il le fit son Lieutenant general de l'armée de Poictou, où il alla accōpagné d'une belle Noblesse, & y mourut à la iournee de Coutras en Octobre 1577. & son corps estant apporté en la ville de Paris, on luy fit des obseques aussi magnifiques qu'à vn des enfans de France, ou au premier Prince du sang.

39. H E N R Y de Bourbon fils aîné de Louys Prince de Condé, qui fut tué à la iournee de Bassac, & de Leonor de Roye Comtesse de Rouffy, fut Prince tres-illustre, non seulement pour son incomparable vaillance, singuliere experience au fait des armes, & sage conduite requise en vn parfait Capitaine, mais aussi pour sa magnanimité, clemence, liberalité, & autres vertus. Il receut à la bataille de Coutras vn coup de lance au costé, qui l'ayant engagé sous son cheual causa tel preiudice à sa santé, que le cinquiesme de Mars 1588. il mourut d'une forte maladie d'estomach, & d'une difficulté de respirer, laissant Charlotte, & Catherine de la Trimouille sa femme enceinte de son fils Henry Postume, dont elle accoucha le premier Septembre ensuiuant, qui pour la grande promptitude & viuacité de son esprit, bonté de sa memoire, courtoisie, docilité & gentillesse de mœurs, donne à vn chacun esperance d'esgaler, voire de surpasser en vertu & generosité ses predecesseurs.

40. H E N R Y de Lorraine fils de François de Lorraine Duc de Guise, & d'Anne d'Est de la maisō de Ferrare, fut pourueu de l'estat de grand Maistre de France apres le decez de son pere, aux vertus & vaillances duquel il a succédé, comme il a fait paroistre au siege de Poitiers qu'il defendit si vertueusement en l'an 1569. avec le Duc de Mayene son frere, puis apres en la defaite des Reistres cōduits par le sieur de Thoré 1575. & encores mieux en vne secōde defaite merueilleuse d'une puissante armée d'Allemands à Auneau en Beaussé en Nouëbre 1587. lesquels exploits sont plus que suffisans pour eterniser sa memoire. Mais

par vn mal-heureux defastre, il finit ses iours d'une mort violente en la ville de Blois le 22. Decembre 1588. en suite de laquelle on a veu depuis de tres-grandes reuoltes, qui ont presque ruyné l'Estat de ceste ancienne Monarchie.



41. Bern. de la Valette. *Admiral de France.* 42. François de la Nouë. 43. Arman. de Biron. *Mareschal de France* 44. Anne d'Anglure. *Sr de Giury.* 45. Loys de Gonzague. *Duc de Nevers.*

41. BERNARD de Nogaret sieur de la Valette estoit issu de la famille de Guillaume de Nogaret de S. Felix du pays de Languedoc, homme de grand sçauoir, d'extreme hardiesse & de grande entreprise, qui fut Chancelier de France du temps du Roy Philippes le Bel & de son fils Louys Hurin. Il a esté vn des plus valeureux Gentils-hommes de son tēps, & a fait de grands seruites aux Roys Charles IX. Henry III. & au Roy Henry IIII. Son defunct pere estoit chef en l'an 1568. de 8. Cornettes de cāuallerie, avec lesquelles il se presenta au siege de Chartres pour secourir les assiegez, & assista au siege de la Rochelle en l'an 1573. Il a fait de grands faicts d'armes en Dauphiné & Prouence, & mesme en vne notable desfaicte des Suisses, qui fut cause que dès l'an 1588 il fut pourueu de l'estat d'Admiral de France, par la resignation du Duc d'Espernon son frere, & est decedé en Feurier 1592.

42. FRANÇOIS de la Nouë natif de basse Bretagne s'est rendu admirable, tāt par la cognoissance des bonnes lettres, que par le manient & experience des armes, & a rendu preuue de l'vn & de l'autre, comme tesmoignent ses discours Politiques & militaires, & les obseruations qu'il a faictes sur plusieurs choses aduenues aux trois premiers troubles, aussi que les histoires de nostre temps font foy, qu'il s'est trouué aux batailles de Dreux, de S. Denis, de Bassac, & de Montcontour, & aux sieges & prises de plusieurs villes, & depuis que le Roy Henry IIII. a esté paruenu à la Couronne, il a grandement fait paroistre sa valeur & grandeur de courage, sçauoir au secours qu'il dōna à Senlis assiegé par le Duc d'Aumale, à la bataille d'Yury, & au siege de Paris, & finalement il est mort pour le seruice du Roy au siege de Lamballe, l'an 1591.

43. ARMAN de Gontaut de Biron, fut fait Mareschal de France l'an 1577. par le decez du sieur de Montluc, aussi se ressembloient-ils en vaillāce & generosité, estans tous deux Gascons, & tous deux paruenus aux estats & honneurs militaires par mesmes degrez, & s'estans tous deux trouuez à toutes les iournées, rencontres & sieges memorables, qui ont esté depuis qu'ils ont esté capables de porter les armes. Il a esté au siege de Chartres en l'an 1568. de Poictiers en 1569. à la bataille de Montcontour, au siege de la Rochelle, & toutesfois & quantes qu'on a fait la guerre aux pretendus reformez, mesmes cōtre les Allemans à Auneau en Beausse, il a fait de grandes prouesses. De son temps estant aduenue la reuolte des principales villes du Royaume, & de la pluspart des subiects du Roy, il a esté l'vn de ceux qui a plus trauaillé à maintenir le droit de sa Majesté. Les iournées d'Arques, & d'Yury, & les sieges de Paris, de Rouen, & d'autres villes en font foy, & la prise de Clermont en Beauuoisis, & estāt decedé en l'an 1592. au siege d'Espenay, il a eu cest heur, que son fils succedant à sa qualite de Mareschal de France en la fleur de son aage, & à sa generosité, a paracheué par ses heroïques exploicts ce qu'il auoit si bien commencé, ayans esté l'vn & l'autre des principaux restaurateurs de cest Estat.

44. ANNE d'Anglure sieur de Giury, fils de celuy qui fut tué combattant valeureusement pour le seruice du Roy en l'an 1562. à la bataille de Dreux, a montré qu'il n'estoit moins vaillant ny moins affectiōné au seruice de son Prince que son pere. La fuite du Duc d'Aumale, & de ceux qui assiegeoient Senlis en l'an 1589. & les batailles d'Arques & d'Yury, où il commādoit à vne troupe de cheuaux legers, en rendent vne suffisante preuue, comme aussi les sieges de Paris, de Corbeil, de Noyon, de Rouen, de Chartres, de Dreux & de Laon,

auquel il fut tué en l'an 1594. ayant quelque temps auparauant espousé la fille du Chancelier de Cheuerny, veufue du Marquis de Neesse, qui estoit mort de la blessure qu'il auoit receüe à la iournée memorable d'Yury.

45. LOVRS de Gonzague Duc de Neuers, issu de l'illustre maison des Ducs de Mantouë en Italie, de par sa femme fille aînée de François de Cleues, est paruenue au Duché de Niurnois, & autres grâdes Seigneuries, & en continuant la generosité & vaillâce de ses predecesseurs, a faict de signalez seruices à ceste Couronne: il fut en l'an 1573. au siege de la Rochelle, & en l'année 1588. Lieutenant general du Roy en l'armée de Poictou, où il prit de force Mauleon & Montagu, & l'année suiuiante la Ganache. Incontinēt apres la conuersion du Roy Henry IV. il fut enuoyé à Rome 1593. pour rendre au nō du Roy l'obeyssance au Pape Clement VIII. & estāt de retour, il assura en l'an 1595. la Picardie, & fortifia Amiens, Corbie, & S. Quentin estonnées de la puissante armée conduite par le Comte de Fuentes pour le Roy d'Espagne, & mesme enuoya avec de belles troupes son fils vnique le Duc de Retelois dans Cambray, mais quelque temps apres il mourut fâché d'vne part de la perte de la ville qui s'estoit rendue à l'Espagnol, & d'autre part content de ce que son fils s'estoit monstré si vaillant en la conduite du secours qu'il y auoit ietté, & de ce que le Pape auoit donné sa benediction au Roy.



François d'Espinau
S^r de Saint-Luc



Robert Gaguin



Georges d'Amboise
Cardinal.



Charles de Lorraine
Cardinal.



Charles de Bourbon
Cardinal.

46. FRANÇOIS d'Espinau sieur de S. Luc sera à iamais recommandable à la posterité à cause de sa valeur, grandeur de courage, & dextérité au fait des armes. Le Roy Henry III. luy donna le gouuernement de Broüage, & le Roy Henry III. le fit son Lieutenant General en Bretagne en l'année 1592. & apres le decez du sieur de la Guiche il fut grād Maistre de l'artillerie de France. Il auoit espousé Ieanne de Cossé fille de Charles Marechal de Brissac, & apres son trespas il composa des regrets funebres sur sa mort en vers François, esquels il a monstré la gentillesse de son esprit, & tesmoigné qu'il n'estoit moins sçauant que vaillant. Estant au siege d'Amiens le cinquiesme de Septembre 1597. il fut tué dans les tranchées, & obtint ce graue & digne tesmoignage de sa valeur par la bouche de sa Majesté, d'auoir ce iour-là perdu vn tres-vaillant & tres-fidelle seruiteur, & tout le camp déplora ceste perte commune à toute la France, comme d'vn des plus braues Capitaines de son siecle, & des plus signalez Gentils-hommes du Royaume.

47. ROBERT Gaguin dès son ieune aage fit profession de l'ordre des Mathurins en Picardie, & estant venu estudier à Paris, il fut Docteur en Decret, & esleu General de son ordre l'an 1473. Les Roys Charles VIII. & Louys XII. l'auoient en telle reputation qu'ils l'ont enuoyé par diuerfes fois en Ambassade, tant en Italie vers le Pape & les Florentins, qu'en Angleterre & Allemagne. Il a escrit l'histoire de France, & autres liures. Il mourut le 22. May 1501. & est enterré en l'Eglise des Mathurins de Paris, la nef de laquelle il auoit faict paracheuer & bastir le Cloistre, & dresser la Bibliotheque.

48. GEORGE d'Amboise fils puîné de Pierre d'Amboise, Chambellan du Roy Louys XI. & d'Anne de Buicil de la maison de Sancerre, auoit vne gentillesse d'esprit admirable, & vne prudence incroyable, qualitez qui le firent aymer au Roy Louys XII. de sorte qu'il le fit son Lieutenant General delà les Monts. Le Pape Alexandre VI. luy enuoya en l'an 1499. le chapeau de Cardinal, & l'année ensuiuiante il le fit Legat en France pour 18. mois, & auoit tel credit enuers les Cardinaux, qu'apres le decez d'Alexandre ils l'eussent esleu Pape, n'eust esté l'empeschement que luy donnā le Cardinal Ascagne Sforce, qu'il auoit deliuré de prison. Il appaisa vne grande sedition qui s'esleua en l'Vniuersité de Paris, esmeue contre le Chancelier de France Guy de Rochefort. Il fut Archeuesque de Narbonne, & puis de Roüen, où il procura l'establissement du Parlement qui y

est. Estant Legat, il reforma les quatre Mendians, & mourut en l'an 1509.

49. CHARLES Cardinal de Lorraine fils puîné de Claude de Lorraine Duc de Guise, & d'Anthoinette de Bourbon fut dès l'aage de six ans instruit aux lettres & disciplines, où il profita tellement qu'il a esté l'un des plus doctes Prelats de nostre tēps, & doué d'un esprit esmerueillable en toutes choses. C'est pourquoy le Roy Henry II. le fit chef de son Conseil Priué. Il fut Archeuesque & Duc de Rheims dès l'aage de 14. ans. Il a presché publiquement plusieurs fois en la presence des Roys Henry II. François II. & Charles IX. & sont imprimées deux de ses harangues remarquables: entr'autres, l'une qu'il fit au Colloque de Poissy 1521. & l'autre au Concile de Trente 1562. Il mourut en Auignō le 26. Decembre 1574. aagé de 49. ans & 10. mois, & est inhumé en l'Eglise cathedrale de Rheims.

50. CHARLES Cardinal de Bourbon fils puîné de Charles de Bourbon Duc de Vendosme, & de François d'Alençon, fut Prince plus apte pour la paix que pour l'art militaire: aussi fut-il destiné à l'Eglise, pour le regime & gouuernemēt de laquelle il sembloit estre né. Il fut Cardinal estant encores ieune, puis Archeuesque de Rouē, & Abbé de saint Germain des Prez lez Paris. Il a fondé vne belle Chartreuse à Gaillon, & vn College pour les Iesuites à Paris rue saint Antoine. Parce qu'aux derniers troubles on se seruoit de son nom, il fut mis en seure garde à Blois, puis conduit à Chinon, & finalement à Fontenay le Comte en Poitou, auquel lieu accablé de maladie & de vieillesse, il mourut en l'an 1590. lors du siege de Paris, aagé de 67. ans ou enuiron.



51. ODET de Colligny.
Card. de Châtillon.



52. RENÉ de Birague.
Card. et Chanc. de Fra.



53. PIERRE de Pinac.
Arch. de Lyon.



54. FRANÇOIS de Faucon.
Euesq. de Carcassonne.



55. GUILLAUME Viole.
Euesque de Paris.

51. ODET de Colligny fils de Gaspard de Colligny Marechal de France, & frere de Gaspard & François de Colligny fut dédié à l'estat Ecclesiastique dès sa ieunesse, & fut pourueu de l'Euesché de Beauuais. En l'an 1533. lors que le Pape Clement VII. vint à Marseille pour le mariage de Catherine de Medicis sa niece, il fut créé Cardinal, & depuis fut Archeuesque de Tholose: Il assista au Colloque de Poissy en l'an 1561. Mais ayant changé de religion, il porta les armes, & en fin se retira en Angleterre, où il deceda en l'an 1571. lors qu'il brasloit le mariage de Henry III. lors Duc d'Anjou, avec la Royne Elisabeth.

52. RENÉ de Birague Milanois, fils puîné de Galeas de Birague, & de la fille de Theodore Triulce Marechal de France, fut instruit aux bonnes lettres, & par degrez est paruenue à l'estat de Chancelier de France. Il fut premierement Conseiller au Parlement de Paris, puis Maître des Requestes, premier President à Thurin, & Ambassadeur pour le Roy au Concile de Trente, & vers l'Empereur; & à son retour il fut Gouverneur de Lyon, & en fin Garde des Seaux & Chancelier, & apres le decez de sa femme il fut Euesque de Lauaur, & Cardinal, & mourut à Paris le 24. Nouembre 1583. aagé de 76. ans, & est enterré avec sa femme à sainte Catherine du Val des Escolliers.

53. PIERRE d'Epinaç yssu de la noble & ancienne maison d'Epinaç en Forest, & de par sa mere de l'illustre famille d'Albon de saint André, fut Archeuesque & Comte de Lyon, & Primat des Gaules. Le Roy Henry III. l'ayant ouy haranguer pour le Clergé aux Estats de Blois de l'an 1576. commença à en faire grand estat, & à l'aymer pour l'auoir recogneul'un des plus dignes Prelats de son ordre, d'un esprit prompt & vigoureux, & d'une eloquence admirable, se souuenāt que toutes les fois que ce torré de paroles & de raisons se desbordoit sur quelque matiere, il emportoit toutes les voix de son Conseil. Et s'il ne se fust embrouillé dans le party de la Ligue, vray-semblablement le Roy luy eust donné la garde des Seaux de France, & luy eust procuré vn chapeau de Cardinal. Il mourut à Lyon en l'an 1600. & luy a succédé à l'Archeuesché le fils de Monsieur de Bellièvre tres-digne Chancelier de France.

54. FRANÇOIS de Faucon natif de Montpellier, fils de Falco de Falconi, & de

Charlotte de Bucelli, nobles Florentins, desquels les predecesseurs se retirerent de Florence, à cause des grandes esmorsions de la Republique, & s'habiterent en Languedoc, & en Prouence, fut personnage d'excellent & rare esprit, & d'une memoire admirable, qui luy demeura entiere iusques à l'extreme vieillesse de 81. an. Il fut dès sa ieunesse employé en de grandes negociations par le Roy François I. & les Papes Leon X. & Clement VII. Il fut Euesque d'Orleans, où les marques de sa pieté & liberalité se voyent encores aux ruines de l'une des voultres qui restent de l'Eglise de sainte Croix. Depuis il a esté Euesque de Carcassonne, où il deceda en Septembre 1565. Son neveu & heritier Claude de Faucon sieur de Ris, merite d'estre inseré en ce lieu, lequel ayant esté Conseiller au Parlement de Paris, depuis President aux Enquestes, & en fin Conseiller d'Estat, & premier President de Bretagne, apres auoir fidelement seruy les Roys Charles IX. Henry III. & IIII. mourut à Paris le 29. Septembre 1601. aagé de 65. ans.

55. G V I L L A V M E Viole Parisien, issu de la noble & ancienne famille des Violes, fut premierement Conseiller d'Eglise au Parlement de Paris, qu'il exerça si long temps qu'il paruint en la grand Chambre, puis par la resignation d'Eustache du Bellay il fut pourueu de l'Euesché de Paris, où il fit son entrée le 18. de Mars 1565. apes auoir esté sacré, mais il en iouyt fort peu, & n'eut quasi le moyé de faire paroistre combien il estoit digne de ceste charge, parce que dès le 4. de May 1567. il mourut, & fut enterré en l'Eglise de nostre Dame, cathedrale de son Euesché. Je ne puis en ce lieu oublier le docte Abbé de S. Euuerre d'Orleans, qui estoit son cousin germain paternel, Prelat duquel la memoire durera eternellement, pour la parfaite cognoissance qu'il auoit des langues sanctifiées en l'arbre de la Croix, & pour son erudition singuliere & science Astrologique qui le rendoient admirable enuers les plus doctes.



56. Jean de Moruilliers.
Euesque d'Orleans.

57. Jacques Amiot.
Euesque d'Auxerre.

58. Nicolas de Thou.
Euesque de Chartres.

59. Claude Despençe.

60. Jacques de Billy.
Abbé de S. Mich. en Thon.

56. JEAN de Moruillier Euesque d'Orleans, natif de Blois, issu de la famille de Philippes de Moruillier, qui fut premier President au Parlement de Paris dès l'an 1420. & de Pierre de Moruillier Chancelier de France en l'an 1461. a esté en tres-grande estime & reputation vers les Roys François I. Henry II. François II. Charles IX. & Henry III. & employé par eux aux traictez d'importtance, accords & pacifications de ce Royaume: aussi estoit-il pourueu d'une rare doctrine, d'un merueilleux iugement, & d'une longue experience au maniement des affaires d'Estat. Il mourut à Tours le 23. Octob. 1577. aagé de 70. ans, & est inhumé dans l'Eglise des Cordeliers de Blois, ayant esté quelque temps garde des Seaux.


57. I A Q V E S Amiot de Melun fut choisi pour estre Precepteur des enfans de France, fils du Roy Henry II. lesquels estans paruenus successiuelement à la Couronne, ont grandement honoré & recogneu ses merites, l'ayans faict pouruoir des Abbayes de Bellozane & de S. Corneille de Compiègne, de l'Euesché d'Auxerre, & de l'Estat de grand Aumosnier de France. La renommée de ce Prelat est espandue par tous les lieux où la langue François a cours, & est reputé le plus sçauant & plus fidele traducteur des liures Grecs en nostre vulgaire qui ait esté, & specialement des œuvres de Plutarque, qu'il a faict parler François, & par ce moyen il a grandement embelly & enrichy nostre langue, & plusieurs doutent si Plutarque parle mieux en sa langue par la douceur de la Grece, que par la grace d'Amiot en François. Il est decedé audit Auxerre l'an 1592.

58. N I C O L A S de Thou fils puîné d'Augustin de Thou President au Parlement de Paris, & de Claude de Marle, fut Conseiller audit Parlement, & depuis Euesque de Chartres, lequel a esté si soigneux du salut du peuple, qui luy estoit commis, qu'il a composé vn iuste volume d'instructions pour l'intelligence & vſage des Sacrements de l'Eglise, & sur le declin de son aage il a eu cest heur, qu'en Feurier 1594. il a oingt & sacré le Roy Henry III. en la ville de Chartres, & a veu

que depuis ce Sacre toutes les villes & subiets reuoltez se sont remis come par miracle en peu de temps en l'obeyssance de sa Majesté, tout ainsi qu'il aduint du temps de Charles VII. apres quil eut esté oingt à Rheims par Arnaud de Chartres Archeuesque de Rheims, & Chancelier de France.

59. **CLAUDE** Despence natif de Chaalons en Châpaigne, issu de noble famille, tant de l'estoc de son pere, que de sa mere, qui estoit des Vrsins, apres auoir esté instruit es disciplines & sciences humaines, s'adonna à la Theologie, en laquelle il fut excellent Docteur. Il estoit tres-fameux Predicateur, & a esté appelé par les Roys Henry II. François II. Charles IX. aux assemblées qui ont esté faictes à Melun, à Bologne, à Orleans, & à Poissy, pour composer les differents sur le fait de la Religion. Il a composé plusieurs. escrits de sa profession en Latin & en François, & mourut à Paris le 5. Octobre 1571. en l'aage de 60. ans, & est enterré en l'Eglise de saint Cosme.

60. **IAQUES** de Billy issu de la noble maison de Prunay, nasquit à Guise lors que son pere Louys de Billy puisné de Couruille y commandoit pour le Roy en l'an 1535. Il estoit homme tres-docte en Hebreu, en Grec, & en Latin, & a traduit plusieurs liures Grecs & Latins, entr'autres les œuvres de ce grand Euesque & Theologien S. Gregoire de Nazianze. Il a esté Abbé de S. Michel en l'Her pres la Rochelle, & estoit frere de Jean de Billy, autrefois Prieur de la Chartreuse de Gaillon. Il mourut à Paris le iour de Noël 1581. & gist dans l'Eglise S. Seuerin.



Gentian Heruet.

Francois Olivier.

Michel de L'hospital.

Philippe Hurault.

alt. Franc. de Montholon.

61. **GENTIAN** Heruet natif d'Oliuet pres la ville d'Orleans, estoit Docteur en Theologie des plus renommez del'Vniuersité de Paris, & Chanoine en l'Eglise cathedrale de Rheims, lequel a composé plusieurs liures de sa profession, & en a traduit de Grec en Latin, & de Latin en nostre langue, & entr'autres les 22. liures de la Cité de Dieu de S. Augustin, avec le Commentaire de Louys Viues. Il deceda en l'aage de 85. ans, & est enterré audit Rheims.


62. **FRANÇOIS** Olivier Parisien, fils de Jacques Olivier premier President au Parlement de Paris, fut pour sa suffisance & merite fait Chancelier par le Roy François I. en l'an 1545. & il môta à cest estat par les grands degrez du Palais. Car il fut Aduocat en Parlement, depuis Conseiller, puis apres President, Ambassadeur, & Chancelier d'Alençon, & en fin Chancelier de France. Il mourut à Amboise l'an 1560. le 30. Mars, & est enterré à Paris en l'Eglise de S. Germain.

63. **MICHEL** de l'Hospital natif d'Auvergne fut subrogé au lieu dudit deffunct Olivier. Il fut premierement Auditeur de la Rote à Rome, & s'estant retiré en France, il fut Conseiller au Parlement de Paris, depuis Surintendant de la Chambre des Comptes, puis apres Chancelier de Madame Marguerite Duchesse de Sauoye, & finalement Chancelier de France. Outre qu'il estoit tres-sçauant Iurifconsulte, Philosophe, & Orateur, il auoit acquis vne perfection de composer en toutes sortes de poésie Latine fort elegamment: il mourut aagé de soixante-huict ans en Mars 1573.

64. **PHILIPPE** Hurault Comte de Chiuerny, issu d'une noble & ancienne maison de Bretagne, estoit homme de grande conduite, sçauoir & experience aux affaires d'Etat, qualitez qui l'ont esleué à ce souuerain faiste & comble d'honneur, qui est d'auoir eu la garde des Seaux de France. Apres le decez du sieur Cardinal de Birague, il fut Chancelier en chef, & Cheualier pareillement des deux ordres du Roy, aufquels estats durant l'orage des troubles derniers il s'est si prudemment gouverné, qu'en mourant il a acquis le tiltre d'un des plus sages & aduisez personages de son siecle.

65. **FRANÇOIS** de Montholon aîné de la famille des Montholons de Bourgogne, originaire de l'ancienne ville d'Autun, fut premierement Aduocat

celebre au Parlement de Paris, apres Aduocat du Roy en l'an 1533. puis President en ladite Cour, & en fin garde des Seaux de France, lors que le procez fut fait au Chancelier Poyet, & mourut l'an 1544.



Gilles le Maître
Premier President



Christophe de Thou
Premier President



Christophe de Harlay
President



Pierre Seguier
President



Guy du Faur
Sr de Pibrac.

66. GILLES le Maître Parisien, surnommé Magistri, ayant esté Aduocat fameux au Parlement de Paris, fut en l'an 1540. Aduocat General, qu'il exerça dix ans avec grande reputation: puis en l'an 1551. lors que Pierre Bertrandi eur la garde des Seaux de France, il fut premier President audit Parlement, plein de pieté, doctrine & integrité. Il mourut audit Paris l'an 1562. & est enterré en la Chapelle aux Cordeliers.

67. CHRISTOPHE de Thou Parisien, Seigneur de Celi, fils d'Augustin de Thou, & de Claude de Marle, President au Parlement de Paris, ayant dès son retour des estudes de Droit esté Aduocat fameux audit Parlement, succeda à l'estat de son deffunct pere, & apres le decez de M^{rs} Magistri fut pourueu de l'office de premier President, il a tres-dignement exercé durant les guerres ciuiles iusques au premier de Novembre 1582. auquel iour il deceda aagé de septante quatre ans, & est enterré en la Chapelle en l'Eglise de saint André des Arcs. Il auoit l'esprit fort vis, prompt, & vigilant, avec vne grauité modeste; il faisoit plaisir à tous, & auoit le public en tres-grande recommandation. Il a laissé des enfans & gendres heritiers de ses rares vertus, & de ses honneurs, ensemble de sa doctrine incomparable.

68. CHRISTOPHE de Harlay Parisien, extraict de noble & ancienne race, fut Conseiller au Parlement de Paris, & depuis l'un des quatre Presidents de la Cour, auquel estat il a vescu en telle integrité, & rendu avec tant d'esgalité la iustice à vn chacun, qu'il a laissé à tous en mourant vne souëfue odeur de sa vie: & son fils aisné ayant succédé à son estat & à ses vertus, il les a tellement accreuës, que pour le respect d'icelles l'an 1582. le Roy Henry III. le fit chef de son Parlement, où il s'est porté si dignement, mesmes au plus fort de l'orage des troubles derniers, que le feu Roy Henry III. s'est autant par sa iustice, conduite par vn tel chef, fait craindre & redouter à ses subjects reuoltez, qu'aux estrangers par sa valeur incomparable.

69. PIERRE Seguier Parisien, merite d'estre grandement recommandé pour son sçauoir, eloquence, bonne vie, & autres perfections qui estoient en luy. Ayant plaidé long-temps pour les parties au Parlement, il y fut Aduocat du Roy l'an 1550. & en fin President. Il deceda en l'aage de septante-six ans, l'an 1580. le 25 d'Octobre, & est inhumé en la Chapelle à saint André des Arcs. Il a veu tous ses enfans imitateurs de sa vertu, pourueus de grands estats de son viuant, y en ayant eu deux dignes Presidents de la Cour.

70. GUY du Faur sieur de Pibrac, fils d'un President du Parlement de Tholose, fut premierement Conseiller au grand Conseil, & Iuge Mage audit Tholose. Il fut Ambassadeur pour le Roy Charles IX. au Concile de Trente, où il fit paroistre les forces de son eloquence qu'il auoit apprise de Pierre Bunel son Precepteur, & depuis en l'exercice de l'estat d'Aduocat General au Parlement de Paris, & au voyage qu'il fit deux fois en Pologne, & à son retour fut President de la Cour, & Chancelier de feu Monsieur le Duc d'Anjou, peu auparauant lequel il deceda en l'an 1584. Charles Paschal n'agueres Aduocat du Roy au Parlement de Rouen a amplement descrit sa vie en langage pur Romain.



71. Jean de la Guesle. *President.* 72. Barnabé Brisson. *President.* 73. Jacqu. Fave. *S. desvaises President.* 74. Estienne Duranti. *pre. Presid. de Tholose.* 75. Guillaume Bude.

71. JEAN de la Guesle sieur de la Chaux Auvergnac, fils du Gouverneur du Comte d'Auvergne, ayant esté premierement Conseiller au Parlement de Paris, fut pourueu de l'estat de premier President du Parlement de Bourgogne à Dijon, où il se gouuerna avec tant d'honneur & de reputation, qu'apres le decez de Monsieur Bourdin en l'an 1570. le Roy Charles IX. luy confia la charge de son Procureur General au Parlement de Paris, au grand regret des trois Estats de Bourgogne, lesquels par leurs Deputez firent en vain supplier le Roy de ne leur oster leur President, auquel ils offrirent bailler sur la Prouince dix mill liures de pension outre ses gages & pensions ordinaires. Estant la Bourgogne sur le point de se remuer, il y fut enuoyé par le Roy Henry III. où il assoupit par sa dexterité le feu de la diuision qui s'y allumoit. Il a fait paroistre grandement sa vertu en l'exercice de ce grand & important Estat, & notamment aux Estats de Blois de l'an 1579. & à l'assemblée de sainct Germain en Laye. Et s'estant démis d'iceluy en faueur de son fils aîné en l'an 1583. le Roy luy donna vn office de President au mesme Parlement; & en fin regrettant le malheur de la France, lors que la rebellion s'estendoit par les principales villes de ce Royaume, il mourut l'an 1589. en sa maison du Laureau en Beausse pres la ville d'Espéron, & a laissé cinq enfans heritiers de sa vertu, le deuxiesme a esté tres-digne Archeuesque de Tours, & le troi-siesme Gentil-homme de singuliere erudition & valeur, fut tué en l'an 1593. au siege de Dreux, sur vn ravelin de la ville qu'il auoit gagné pour le Roy.

72. BARNABÉ Brisson Poiteuin, fils du Lieutenant de Fontenay le Comte, fut dès sa ieunesse Aduocat au Parlement de Paris, où il donna en peu de réps preuve de sa rare doctrine & suffisance; il fut pourueu de l'estat d'Aduocat General audit Parlement, puis apres de President. Le Roy Henry III. l'auoit en telle reputation, qu'il l'enuoya par deux fois en Angleterre en qualité d'Ambassadeur, & voulant faire reduire en vn Code toutes les Ordonnances des Roys ses predecesseurs, il luy donna ceste charge, dont en peu de mois il s'acquitta tres-dignement. Il a laissé plusieurs doctes escrits qui le rendrôt toujours recommandable à la posterité. Apres la rebellion de Paris, il resta seul President au Parlement, & les plus seditieux ne se pouuans persuader qu'un si grand personnage fauorist à bon escient leur party, ils le traîsnerent par force es prisons du petit Chastelet le 15. iour de Nouembre 1591. & là sans cognoissance de cause, le firent mourir miserablement, au grand regret de tous les gens de bien, & amateurs des lettres.

73. JACQUES Fave sieur d'Espeffes Parisien, issu de noble & ancienne famille en Lionnois de l'estoc de son pere, qui mourut President aux Enquestes du Parlement de Paris, & du maternel de celle des Violles, aussi des plus anciennes & mieux renommées de Paris, fut premierement Conseiller audit Parlement & Requestes du Palais, puis Maistre des Requestes de l'hostel, pour recompense des signalez seruices faits au Roy Héry III. en son voyage de Pologne, ayant le premier apporté nouuelles de son retour, & lettres de Regence à la Roynne mere. Il fut Aduocat du Roy audit Parlement 1580. où il fit paroistre la force de son eloquence. Il sceut prudemment s'eschapper de Paris avec le Roy son maistre le iour des Barricades, & l'assista si courageusement, que le voyant abandonné de la plus-part de ses villes & subjets à ces grands soulleuemens de Blois, il prit le timon en main avec vn office de President pour establir le Parlement à Tours, & y conduisit si bien les affaires en ceste plus grande ardeur des troubles, qu'il rompit les premiers efforts de la Ligue; De sorte que le Roy qui sembloit le plus foible, parut en

peu de temps au dessus de ses ennemis, & apres son funeste parricide ; conserua tellement (bien que seul pour lors chef & President audit Parlement) par les incomparables effects de sa valeur ladite ville de Tours , capitale de la Prouince, & tout le pays d'alentour en l'obeyssance du Roy successeur, lors fort esloigné & renfermé vers Dieppe, que peu apres il y fut recogneu & receu tres-heureusement: & depuis se trouua au siege de Paris l'an 1590. à la suite de son maistre, sembla que Dieu l'y eust appelé pour venir mourir à ses pieds: car estant là atteint d'une fièvre mortelle en l'age de 46. ans, il se fit porter à Senlis, afin que comme il auoit vescu constant & fidele au seruice du Roy, il finist ses iours en vne ville recommandée de pareille constance & fidelité, où il fut enterré le 19. de Septembre, & fut fort regretté.

74. I E A N Estienne Duranti fils d'un Conseiller au Parlement de Tholose, fut Aduocat des plus fameux dudit Parlement, depuis Aduocat du Roy en l'an 1568. & en fin premier President en l'an 1581. qu'il exerça avec toute integrité iusques au 10. Feurier 1589. qu'il fut mal-heureusement massacré par la populace rebelle dudit Tholose, parce qu'il estoit tres-fidele seruiteur du Roy. Il a vescu 56. ans, & est enterré aux Cordeliers dudit lieu. Son liure *De ritibus Ecclesie*, imprimé à Rome depuis son decez par le commandement du Pape Sixte V. montre suffisamment sa doctrine, & de quelle religion il estoit.

75. G V I L L A V M E Budé Parisien, homme de rare & prodigieuse erudition par ses incomparables escrits en Grec & en Latin, a frayé aux amateurs des lettres le droit chemin pour paruenir à l'immortalité. Il a esté Secretaire du Roy, puis maistre de la Librairie Royale, & Maistre des Requestes. Il deceda à Paris le 25. Aoust 1540. aagé de 73. ans, & gist à S. Nicolas des Champs.



76. François de Montholon, Garde des Seaux. 77. André Tiraqueau. 78. Baptiste du Mesnil, Aduocat general. 79. Gilles Bourdin, Procureur general. 80. Guy de Lestrat.

76. F R A N Ç O I S de Montholon Parisien, fils aîné de François de Montholon, President & garde des Seaux, ayant tousiours fuy les estats & offices, fut en l'an 1588. au temps des derniers troubles pour son integrité de vie & sçauoir, choisi entre les Aduocats celebres du Parlement par le Roy Henry III. pour estre garde des Seaux de France, & mourut en ceste sublime dignité l'an 1590. en la ville de Tours, peu de tēps apres le decez du Roy son maistre.

77. A N D R É Tiraqueau natif de Fontenay le Comte en Poictou, & Lieutenant dudit lieu, fut pourueu d'un estat de Conseiller au Parlement de Paris par le Roy François I. auquel on auoit fait reoit de sa grande erudition. Le grand nōbre des escrits qu'il a laissé à la posterité, montrent assez combien il estoit laborieux & assidu, & qu'il auoit cognoissance de toutes les sciences. Il mourut à Paris en son extreme vieillesse l'an 1558.

78. B A P T I S T E du Mesnil Parisien, a esté des plus renommez en doctrine & bonne vie, qu'aucun autre qui ait esté de son temps. Ayant esté l'espace de 17. ans Aduocat des parties au Parlement de Paris, il fut l'an 1558. pourueu de l'estat d'Aduocat du Roy qu'il a exercé tres-dignement iusques au 12. d'Aoust 1569. qu'il deceda regretté de toute la Cour, & fut enterré à Paris à saint Iean en Gréve, en l'age de 51. an dix mois quatre iours.

79. G I L L E S Bourdin Parisien, fut Aduocat au Parlement de Paris, puis Lieutenant General au siege des eaux & forests de France, par apres Aduocat General audit Parlement en l'an 1555. & en fin Procureur General du Roy en l'an 1558. iusques au 23. Ianuier 1570. qu'il mourut d'une apoplexie aagé de 53. ans ou enuiron. Il estoit fort sçauant es langues Hebraïque, Arabeque, Grecque, Latine, & autres plus prisées en l'Europe, & en l'age de 28. ans, il fit vn Commentaire Grec sur vne Comedie d'Aristophane, intitulée *Cereris sacra celebrantes*, qu'il dedia au Roy François dès l'an 1546. Il auoit parfaite co-

gnoissance de toutes sciences, outre la Jurisprudēce & la routine du Palais. Il a commenté en Latin l'Ordonnance de l'an 1539. & a vescu sous les regnes de quatre Roys, remply d'un grand zele enuers Dieu, d'une singuliere integrité pour le faict de la Iustice, & d'une ardente affectiō en ce qui cōcernoit le public, qui rendront sa memoire à iamais recommandable à la posterité.

80. GUY del'Esrat Angeuin, fils de Guillaume de l'Esrat (qui auoit esté Auditeur de Rote à Rome, puis Conseiller au grand Cōseil, & en fin Lieutenant General & President au siege Presidial d'Angers) & d'Anne Bodet de Blois, fut premierement Conseiller au Parlement de Bretagne, depuis Seneschal de Nantes, President Presidial & Lieutenant General audit Angers. Les remonstrances qu'il a faictes aux ouuertures de la Jurisdiction en son siege, rendent assez de preuue de sa profonde erudition, & de son bel esprit. Il mourut à Paris le 4. May 1583. aagé de 37. ans. Depuis son decez son estat de Lieutenant General a presque tousiours esté en litige, mais finalement Marin Boilefue sieur de la Maurouziere en a esté pourueu dès l'an 1589. lequel pour ses merites, & pour auoir bien conserué la ville d'Angers durant ces derniers troubles en l'obeyssance du Roy, a esté par luy honoré du tiltre de Cheualier par lettres patentes du 19. May 1599. verifiées en la Chambre des Comptes & en la Cour des Aydes, le vingt-quatriesme Nouembre & douziemes Decembre ensuiuants, & par autres lettres du mois de Ianuier 1598. luy a esté permis d'adjouster à ses armes deux ou trois fleurs de lys: ce qui merite vne plus particuliere recommandation.



Philippe Dece, André Alciat, François Duaren, Equinaire Baron, François Balduin

81. PHILIPPE Dece Milanois, tres-grand Iuriscoultre & subtil de Pise, où il auoit pris femme, & estoit Docteur Regent, il fut attiré à Paue, & là pour auoir trop librement donné son aduis pour le Concile de Pise contre le Pape, sa maison fut pillée, & fut contraint se retirer à Bourges, où il leut deux ans, puis à Valence. Estant retourné en Italie, il mourut à Sienné le douziemes Octobre 1535. aagé de plus de quatre-vingts ans, & est enterré à Pise.

82. ANDRÉ Alciat aussi Milanois Iuriscoultre tres-excellent, estoit pourueu d'une merueilleuse viuacité d'esprit, d'un grand sçauoir & iugement. C'est luy qui le premier a chassé la Barbarie d'entre les interpretes du Droit. Il a composé plusieurs liures de sa profession, & enseigné à Bourges, Orleans & autres Vniuersitez de France, comme aussi il a faict en Italie, à Padoue, à Bologne, & à Paue, où il mourut l'an 1548. en l'aage de cinquante six ans.

83. FRANÇOIS Duaren de saint Brieue en Bretagne, a laissé plusieurs Commentaires sur le Droit, dont il faisoit profession, qui monstrent sa grande doctrine & erudition. Il a escrit en langage poly & pur Romain, en continuant ce que le grand Alciat auoit si bien commencé. Sa principale demeure a esté en la ville de Bourges, où il estoit reputé le premier Iuriscoultre de son temps, & y est mort l'an 1559. aagé de cinquante ans.

84. EQUINAIRE Baron notable Iuriscoultre, estoit aussi Breton, natif de l'Euesché de Leon, lequel a enseigné long-temps le Droit es Vniuersitez d'Angers & de Bourges, & estoit en reputation d'homme tres-docte, & tres-diligent. Il mourut audit Bourges en Aoust 1550. en l'aage de cinquante-cinq ans.

85. FRANÇOIS Balduin fils d'Antoine Balduin Aduocat du Roy à Arras, fat grand & fameux Iuriscoultre, & fort versé en l'histoire & aux lettres humaines, qu'il a tousiours conjointes avec la profession du Droit qu'il a enseigné quasi en toutes les celebres Vniuersitez de ce Royaume, & principalement à Angers où il estoit demeurant, lors qu'en l'année 1573. il fut mandé pour respondre aux Ambassadeurs de Pologne, qui estoient venus à Paris, en laquelle année aagé de 53. à 54. ans il mourut, & est enterré au Cloistre des Mathurins.



Jacques Cuias, Antoine le Conte, François Holtoman, Hugues Doneau, Jean Robert

86. **JACQUES** Cujas Tholosain, apres auoir esté instruit aux lettres Grecques & Latines, s'addonna à l'estude du Droit Romain, duquel il a esté si admirable Interprete, qu'il a remporté le prix par dessus tous les Iuriconsultes modernes, & qu'il est recogneu pou estre vn miracle de nostre siecle. Il a esté recherché pour sa singuliere erudition de toutes les Vniuersitez de France. Ayant leu à Caors, à Valence en Dauphiné, & à Thurin, il a en fin esleu son domicile à Bourges, où en l'année 1590. il deceda. Le Roy l'honora d'un estat de Conseiller au Parlement de Grenoble, lors qu'il estoit à Valence, sans qu'il fut tenu y resider. Ses œuvres qui courent par tout le monde tesmoignent assez sa doctrine solide, & vaut beaucoup mieux se taire, que de dire trop peu de loüages d'un si grand & si rare personnage.

87. **ANTOINE** le Comte fils de Jean le Comte, Lieutenant General de Noyon en Picardie, a aussi esté fort celebre Iuriconsulte, & Docteur Regent es Droicts de l'Vniuersité de Bourges, où il a demeuré & faict profession d'enseigner le Droit iusques en l'aage de cinquante-sept ans, qu'il deceda en l'an 1586. Il a beaucoup profité au public par ses lectures, doctes escrits, & par l'exacte correction qu'il a faicte des fautes qui se trouuent esparfes parmy le Cours Ciuil.

88. **FRANÇOIS** Hotoman Parisien, l'un des plus grands Iuriconsultes de nostre temps, & fort bien versé en l'histoire, & autres sciences, a faict profession du Droit en plusieurs Vniuersitez de France & d'Allemagne, & nous a laissé grand nombre de ses doctes escrits. Il mourut à Basle l'an 1590. aagé de soixante-cinq ans.

89. **HUGUES** Doneau Iuriconsulte, fut receu Docteur es Droicts à Bourges par François Duaren, & en a faict profession en France & en Allemagne iusques à l'aage de 65. ans qu'il mourut. Ses Commentaires sur le Droit rendent preuve de sa doctrine & solide iugement.

90. **JEAN** Robert fils de Jacques Robert, qui fut Conseiller au siege Presidial, & Docteur Regent es Droicts à Orleans, & Senateur à Milan du temps du Roy François I. a succédé à l'estat & profession de son pere audit Orleans, & par ses lectures & doctes escrits s'est acquis le tiltre de tres-sçauant Iuriconsulte. Il deceda à Neuers l'an 1590. ayant laissé quatre enfans, desquels l'aîné Anne Robert est recogneu pour vn des plus celebres Aduocats du Parlement de Paris.



Mathieu Chartier. Charles du Molin. Jean de Luc. Pierre Pithou. Franc. Grimaudet.

91. **MATHIEU** Charretier race d'Alain, qui fut excellent Historiographe, & Secretaire du Roy Charles VII. estoit la lumiere des grands Aduocats de son siecle, en toute espeece de pieté, probité & science, lequel mourut l'an 1559. aagé de quatre-vingts quatre ans, laissant vn fils de mesme nom, & gendre du premier garde des Seaux de Montholon, qui ayant esté Conseiller au Parlement de Paris par le temps de 51. an, fort renommé pour son integrité, deceda en l'aage de 85. ans, l'an 1598. l'un & l'autre sont enterrez à saint André des Arcs en leur Chapelle.

92. **CHARLES** du Moulin Parisien, Aduocat au Parlement de Paris, & Maître des Requestes de Nauarre, par ses liures qu'il a composé en Latin & en François, a donné preuve qu'il estoit l'un des plus grands Iuriconsultes de son temps, & des mieux versés en l'histoire sainte & profane. Il a escrit sur la Coustume de Paris, & faict des notes sur toutes les Coustumes de ce Royaume, qui sont de grande autorité. Il mourut à Paris en Decembre 1566. & sa memoire est tres-recommandable, pour auoir esté vn des principaux deffenseurs & conseruateurs des priuileges & libertez de l'Eglise Gallicane.

93. **JEAN** de Luc Parisien, Aduocat au Parlement de Paris, puis Secretaire du Roy, & Procureur General de la Roynie, a grandement merité du public, pour le recueil qu'il a faict des Arrests de ladite Cour, qu'il a couchez en si bons termes Latins, qu'apres le tres-docte Budée, il n'y a aucun qui ait mieux exprimé en langage Romain les formules du Palais. Il florissoit sous le regne du Roy Henry deuxiesme.

94. **PIERRE** Pithou de Troyes en Champagne, sieur de Sauoye, Aduocat au Parlement de Paris, a esté tellement adonné à la lecture des bons Auteurs, & y a faict vn si grand aduancement, qu'il merite d'estre surnommé le Varron François. Il a exercé la charge de Procureur General du Roy en la Chambre de Guyenne, en l'an 1582. & lors que la Cour de Parlement fut restablie apres la reduction de Paris en l'an 1594. il deceda au grand regret de tous les hommes sçauants, aagé de cinquante-sept ans, le premier iour de Novembre 1596. à pareil iour qu'il estoit né. Sa vie est inferée au Commentaire qu'il a faict sur les Coustumes de Troyes, amplement descrite par Iosias Mercerus.

95. **FRANÇOIS** Grimaudet Angeuin, fut premierement fameux Aduocat à Angers, depuis Conseiller au siege Presidial dudit lieu, & en fin Aduocat du Roy, & Escheuin de la ville, lequel par ses escrits laborieux s'est acquis vn grand renom entre les Iuriconsultes, qui le rendra perpetuellement recommandable à la posterité. Il mourut audit Angers le dix-neufiesme d'Aoust mil cinq cents quatre-vingts, en l'aage de soixante ans.



Antho. Matharel.



Jean Fernel.



Jacques Syluius.



Francois Rabelais.



Guill. Rondelet.

96. ANTOINE Matharel Auvergnac, a esté Aduocat celebre au Parlement de Paris, & Procureur General de Roine, fort bien versé en l'histoire, & curieux deffenseur des droicts de la succession hereditaire de la Couronne de France, comme on peut iuger par la response qu'il a faicte à la Franco-gallie de François Hottoman en l'an 1575.

97. JEAN Fernel d'Amiens, Conseiller & premier Medecin du Roy Henry II. grand Philosophe, & Mathematicien, mourut à Paris le vingt-sixiesme d'Auril 1558. aagé de cinquante-deux ans, & est enterré dans l'Eglise saint Jacques de la Boucherie.

98. JACQUES Syluius aussi d'Amiens, tres-sçauant Professeur du Roy en Medecine, aagé de soixante-trois ans deceda à Paris l'an 1553. & est inhumé au Cemetiere des pauvres Escolliers deuant le College de Montaigu.

99. FRANÇOIS Rabelais de Chinon en Touraine, Medecin du Cardinal du Bellay, excellent en sa profession, rare en doctrine, faccieux & raillard, ayant quitté l'habit de Cordelier, mourut Curé de Meudon lez Paris. Il a traduit les Aphorismes d'Hippocrate.

100. GUYLLAUME Rondelet de Montpellier, Docteur & Professeur du Roy en Medecine, & Chancelier de l'Vniuersité dudit lieu, ayant parfaicte cognoissance entr'autres choses de la nature des poissons, mourut l'an 1566. aagé de soixante ans, sans auoir iamais beu vin.




Jean de Gorris.




Louys Ioubert.



Jacq. d'Alechamps.



André Vesale.



Ambrose Paré.

101. JEAN de Gorris Parisien, fils de Pierre de Gorris de Bourges, fut Medecin des premiers, & plus renommez de son temps, Philosophe naturel, & tres-docte en Grec, & mourut en l'aage de septante-deux ans. l'an 1577.

102. LAURENT Ioubert de Valence en Dauphiné, celebre Medecin du Roy Henry III. premier Docteur, Regent, Châcelier & Iuge de l'Vniuersité en Medecine, à Mont-pellier, mourut le 29. Octobre 1582. aagé de 53. ans à Lombez.

103. JACQUES d'Alechamps de Caen en Normadie, Docteur & Professeur en Medecine à Lyon, a esté vn des plus doctes & rares personnages de nostre temps, tant en sa profession, qu'en tout genre de bonnes lettres. Il a commenté l'histoire de Pline.

104. ANDRÉ Vesale de Bruxelles, celebre Medecin du Roy d'Espagne, & reputé le plus docte Anatomiste & Chirurgien de son aage, appellé par Faloppe *Stupendum natura miraculum*, a eternisé sa memoire par ses doctes escrits.


105. AMBROISE Paré de Laual, premier Chirurgien des Roys Charles IX. & Henry III. ayât trauaillé 40. ans à l'esclaircissement de la Chirurgie, en a composé vn bel oeuvre en François qui depuis a esté traduit en Latin.



Clement Marot.



Mellin de S. Gelais.



Jean d'Aurat.



Pierre de Ronsard.



Joachim du Bellay.

106. CLEMENT Marot de Caors en Quercy, valet de Chambre du Roy François I. Poëte des Princes, & Prince des Poëtes de son aage, mourut à Thurin 1544. aagé de 60. ans.

107. MELLIN de S. Gelais Angoulmois, Abbé de Reclus, Aumosiier de François Dauphin de France, Poëte & garde de la Biblioteque du Roy, deceda à Paris en l'aage de 67. ans, & est enterré à S. Thomas du Louvre.

108. JEAN d'Aurat Limosin, Poëte du Roy en Grec, en Latin & en François, & Professeur de la


langue Grecque, mourut à Paris aagé de quatre-vingts ans en l'an 1588.
 109. PIERRE de Ronfard Gentil-homme Vendosmois, l'Homere ou le Virgile de France, & le pere des Poëtes François, deceda à S. Cosme les Tours le 27. Decébre 1585. en l'aage de 61. an.
 110. IOACHIN du Bellay Gentil-homme Angeuin, Poëte tres-renommé mourut en l'aage de 35. ans à Paris le 1. Ianuier 1559. & est enterré à nostre Dame où il estoit Archidiacre.



Louis de Mazures




Estienne Iodelle.



Remy Belleau.



Robert Garnier



Charles de S. Marthe

111. LOYVS de Mazures natif de Tournay en Flandres, a esté vn des Poëtes François qui plus heureusement nous ait traduit le Virgile en nostre vulgaire.
 112. ESTIENNE Iodelle Parisien, seur du Lymodin, tres-excellent Poëte Latin & François, mourut à Paris en Iuillet 1573. aagé de quarante & vn an.
 113. REMY Belleau natif de Nogent le Rotrou au Perche, Poëte tres-docte, deceda à Paris le septiesme Mars 1577. en l'aage de cinquante ans, & est enterré aux Augustins.
 114. ROBERT Garnier Manceau, de la Ferté-Bernard, Conseiller, puis Lieutenant Criminel au Mans, & Conseiller au grand Conseil, a emporté le prix des Poëtes Tragiques François.
 115. CHARLES de sainte Marthe Poiteuin, oncle de ce grand Sceule de sainte Marthe lumiere de nostre siecle, fut Lieutenant Criminel d'Alençon & Poëte Latin & François beaucoup renommé, qui mourut ehuiro l'aage de quarante ans, 1555.



Jean Antho. de Baif.



Maurice Seue.



Erasme de Roterd.



Christof. de Longueil.

116. JEAN Anroine de Baif Venitien, fils de Lazare Maître des Requestes, tres-sçauant és lettres Grecques, & bon Poëte François, deceda l'an 1598. aagé de cinquante-sept ans.
 117. MAURICE Seue Lyonnois, estoit au iugement mesmes de Ronfard, homme du tout grand en sçauoir, & excellent Poëte de son temps.
 118. DIDIER Erasme de Roterodam en Hollande, tres-docte Professeur des lettres humaines, s'estant acquis vn renom immortel par ses œures, mourut à Basle 1536.
 119. CHRISTOFLE de Longueil de Malines fils naturel d'Antoine de Longueil Euesque de Leon en Bretagne, tres-grand Orateur Latin, mourut à Padouë 1522. à trente-quatre ans.



Francois Vatable.



Iacques Tusan.



Guillaume Postel.



Oronce Finé.



Iacques le Febure.

120. FRANÇOIS Vatable Picard, & Iacques Tusan Champenois tous deux Professeurs du Roy, l'un en Hebreu, & l'autre en Grec, tres-sçauans en leur profession, decederent en mesme iour peu de temps auparauant le trespas du Roy François I. pere des lettres.
 121. GUILLAUME Postel de Barenton en Normandie, Professeur du Roy en douze langues estrangeres, a vescu nonante-six ans, & est decédé le 6. Septembre 1581.
 122. ORONCE Finé de Briançon en Dauphiné, excellent Professeur du Roy és Mathematiques, mourut à Paris le 6. Octobre 1555. aagé de soixante & vn an, & est enterré aux Carmes.
 123. IACQUES le Febure d'Estaples, Docteur de Sorbonne, a le premier chassé de Paris la doctrine Sophistique, & s'estant retiré à Nerac, y mourut plein d'ans & d'honneur.



I. Cesar Scaliger, Pierre Ramus, Adrian Turnebus, Pierre Belon, Mich. Nostradamus

124. I V L E Cesar Scaliger illu des Princes de Veronne, tres-excellent Philosophe, Poëte tres-docte, & grand Medecin, mourut à Agen ayant laissé son fils Ioseph d'incomparable doctrine.
 125. P I E R R E Ramus de Cuth en Vermandois, Professeur du Roy en eloquence & Philosophie, & s'estant bandé contre Aristote, fut hay de ses collegues, & tué le 24. Aoust 1572. ayant fondé vne chaire pour vn Professeur es Mathematiques.
 126. A D R I A N Turnebus d'Andely en Normandie succeda à Tufan en la profession de la langue Grecque, & fut l'honneur des lettres, & l'ornement des hommes doctes de son temps. Il mourut à Paris aagé de cinquante trois ans 1565. & enterré auprès de Syluius.
 127. P I E R R E Belon du Mans, Docteur en Medecine, homme de grand travail à rechercher les choses rares, mourut l'an 1564. ayant laissé des liures de ses voyages.
 128. M I C H E L Nostradamus de saint Remy en Prouence, Medecin du Roy, grand Mathematicien & Astrologue, deceda à saion de Craux le 2. Iuillet 1566. aagé de 62. ans.



Guill. Philander, Jean Stadius, Gerard Mercator, Abraham Ortelius.

129. G V I L L A V M E Philander de Chastillon, citoyen de Rome, s'est acquis le renom d'Architecte tres-excellent par les Notes qu'il a faictes sur Vitruue.
 130. J E A N Stadius Brabançon, Gerard Mercator de Rupelmonde, & Abraham Ortelius d'Anuers insignes Mathematiciens & Geographes de la Gaule Belgique, ont grandement merité du public par leurs compositions & Cartes Geographiques: desquels le premier mourut à Paris 1597. à 51. an, le second à Duysbourg 1593. à 82. ans, & le dernier à Anuers 1598. à 71. an.



M. Antho. Muret, Franc. de Belleforest, André Theuet, Blaise de Vigenere.

131. M A R C Antoine Muret Limosin, tres-excellent Orateur & Poëte, a paru cōme vne claire lumiere en la ville de Rome, dont il fut citoyen, & y mourut aagé de cinquante-sept ans l'an 1585. regretté de tous les hommes sçauans.
 132. F R A N Ç O I S de Felle-forest Comingeois, André Theuet Angoulmois, & Blaise de Vigenaire Bourbonnois, meritent vne singuliere recommandation, le premier & le dernier, pour auoir par leurs elegantes compositions & fides traductions beaucoup enrichy nostre langue vulgaire, & Theuet pour auoir voyagé par dix-sept ans aux terres incogneues, dont il a basti sa Cosmographie.



Robert Estienne, Christof. Plantin, Claude Garamont.

133. ROBERT Estienne Parisien, Christoffe Plantain Tourangeau Imprimeurs celebres, & Claude Garamond Parisien, Tailleur & fondeur de lettres, ont eternisé leur memoire parmy le monde, pour auoir conduit l'excellent art d'Imprimerie à sa perfection, & auoir fait reuiure par icelle tous les bons auteurs Hebreux, Grecs, Latins & François.




François Clouet. Antoine Caron. Germain Pilon. Aubin Olier.

144. La France n'a pas seulement produit d'illustres guerriers & doctes personnages, mais aussi d'excellents Peintres & Statuaires en grand nombre, & entre-autres François Clouet, dit Janet, Tourangeau, Valet de Chambre du Roy, Antoine Caron de Beauvais, & Germain Pilon Parisien, qui par leurs ouurages tant bien elabourez se sont immortalisez, comme aussi a fait Aubin Olier natif de Boilly en France, inuenteur & conducteur des engins de la monnoye du Moulin qui est en l'Isle du Palais à Paris.


ADVERTISSEMENT AV LECTEUR.

D'autant qu'il ne s'est trouué assez de place pour imprimer tous les Eloges ainsi qu'ils auoient esté dressés: il ay esté nécessité d'abreger & accourcir plusieurs d'iceux, & principalement de puis Philippes Dece Iuriconsulte iusques à la fin: Mais si quelqu'un a desir de les voir plus au long, il en pourra trouuer partie dans les Eloges Latins de ce grand personnage Sceuale de sainte Marthe Loudunois, & dans le Promptuaire des medalles, & partie dans la Bibliothèque & Supplement de Gesnerus, & dans la Prosographie & Bibliothèque d'Antoine du Verdier, & autres qui ont escrit de pareil subiect.











PORTRAICTS
DES
CHANCELIERES
ET GARDE DES SCEAVX
de France iusques
a present.



PORTRAICTS DES CHANCELIER

ET GARDE DES SCEAUX
de France iusques a present.



M. Vuidiomare ou Guinemau
grand Referendaire de
France

M. Sirelian grand con.
de Clouis et chancelier de fr.

M. S. Meslo grand con.
ou chancelier de France

MESSIRE Vuidiomare vluoit sous les Roys de France Meroué, & Childeric premier du nom. Il exerça sous eux l'estat de Conseiller, autrement dit en ce temps-là grand Referendaire, & auioird huy Chancelier de France: quelques Historiens ont voulu dire qu'il estoit Allemand de nation, & l'ont nommé diuersement. Gregoire de Tours en parle en ces termes au chap. 12. du 2. liure, *ayant esté descouuert qu'il vouloit tuer le Roy, cela s'entend du Roy Childeric, il s'achemina en Thoringe, c'est maintenant Lorraine, laissa vn grand homme d'Estat qui luy estoit cher amy, nommé Vuidiomare, pour appaiser en son absence par ces douces parolles & remonstrances l'ire, & les menaces de ceux qui luy auoient voulu courir sus, & qui vouloient attenter à sa vie.* Aymon au 7. chapitre du premier liure de son Histoire, dit ainsi, *Aupres de Childeric estoit vn certain personnage. L'vn des plus illustres d'entre les François, étroitement lié avec luy du lien d'amitié, nommé Vnionade, du conseil duquel il se seruoit quand il jouyssoit encore du sceptre.* Sigebert en sa Chronographie vse de ces mots, *Les François chasserent du Royaume Childeric, pource qu'il se portoit insolemment & lasciuement, & ayant donné la moitié d'vne piece d'or à vn sien amy appelé Vuidiomare, il se retira vers Basin Roy des Thuringiens, où il se tint caché huit ans.* Nauclet en sa Chronique le nomme Guinomade, & vn des Amis du Roy Childeric. Guaguin en parle en ceste maniere, *Il prie vn sien amy Guinomalde, qui estoit vn des plus illustres du Royaume, de prester ayde & confort à sa fortune presente.* Celuy qui a fait la grande Chronique de France, fait ainsi mention de luy: *Le Roy Childeric eut à Amy vn des Barons qui moult auoit esté son familier tousiours, qui Guyemens auoit nom, par son Conseil faisoit moult de choses.* Nicole Gilles fait presque vn semblable recit de luy. Et quand, dit-il, *Childeric apperceut que les François luy vouloient courir sus, il demanda Conseil à vn sien Baron & familier amy, nommé Guinemault.* Il appert par les authoritez des sus-nommez, qu'il estoit personnage accredité & de confiance, de son siecle, Meroué en faisoit grande estime, & l'employoit en ses affaires d'importance: apres son decedz il continua le mesme seruice au Roy Childeric, son fils & son successeur, lequel le maintint aux mesmes grades de Conseiller, & familier, comme il auoit esté du regne de son pere. Et estant contrainct par ses maluersations & insupportables insolences, d'abandonner la France pour la conseruation de sa personne, contre laquelle plusieurs embusches estoient dressées, il luy bailla à garder la moitié d'vne piece d'or, ou d'vn anneau, qu'il portoit ordinairement, affin que par la conference de l'vne avec l'autre (quand l'occasion se presenteroit) de les réunir en leurs brisures: celuy qui receuroit l'vne de ces deux parties de pieces d'or ou d'anneau, (car c'estoit le signal) fust

alleuré que ce qu'ils auoient d'intelligence entr'eux, alloit bien : Cela reüssit au contentement de Childeric, l'an 469. car par les entremises de Guinemault, son ennemy Gillon fut dechassé par les François du Throsne où il estoit, & luy y fust r'installé; la fidelité de ce bon subje&t fut recogneuë de ce Prince memoratif du passé, accomplit enuers luy ce qu'il auoit promis.

2. Messire Aurelian fut feal Conseiller de Clouis premier du nom, & en l'an 484. par luy enuoyé deuers Gondemar ou Gondebault, deuxiesme Roy de Bourgongne, pour luy demander en son nom sa niepce Clotilde pour espouse. Son premier voyage ne luy ayant de rien seruy, il y retourna la seconde fois, & feit tant qu'il aborda cette Princesse sur le poin&t que son oncle la vouloit marier ailleurs qu'en France, pour auoir accez enuers elle, il se déguisa en pauvre mendiant, & se meit parmy les autres qui demandoient l'aumosne à la porte d'une Eglise vn jour de Dimanche, où la Princesse venant ouyr la Messe, luy donna l'aumosne, estant au nombre de ceux qui la demandoient, il print l'occasion de luy baiser la main, & de luy mettre vn anneau au doigt, elle plus aduisee qu'estonnée ne dit mot, & pensa que ce present venoit d'une autre main, retournée qu'elle fut à son hostel, enuoya querir ledit Aurelian ainsi habillé qu'il estoit, & luy demanda pourquoy il l'auoit tirée par sa robbe, & d'où venoit la bague qu'il luy auoit mise au doigt, & à quel dessein: il satisfit à sa demande, declarant qu'il s'estoit ainsi déguise, pour sans soupçon pouuoir parler à elle, & qu'au reste le Roy Clouis son maistre, desiroit de l'auoir à femme, & que ceste bague prouenoit de sa part, & luy presenta d'autres joyaux nuptiaux, qu'elle receut, elle en aduertit son oncle, qui pour se conseruer en ses grandeurs, & craignant d'encourir l'indignation de Clouis, consentit ce mariage, & que Aurelian l'emmena en France à son Seigneur. Voilà ce qu'en dit Nicole Gilles. En l'histoire de Rheims, chap. 13. lib. 1. mention est faicte de cét Aurelian ainsi, Gondebault se sauua dans Auignon, qui du depuis s'apointa avec le Roy, parla pratique de son Conseiller Aurelian: Aymon en parle au 13. chap. de son premier liure, disant, il ordonna incontinent que ce fust vn sien familier nommé Aurelian.

3. Messire Sain&t Mello Euesque de Rennes en Bretagne, fut grand Conseiller de Clouis, apres le deceds d'Aurelian. La Chronique de Nicole Gilles, dit en ces termes. *À Orleans fust tenu le premier Concile par ordonnance du Roy Clouis, où y auoit plusieurs Euesques, entre lesquels y estoit sain&t Mello Euesque de Rennes en Bretagne, qui estoit grand Conseiller du Roy Clouis.* Regnant iceluy Roy Clouis, Cassiodore estoit Chancelier de Theodoric Roy d'Italie, ou des Romains, qui auoit espousé Andefleda, fille dudit Roy Clouis. Naucler le témoigne en sa Chronique, & est parlé souuentefois dudit Cassiodore, comme pareillement de son pere en l'Epiistre 4. du 1. liure, qui du regne de l'Empereur Valentinian exerça loialement la dignité de Tribun, & de Notaire, ce qui manifeste assez qu'és regnes de nos premiers Roys il y auoit Notaires & Chanceliers. Voyez Cassiodore.



4. Messire Valentinian, fut grand Conseiller de Childebert, fils du Roy Clouis. Aymon au chap. 20. du 2. liure de son histoire, faisant mention du tiltre de la donation faicte à l'Abbaye de S. Vincent lez Paris, à present dite S. Germain des prez, par ledit Roy Childebert, vse de ces mots: *Et afin que la declaration de nostre commandement & iussion, soit au temps à venir (Dieu aydant) plus ferme & tousiours inuiolement obseruée, nous auons ordonné & arresté de la fortifier & corroborer de nos signatures & de nostre main propre, dessus le reply & dedans, donné & faict le sixième jour de*

Decembre, l'an quarante-huitième, apres que le Roy Childebert a commencé à regner. A la fin de ce tiltre ces mots estoient escripts, Moy Valentinian Notaire & Secretaire, l'ay reconnu & approuué le signe du tres-glorieux Roy Childebert. L'original de ce tiltre se peut veoir en l'Abbaye de saint Germain des prez, & a vn petit seel de cire en placart à costé; il y a quelques autheurs qui disent que Valentinian estoit de Bourgongne.

5. Messire Baudin, Referendaire ou Chancelier de Clotaire premier du nom, l'an 562. & venant à mourir Injuriosus qui estoit Euesque de Tours, le Roy luy donna cet Euesché, & le fit son grand Aumosnier, il fut charitable enuers les pauures, car il leur departit tout l'or que son predecesseur luy auoit laissé, & outre ce, plus de vingt mil sols. Voyez Gregoire de Tours au chap. 3. du 4. liure de son histoire, où il le nomme domestique de Clotaire.

6. Messire Charigistus fut aussi Referendaire du mesme Roy Clotaire. Ice-luy estant deuenu entrepris des pieds & des mains, se fit apporter à S. Martin de Tours, où par l'intercession & le merite de ce bien-heureux saint, il recouura sa santé, & fut apres de la maison du Roy, où il fit plusieurs bonnes affaires pour les Tourangeaux, & seruit beaucoup aux officiers & ministres de leur Eglise Cathedrale. Voyez Gregoire de Tours en son premier liure de miracles de saint Martin, chapitre 26. qui traite de Charigistus, entrepris.



M^r Flauus referendaire
ou chancelier de france

M^r Siggo referendaire
ou chancelier de france

M^r Charimeres refer.
ou chancelier de france

7. Messire Flauus, Referendaire sous Gontran Roy de Bourgongne & d'Orleans, fils de Clotaire premier. Il succeda à Agrocula Euesque de Chaalons sur Saosne, apres son decedz: & fut Euesque dudit lieu, Gregoire de Tours, liure cinquième.

8. Messire Siggo exerça la dignité de Referendaire, sous Sigebert Roy d'Austrasie, aussi fils de Clotaire premier: & eut en sa garde l'anneau duquel on scelloit les depeschés & lettres de consequence, ayant esté prouoqué par le Roy Chilperic à obtenir la charge qu'il auoit eue du temps de son frere, il alla trouuer le Roy Childebert, fils de Sigebert, & abandonna Chilperic. Lisez Gregoire de Tours, en son troisième liure des miracles de Saint Martin, chapitre dix septième, de Siggo le Referendaire.

9. Messire Charimeres, ou Carmerus, Referendaire ou Chancelier de France & d'Austrasie, sous Childebert fils de Sigebert, Roy de Metz, & nepueu du Roy Gontran, l'an 595. l'Euesché de Verdun venant à vacquer par la mort d'Agericus, luy fut donné, à l'exclusion d'un Abbé nommé Bucionaldus, surnommé fort en bouche, pource qu'il estoit detracteur, medisant, & superbe, qui neantmoins estoit soustenu & fauorisé de la Royne Brunehilde, Gregoire de Tours en fait recit en plusieurs endroits, & entre-autres en son liure de la Gloire des Confesseurs: telles sont ces paroles, Charimeres oyant cela, & qui maintenant est Referendaire de Childebert, comme il estoit travaillé du mal des dents, alla en voyage à saint Medard lez Soissons, & fit tant qu'on luy accorda & permit de prendre du bois dont estoit faite la Chasse où reposoit le corps de ce glorieux saint, dequoy il fit des petits cure-dents, qui apportent remede à la douleur des dents. Vassebourg en sa Chronique des antiquitez de la Gaule Belgique, parlant de ce Charimeres Referendaire de Childebert sixième Roy d'Austrasie, dit qu'il fust esleu Euesque de Verdun, l'ancy-deuant dit, & qu'auparauant son eslection il auoit longuement exercé la dignité de Referendaire en la Cour de Childebert, & que c'estoit le merite seul & non la faueur qui installoit les personnes en icelle, aucun n'y paruenoit qu'il

n'eut bien merité de l'estat, & qu'il n'eut la cognoissance des grands affaires du Royaume, & fut de jugement solide, pour resoudre des difficultez qui se presentent au Conseil; au Referendaire appartenoit recevoir toutes lettres missives, supplications & requestes adressantes au Roy, lesquelles il rapportoit en son Conseil, pour en deliberer & arrester ce qui estoit à faire ou respondre, & selon la volonté du Roy, ledit Referendaire dresseoit consciencieusement les ordonnances, statuts, & decrets.



10. Messire Gallomaigne succeda à Charimeres en son office & dignité de Referendaire, comme aussi en son Euesché. Mais ayant esté conuaincu de crime de leze-Majesté, il fut enuoyé en exil par le iugement de Childebert mesme, d'où puis apres il fut r'appellé par les prieres du Roy Gontran. Gregoire de Tours, liure quatrième, chapitre trenté sixième.

11. Messire Otho fut Referendaire de Childebert, Gregoire de Tours en parle au 19. chap. du 9. liure de son histoire: Lors monstrant en public ces mesmes lettres le Roy nie qu'il les eut octroyées, (C'estoient lettres de don de certaines terres, que Gilles Archeuesque de Rheims disoit auoir obtenuës du Roy Childebert) Otho qui lors estoit Referendaire, enquis & appelle pour scauoir de qui estoit la subscription de ces p- tentes, comparoissant nie de les auoir signées ny subscriptes, car c'estoit vne faulse signature. Alors ledit Gilles Archeuesque atteint & conuaincu d'auoir commis ceste faul- seté, & de surplus d'auoir conspiré contre le Roy Childebert, fut démis de sa dignité, par l'assemblée de plusieurs Prelats, qui fut tenue pour ceste occasion, & l'enuoya-on à Strasbourg. Lisez l'histoire de Rheims.

12. Messire Marc estoit Referendaire de Chilperic premier du nom, fils de Clotaire premier, & frere de Gontran & de Sigebert: Gregoire de Tours liure 5. chap. 28. en parle ainsi: Le Roy Chilperic commanda qu'on feist de nouvelles ordonnances par tout son Royaume qui estoient assez rudes, mais le peuple de Limoges se voyant greué d'un tel fardeau, s'assembla aux Calendes de Mars, & voulut occire Marc le Referendaire, qui auoit esté commandé de faire les nouvelles ordonnances, & sans doute il eut esté tué si l'Euesque de Ferreoles ne l'eut deliuré de ce peril eminent. Aymon dit pourtant qu'il passa le pas, & que les Limozins en quelque sedition esmeuë à cause de luy, rassasierent leur rage sur sa personne.



13. Messire Eltric a esté Referendaire de Chilperic, cela se verifie par vne Chartre escrete en latin de la r'edification du Monastere de S. Lucian de Beauuais, qui porte au commencement ces mots ainsi traduits : *Chilperic tres-illustre Roy des François, & plus bas, & afin que le Decret de nostre Volonté aye plus de force & de vigueur, y auons fait apposer l'impression de nostre anneau, & pour l'autoriser d'auantage, l'auons signé de nostre propre main, autour de ce seel estoit escript, le seel du glorieux Roy Chilperic, & au dessous estoit, Moy Eltric Secretaire Palatin ie l'ay recogneu, &c.* Dedans le cachet ou seel de Chilperic estoit grauée vne teste de Roy, portant vne couronne, on dit qu'en ce temps, la Royne Fredegonde auoit aussi vn Referendaire nommé Bobolenus.

14. Messire Robert homme illustre, & pere de la Vierge Angadrisme, portoit le seel du Roy Clotaire 2. l'an 632. cette charge estoit tres-honorable, & equipolloit celle de Garde des Sceaux, Vincent de Beauuais fait vn tres-loüable recit de ce Robert & de sa fille, disant : *La sainte Vierge Angadrisme fut fille de noble Robert, qui fut de si noble lignée, qu'il portoit le seel du Roy Clotaire.*

15. Messire Aubert, selon Vincent de Beauuais doit estre mis au rang de ceux qui ont eu la garde de l'anneau Royal. Voicy ce qu'il en dit en son 24. liure. *Aubert homme de Dieu, & de Visengin, fut vn des sages Maistres du Palais du Roy Clotaire, & fut Controlleur des Roiaux priuileges, & porteur de l'anneau du Roy, dequoy l'on les signoit.*



*M. Audoenus ou Hado Ref.
ou chancelier de france.*

*M. Henric chancelier
de france.*

*M. Landeric Refer.
ou chancelier de france.*

16. Messire Audoenus Referendaire du Roy Dagobert premier, fut homme vertueux, de grande erudition & doctrine, bien versé en la cognoissance des affaires des affaires d'Etat, son merite & sa bonne vie luy donnerent l'Archeuesché de Rouen, où il fonda le Monastere de saint Ouën, & l'Abbaye de Rebers en Brie, en laquelle il installa pour premier Abbé saint Agile, ce grand personnage Audoenus eut pour pere vn excellent homme nommé Autharius, qui fut en grande reputation de son temps, & deux freres nommez Addo & Radon, qui suiuirent les vertueux vestiges de leur pere & de leur frere Audoenus, tant en fondation de lieux pieux, qu'en bonnes œuvres. Aymon & Gregoire de Tours en font recit en leurs histoires, Richard de Vassebourg en sa Chronicque l'appelle Historiographe, & dit qu'il composa l'histoire de son temps, qui fut supplémentée par Bertharius son Collegue, qui auoit la garde du cachet du cabinet, pour ce qui estoit des affaires du Palais.

17. Messire Henric est nommé Chancelier dudit Roy Dagobert, comme il appert par les lettres de donation qu'il fait de la terre de Boudreaunille, au profit des Religieux de saint Vallery sur la mer, elles sont ainsi souscrites, *Moy Henric Chancelier ie les ay recogneues & souscrites.*

18. Messire Landeric fut Referendaire ou Chancelier dudit Roy Dagobert, cela se justifie par vn tiltre donné par ledit Roy, pour la franchise de l'Abbaye de saint Denis, du 26. May, l'an cinquième de son regne, fait à Clichy, où ces mots sont inferez, *Landeric a souscrit*, cela s'entend de saint Landry Euesque de Paris, & se trouuent plusieurs tiltres ou chartres où il a souscrit.



*M.^{re} Gerardus refer.
ou chancelier de fran.*

*M.^{re} Arnulphe ou Arnou
chancelier de france.*

*M.^{re} Combert grand con.
de Dagobert ou ch. de f.*

19. Messire Gerardus se trouue auoir esté en pareil grade que les cy-dessus nommez, & du temps du mesme Dagobert. Vn tiltre dudit Roy donné à Clichy pour ladite Abbaye de saint Denis, le 17. Iuin, l'an 16. de son regne, le demonstre par ces mots: *Moy Gerard i'ay souscrit*, & ce tiltre est encores signé de Dagobert, & de 26. Euesques, du nombre desquels estoit saint Landry, & Radon frere de saint Ouën.

20. Messire Arnulphe ou Arnou petit fils d'Ansebert, & fut Chancelier de France sous le susdit Roy Dagobert en l'an 636. il auoit esté auparauant Maire du Palais de Paris sous Clotaire 2. en l'an 625. & depuis il le fut du Palais d'Austrasie, sa vie ne donna subiet à la médifance de parler mal de luy, son naturel estoit pacifique & debonnaire, de luy & de Doda sa femme fille de Vambert, naquirent Aufgisus Marquis de l'Escault, Clodulphus Comte Palatin, & Vvalchisus, on dit que sur la fin de ses jours, luy & sadite femme entrerent en religion, & qu'apres le deceds d'icelle il fut fait Euesque de Mets.

21. Messire Combert ou Cunibert Archeuesque de Coulogne, succeda à Arnulphe l'an 638. en sa dignité de Chancelier, sous le susdit Dagobert, l'Autheur Allemand des antiquitez de la Gaule Belgique, dit qu'il estoit nommé grand Conseiller du Roy Dagobert.



*M.^{re} Ausbert de Lembour
chancelier de france.*


*M.^{re} Eleuther chancelier
de france.*

*M.^{re} Godegrandus referend.
ou chancelier de france.*

22. Messire Ausbert de Lembourg, est pareillement nommé Chancelier de France, comme ayant exercé cette dignité sous le susdit Dagobert, l'an 640. il faisoit & dictoit les lettres & chartres des priuileges Royaux, & estoit porteur ou Garde de l'anneau Royal, il fut Abbé de Fontenelles, & depuis Archeuesque de Roüen, apres Dado ou saint Ouën, deuant que paruenir à tous ces grades on dit qu'il auoit esté Secretaire du Cabinet du Roy.

23. Messire Eleuther, Chancelier de Theodoric premier du nom, frere de Clotaire troisieme, & de Childeric deuxieme: l'an 693. fut homme de grandes entreprises, factieux & conuoiteur d'honneur & de gloire, plus que d'amasser & thesauriser, aucuns assurent qu'il estoit de la race de Lucian Duc de Lorraine, & qu'il fut le fondateur du Monastere aux Dames de Metz, pour illec se retirer sur son vieil aage, & vacquer à prieres & oraisons, hors les embarras mondains des Cours des Princes, aucuns disent qu'il feist ceste susdite charge sous Clouis troisieme fils de Theodoric premier, & quelque peu de temps auant que se retirer du monde sous Childebert deuxieme, fils de Clouis troisieme.

24. Messire Godegrandus ou Godograndus, fur Referendaire ou Chancelier de France, sous Dagobert 2. du nom, dit le Jeune, & Charles Martel, & selon aucuns sous Pepin le Bref son fils, il estoit d'ancienne & tres-noble lignée, & grand terrien, mais sur tous ses biens de fortune paroissoient ses grandes vertus, qui luy acquirent vn grand credit par tout, il estoit doué d'une grande literature, & d'une eloquence admirable, à ceste occasion Pepin le choisit entre tous ceux de sa Cour, pour l'enuoyer à Rome vers le Pape Estienne deuxième du nom, & l'amena en France, il fut Euesque de Metz, qui exerça fort la charité enuers les pauvres.



M^r. Meliadalus chancelier de france. *M^r. Rodalgus referendaire de france.* *M^r. Leduard Archichancelier de france.*

25. Messire Meliadalus ou Meliardus, Euesque de Paris, (selon Feron) ce nom ne se trouue dedans le Catalogue desdits Euesques) ou son n^o a esté changé, fut en l'an 727. Chancelier sous Theodoric Roy de France, deuxième du nom, fils de Dagobert deuxième, il estoit de la maison de Caourse en Bretagne, sa fidelité fut recogneuë en plusieurs occurences d'Estat.

26. Messire Rodalgus n'est point recogneu autrement pour Chancelier que par le tiltre qu'oütroya Pepin à Domnol Euesque de Mascon, & à son Eglise, touchant la confirmation de ses anciens priuileges, au commencement sont ces mots: *Pepin Maire du Palais, & en fin, Le seel de Pepin Maire du Palais. Moy Rodalgus m'ayant esté commandé j'ay souscrit, fait aux Calendes de Ianuier, l'an deuxième de la Principauté dudit Pepin, en la Cité de Metz, au Palais du Roy.*

27. Messire Leduard Euesque de Mascon, Archi-Chanlier de Charle-magne, fils de Pepin, fut vn tres-grand personnage, fort fauorisé de ce grand Prince, qui en sa consideration fit rendre au Chapitre de l'Eglise de Mascon quelques heritages & possessions qu'on luy auoit osté, le tiltre fait pour cette restitution en ces termes: *Charles par la diuine prouidence Empereur Auguste, soit fait à scauoir à tous les fils de la sainte Eglise, que pource que le venerable Euesque Leduard nostre tres-cher & aimé Archi-Chancelier, a eu recours à nostre clemence, à celle fin que nous rendissions aux Chanoines de l'Eglise de saint Vincent, qui est edifiée dedans la Cité de Mascon, quelques terres & heritages qui leur ont esté iniustement ostés, &c. en fin de ce tiltre est, Le seel de Charles Empereur tres-pieux.*




M^r. Vvichardus Archichancelier de france. *M^r. Barthelmy Chan- celier de france.* *M^r. Eginard chan- celier de france.*

28. Messire Vvichardus ou Vvichard, Euesque de Mascon, fut pareillement Archi-Chancelier du mesme Empereur Charles-magne.

29. Messire Barthelemy, Chancelier de Charles-magne, cela se recognoist par les lettres patentes de ce Roy, données en faueur du Monastere de saint Eparch d'Angoulesme, ces lettres sont inserées dans les liures de la vie de Charles-magne, composez par Pithou.

30. Messire Eghinard Chancelier de l'Empereur Charles-magne, l'an 804. selon Feron, fut depuis Moyne de l'Ordre de saint Benoit, & premier Abbé du Monastere de Salingestan, du Diocese de Magonce, on le tient pour auoir fait l'histoire de ces temps-là, avec celle de la vie dudit Roy Charles-magne.



*M. Archembauld
chancelier de fra.*


*M. Hilduin chance-
lier de france.*

*M. Hernic chancelier
de france.*

31. Messire Archembauld est recogneu par le sieur de la Popeliniere en son Admiral de France, pour auoir esté Chancelier sous le mesme Charles-magne: Il depescha, dit-il, son Chancelier Archembauld en Lygurie, sur la riuere de Gennes, pour y faire armée de mer, afin de les garder des Pirates, & mener au port de salut. L'histoire Germanique dit, que ledit Archembauld fut enuoyé seulement pour faire apprendre vn nauire à vn port de Lygurie, pour y mettre dedans les presents qu'Aaron Roy de Perse mandoit au Roy Charles-magne, par Isaac Iuif, sca- uoir vn Elefant, & quelques autres singularitez de son pais.

32. Messire Hilduin Allemand de nation, personnage vertueux & versé en la cognoissance des bonnes lettres, homme de bon aduis, fut Conseiller de Louys le Debonnaire, Roy de France & Empereur, & son Chancelier, bien qu'il fut fort trauaillé des gouttes, si ne laissoit-il de sui- ure la Cour, par tout où elle alloit: l'Empereur luy donna l'Euesché de Verdun. Faucher dit avec Floard qu'il fut Abbé de saint Denys en France, & maistre de la Chapelle du Roy, il mourut se- lon Feron, l'an 850. Aucuns font succeder à cet Hilduin vn Cheualier nommé Tanculphe, en sa qualité de Chancelier, voyez Pithou en la vie de Louys le Debonnaire.

33. Messire Hernic de Verges Chancelier de France, regnant Charles le Chauue, Empereur & Roy de France, l'an 842. & selon Feron l'an 858. quelques vns qui ont veu quelques tîtres ou pan- cartes (où Ebbo Prestre auoit souscrit, & à cause qu'il fut depuis Archeuesque de Rheims) ont conjecturé qu'il auoit esté Chancelier deuant Hernic.



*M. Raoul, chancelier
de france.*

*M. Heymar dus chan-
celier de france.*

*M. Geneseric reser-
de france.*

34. Messire Raoul oncle de Charles le Chauue, fut son grand Conseiller & Chancelier, il estoit de la noble maison de Greuemberg. La prudence & la modestie parurent en toutes ses actions, a- uec vne admirable sincerité de vie. Addo de Viennes en sa Chronique l'appelle Conseiller, & le premier du Palais. Richard Vassebourg dit qu'il fut Abbé de saint Michel.

35. Messire Heynardus fut Chancelier de Charles le Gros, ou Gras, Empereur, Roy de France, & aussi Abbé de S. Michel, apres le deceds de Raoul susdit, n'ayant moins de vertus & de science que luy; il mourut l'an 895. Il semble que depuis son deceds iusques à Hugues Capet, les Roys de France se soient seruis de Notaires ou Secretaires, au lieu de Chanceliers: sous Charles le Simple on ne voit les patentes signées que par Notaires, à sçauoir Rathbodus, Falco l'Archeuesque, Auschericus Euesque de Paris, Ermistus.

36. Messire Geneseric, Referendaire sous Hugues Capet, de la Haye en ses memoires des Comtes de Poictou, rapporte vn tiltre de la confirmation des priuileges des Eglises, qui sert de preuve. Les mots en sont tels: *Cela fut fait sur l'Autel des bien-heureux Apostres, &c.*



37. Messire Renaud Euesque de Paris, fils de Burcardus Comte de Corboil, fut Chancelier du dit Hugues Capet. Odo Fossatensis Moine, en fait recit dans la vie de Burcar, il viuoit l'an 988.

38. Messire Roger fut Chancelier sous le Roy Robert, fils de Hugues Capet, l'an 998. & paruint à la dignité de Pontife par la grace de Dieu. Le susdit Odo cy-dessus nommé, produit quelques tiltres qui confirment cela.


39. Messire Franc soixantième Euesque de Paris, plusieurs tiltres de donations faites par ledit Roy Robert, tant à l'Eglise de S. Denis en France, qu'aux Religieux de S. Vallery sur la mer, en font mention en l'un d'iceux, ces mots sont escripts au bas: *Franco par la grace de Dieu Chancelier, i'ay escry & soucry.*



40. Messire Baudin, Chancelier sous ledit Roy Robert 1030. vn tiltre de l'Abbaye S. Germain des Prez le iustifie, en iceluy est: *Baudin Chancelier l'a escry & soucry*: il fust aussi grand Aumosnier de France.

41. Fulbertus Euesque de Chartres, fut Chancelier du Roy Robert, l'an 1007. voyez Vignier en sa Bible historique, & Choppin au liure 2. de *Domano*, tiltre 2.

42. Messire Balduin Chancelier sous le Roy Henry premier, fils de Robert, en quelques patentes son nom se voit ainsi à la fin: *Moy Baudin Chancelier du Roy, apres auoir releu les presentes, i'ay soucry.*



Mr. Geruais grand chancelier de France. *Mr. Godefroy grand chancelier de France.* *Mr. Pierre de Loiseleuch chancelier de France.*

43. Messire Geruais Archeuesque de Rheims, fut créé Chancelier de France en l'an 1060. apres (comme dit du Tillet) qu'il eut sacré le Roy Philippes premier du nom, en l'Eglise de Rheims, à la difference des autres, on le nommoit grand Chancelier.

44. Messire Godefroy, ou Geoffroy, LXII. Euesque de Paris, & frere d'Eustache Comte de Boulongne, exerça la dignité de Grand Chancelier, sous ledit Roy Philippes, dès l'an 1075. & le possedit de telle sorte, qu'il n'estoit éconduit de rien qu'il demanda. Voyez Paul Æmil. Le Feron le fait de la race de la Roche-Guyon.

45. Messire Pierre de Loiseleuch, Abbé de S. Germain des prez lez Paris, fut Chancelier de France, sous le mesme Roy Philippes, depuis l'an 1072. iusques en l'an mil huitante-deux.



Mr. Imbert de Gaillon chancelier de France. *Mr. Estienne de France chancelier de France.* *Mr. Hugues de Nantes chancelier de France.*

46. Messire Imbert de Gaillon fut Chancelier de France, sous le mesme Roy Philippes, combien que le Feron dit que c'estoit sous Philippes 3. la date du temps qu'il met 1092. le dément, car du deceds de Philippes premier, jusques à Philippes troisième, il y a 161. l'attribuë ceste faute plustost à l'Imprimeur qu'à autre.

47. Messire Estienne de France, Euesque de Paris, Chancelier de France, sous Louys le Gros, fils de Philippes premier, duquel on le creu estre frere; aucuns tiennent qu'il exerça auparauant cette charge sous Philippes 1. le tiltre de la fondation de l'Abbaye saint Victor, par ledit Roy Louys le Gros, fait aussi mention de luy. Il est inhumé dans ladite Abbaye, dans le Chœur de l'Eglise, son Epitaphe latin est de cette teneur: *Icy gist Reuerend pere d'heureuse memoire Messire Estienne, iadis Chancelier de France, & par apres Euesque de Paris, principal bien-faicteur de ceste maison, qui trespassa l'an 1140. le quatriemes Calendes d'Aoust. Le Feron luy fait succeder vn Estienne de Senach qu'il fait Chancelier de France, sous le mesme Roy, & Euesque de Paris, & comme luy inhumé à saint Victor, pource que le sieur de Miraulmont n'en parle point en son recueil des Chancelliers, ie ne le mettray au rang des autres, ains apres le susdit Estienne de France, ie feray paroistre Simon Cappelanus, qu'il dit auoir signé quelques lettres de confirmation des priuileges octroyez au chapitre de saint Pierre de Beauuais, par Louys le Gros, où sont ces mots au bas d'icelles: l'ay moy Simon Cappelanus par le commandement de Monseigneur Louys, souscry les presentes, apres les auoir releues.*

48. Messire Hugues de Nantes, allié de Hamans de Nantes, qui auoit esté vn des douze Pairs de France, sous Charles le Grand, fut Chancelier sous le Roy Louys le ieune, fils de Louys le Gros.




M^{re} Algrin chancelier de France. *M^{re} Godefroy Archichancelier de France.* *M^{re} Guerin chancelier de France.*

49. Messire Algrin, Chancelier de France, sous ledit Roy Louys le Jeune, estoit du pays d'Arthois, de la maison de Cayeu, le sieur de Miraulmont met en suite apres luy vn Cardinuis, qu'il dit auoir esté Chancelier. Vn Hugo, & vn Pierre Abbé de saint Germain, que ie croy estre Pierre Loiseleuch, & dit qu'iceluy fut enuiron deux ans Chancelier de France, sous Philippe Auguste.

50. Messire Gaufredus Chancelier, & selon le vieil Chroniqueur Archi-Chancelier de France, sous Philippes Auguste, dit Dieu-donné, estoit natif de Champagne, & fut Aduocat au Parlement de Paris, où en plusieurs causes il monstra quel estoit son sçauoir & son eloquence. Le sieur de Miraulmont dit auoir veu vn tiltre en l'Abbaye de saint Germain des Prez, l'an 1092. où il est nommé Euesque de Paris.

51. Messire Guarinus ou Guerin, selon du Tillet Religieux de l'ordre de S. Iean de Hierusalem, & selon le Feron Cheualier d'iceluy ordre, fut Chancelier de France, & grand Conseiller sous Philippes Auguste, il estoit homme sage & bien lettré, qui procura de tout son cœur le bien & aduancement de l'Eglise, il fut Euesque de Senlis, pour quelque grande dignité qu'il eut, il porta tousiours l'habit de Profes dudit ordre de saint Iean de Hierusalem: par son aduis & conseil le Thresor des Chartres fut commencé. Il estoit Parisien, son corps est ensepulturé en l'Abbaye de Chally, comme Euesque de Senlis.




M^{re} Gautier chancelier de France. *M^{re} Iean Allegrin chancelier de France.* *M^{re} Guillaume de Nongaret chancel. de France.*

52. Messire Gautier ou Valtier de Herinstat, Chancelier de France, sous Philippes Auguste, l'an 1214. apres la publication de la Croisade, il entreprint avec plusieurs Princes de France le voyage de Hierusalem. Vassebourg le nomme grand Chancelier, à la difference de ceux qui auoient la garde des Sceaux.

53. Messire Iean Allegrin, yssu de l'illustre maison de Cayeu, fut Chancelier de France, sous le Roy S. Louys, comme vn autre Allegrin auoit exercé ceste dignité sous les Roys Louys le Gros, & le Jeune. Cestuy Iean Allegrin est inhumé en l'Eglise sainte Catherine du Val des Escolliers à Paris, en vne Chappelle appellée des Allegrins, ou de Dian, pource qu'ils en furent fondateurs, du regne de saint Louys la Chancellerie vacqua long temps. Le sieur de Miraulmont dit que sous le susdit Roy vn Philippes d'Antongny porta son grand seel.

54. Messire Guillaume de Nongaret, natif de Languedoc, Chancelier de France, sous Philippes le Bel. il auoit esté auparauant Conseiller au Parlement de Paris: c'est luy qui print le Pape Boniface 8. pour se venger de l'injure qu'il auoit faicte au Roy son maistre. Voyez la grande Chronique de France, Nicole Gilles en ses Annales, & Paul Æmile en la vie dudit Roy. Le sieur de Miraulmont dit, qu'il a trouué en vn des Registres de la chambre des Comptes de Paris, que Messire Pierre de Cappes estoit en l'an 1317. Chancelier sous le mesme

Roy. Et Guillaume Paradin en sa Chronique de Sauoye, assure que Messire Pierre de Belle-perche, a esté Chancelier de France, & que ce fut luy qui fut député pour la pacification du différent d'entre ledit Roy Philippes le Bel, & l'Eglise de Lyon, & qu'il fut depuis Euesque d'Auxerre. Le sieur de Miraulmont cy-dessus allegué, dit que ledit Belle-perche est nommé en qualité de Conseiller, à l'Arrest des enfans de Iacques de Ianon, Cheualier, donné au Parlement de Paris, l'an 1298.



*Mr. Iacq. de Cahors
chancel. de france.*

*Mr. Iean de Cherchemont
Chancel. de france.*

*Mr. Pierre de la forests
chancel. de france.*

55. Messire Iacques, dit de Cahors, à cause que c'estoit le lieu de sa naissance, Chancelier de France sous Louys Hutin, fils de Philippes le Bel, fut par la faueur d'iceluy Seigneur esleu Pape, mil trois cens seize, & nommé Iean 22. du nom, selon le Feron, qui pour tesmoin produit, Richard Vvassebourg en l'histoire de la Gaule Belgique. Le sieur de Miraulmont dit, qu'il a veu vne Ordonnance faicte à S. Germain en Laye au mois de Iuin, l'an 1316. qui monstre que Messire Pierre d'Arrablay a esté Chancelier de France, sous ledit Roy Louys Hutin, & Philippes le Long, & qu'en faueur d'iceluy, le Pape le fit Cardinal.

56. Messire Iean de Cherchemont Poicteuin, Chancelier de France, sous Philippes de Valois, l'an 1329. Il auoit esté premierement Chancelier de Charles de France, on l'a remarqué estre homme de grande literature, mais fier & superbe, il mourut de mort subite. L'Auteur du recueil des Chancelliers, monstre par vne delaration que fit ledit Roy Philippes de Valois du priuilege donné à l'Vniuersité de Paris, 1340. que le Preuost de Paris est Conseruateur des Priuileges, & Iuge en ladite Vniuersité, & que Monsieur Guillaume Flotte estoit Chancelier d'icelle.

57. Messire Pierre de la Forest Archeuesque de Roüen, Chancelier de France, dès l'an 1355. sous le Roy Iean, & depuis Cardinal, il mourut en Auignon le 25. Iuillet 1361. aagé enuiron de 55. ans.



*Mr. Louys de Beaumont
chancel. de france.*

*Mr. Guillaume de Montagu
chancel. de france.*

*Mr. Henry de Monloué
chancel. de france.*

58. Messire Louys de Beaumont Euesque de Paris, & Chancelier de l'Vniuersité, le fut aussi de France, sous ledit Roy Iean. Les gens d'estude furent bien voulus & supportez de luy.

59. Messire Guillaume de Montagu, Euesque de Theroüenne, Chancelier de France l'an 1352. selon Corrozet, sous le Roy Iean, il ne fut moins vaillant que

deuotieux, & la spiritualité ne luy empescha pas de jouier des mains, quand il en fut besoin pour les affaires de son Maistre le Roy Iean, pour lequel pendant sa prinse il fit de belles expeditions, son conseil estoit bon & loyal, & la France s'en trouua bien alors.

60. Messire Henry de Meulenc ou Mauloué, Chancelier de France, du regne du Roy Iean, en l'an 1360. Aucuns mettent entre Orgemont & Corbie 1392. il est inhumé en l'Eglise de saint Martin des Champs.



*Mr. Iean des dormans
chancel. de france.*

*Mr. Guillaume des dor.
mans chancel. de fr.*

*Mr. Pierre de giac chan.
celier de france.*

61. Messire Iean des Dormans, Chancelier de France sous ledit Roy Iean, l'an 1364. il portoit auparauant le seel du Duc de Normandie, qui estoit Charles 5. fils aîné dudit Roy Iean, & estoit son Chancelier, il fut depuis Euesque de Beauuais, & créé Cardinal le 22. Septembre 1368. trois ans apres il rendit les sceaux de France au Roy, & laissa la dignité de Chancelier.

62. Messire Guillaume des Dormans succeda à son frere Messire Iean des Dormans en la dignité de Chancelier, qu'il n'exerça gueres, car il ne vescu qu'environ deux ans en l'exercice d'icelle: de sorte qu'apres son deceds, qui arriva le 11. Iuillet 1373. les sceaux de France furent remis és mains dudit Iean Cardinal, qui ne les garda que iusques au 7. Nouembre ensuyuant audit an, les corps de tous deux reposent au Couuent des Chartreux de Paris, en son lieu fut esleu & nommé Chancelier de France sous le mesme Roy, Messire Pierre d'Orgemont, premier President au Parlement de Paris, natif de Lagny sur Marne, l'an 1380. ayant rendu les sceaux à sa Majesté, Maistre Pierre de Giac fut pourueu de sa dignité: ledit Orgemont fut executeur du testament de Charles 5. Et gist à Paris dans l'Eglise de sainte Chaterine du Val des Escoliers, n'ayant vescu que neuf ans apres sa demission.

63. Messire Pierre de Giac, Seigneur de Soupi, Chancelier de France sous le Roy Charles 5. en l'an 1381. apres cestuy-cy le Feron met vn Messire Pierre d'Orgemont, Seigneur de Mery, ie croy que c'est celuy dont nous auons parlé cy-dessus.



*Mr. Arnould de Corbie
chancel. de france.*

*Mr. Iean de Montagu
chancel. de france.*

*Mr. Charles de Joussi
chancel. de france.*

64. Messire Arnould de Corbié, premier President au Parlement de Paris, Chancelier de France sous Charles 6. en l'an 1393. il estoit natif de Beauuais. Monstrelet l'appelle Guillaume, Froissard, Regauld, Nicolle Gilles, Iean. Mes-

lire Eustache de Laitre fut Chancelier en sa place, & n'y fut qu'un mois, pour ce qu'il fut recogneu estre du party du Duc de Bourgogne, qui à dessein l'auoit porté à ce grade, sous pretexte de l'extrême vieillesse en laquelle estoit le susdit de Corbié, à sçauoir de 88. ans. Il fut Chancelier 25. ans, & ordonna à l'ouuerture du Parlement qu'il tint en l'an 1404. le Vendredy 12. Novembre, que dorenavant chacun nouuel. Aduocat receu au serment d'Aduocat payeroit deux escus, & chacun Procureur un escu, pour dire les Messes accoustumées en la salle du Palais. Le Feron met apres luy Messire Ithier de Monstreul Docteur en l'un & l'autre droit, Euesque de Poitiers, disant qu'il exerceroit la dignité de Chancelier, sous le mesme Charles 6. l'an 1395. Bouchet aux Annales d'Aquitaine.

65. Messire Jean de Montagu Archeuesque de Sens, Chancelier de France sous Charles 6. l'an 1405.

66. Messire Charles de Sauois natif de Bourgogne, Chancelier de France, l'an 1409. sous le regne de Charles 6. durant les diuisions du Duc de Bourgogne. Voyez Monstrelet.



67. Messire Henry ou Arnaud de Corgne, dit de Morle, ou Merle, premier President au Parlement de Paris, Chancelier de France, sous le regne du Roy Charles 6. en l'an 1413. son election fut à l'Hostel de saint Pol, ayant eu le plus de voix: il fut commandé au Greffier de publier le Scrutin ordinaire, ce qu'il fit, disant tout haut, *Il plaist au Roy.* Durant les émotions de Bourgogne on le constitua prisonnier, & fut serré dans la grosse Tour du Palais, & l'Euesque de Constance son fils, le 5. Iuin l'an 1418. Et le 12. iour dudit mois ensuyuant fut humainement meurtry, & assassiné par ceux qui tenoient le party du Duc de Bourgogne, qui luy en vouloient, pource qu'il ne voulut adherer à leurs entreprises, se tenant tousiours roide pour le seruice du Roy son Maistre. Son corps est gisant à Senlis en l'Eglise nostre Dame.

68. Messire Eustache de Laitre, Seigneur d'Escuoy en Soissonnois, fut remis & reintegré en son estat de Chancelier de France, par le Duc de Bourgogne, duquel il auoit tousiours suyui le party, il ne dura gueres en ceste charge, & deceda d'epidemie, l'an 1420. le 22. Septembre au Diocese de Sens.

69. Messire Jean le Clerc, premier President au Parlement de Paris, les vns disent Conseiller seulement, les autres Maistres des Requestes, fut Chancelier de France, par le trespas dudit de Laitre, l'an 1420. sous Henry d'Angleterre.



70. Messire Louys de Luxembourg, Euesque de Teroüenne, Chancelier de France par la mort dudit le Clerc, sous ledit Henry, soy disant Roy de France & d'Angleterre, il presta le serment es mains du Duc de Betfort Regent dans le Royaume, il iouit de ceste dignité iusques en l'an 1436. qu'un iour de Lundy 16. d'Auril, audit an, il fut dechassé avec les Anglois de la ville de Paris.

71. Messire Arnault ou Regnault de Chartres, Archeuesque de Rheims, fut Chancelier & Pair de France sous Charles septiesme, pendant que le Parlement estoit à Poitiers. Ce fut luy qui sacra ledit Roy à Rheims. Le sieur de Miraulmont met entre cestuy-cy, Messire Arnault, & Messire Guillaume des Vrsins.

72. Messire Guillaume Iuuenal des Vrsins, Baron de Trainnel en Champagne, Chancelier de France 1445. du regne de Charles septiesme. La Chronique Bordeloise rapporte qu'à l'entrée que fit à la ville de Bordeaux le Comte de Dunois l'an 1451. il parut en qualité de Chancelier de France, estant armé d'un corset d'acier, & par dessus ayant une jacquette de velours cramois, cela monstre que la dignité de Chancelier n'estoit pas du tout affectée aux robbes longues & gens d'Eglise.



Mr. Jean Iuuenal des Vrsins chancel. de france.


Mr. Pierre de Moruilliers chancel. de france.

Mr. Pierre Horiolle chancel. de france.

73. Messire Jean Iuuenal des Vrsins Seigneur de Trainnel Archeuesque de Rheims, Pair de France, & Chancelier, apres son frere Guillaume, sous ledit Roy Charles 7. & Louys XI. fut pour quelque temps desappointé, & depuis remis, pendant sa demission Messire Pierre de Moruillier entra en l'exercice de ladite charge.

74. Messire Pierre de Moruillier, Cheualier, Chancelier de France, Seigneur de Cramoyau en Brie, fut destitué en sa dignité au commencement du regne du Roy Louys XI. & ledit Jean Iuuenal des Vrsins, reintegré en icelle, cestuy de Moruillier se retira avec Monsieur de Guyenne, frere du Roy Louys XI. où il demeura iusques à son deceds.

75. Messire Pierre Doriolle, general des Finances dudit Roy Louys XI. fut aussi son Chancelier apres le trespas dudit des Vrsins, le vingt-sixiesme Iuin mil quatre cens septante deux, & fit le serment en la presence du Roy, il presida au procez fait au Connestable de saint Pol, l'an 1476.



Mr. Adam fumée G^{de} des sceaux de france.

Mr. Guillaume de Roche fort chan. de france.

Mr. Robert Briçonnet chan. de france.

76. Messire Adam Fumée, sieur des Roches, premier Maistre des Requestes de l'hostel, garde des Sceaux sous le regne dudit Roy Louys XI. durant le des-

apointement de Doriolle, iusques à ce que Messire Guillaume de Rochefort fut installé au grade de Chancelier. Il estoit fils de Paul Fumée, Gouverneur de Nantes, enuoyé à Rome en Ambassade par le Roy Louys XI. vers le Pape.

77. Messire Guillaume de Rochefort, fut pourueu de la dignité de Chancelier de France, le 12. May 1483. & entra en l'exercice d'icelle, sur la fin du regne dudit Louys XI. & au commencement de celuy de Charles VIII. son fils, Philippes de Comine le represente magnanime, vaillant & affectionné à la deffence de l'Estat. Disant au chap. 2. de ses Memoires liure 1. que du temps de guerre du bien public, qu'il y estoit, & portoit la cuirace sur le dos.

78. Messire Robert Briçonnet, Archeuesque de Rheims, fut Chancelier de France sous Charles VIII. apres le trépas dudit de Rochefort.



*Mr. Guy de rochefort
chancel. de france.*

*Mr. Jean de gannay
chan. de france.*

*Mr. Estienne poncher
chan. de france.*

79. Messire Guy de Rochefort, frere dudit Guillaume de Rochefort, Docteur es Droiets, & selon aucuns premier President au Parlement de Bourgogne, succeda par la mort de Messire Robert, ou Guillaume Briçonnet à la dignité de Chancelier de France, au commencement du regne de Louys XII. en l'an mil quatre cents nonante-huict.

80. Messire Jean de Gannay, premier President au Parlement de Paris, Chancelier de France sous Louys XII. l'an 1507. & selon le Feron 1509.

81. Messire Estienne de Poncher 102. Euesque de Paris, depuis Archeuesque de Rheims, & selon le Feron de Sens, Chancelier de Milan, & de l'Ordre de Saint Michel, homme de bonne vie, sçauant, & bien entendu aux affaires d'Estat, garda les Seaux de France sous Louys XII. pendant que ledit de Gannay fut detenu malade auliect, où il mourut l'an mil cinq cents quatorze.



*Mr. Antoine du prat
chan. de france.*

*Mr. Antoine du bourg
chan. de france.*

*Mr. Guillaume poyet
chan. de france.*

82. Messire Anthoine du Prat premier President au Parlement de Paris, depuis Euesque d'Alby, & Archeuesque de Sens, Cardinal & Legat en France, fut Chancelier à l'aduenement à la Couronne par le Roy François I. du nom, l'an 1514. le septiesme Ianuier, il deceda en sa maison de Nantoüillet 1535. aagé de soixante-huict ans.

83. Messire Anthoine de Bourg, President au Parlement de Paris, selon le Feron, Maistre des Requestes ordinaires du Roy François I. du nom, fut Chancelier de France, l'an 1538. on dit qu'il mourut par cas fortuit, d'une cheute de dessus sa mule, en vne presse de peuple, où il se rencontra suiuant le Roy.

84. Messire Guillaume Poyer, Baron de Breune, President au Parlement de Paris, fut Chancelier de France, sous ledit Roy François I. du nom, l'an 1538. il fut desappointé pour quelques disgraces aduenues.



*Mr. François de Monthe-
lon garde des sceaux de fr.*

*Mr. François Oliuier
chancel. de france.*

*Mr. Iean Bertrand garde
des sceaux de france.*

85. Messire François de Monthe- lon du pais de Bourgogne, selon aucuns natif d'Authun, à son commencement fut Aduocat à la Cour, où il acquist par ses plaidoyers vne non mediocre reputation, & depuis Aduocat du Roy au Parlement de Paris, en l'an 1533. puis President, & en fin Garde des Sceaux de France sous ledit Roy François I. pendant la disgrace du susdit Chancelier Poyer.

86. Messire François Oliuier, premier President en la Cour de Paris, Chan- celier de France, l'an 1545. par la destitution de Messire Guillaume Poyer, sous ledit Roy François I. Iceluy fut renuoyé en sa maison l'année 1551. par le Roy Henry II. du nom, où il sejourna iusques en l'an 1559. sans se mesler des af- faires d'Etat: ledit Roy Henry venant à mourir, il fut r'appellé par le Roy François II. du nom, & remis en l'exercice de sa dignité, de laquelle il jouit iusques au vingt-sixiesme Aueil 1560. qu'il mourut.

87. Messire Iean Bertrand, President au Parlement de Paris, fut Garde des Sceaux par le Roy Henry II. apres que Messire François Oliuier fut desappointé de sa charge, par quelques rapports faits de luy mal à propos: il paruint à la di- gnité de Cardinal & d'Archeuesque de Sens, puis quand le Roy François II. fit reuenir en Cour ledit Messire François Oliuier pour r'entrer en sa premie- re charge de Chancelier, il se desmit des Sceaux & les rendit audit Roy.



*Mr. Michel de l'hospital
chancel. de france.*

*Mr. Iean de moruillier
garde des sceaux de f.*

*Mr. René de briaque
chancel. de france*

88. Messire Michel de l'Hospital, auparauant Conseiller en la Cour de Par- lement de Paris, puis Superintendant de la Chambre des Comptes, & Chan- celier de Madame Marguerite Duchesse de Sauoye, fille du Roy François I. fut enuoyé querir par le Roy François II. l'an 1560. pour estre Chancelier de France, au lieu de Messire François Oliuier, qui depuis n'agueres estoit de- cedé, il n'exerça ceste charge qu'environ huit ans, & luy fut commandé de se retirer en sa maison, Charles IX. regnant, où apres y auoir vescu avec sa fa- mille heureusement environ cinq ans, il escheut malade en vne sienne maison nommée Belesbar, où il deceda le treiziesme Mars, 1575.

89. Messire Iean de Moruillier, fut Garde des Sceaux, apres que le sieur de

l'Hospital se fut retiré en sa maison, & les garda iusques en l'an 1570. qu'il les remit volontairement entre les mains du Roy Charles neuuiesme.

90. Messire René de Birague, Milanois, de maison illustre, né du temps que le Roy Louys XII. tenoit le Duché de Milan, en son ieune aage fut trouué digne d'estre admis en la compagnie des Senateurs. Depuis quelques affaires estans suruenues, qui importoit, il fut delegné Ambassadeur vers le Roy François I. qui recognoissant son merite, le fit du nombre des Senateurs de son Parlement de Paris. En apres comme les guerres suruindrent en Piedmont, on luy donna la charge d'intendant de la Iustice, & de President, à cause dequoy on l'appelloit le President de Thurin. Il satisfit estant par delà à l'esperance qu'on auoit conceuë de luy, appaisa les differents meus entre la gendarmerie, donna ordre que les viures ne manquassent, se montrant en tout tres-fidelle au Roy. Les émotions de delà les monts, estant calmes & tranquilles, il est donné pour Gouverneur en la ville de Lyon, d'où il est mandé par le Roy Charles IX. pour venir à l'armée de Poitiers: quelque temps apres il est remandé pour venir prendre la garde des Sceaux de France, desquels de son bon gré le susdit sieur de Moruillier s'estoit desaisi. Il les garda donc sans auoir nyle tiltre de Garde des Sceaux, ny de Chancelier. Il fut à l'entrée du Roy Charles, & de la Roynie Elizabeth, qui se fait à Paris l'an 1570. encores que la Cour pretendit deuoir faire ceste charge, & marcher tel iour. La Chancellerie vacquant. Depuis il tint lesdits Sceaux, en tiltre d'Office, suyuant l'Edict de creation de Garde des Sceaux, fait à son subiet en Fevrier 1573. Ledit sieur de l'Hospital estant allé de vie à trespas en Mars suyuant audit an. La charge de Chancelier luy fut baillée quatre iours apres, en l'an 1578. sous le regne de Henry III. Roy de France & de Polongne, desirant donner quelque relasche à ses trauaux, il supplia sa Maesté de le vouloir décharger de la Garde des Sceaux, consideré sa vieillesse ja arriuée au point de septante-trois ans, pourueu que le tiltre & qualité de Chancelier luy demeurassent. Il fut Cardinal, puis mourut en l'an 1583. au mois de Novembre, & gist à sainte Catherine du Val des Escoliers.



*Mr. Philippe Hurault
chancel. de France.*

*Mr. François de monthe-
lon G^{de} des sceaux de France.*

*Mr. Pomponne de Belieure
chancel. de France.*

91. Messire Philippe Hurault, descendu d'une noble & ancienne maison de Bretagne, Comte de Chiuerny, fut fait Chancelier sous les Roys Henry III. & IV. par le trespas du feu Cardinal de Birague durant les dernières guerres Ciuilles qui s'esmeurent en l'an 1588. Le Roy Henry III. le congedia d'aller en sa maison, & en sa place ordonna pour Garde des Sceaux Maistre François de Monthelon, Aduocat au Parlement de Paris, lequel se desista volontairement de ceste charge apres l'horrible & execrable parricide executé en la sacrée Majesté de Henry III. les Sceaux furent depuis deposez & mis en la possession de Monsieur le Cardinal de Bourbon, & après portez par tout où alloit le Roy és armées, en presence duquel, quand besoin en estoit, on faisoit ouuerture du Sceau, presents les Seigneurs de son Conseil. Monsieur le Marechal de Biron les eut aussi en ses mains: quelque temps s'estant esoulé de la sorte, ledit sieur de Chiuerny fut commandé de quitter sa maison d'Eclimont où il s'estoit retiré, & de venir trouuer le Roy Henry IV. du nom, à Aubervilliers prés saint Denys en France, lequel luy redonna les Sceaux, qu'ils tint tousiours depuis iusques au mois d'Aoust en l'an 1599. qu'il alla de ce monde en l'autre, estant en sa maison de Chiuerny.

92. Messire François de Monthelon Aduocat celebre au Parlement de

Paris, homme de bien, & de grand sçavoir. Le Roy Henry III. l'ayant choisi entre tous les plus fameux Aduocats de sa Cour, le feit Garde des Sceaux de France en l'année 1588. & iceux garda jusques sur la fin du mois de Septembre 1589. estant fort déplaisant de la mort du Roy Henry III. son Maistre, il les rendit au Roy Henry IV. & prenant congé de sa Majesté, s'alla habiter à Tours, où ayant demeuré environ vn an il y deceda, son cœur fut inhumé en la paroisse de laquelle il estoit, & son corps fut apporté à Paris, & enterré en l'Eglise saint André des Arts. Il eut pour pere Messire François de Monthelon, aîné de la famille des Monthelons en Bourgongne, originaire d'Authun, qui auoit esté Aduocat General du Roy, puis President au Parlement de Paris, & Garde des Sceaux de France pendant la disgrace dudit Chancelier Poyet en l'an 1533.

93. Messire Pomponne de Believre eut pour pere Messire Claude de Believre, premier President au Parlement de Grenoble, par lequel il fut esleué noblement & vertueusement en l'amour des lettres & de toutes bonnes disciplines, esquelles il se capacita de telle sorte, que le Parlement de Chamberry le desira auoir pour vn de ses Conseillers, n'ayant encore que vingt-deux ans. Du depuis il entra aux plus grandes & importantes charges de la France. Le Roy Charles IX. l'enuoya en Ambassade aux Grisons, & de là aux Suisses. Pour auoir dextrement facilité le retour de Henry III. de Pologne en France, il eut la Surintendance des Finances. Il traicta avec le Duc Casimir à Espernay pour le renuoy des Reistres. A la Conference de Flex & de Nerac, il acquist grande reputation de Henry IV. pour lors Roy de Nauarre. Ledit Roy estant Roy de France l'employa à la Conference de Suresne. Ce fut luy qu'il le premier feit l'ouerture du Mariage de la Serenissime Princesse Marie de Medicis avec sa Majesté : au tres-illustre Cardinal de Florence. Les seruices rendus à la France & les merites le firent de President de la Cour, Chancelier de France en l'an 1599. par le deceds de Monsieur le Chiuerny : il eut aussi la Garde des Sceaux iusques à ce que volontairement il en feit la demission entre les mains de Monsieur de Sillery, en faueur duquel sa Majesté feit l'Edict de creation de l'Office de Garde des Sceaux en Decembre 1604. trois ans apres plus oppressé de vieillesse, que de maladie, il laissa la terre pour aller au Ciel, son corps est ensepulturé dans sa Chappelle à saint Germain de l'Auxerrois.



M^{re} Nicolas Brulart de Sillery, chancelier de fr.

*M^{re} Guillaume du Vair, gar.
de des sceaux de France.*

*M^{re} Claude Mangot, gar.
de des sceaux de France.*

94. Messire Nicolas Brulard de Sillery, Conseiller au Conseil d'Estat du Roy fut meritamment installé en la suprême dignité de Chancelier de France par Henry le Grand, en Septembre 1607. apres la mort de Monsieur de Believre, par la demission duquel il auoit eu vn peu auparauant la charge de Garde des Sceaux, le choix que feit sa Majesté de sa personne, entre tant de grands personages de son Royaume, luy est vn tiltre de gloire le plus grand qu'on luy puisse donner. Les bons & fides seruices qu'il a rendus à la France estant Ambassadeur en Suisse, à Rome, & à Venise, tesmoignent assez combien toutes ses actions ont esté vertueuses, & constantes à supporter vne grande partie des charges de l'Estat françois.

95. Messire Guillaumé du Vair, fut tiré du Parlement de Paris par Henry le Grand, pour estre premier President en celuy d'Aix en Prouence. Depuis la reputation de sa sincere vie, & de sa grande doctrine, le fit appeller en Cour par le Roy Louys XIII. pendant les mouuements de l'année 1616. auquel il confia la garde des Sceaux de France, où il a continué sincerement & vertueusement

l'exercice de sa charge iusques en l'an 1621. qu'il deceda à Tonneins le troiesme iour d'Aoust, au grand regret des siens.

96. Messire Claude Mangot apres auoir esté vingt ans Maistre des Requestes, & auoir esté employé dans les plus grandes & importantes affaires de l'Estat, tant dedans que dehors le Royaume, fut fait premier President au Parlement de Bordeaux, puis Secretaire d'Estat, puis fut choisy par le Roy pour estre en la charge de garde des Sceaux au mois de Septembre 1616. en laquelle il a rendu des tesmoignages tres-illustres d'une probité tres-entiere & tres-eminente capacité, & sa memoire en sera eternelle aux gens de bien.



M.^{re} Emeric de Vic, garde
des Sceaux de France.

M.^{re} Louis le Fevre garde
des Sceaux de France.

M.^{re} Estienne Haligre,
Chancelier de France.

97. Messire Emeric de Vic, frere de ce grand Capitaine & fidelle seruiteur de nos Roys Domitique de Vic, fut du propre mouuement du Roy, choisi entre plusieurs grands personages de son Conseil, le vingtiesme Decembre veille de saint Thomas, pour estre installé en la dignité de garde des Sceaux de France, ayant sa Majesté sceu ses precedents seruices rendus à l'Estat, & cogneu sa fidelité & bon conseil aux occurrences d'importances, à quoy iamais il n'a manqué. Les Sceaux n'ont esté en ses mains que neuf mois & quelques iours, à cause de son decez arriué en Octobre l'an mil six cents vingt-deux.

98. Messire Louys le Fevre sieur de Caumartin, apres auoir en plusieurs honorables charges monstté de grands effects de sa prudence & de son bon conseil, geré & negocié plusieurs affaires d'importance pour l'Estat, & s'estre dignement acquitté des Ambassades où les Roys l'ont employé, fut apres le deceds de Messire Emeric de Vic, honoré (au camp de Montpellier) de la charge de Garde des Sceaux de France, qu'il n'exerça qu'environ quatre mois, estant decédé en Ianuier 1623. au grand regret des gens de bien.

99. Messire Estienne Haligre, Chancelier de France & de Nauarre, fut apres le deceds de Monsieur de Sillery, choisi par le Roy entre les sages de son Conseil, pour faire ceste premiere charge de la Justice. Chartres l'a veu naistre d'une famille noble & ancienne, & qui a tousiours eu ce bon-heur, d'estre aimée des plus grands de la France. La vertu du sieur de Chauvillier son pere, s'acquitt l'affection de Madame Renée de France, fille du Roy Louys XII Duchesse de Ferrare, & de Madame la Duchesse de Nemours sa fille. Le Baron de la Brosse & d'Arcueil, aîné de son pere, suiuit en la bataille de Pauie la fortune du Grand Roy François, & depuis fut employé en diuers voyages, qu'il falut faire pour redonner à ce Prince la liberté, qu'il perdit en ceste malheureuse journée; ce qui le mit en telle faueur aupres de sa Majesté, qu'elle voulut honorer ses noces de sa presence. Pour son particulier, il prit en les ieunes ans la robe d'Aduocat, non pas seulement pour passer par la porte ordinaire des dignitez, mais pour monstter par les fleurs de sa ieunesse, quels fructs la France deuoit esperer de luy. Aussi dès que l'on entendit en ce celebre Parlement de Paris, ce qu'une doctrine accomplie, & la mesme persuasion faisoient couler sur ses levres, les plus sages iugerent, que ce ieune Pericles estoit nay, pour estre vn iour le Nestor de nos Roys, & que son inclination luy ayant fait mettre le pied sur le premier degré du temple de Themis, sa vertu le porteroit iusques sur le dernier. Content en fin de quelques ieunes palmes, que son eloquence luy auoit acquises dans le barreau, il fut pourueu d'un office de Conseiller au Grand Conseil; où ayant esté receu avec elege, il y fit sa charge avec tant de merite & d'integrité, que le feu Roy d'heureuse memoire, Henry le Grand, qui scauoit cognoistre ses subiects, le designa President au Parlement de Bretagne: mais vne longue & ennuieuse maladie, dont il fut surpris, l'empescha d'aller faire ceste charge, comme si la bonne fortune de la France, luy reseruant le plus grand honneur de la robe, jalouse, n'eust pas voulu le communiquer à vne moindre dignité. Sa santé recourée, feu Monsieur le Comte de Soissons le fit intendant de sa maison. Mais comme en 1610. la France eut perdu ce qu'à iamais elle regrettera, la Reine Mere (considerant combien les plus sages de l'Estat estoient necessaires, pour suppléer la rare prudence de nostre Grand Henry, qui n'estoit plus) conseilla au Roy son fils de l'approcher de sa Majesté, & de se seruir de

son Conseil. Estant Conseiller d'Etat, il fut donné pour tuteur honoraire à Monsieur le Comte de Soissons fils. Quelque temps apres, le Roy l'enuoya en Languedoc, en Gascongne, & en Bretagne, où sa prudence fit si bien, qu'en fin ces provinces agitées des mouuemens qui troubloient lors la France, se trouuerent paisibles. Tellement que sa Majesté aussi sage que iuste, recognoissant en luy toutes les perfections qu'elle pouuoit desirer, mit en sa garde le 6. Ianvier 1624. le sacré deposit des seaux de France & de Nauarre (que dès le siege de Montpellier elle auoit eu volonté de luy commettre ; & Monsieur de Villery estant decédé, le fit son Chancelier le 3. Octobre ensuiuant. Ce fut le contentement, comme c'estoient les vœux & les desirs de toute la France: nostre Grand Roy ayant esleué, en ceste dignité tant importante, celuy en l'ame duquel la pieté, la sagesse, l'equité, & le sçauoir se tiennent par la main, qui a vne vertu, qui ne sçait ce que c'est que de feindre au prejudice d'autrui ; vne fidelité, sans autre interest que celui de son Roy ; & vne prudence qui ne se repent iamais. Et de plus vne rencontre tellement agreable, vne eloquence qui sçait si bien persuader, & vne grace telle en toutes ses actions, que qui le voit a de l'affection pour luy, & qui l'entend se laisse facilement induire, à ce que la iustice ordinaire de son discours peut desirer. Qualitez grandes & rares, & d'autant plus à priser en luy, qu'estant la voix & l'image du Prince, elles sont propres pour conseruer à sa Majesté, la bonne volonté de ses subjects, & luy concilier les affections des estrangers. Mais ce qui n'est moins admirable, c'est que peu de Chanceliers, ou Gardes des Seaux, sont paruenus en ce suprême degré d'honneur, qu'ils ne se soient premierement formez dans les autres charges, & qu'ils n'ayent passé de dignité en dignité : & il fait voir, que le vray diamant, qui taille les autres pierres precieuses, se taille, se façonne, & se polit par soy-mesme, & les grands esprits par leur propre vertu.







BRIEFS ELOGES DES PLUS CELEBRES IVRIS-
consultes Interpretes du Droit Romain, depuis 500. ans ou environ.



Irnerius



Gratianus



Placentinus

1. **I**RNERIUS ou Vvernerus Aleman, qui auoit gouverné sous l'Empereur Henry V. les Prouinces d'Italie depédantes de l'Empire d'Alemagne, persuada à l'Empereur Lothaire de Saxe de remettre sus la lecture & interpretation du Droit Romain és plus fameuses Vniuersitez d'Italie, les liures duquel Droit autresfois compilez par Tribonian souz l'Empereur Iustinian, & qui auoient demeuré comme enseuelis en oubly par l'espace de cinq cens ans ou environ, furent trouuez en vne ancienne Librairie de la ville de Melphes environ l'an de nostre Seigneur 1137. Et iceluy Irnerius fut le premier qui interpreta à Rome & à Bologne lesdits liures de Droit Romain, & les illustra de gloses, laissant plusieurs celebres disciples en la Iurispudence. Il mourut à Bologne la Grace, l'an 1190.

2. Gratian natif de la ville de Chiufi en la Toscane, Religieux de saint Procule à Bologne, voyant que le Droit Romain estoit en grande vogue en Italie, peu de temps apres que les liures d'iceluy furent retrouuez, compila le volume du Decret des liures des Conciles de l'Eglise & des escrits des saints Peres, enquoy il imita l'Empereur Iustinian environ l'an 1150. Le Pape Eugene 3. autresfois disciple de saint Bernard auctorisa ledit Decret & ordonna qu'il seroit leu & interpreté és Vniuersitez, tout ainsi que le droit Civil.

3. L'Escole d'Irnerius produisit plusieurs grands personnages & entr'autres Placentin, Bagarotus dit Pileus, Anthoine Lyus, Bulgare natif de Pise, Hugolin, Martin & Iean Basianus lesquels florirent en mesme temps à Bologne, à Padouë, & en France, où Placentin enseigna le premier le droit Romain en la ville de Montpellier. Il a escrit deux Sommes, l'une sur le Code, & l'autre sur les Institutes, il mourut à Montpellier & il y est enterré, & là encores on void vne partie de son Epitaphe, le reste ne se pouuant lire.



Ioannes Basianus



Azo



Accursius

4. Iean Basianus fut precepteur d'Azo & composa vne Somme du Droit, duquel il fut Professeur en la ville de Bologne, & il y est inhumé en l'Eglise de saint Anthoine, où on void son Epitaphe qui porte entr'autres choses qu'il fut grand Ca-

noniste, & mourut en l'an 1197.

5. Azo natif de Bologne, fut Auditeur & disciple de Iean Basianus, & commença à florir l'an de nostre Seigneur 1200. Il enseigna le Droit en son pays, d'où estant party afin de ceder à l'enuie, il vint à Mont-pellier & succeda à Placentin en la profession du Droit. En fin il retourna en son pays, où en son vieil aage il fut Chanoine, & interpreta le Droit Canon. Il mourut en la ville de sa naissance, & fut enseveluré en l'Eglise de saint Seruais où on voit encores son Epitaphe. Il compola vne Somme du Droit sur tous les tiltres du Code, & fut precepteur de Roffredus & d'Accurse.

6. Accurse Florentin fut Auditeur de Iean & d'Azo, en l'an 37. de son aage, il fist des Gloses sur toutes les loix du Droit Romain qu'il compila des escrits de ceux qui l'auoient precedé. Il florissoit enuiron l'an 1227. & apres auoir attainé l'aage de 78. ans, il mourut à Bologne laissant deux fils; l'un nommé François qui fut Iurisculte, & l'autre Ceruotus, ce fut en l'an 1229. & il est enterré en l'Eglise des Cordeliers de Bologne avec ceste inscription latine, *Sepulchrum Accursii Glosatoris legum & eius filij.*



Iacobus Baldauini



S. Raymondus



Innocentius Papa III

7. Iacques de Baudoin succeda à Accurse en la profession du Droit à Bologne, & y fut preferé à Iean de Blasco Bourguignon, & à plusieurs autres. Depuis il fut Preteur à Genes. Nous n'auons point de ses escrits, mais Odofredus l'un de ses Auditeurs & Disciples fait souvent mention de luy. On ne sçait le temps de son deceds.

8. Saint Raymond de Penneforte Catalan, natif de Barcelonne Religieux de l'Ordre de saint Dominique, Chappelain & Penitencier du Pape Gregoire IX. compila les cinq liures des Decretales qui furent auctorisez par ledit Pape l'an 1230. Il fut puis apres le troisieme General de son ordre, qu'il gouerna par l'espace de deux ans, durant lesquels il redigea en vn volume les statuts dudit ordre. En fin il se demist de sa dignité à cause de son indisposition, & toutesfois il vesquit apres sa démission 35. ans, en tres-grande humilité & sainteté de vie. Il mourut à Barcelonne le 6. Ianuier 1275. & de nostre temps il a esté canonisé par le Pape Clement 8.

9. Innocent III. Pape du nom natif de Genes qui se nommoit auparauant Synibalde de Fieschi, fut tres-sçauant en Droit, & eut pour precepteurs Azo, Accurse & Iacques de Baudouin: Il a esté le premier qui a fait des Annotations sur le Droit Canon, & ce apres le Concile General de Lyon, où il deposa l'Empereur Frideric II. Il a aussi composé vn liure de la Iurisdiction de l'Empire & de l'auctorité du Pape contre Pierre des Vignes Chancelier dudit Empereur. On dit que c'est luy qui donna le chapeau rouge aux Cardinaux. Il transfera l'Vniuersité de Bologne à Padoue, & fonda celle de Rome, & mourut à Naples l'an 12. de son Pontificat, & de nostre Seigneur 1254. & est enterré en l'Eglise de saint Laurent.



Hostiensis Cardinalis



Odofredus



Speculator

10. Henry de Seguse, François d'Archeuesque d'Embrun fut fait Cardinal Euesque d'Ostie par le Pape Urban IV. l'an 1261. Il estoit fort fameux Iuriconsulte, & a eu pour disciple le Speculateur, dont il sera parlé cy apres. Il a escrit sur les cinq liures des Decretales & vne Somme du Droit digne d'admiration, qu'on appelle la Somme du Cardinal d'Ostie. Il mourut à Lyon l'an 1267. & y est inhumé au Couuent des freres Prescheurs.

11. Odofredus natif de Beneuent fut disciple de Iacques de Baudouin. Il a enseigné le Droit à Bologne, & a escrit sur les liures du Code & des Pandectes, plus vn liure des formules des actions, vn autre del'Ordre Iudiciaire, & vn autre de l'art des Notaires. Il est mort à Bologne l'an 1265. où on voit encores son Epitaphe.


12. Guillaume Durant, François Prouincial de l'Ordre de saint Dominique fut disciple du Cardinal d'Ostie & composa vn liure qu'il intitula *Speculum Iuris*, & pour ce il fut surnommé le Speculateur. Il estoit fort consommé en la pratique du Droit Civil & Canon, & à cause de ce il est appelé Pere de Pratique. Il a esté Euesque de Mande, & a escrit le Rational de l'Office Diuin, & vn liure du Concile dont on fait grande estime. Il mourut ieune aagé seulement de 35. ans ou enuiron. Parlant du saint Sacrement de l'Autel, il disoit ces beaux mots *Verbum audimus, motum sentimus, modum nescimus, presentiam credimus*, qui veulent dire, nous entendons la parole, nous sentons le mouuement, nous ignorons la maniere, & croyons la presence. Il florissoit enuiron l'an 1270. & és années suivantes, & fut Chappelain du Pape Nicolas III.



Dynus Mugellanus



Iacobus de Arena



Richardus Malumbrus

13. Dynus Florentin natif de Mugel au territoire de Florence fut vn des premiers Professeurs du droit à Bologne. Le Pape Boniface VIII. le fist venir à Rome, & se seruit de luy pour compiler le Sexte ou sixiesme des Decretales souz esperance de le faire Cardinal, mais l'œuvre estant paracheué, il s'en retourna à Bologne sans aucune recompense, où il mourut de tristesse l'an 1303. Aucuns escriuent qu'il fut empoisonné. Il a escrit sur les regles du Droit Canon, sur les Pandectes, & sur le tiltre des Actions. Son sepulchre se voit encores en l'Eglise des freres Prescheurs à Bologne pres de celui de Cynus de Pistoye, dont nous parlerons cy apres.

14. Iacques de Arena natif de Parme viuoit en mesme temps, & estoit fort iudicieux professeur du Droit selon le tesmoignage de Bartole. Il a escrit

sur les Pandectes & sur le Code, & vn liure de disputes avec plusieurs traitez particuliers.

15. Richard de Malombre fut disciple de Jacques de Arena, & enseigna le Droit à Padouë du temps de Robert Roy de Naples. Balde, Bartole, Alberic & Ancharan rapportent qu'il estoit le plus docte de tous les Iuriconsultes de son temps. Toutesfois il fut condamné pour crime d'heresie. Il se retira à Venise où il mist par ordre les loix & statuts de la Seigneurie, & y mourut le 4. Iuin 1334. & fut inhumé dans le Cimetiere de saint Iean & saint Paul, sous vne tombe de marbre esleuee, en laquelle son Epitaphe est graué.



Raynerius Foroliuensis



Guilielmus de Cumo



Ioannes Andrea

16. Raynier de Forli surpassa en doctrine tous les Iuriconsultes de son aage, il fut Precepteur de Bartole. Il se trouue des Commentaires par luy faits sur quelques liures des Pandectes. Apres auoir long tēps enseigné le Droit à Padouë, il y mourut & est enterré dans l'Eglise de saint Anthoine, où on voit encores son tombeau, & le temps de son deceds n'est specifié dans son Epitaphe.

17. Guillaume de Cume, & non pas de Cuneo ainsi qu'on l'appelle vulgairement estoit François, tres-sçauant Iuriconsulte, qui auoit l'esprit subtil & estoit bien disant. Il enseigna le Droit Civil & Canon à Orleans, & nous a laissé des Commentaires sur les Pandectes & sur le Code avec quelques traictez. Il ne se trouue rien du temps qu'il deceda.

18. Iean André, fut tres-sçauant en Droit Canon, lequel il enseigna en l'Vniuersité de Bologne dont il estoit natif, avec vne belle suite & grand applaudissement de ses Disciples & Auditeurs. Il eut vn fils nommé Bonicontius qui fut Iuriconsulte celebre. Estant vieil il fut frappé de peste dont il mourut le 7. Iuillet 1348. Sa sepulture & son Epitaphe se voyent encores en l'Eglise des freres Prescheurs de Bologne, il a glosé le Sexte des Decretales & les Clementines, & le mirouer du Droit de Guillaume Duranti, dont il a esté parlé cy deuant.



Cynus Pistoriensis



Ioannes Calderinus



Oldradus

19. Cynus natif de Pistoie de la noble famille des Sigisbaldes fut Auditeur de Dynus, & de Iean André. Il a escrit sur les neuf premiers liures du Code, & sur quelques liures des Pandectes. Il s'addonna quelque peu à la Poësie, imitant le grand Petrarque son contemporain. Il florissoit à Bologne l'an

1335. où il est mort & enterré auprès de Dynus son Precepteur.

20. Iean Calderin Citoyen & Gentilhomme Bolognois, fut vn des principaux Disciples & Auditeurs de Iean André, par lequel il fut adopté apres la mort de son fils Bonicontius. Il estoit de tressainte vie & de grande science. Il a composé vn repertoire du Droiçt sur les Decretales, & a laissé plusieurs conseils. Il est mort à Bologne & enterré en l'Eglise des Iacobins.

21. Oldrade du Pont, natif de la ville de Laude en Italie disciple de Dynus & intimé amy de Iean André fut Aduocat Consistorial à Rome & depuis Auditeur. Le Pape Iean XXII. l'auoit en grande estime. Il a laissé à la posterité plusieurs beaux Conseils, desquels Iean André a transcrit plusieurs passages, tellement que Balde l'appelle larron du labeur d'autrui. Il florifloit enuiron l'an 1320.



Jacob de Butrigaris



Bartolus




Lopus de Castillione

22. Iacques de Butrigaris faisoit profession du Droiçt en Italie enuiron le mesme temps : il a esté Precepteur de Bartole, il a par deux fois interpreté le Code, commenté le tiltre des Actions, mis en lumiere plusieurs notables disputes, & laissé quelques traitez sur le Droiçt touchant les compromis & les renonciations.

23. Bartole natif de Saxoferrato en Italie ayant appris la Grammaire, la Rhetorique & la Dialectique à l'aage de 14. ans s'addonna à l'estude du Droiçt Ciuil en la ville de Perouse. Apres auoir ouy par l'espace de 7. ans les lectures de Cynus, de Iacques de Butrigaris, de Raynier de Forli & de Pierre de belle Perche, il respondit publiquement à Bologne & fut passé Docteur en Droiçt à l'âge de 21. an. Depuis il exerça quelque temps l'Office d'Assesseur criminel en la ville de Todi, & delà s'estant retiré à saint Victor pres de Bologne, il se remist à l'estude du Droiçt l'espace de 4. ans. Il fut inuité par ceux de Pise de faire profession du Droiçt en leur ville, ce qu'il fist à l'aage de 25. ans, où il ne fist long sejour, ains il s'en alla demeurer à Perouse, où il se maria & y fist profession d'interpreter le Droiçt Ciuil. Peu de temps auant son deceds il apprist la langue Hebraïque & les Mathematiques. Il fut Conseiller del'Empereur Charles IIII. En fin le 13. Iuillet 1359. il mourut à Perouse aagé de 46. ans, où il est inhumé deuant le grand Autel en l'Eglise des Cordeliers dans vn t'obeau couuert d'une pierre de Marbre, sur laquelle son Epitaphe est graué. Il a escrit sur tout le Droiçt Ciuil, sans y comprendre plusieurs traitez particuliers.

24. Lopus de Castillon natif de Florence Abbé de saint Miniât ordre de saint Benoist, grand Iurifconsulte, a cōmenté les Clementines & composé quelques traictez concernans les matieres Beneficiales. Il florifloit enuiron l'an 1354.



Ioannes de Lignano



Andreas de Isernia



Petrus de Ancharano

25. Iean de Lignano Milanois enseigna le Droit Canon à Bologne. Il a laissé plusieurs escrits sur les Clementines, & sur les Decretales, & composé des Traictez singuliers de la Censure Ecclesiastique, de l'interdict, de la pluralité des Benefices, des Heures Canoniales, des Represailles, & des Permutations. Barbatias l'appelle grand & illustre Capitaine des Canons, des Loix, & de la Philosophie. Il mourut à Bologne le 16. Feurier 1383. & est enterré en l'Eglise des Iacobins, & son Epitaphe contient qu'outre la science du droit Ciuil & Canon, il estoit bon Philosophe, Medecin & Mathematicien.

26. André d'Isernia fut grand Interprete des fiefs & droicts feodaux, comme tesmoigne Iason. Il fut Aduocat du Consistoire Royal à Naples, où il fut tué par vn François, en hayne de ce qu'il auoit plaidé & soutenu vne cause contre luy, ainsi que remarque Capycius en sa Decision 130. Il a escrit sur les Feudes, & du droit de Retraict, & sur l'authentique, *Habita. Cod. ne filius pro patre.*

27. Pierre d'Ancharano natif de Bologne fut tres-sçauant en Droit, lequel il enseigna à Padouë, puis en son pays, où il vescu en homme de bien avec réputation de sainteté de vie & de mœurs. Il a escrit sur les Decretales, sur le Sexte, sur les Clementines, sur les reigles de Droit, & sur les Pandectes. Il nous a laissé des conseils & des repetitions ou lectures sur quelques chapitres du droit Canon. Il mourut à Bologne l'an 1408. & son Epitaphe se voit en l'Eglise des Iacobins où est sa sepulture.



Antonius de Butrio



Benedict de Plumbino



Salicetus

28. Anthoine de Butrio aussi Bolognois fut contemporain de Pierre d'Ancharano, & conforme en science & sainteté de vie. Il a esté Professeur du Droit à Bologne & à Ferrare, Iean d'Imola a esté son auditeur. Il a escrit sur les Decretales & Clementines, il a laissé vn liure de Conseils, & deux repertoires, l'un en droit Canon & l'autre en droit Ciuil. Il mourut à Bologne l'an 1408. le 7. Octobre, & est enterré à saint Michel du Mont.

29. Benoist de Plumbino viuoit en mesme temps & estoit grand Iuriconsulte, mais il n'a laissé à la posterité aucuns escrits, quoy que soit, il nes'en trouue point. Il mourut à Padouë le 14. Mars 1410. comme on apprend par son Epitaphe qui est dans l'Eglise des Augustins de ladite ville à main droite pres de la porte.

30. Barthelemy de la Saussaye, ou Salicete, Bolognois enseigna le droit à


Padouë l'an 1378. & quatre ans apres la peste le chassa de là, & le fit retourner à Bologne, où il interpreta tous les liures du Code. Il persuada à Albert d'Est Marquis de Ferrare de fonder & eriger vne Vniuersité de droict à Ferrare, où en l'an 1398. il fit des Lectures en Droict, & y fut le premier Professeur. Il mourut à Bologne estant fort vieil le 28. Decembre 1412. & est inhumé en l'Eglise des Iacobins, où on peut veoir encores son Epitaphe.



Ludomc Lambertacius



Albericus Rosatus



Signorol Homodei


31. Iean Louys Lambertacius natif de Padouë y fut Professeur en droit Ciuil & Canon: & outre cela il fut grand Orateur & bien-disant, comme on peut remarquer par son Epitaphe qu'on voit à Bologne dans vne pierre de marbre deuant l'Eglise de S. Blaise, où il mourut le 12. May 1418. nous n'auons aucuns de ses escrits.

32. Alberic de Rosate, natif de Bologne fut fort grand & insigne Practicien, aux opinions duquel les Aduocats de Milan deferent plus que de tous les autres Docteurs, comme remarque Iason. Il a escrit sur le Code & les Pandectes, & vn liure de Statuts, avec vn Dictionnaire du Droict Ciuil. Il estoit contemporain de Bartole. On ne sçait en quel temps ny en quel lieu il mourut.

33. Signorolus de Homodeis, Milanois, fut fort fameux Iuriconsulte au mesme temps d'Alberic, il estoit doüé d'une heureuse memoire, & a commenté plusieurs Loix des Pandectes & du Code, & a fait vn traicté de la preference & comparaisn d'un Docteur & d'un Cheualier. Le temps & lieu de son trespas nous est incogneu.



Baldus



Angelus



Christofor Castillioncus

34. Balde natif de Perouse surnommé de Vbaldis fut auditeur de Bartole, & commença à lire en Droict l'an 17. de son aage. Estant Docteur es Droicts, il se transporta à Bologne l'an 1344. pour y faire des Lectures, où il acquist fort grande reputation qui fut cause que le Duc de Milan Iean Galeace l'attira à Paue pour y faire profession. Ce qu'il fit par plusieurs annees, où il mourut en extreme vieillesse le 28. Auiil 1420. Son Sepulchre & Epitaphe sont en l'Eglise des Cordeliers de Paue. Il a commenté tout le Droict Ciuil outre les Traictés singuliers qu'il a composez durant 56. annees qu'il fit profession du Droict.

35. Ange de Vbaldis frere de Balde fut Docteur à 23. ans & deslors il fit profession du Droict, où il s'acquit vn grand renom, & combien qu'il fust infe-

rieur en esprit à son frere, il le surpassoit en iugement: l'un & l'autre moururent en mesme annee, mais ce fut en diuers lieux. Car Ange mourut à Florence, & Balde à Paue. Il a escrit sur le Code, sur les Pandectes, & sur les Institutes.


36. Christofle de Chastillon Milannois fut fort subtil en Droiçt, tellement que Iason l'appelle vn autre Sceuola, & Fulgose le surnomme le Prince ou premier des Legistes & Archidocteur, & son Epitaphe, qui est à Paue, où il deceda le 16. May 1425. porte qu'il estoit Conseiller du second Duc de Milan, qu'à Paue, à Parme & à Siennel auoit tenu la premiere chaire de Droiçt, & qu'on l'appelloit Monarque des Loix.



Raphael Fulgosius



Raphael Cumanus




Franciscus Zabarella

37. Raphael Fulgose natif de Plaisance en Italie fut disciple de Christofle de Chastillon, & florissoit à Padouë l'an 1430. On dit que luy & Raphaël de Come desroberent plusieurs escrits de leur Docteur, & que les ayans partagez ensemble ils les publierent sous leurs noms. Il est mort à Padouë, & enterré en l'Eglise S. Anthoine, où on veoid son Epitaphe.

38. Raphaël de Cume contemporain & condisciple de Fulgose, duquel nous venons de parler, mourut aussi à Padouë, son Sepulchre accompagné de son Epitaphe est encore en l'Eglise de S. Iustin. Nous auons ses Conseils en plusieurs volumes.

39. François Zabarella, Padoüan, estudia en droiçt à Bologne sous Iean de Lignano, Balde & Salicet, & à cause de son erudition & probité de vie, il fut esleu Archeuesque de Florence, & créé Cardinal par le Pape Iean xxij. l'an mil quatre cens vnze. Il a escrit sur les Decretales & Clementines, & fait diuerses repetitions, mesmes vn traicté touchant le Schisme. Il mourut en la ville de constance en Allemagne estant au Concile general y assemblé l'an mil quatre cens dix-sept, aagé de 78. Il est enterré à Padouë, & Poge Florentin fit son Oraison funebre.



Ioannes ab Imola



Paulus de Castro



Ludouicus Romanus

40. Iean d'Imola Bolognois fut disciple de Balde, & profita tellement en l'estude de Droiçt qu'il est réputé vn des premiers Interpretes d'iceluy. Il a escrit sur les Decretales, le Sexte & les Clementines, & sur les Pandectes, & mourut en son pays le 18. Feurier 1435. La plus part de ses escrits furent consummez par le feu. Il est ensepulture en l'E-

41. glise des Iacobins, en la partie du Chœur qui est vers le Soleil Leuant. Paul de Castre, grand Iurifconsulte, a exercé la profession du Droit par l'espace de 57. ans à Padouë, à Florence, à Bologne, & à Siene. Il a escrit sur le Code & les Pandectes, & nous a laissé ses Conseils. Il se maria à Florence, où il redigea par escrit les Statuts de la ville. Il est enterré à Padouë où il mourut l'an 1437. & son Epitaphe se veoid en l'Eglise des Religieux *Servites*.

42. Louys du Pont fut surnommé le Romain, parce qu'il auoit passé la plus grande partie de sa vie à Rome, quoy qu'il fust natif de Spolete. Il fut auditeur de Iean d'Imola, & on fait estat de luy à cause de sa patience au travail & à l'estude, & pour sa grande memoire. Il a commenté le droit Ciuil, & nous a laissé ses Conseils & ses repetitions & autres œures. Il estoit Protenotaire du S. Siege Apostolique. Il fut au Concile de Basle, où il mourut de peste l'an 1439. aagé de 30. ans ou peu plus, & ne fut malade que 36. heures, & est inhumé aux Chartreux de ladicte ville où est son Epitaphe. Le Pape Pie 2. en fait honorable mention, qu'on nommoit *Aeneas Syluius* auant qu'il fust Pape.



Panormitanus



Iacob Aluarotus



Iacobus Zoccus

43. Nicolas de Tudelchis, surnommé de Panorme natif de Catane eut pour precepteur Zabarella, & enseigna le Droit Canon à Siene l'an 1425. & depuis à Parme, & de là il fut auditeur de Rote à Rome, puis esleu Abbé, & en fin Archeuesque de Panorme, & ayant esté enuoyé au Concile de Basle avec Louys du Pont surnommé Romain, il fut fait Cardinal par Felix V. durant le Schisme l'an 1440. Il a escrit des Commentaires sur le Droit Canon, & nous a laissé des Conseils, entre lesquels il defend le Concile de Basle, & outre ce il a fait vn liure de la Puissance du Pape, de l'Empereur & du Concile. Estant retourné en Sicile il mourut à Panorme l'an 1445. & est enterré en l'Eglise Cathedrale, où on veoid encore son Epitaphe, lequel porte nommément qu'il fut Cardinal.

44. Iacques Aluarot natif de Padouë fut auditeur de Salicete pour le Droit Ciuil, & de Zabarella pour le Droit Canon. Il enseigna le Droit en son pays par l'espace de 30. ans, où il mourut le 18. Iuin aagé de 60. ans l'an 1453. & y est enterré en l'Eglise S. Antoine en la Chapelle de S. Iean Baptiste, & là on void son Epitaphe qui cõtient qu'il a commenté les liures des Feudes, & en a fait vn Repertoire.


45. Iacques Zocco Ferrarois, Professeur celebre en Droit Canon ne nous a laissé par escrit qu'une repetition sur le chap. *Omnis vtriusque sexus. De poenit. & remission. extra.* quoy qu'il en ayt composé plusieurs autres qui ont esté perdus par l'iniure du temps, ou supprimez par la malice des hommes. Il florissoit l'an mil quatre cens quarante, & en l'an 1460. il deceda à Padouë, & y est enterré en l'Eglise de S. Iustin.



Bartholom Cepola



Alexander Imolensis



Marianus Socinus

46. Barthelemy Cepola de Verone, fut Professeur du Droit à Padouë avec Alexandre d'Imola, dont sera parlé cy apres, & y eut pour la pre-
sance grande contention entr'eux. Cepola comme plus aagé vouloit
preceder, mais Alexandre qui estoit en plus grand renom de sçavoir
ne luy vouloit ceder. Il a escrit des Cautelles & des Conseils. Il mou-
rut l'an 1477. en la mesme annee que trespassa Alexandre.

47. Alexandre Tartagne natif d'Imola fut disciple & auditeur de Jean
d'Imola. Il a fait profession publique de Droit à Pavie, à Padouë, à
Ferrare, & à la fin à Bologne. Il a commenté le Droit, & nous a laissé
plusieurs volumes de ses Conseils. Felin Iuriconsulte luy rend cest
honneur que pour l'intelligence du Droit il dit, que ses interpreta-
tions seruent comme d'une lampe claire & ardante. Il a regenté par
l'espace de 30. ans, & est mort à Bologne l'an 1477. où il est inhumé
en l'Eglise des Iacobins dans vn tóbeau somptueux de marbre blanc,
avec son image qui y est grauee & son Epitaphe.


48. Marian Socinus de Siene estoit tres-excellent Iuriconsulte & de
singuliere erudition, & à cause de ses perfections estoit grandement
aymé & honoré par le Pape Pie 2. son compatriote. Il estoit fort petit
homme quant à la stature, mais parfait quant à l'esprit. Car il estoit
eloquet Orateur, Poëte, Historien, Philosophe, Mathématicien, grãd
Musicien, & estoit fort expert en l'Agriculture. Il a beaucoup com-
menté sur le Droit, & c'est pourquoy Alexandre d'Imola l'appelloit
le Docteur immortel.



Petrus Philipp Corneus



Andreas Barbatia



Franciscus Aretinus

49. Pierre Philippe Cornee, natif de Perule fut auditeur & gendre de
Jean Petruce Perusin celebre Iuriconsulte. Ayant esté receu Do-
cteur és Droicts, il commença à en faire profession publique en la
ville de sa naissance, puis il alla à Ferrare, & de là à Pise, & en fin il re-
tourna en son pays, où il ne s'addonna pas seulement à la lecture du
Droit, mais aussi à plaider & consulter. Il enseigna par l'espace de 50.
ans, & laissa vn Commentaire sur le Code, & 4. volumes de Conseils.
Il mourut aagé de 77. ans, l'an 1462.

50. André le Sicilien, dit Barbatias, fut disciple & auditeur de Jean d'I-
mola. Estant desia vieil il fit des Lectures de Droit à Bologne. Il es-

poula Marguerite de Pepoli. Il auoit grand nombre d'auditeurs, aussi receuoit-il vn honorable appoinctement. Il a laissé 4. volumes de Conseils, & est mort à Bologne où il a esté enterré dans l'Eglise de S. Petrone, où on void encores son Epitaphe & tombeau que sa femme & ses enfans firent faire & consacrer à sa memoire.

51. François d'Accoltis natif d'Arezzo, & à cause de ce surnommé Arcin, fut le premier des Iuriconsultes de son temps, selon le iugement de Iason, qui le prefere à Alexandre d'Imola: car outre la science du Droit, il estoit tres-sçauant en Grec & en Latin, & de fait il a traduit quelques-vnes des vies de Plutarque. Il a escrit sur le Droit Ciuil & Canon, & vn Traicté de la difference qu'il y a entre vne sentence interlocutoire & definitive, & nous a laissé ses Conseils. Il viuoit du temps du Pape Pie 2.



Antonius Rosellus



Antonius Corsetus



Ioannes Rosellus

52. Antoine Rosellus, natif de la Toscane excellent Professeur du Droit Ciuil & Canon a fait plusieurs Lectures de sa profession en l'Vniuersité de Padouë, & a laissé plusieurs de ses escrits sur le Droit & ses Conseils, par le moyen desquels il a eternisé sa memoire enuers la posterité. Il estoit bien instruit es bonnes lettres, comme en font foy les trois liures qu'il a faits de la Monarchie du Monde, & de la Puissance du Pape. Il florissoit enuiron l'an mil quatre cens quatre vingts, & est enterré à Padouë l'an 1486. Philippe de Bergame fait honorable mention de luy au 16. liure de son supplément du supplément des Chroniques.

53. Antoine Corsetus florissoit en mesme temps que Rosellus, & a esté celebre Iuriconsulte. Il a escrit sur la matiere de la quarte Trebellianique, des priuileges de la paix, des Fallences sur la regle, que celuy qui a esté spolié doit estre auant toutes choses reintegré, & de la puissance Royale. Plus il a composé des Decisionis & double Repertoire des Commentaires de Panorme sur le Droit Canon.

54. Iean Baptiste de Rosellis fils d'Antoine Rosellus florissoit enuiron l'an 1487. & a fait vne somme du droit, qu'on appelle *Summam Rosellam* autrement *Baptistinianam*, & a escrit sur le premier liure du Code. On ignore le temps de sa mort.



Ludouic Bologninus



Felinus Sandeus




Iason Maynus

55. Louys Bolognin, Jurisconsulte a regenté en Droit Ciuil & Canon à Bologne & à Ferrare. Il a escrit sur les Pandectes, & a laissé vn volume de ses Conseils, ayant exercé l'office de Iudicature à Florence, & esté Sénateur à Rome sous le Pape Alexandre 6. Il fut enuoyé Legat ou Nonce Apostolique par le Pape Iules 2. vers le Roy Louys xij. & apres sa Legation accôplie retourna de Rome à Bologne, il mourut à Florence aagé de 61. an, l'an 1508. & son corps fut porté à Bologne, & ensepulture en l'Eglise des Iacobins, où on void son Epitaphe.

56. Felin Sadeus Ferrarois tres-habile Jurisconsulte a fait profession du Droit Canon à Ferrare & à Pise, dont il acquit tel renom que le Pape Innocent 8. le fist venir à Rome, & le constitua President de la Rote, où il a exercé ceste charge long temps, mesme sous le Pontificat d'Alexandre 6. En fin il fut Euesque de Lucques. Il a laissé à la posterité plusieurs volumes de ses escrits, nommément sur les Decretales, & le Decret, & mesmes vn liure des Rois de Naples & de Sicile. Il viuoit encôres du temps de Philippe de Bergame Religieux Augustin, qui le loué grandement.

57. Iason Maynus Gentil-homme Milanois fut fort fameux & consommé Jurisconsulte, grand Orateur, & Conseiller du Duc de Milan Louys Sforce. Il a commenté le tiltre des Actions du 4. liure des Institutes, & les 9. liures du Code, & vne bonne partie des Pandectes. Il fut disciple d'Alexandre d'Imola, & a regenté à Pise & à Paue. où il est mort le 20. d'Auril 1519. Le Roy Louys xij. l'honora de sa presence, & voulut ouyr de luy l'interpretation de la Loy, *Bene à Zenone C. de quadriennij prescript.* où il est escrit que toutes choses appartiennent au Prince.



Carolus Ruinus



Francisc Curtius



Philippus Decius

58. Charles Ruinus, natif de Rege en Italie, enseigna le Droit à Paue & à Bologne où il acquit grande reputation. Il a escrit sur les Pandectes, & des Conseils qui sont redigez en cinq volumes. Il florissoit l'an 1525. & est decedé en l'an 1530.

59. François de la Court ou Curtius, natif de Paue fut Conseiller du Roy François I. mais il laissa bien tost la Cour du Roy, & s'appliqua à la lecture & interpretation du Droit, premierement à Paue, & puis apres à Padoue. Il florissoit l'an 1531. Il a laissé des Commentaires sur quelques liures des Pandectes, & vn volume de Conseils.

60. Philippe Dece Milanois, fut enuoyé à Paue à l'aage de 17. ans, pour estudier en Droit, où il fut disciple de Iason, & auoit l'esprit si vif, que souuentefois à la dispute il se faisoit admirer par les Docteurs mesmes. Il fut Docteur à 22. ans en l'Vniuersité de Pise, où il regenta en Droit Ciuil & Canon du temps de Barthelemy Socinus, & de Felin qui furent grandement ialoux de sa reputation, & furent cause qu'il se retira à Sienne. Depuis il retourna à Pise, & apres auoir fait des Lectures par l'espace de 30. ans es plus celebres Vniuersitez d'Italie, pour euit la hayne & le courroux du Pape Iules 2. contre lequel il auoit escrit pour le Concile de Pise, il se refugia en France, où il regenta quelques annees à Bourges. Apres le deceds du Pape Iules il retourna à Pise, où il fut restabli, & puis à Sienne, où il mourut le 12. Octobre 1535. ayant fait profession du Droit par l'espace de 65. ans, & est enterré à Pise en vn Sepulchre qu'il auoit fait bastir de son

viuant. Il tiroit des Florentins quinze cés escus en or pour ses gages & rappoinctemens par chacun an. Il nous a laissé plusieurs de ses escrits sur le Droi&t Ciuil & Canon, & des Conseils en 4. liures.



Vdalricus Zazius



Ioan Antonius Rubens



Andreas Alciatus

61. Vldric Zaze, Alleman, natif de Constance, s'addonna à l'estude du Droi&t estant desia assez aagé, toutesfois il y profita tellement, qu'il est réputé entre les Allemans le premier Iurifconsulte de son temps. Il regenta à Fribourg en Suisse, où il trouuailla à la compilation & redaction des statuts de la ville. Il a doctement escrit sur le Droi&t Ciuil, & a laissé plusieurs Traictez & Conseils, & est mort à Fribourg le 24. Nouembre 1535. cinq ou six sepmaines apres Dece, & y est enterré. Le grand Erasme a fait son Epitaphe qui est sur son tombeau.

62. Iean Antoine le Rouge, Alexandrin, Conseiller du Duc de Sauoye, laissa la Cour du Duc à l'exemple de François Curtius, & s'addonna à la regence du Droi&t. Il en fist profession premierement à Pauie: puis à Valence & à Thurin, & finalement à Padouë, où il mourut le 16. de Mars 1544. & son tombeau & Epitaphe se voyent dans l'Eglise de S. Iean. Il a escrit sur plusieurs tiltre des Pandectes, & nous a laissé vn liure de Conseils.

63. André Alciat, Milanois tres-fameux Iurifconsulte enseigna premierement le Droi&t à Bourges, puis apres à Pauie. C'est luy qui a remis le Droi&t Ciuil en sa splendeur, & a commencé à en chasser la barbarie. Il a laissé quatre iustes volumes de ses œures, outre les Emblemes que nous auons de luy. Il mourut à Pauie l'an 1548. & y est enterré en l'Eglise de S. Epiphane. De son temps florissoient Eguinaire Baron, & François Duaren excellens Iurifconsultes François, & Docteurs és Droi&ts à Bourges.



Hieronymus Cagnolus



Martinus Alzpicueta



Iacobus Cuiacius

64. Hierosime Cagnole, natif de Verceil fut Conseiller du Duc de Sauoye, & fist profession du Droi&t à Turin, & depuis à Padouë avec grande admiration de ses auditeurs. Il y est mort aagé de 59. ans, le 7. Feurier 1551. & inhumé en l'Eglise des Cordeliers, où est son Epitaphe. Il a escrit vn Commentaire sur les regles du Droi&t des Pandectes, & sur le Droi&t il nous a laissé trois Tomes de ses œures, & vn liure de l'institution du Prince.

65. Martin d'Alzpicueta dit le Docteur Nauarrois, a esté vn des plus grands & celebres Canonistes de nostre tēps. Il s'est la plus part du temps tenu à Rome, où il a escrit plusieurs liures & Traictez en matiere beneficiale. Il a vescu cent huit ans, & est mort à Rome l'an 1586. sous le Pontificat du Pape Sixte cinquieme.

Iacques Cujas Tholosain a esté le Coriphee des Iuriscōsultes de nostre temps, voire de tous les siecles precedens depuis Tribonian, comme il se veoid par les œures contenuz en plusieurs volumes. Il disputa vne chaire de Docteur à Tholose contre Forcadet, mais Forcadet luy fut preferé, qui fut cause qu'il alla à Caors, puis à Bourges, & de là à Valence, où il acquist telle reputation, que le Roy l'honora d'un Estat de Conseiller au Parlement de Grenoble, avec dispense de l'exercer. Il a fait son plus grand sejour à Bourges, où l'an 1590. il est decedé le 3. Octobre, & y est enterré. Tous luy baillent cest Eloge d'honneur, qu'il estoit Iuriscōsulte sans pair, & le Phenix des Iuriscōsultes interpretes du Droit. Scetuole de Sainte Marthe & Papyre Masson ont fait son Eloge en Latin. Les Tholosains le voulans r'auoir en leur Vniuersité, il leur escriuit en ces mots Laconiquement. *Vos frustra requiritis absentem, quem presentem neglexistis. Valete.*

ADVERTISSEMENT AV LECTEUR.

MESSIEURS, d'autant que les portraicts des Iuriscōsultes icy representez ont esté pour la plus part tirez sur une figure enuoyee d'Italie, il ne faut s'esbahir de ce qu'on ny voit quasi autres qu'Italiens, & de ce qu'on ny a mis que fort peu de François, combien que la France ait produit de temps en temps de fort fameux & celebres Interpretes du Droit Romain, & de grands Praticiens. Et pour remedier aucunement à ce defect j'ay estimé qu'il ne sera hors de propos d'insérer en ce lieu quelques uns desdits Iuriscōsultes François, ou qui ont flori en ce Royaume.

IURISCONSULTES FRANÇOIS.

IEAN de Blanasco Bourguignon fut grand & celebre Iuriscōsulte & Philosophe, collegue & contemporain de Iacques de Baudouyn successeur d'Accurse en la profession du Droit à Bologne. Il a commenté le tiltre des Actions, & nous a laissé vn liure de l'ordre Iudiciaire & vn de diuerses questions.

Sainct Yves natif de la basse Bretagne estudia en Droit en l'Vniuersité d'Orleans & y profita beaucoup, de sorte qu'il print en main la defense des causes des vesues, des pupilles & des pauvres: & pour ce il fut appelé l'Aduocat des pauvres. Surius en sa vie escrit qu'il fut Official de Riom en Auvergne, & depuis de l'Euesque de Treguier où il mourut du temps du Roy Philippe le Bel, & fut canonisé l'an 1347. par le Pape Clement VI. à cause de sa saincteté tesmoignée par plusieurs miracles.

Jean de Cressi dit le Moyne du Diocese d'Amiens fut grand Canoniste, & pour son sçauoir fut esleu Euesque de Meaux, puis créé Cardinal par le Pape Celestin V. l'an 1294. & fut enuoyé en France par le Pape Boniface VIII. lors de la contention qui estoit entre le Roy Philippe le Bel & ledit Pape. Il fit bastir le College dit du Cardinal le Moyne à Paris, & a fait des gloses sur le sixiesme des Decretales. Il mourut à Auignon le 22. d'Aoust 1313. & son corps fut apporté à Paris & enterré en la Chappelle du College par luy fondé, où on voit son Epitaphe.

Guillaume du Brueil ancien Praticien François redigea par escrit en Latin le stile du Parlement du temps de Philippe le Bel, & de Louys Hutin Roys de France & de Nauarre, qui a esté depuis commenté par M. Estienne Aufrery & M. Charles du Moulin, & est intitulé, *Stilus antiquus Curie parlamenti.*

Pierre de belle Perche Bourguignon fut Iuriscōsulte fort subtil, & enseigna le Droit à Orleans, où on voit encores sa maison. Il a fait des repetitions sur plusieurs loix des Pandectes & du Code: il a aussi commenté le liure des Feudes & laissé des disputes iusques au nombre de 547. il fut Chancelier de France.

Jean le Febure ou Fabri Angoulmois a esté celebre Iuriscōsulte & Praticien.

Il a commenté les Institutes & les 9. liures du Code. Balde & Iason le louent à merueilles & en font estat comme d'un tres grand & subtil Docteur.

Pierre Bertrand de la ville d'Annonay en Viarez enseigna le droit publiquement à Auignon, à Orleans, à Paris & à Montpellier, qui fut cause qu'il fut esleu pour son eminent sçauoir Euesque, d'Auxerre, puis d'Authun, & en fin fait Cardinal par le Pape Clement VI. Il a fait entr'autres vn liure contre Messire Pierre de Cugnieres Aduocat du Roy au Parlement pour la defense de la Iurisdiction Ecclesiastique du temps du Roy Philippe de Valois. Il fonda à Paris le College d'Authun, autrement du Cardinal Bertrand, s'iz en la ruë de S. André des Arcs, & mourut à Auignon l'an 1361.

Henry Bohic natif de Leon en la petite Bretagne a esté fort grand canoniste, & a commenté les cinq liures des Decretales & le Sexte.

Iean le Bouteiller natif de la Gaule Belgique, grand Iuriconsulte & Praticien fut Conseiller du Roy au Parlement de Paris, durant le regne des Roys Charles V. & VI. Il a fait vn liure de Pratique appellé la Somme Rurale, au bout duquel est inseré son testament fait le 16. de Septembre 1402.

Iean de Terre rouge fut Aduocat du Roy à Nismes, & a composé vn excellent traité contre les rebelles de la France. Il mourut à Nismes le 25. Iuin 1430. où il est inhumé, & on voit encores son Epitaphe en l'Eglise des Iacobins qui est graué sur vn sepulchre de pierre dure.


Guy Pape fut Conseiller au Parlement de Grenoble en Dauphiné, & a esté fameux Iuriconsulte & Praticien. Nous auons ses decisions, ses questions singulieres & ses conseils, & les Commentaires qu'il a faits sur plusieurs liures des Pandectes, du Code & des Decretales. Il florissoit du temps de Charles 7. & de Louys XI. Roys de France.

Nicolas Boyer de Montpellier fut President au Parlement de Bordeaux. Il a commenté les Coustumes de Berry, & florissoit du temps du Roy Louys XII. surnommé pere du Peuple, & en mesme temps viuoit Claude Seissel aussi Iuriconsulte celebre & historien, qui est mort Archeuesque de Thurin.


La France a encores produit d'autres grands Iuriconsultes & Praticiens, les Eloges desquels ne peuuent estre employez en ce peu de lieu qui reste, & il suffira pour en cōseruer la memoire de mettre icy les noms de quelques vns d'iceux. Sçauoir de Pierre de la Forest qui fut Chancelier de France sous le Roy Iean, de Masuere Auuergnat, duquel nous auons la pratique, de Pyrrhus Anglebermeus qui a commenté la Coustume d'Orleans, d'Estienne Aufreri President aux Enquestes du Parlement de Tholose, de Guillaume Benedicti, de Iean de Selue, d'Arnoul Ruzé, de Iean Feu premier President au Parlement de Roüen, de Guillaume Budé, de Barthelemy de Chassaneus, d'André Tiraqueau, de Iean Imbert, d'Arnoul du Ferrier, de Pierre Rebuffe, de Philippe Probus, d'Eguinaire Baron, de François Duaren, de François Hottoman, de François Connan Maistre des Requestes ordinaires de l'Hostel du Roy, de Charles du Moulin, de Bertrand d'Argentré Seneschal de Rennes en Bretagne, de Hugues Donneau, d'Anthoine le Comté, de Iean Robert, de Iean Coras, d'Estienne Forcadet, de Roaldes, de Pierre Rat, de Barnabé Briffon, President au Parlement de Paris, de François Balduin, de Pierre Pichou, de Pierre Ayrault Lieutenant Criminel d'Angers, de Pierre Costalius, d'Anthoine d'Villiss, de René Choppin, de Pierre Gregoire de Tholose, de Guy Coquille, de Pardoux du Prat, & d'infinis autres.







LES POVRTRAITS ET LES VIES DES
 ANCIENS POETES LATINS, DEPVIS LIVIVS
 ANDRONICVS, IVSQVES A SIDONIVS APOLLINARIS,
 ET MICHEL MARVILLE.




Livius andronicus epicus *Q. Ennius epicus* *M. Plautus comicus* *Cn. Naevius comicus*

I. **L**IVIVS ANDRONICVS Poëte Epicque, inuenta le premier à Rome les fables Latines, 160. ans apres le deceds de Sophocle, & d'Euripide, pendant la seconde guerre Punique. Les pucelles chantoient ses carmes parmy la ville, pour accoiser l'ire des Dieux: Les gestes & beaux-faits d'armes des Romains furent par luy redigez en 18. liures. Il celebra par ses hymnes la loüange des Dieux.


2. **QVIN. ENNIUS** nasquit à Rudes, ville des Salentins, il arriua à Rome du temps de Mar. Plautus & de M. Caton Orateur excellent, il disoit coustumierement qu'il auoit trois cœurs, pource qu'il auoit la facilité de parler la langue Grecque, Oscienne, & Latine, en icelle il composa des Annales, des Satyres, des Comedies, des Tragedies intitulees le Telephe, l'Ambracie, les Eumenides, l'Alchmeon, l'Andromache, le Thyeste, la Medee, le Phenix, le Thelemon, l'Hecube, l'Achilles, les Pancratiastes & autres. Il fit la version d'Euhemerus Poëte Grec, entre les Latins il a le premier merité de se parer de la couronne d'Helicon: sa demeure fut sur la coste du mont Auentin, pres le Temple de la Deesse Tutuline, d'autant qu'il fut retenu & sobre en son viure, il fut dissolu à boire: pour l'entretien de son mesnage vne chambriere luy fut assez, entre luy & Scipion l'affectiō & le respect furent reciproques, la douleur des gouttes l'osta du monde; ayant passé soixante & dix ans, le monument de Scipion est le sien.

3. **MAR. PLAUTVS**, honore de sa naissance Sarsine ville d'Vmbrie, il s'occupa à son commencement à faire aller les meulles d'un boulanger, auquel il s'estoit loué, en cet endroit il dressa quelques fables ou Comedies, que les anciens admiroient, nous n'en auons que vingt, Demophile, Philemon, & Epicharme le Sicilien furent ses modelles. Il fut si sagement temeraire à inuenter des mots & dictions que cela luy tourne à grande loüange. Epius Stolo disoit, que si les Muses eussent bien voulu parler Latin, qu'il leur estoit besoin de parler comme Plaute. Volcatius en l'ordre des Poetes le prefere à tous les autres apres Cælius, sa vie finit peu d'annees depuis celle d'Ennius.

4. **CN. NAEVIVS** Comediographe fut de Champagne, le troisieme rang des Comiques luy est donné durāt les guerres Punique, qu'il a luy-mesme escrites, il fut payeur des gens d'armes, le theatre recita quelques siennes Tragedies, & Comedres, il se licentia excessiuement pour brocarder les vices. Metellus luy en voulut mal, sa mesdisance le fit emprisonner, & chasser par la sollicitation de la noblesse de Rome, Vtique garde ses os.




M. Pacuvius trag.



Stat. Caecilius. co.



L. Accius tragicus



Pub. Terentius comicus

5. MARC PACUVIUS neveu d'Ennius fut de Brunduse, ville de Calabre, la gravité de ses sentences, la force & energie de ses paroles, avec la belle disposition de ses personnages luy acquirent le nom de tres-excellent Poëte, sa Peribee, Hermionne, Athalante, Ilione, Antrope, Teuire, Medee rendoient sa renommee familiere parmy beaucoup de nations. Plin luy attribue l'honneur d'avoir esté bon peintre: il tint Academie en la maison d'Accius, qu'il suruesquit; Tarente fut sa derniere demeure où la mort le prit aagé de 90. ans.

6. STATIUS CAECILIUS, François de nation (ou comme aucuns disent Milannois) acquit selon le iugement de Volcatius, le lieu principal entre les Comiques. Ennius & luy s'entreurent privément, Terenar luy fut amy, 30. Comedies sortirent de sa façon, sçavoir le Naclere, les Syracusiennes, Pausimache, Hippobolimee, Epiclere, Cratin, la Tromperie, l'Andrie, les Annales, l'Vsurier, les noms des autres se sont perdus, il finit vn an apres Ennius.

7. L. ACCIUS Tragediographe fut plus ieune que Pacuvius, son origine prit source de parens affranchis du Consulat de Marcinus & Seranus. Decius Brutus prisoit fort l'industrielle gentillesse de son esprit, & voulut embellir & pafer de ses inscriptions Poëtiques les entrees des Temples & des Monumens, le voyage qu'il fit à Tarente, luy prepara l'occasion de conferer avec Pacuvius, qui apres la lecture qu'il luy avoit faicte de son Atree, luy dit: Ta Tragedie a quelques vers, qui sont rudes, agaçans & non meurs, Accius luy repartoit ceste responce. Je ne m'en repens point, les fruiçts qui produisent les esprits des hommes ressemblent aux pommes aigres & agaçantes, que se meurissent avec le temps. Il ordonna qu'une statue patronnee sur sa figure fust mise au Temple des Muses, d'un fort grand modele, bien qu'il fust de petite corpore.


8. PUB. TERENTIUS Poëte Comique, fut Carthaginois, on l'amena bien ieune à Rome, où par la debonnaireté & charité de Terentius Lucanus son maistre il fut instruit aux sciences liberales, par les braues & sçavants professeurs en icelles, & depuis affranchi par iceluy, à cause de la suffisante gentillesse de son esprit. Statius Caecilius l'ayma, aussi luy communiquoit-il ses Comedies, les six qui courent parmy nous tiennent du style de Apollodore & de Menandre. Horace le censeur des Poëtes anciens, attribue à Caecilius la gravité des sentences, à Terence l'artifice & la belle disposition de la Comedie, il mourut en Arcadie, de regret d'avoir perdu quelques sienes comedies.




Clucilius satyr



Sex. Turpilius comicus



Cn. Marius mimographus



L. Afranius comicus

9. CAIUS LUCILIUS fut natif d'Arunche, ville d'Italie, les parens estoient nobles & de

remarque : aucun deuant luy n'auoit escrit des Satyres, l'antiquité en veit trête liures, qu'il auoit composez, Rutilius, Luppus Carbo, & Lucilius Tubulus n'y furent espar-gnez. On tient que Cn. Pompeus estoit son nepueu, l'Empereur adrian le tenoit pour le Coriphee des Poëtes Satyriques & Mordants. Naples veit enterrer son corps en l'aa-ge de 46. ans.

10. **SEXT. TURPILIUS** Poëte Comique, receut quelque louange en sa vacation, il veit le siecle de Terence qui familiarisa avec luy, Volcatius entre les Comiques, luy assigne la 7. place, il sortit du monde le iour propre que Furius Bibaculus y entra, & gista en la ville de Sinuesse.

11. **CN. MATIVS** composa vne Hiade en vers Hexametres, il n'y acquit vne legere re-putation, il se messia aussi de faire des Mimes, outre que c'estoit son principal exerci-ce, son inclination l'y portoit. Vn citoyen Romain portant son mesme nom fut le premier inuenteur de couper les bois, & bien chery d'Ostaue Cæsar, pour ses rares in-ventions.

12. **L. AFRANIVS** Poëte Comique, eut vogue à Rome, Terence mesme y florissant. Il reglana curieusement Menandre: Quintilian l'accuse d'auoir trop lasciuement parlé de ses propres amours: sa mort est incogneüe.




13. **FABIVS DORSENNVS** a meritè d'estre au Catalogue des Comiques: Pline & Hora-ce en font mention, il se trouue entre les mains des Antiquailles vn vieil medaillon de son visage, portant en son reuers ceste inscription **FABIVS DORSENNVS**.

14. **MAR. ATILIVS** gagna le tiltre de braue Poëte Tragique, toutesfois les anciens trouuoient ses vers vn peu trop fermes & rudes, ce fut ce qui donna lieu à vn certain Liciniuz de l'appeller Poete de fer, il butina abondamment Sophocle. Son deceds est ignoré.

15. **Q. TRABEAS** fut Poete facetieux, plein de rencontres, & gaillard en la Comedie. Ciceron se pare en beaucoup d'endroits de ses vers, & les allegue à son propos. Vol-catius l'assied au 8. banc des Comiques.

16. **CN. AQUILIUS** fut au rapport d'Aule Gelle Poete Comique, il afferme qu'il tradui-sit de Grec en Latin plusieurs Comedies de Menandre.



17. **CAIVS LICINIUS Imbex** ne fut en rien inferieur aux poetes qui le precederent de siecle, Volcatius le fait marcher dedans le champ de la gloi-re deuant Ennius, Turpilius & Terence. C'est tout ce que les anciens ont obserué de Licinius.

18. **Q. NONIVS** exposa en lumiere les fables Atellânes, & plu-


seurs autres Comedies, où la richesse de son esprit desploya de belles raretez.

19. T. LUCRETIVS CHARVS sortit de la famille des Lucretiens, qui en noblesse & ancienneté ne fut des dernières de Rome, il fut de l'opinion d'Empedocle & d'Epicure, & grand perscrutateur de la nature: les six liures que nous auons de luy le montrent assez. Eusebe dit qu'ayant enuiron 40. ans il se deffit luy-mesme de sa propre main, pour auoir beu quelque philtre ou breuuage amoureux, qui le rendit insensé & furieux.

20. LVC. POMPONIVS estoit Boulonnois, d'un naturel vif, hargard, & courtisan, il se mit à faire des fables Atellânes, comme Nonius. Les anciens parlent encores de quelques siennes Comedies non de sa mort.



21



22



23



24

Dec Laberius mimographus

Catullus epigram script

Atta Comicus

Pub Syrus mimographus

21. DECIVS LABERIVS cheualier Romain, prit grand plaisir à consumer son estude en la composition des Mimes, ce qui venoit de son esprit estoit fort bien receu de Octaue César, qui luy donna vn iour cinq cens sesterces, & vn anneau d'or de grand valeur, l'ayant oüy reciter quelques-uns de ses Mimes, bien qu'il paruint iusques à vne extreme vieillesse, son esprit toutesfois n'en fut moindre, & ne sentit les incommoditez de son aage: sa mort n'est sceüe.


22. QVIN. CATVLLVS vint de l'illustre race des Catulles, son esprit fut richement fertile en mignardises, habile & capable de bien ourdir & couper vn vers: ce fut le motif de l'amour que luy porterent Ca. Cotta & Lu. Crassus, il s'esperonnoit de luy-mesme à l'amour, & aux delices.

23. QVIN. ATTA a faict quelques Comedies, Horace s'en est souuenu en l'Epistre qui traite des Poëtes Latins: Les Annales Romaines racontent qu'il trespassa à Rome, & qu'il fut enterré en la voye Prenestine, à deux milles de la ville.

24. PVB. SYRVS s'exerça aussi apres les Mimes, chacun applaudissoit à sa renommee, il fut contemporain de Cicerô, l'excellence de sa beauté esmeut son maistre à luy donner liberté, les anciens taisent son trespas.




25



26



27



28

Porcius Licinius epig

Valerius Aedituus epig

Cor. Licinius calvus epig

Cornificius epigram

25. PORCIUS LICINIUS se monstra autant noble d'esprit que de race, bien qu'il fust descendu du noble estre des Liciniens. Il fut doux, traitable, accort en sa conuersation, ingenieux & inuentif en la composition des Epigrammes, en quoy il eut peu de parangons.


26. VAL. AEDITVS remporta beaucoup de gloire pour s'estre delecté aux Epigrammes. Aule Gelle assure n'auoir rien veu dedans les Autheurs Grecs de plus doux & gracieux, & mieux sonnans à l'oreille, que ses Epigrammes, par lesquels il rendit immortels les noms de Pamphile sa maistresse, & de Phileron son mignon.

27. COR. LICINIUS CALVVS fut de basse taille, & gresse de corps, neantmoins si presomptueux, qu'il ne vouloit rien ceder à Ciceron en l'art de bien dire, mesme eut beaucoup de fois à departir avec luy, quelques siens poëmes furent bien ouïs des Doctes, il fut sublime en la composition des vers Iambiques, & eut pour sa fauorite Quintilie.


28. QVIN. CORNICIUS fut Epigrammatiste, du temps que Salluste haranguoit contre Ciceron, il frequenta les armes, où il mourut en fin par l'assassin de quelques soldats, qui porterent aigrement qu'il les auoit appelez conuils armez, les ayans veu fuir & manquer à leur charge.



C. Heluius cinna



M. Furius bibaculus



Pub. Terentius atacinus varro



C. Ticius Epigram

29. CAIVS HELVIUS CINNA fut creu estre capable, & bien entendu pour trousser vn Epigramme, selon l'art, il estoit lors que Hortense & Cornificius florissoient, il employa neuf annees apres vne ceuvre, qu'il nomma Smirne. Quintilien l'ex-tolle beaucoup, Aule Gelle le cote souuent. On dit qu'il fut occis par le peuple Romain, le iour qu'on fit les funerailles de Cesar, pour & au lieu de Cor. Cinna, auquel il ressembloit de nom.

30. MARC. FURIUS Bibaculus fut Cremonois & Poëte Iambi-que: Cornelius Gallus conuersa amiablement avec luy, il sem-ble que Messala Coruinus craignit la picqueure & l'insolence de sa langue, quand il disoit, Je ne veux rien demesler ny deba-tre avec Bibaculus.

31. PVBL. TERENTIUS VARRONASquit des champs de Nar-bonne aux mesmes temps que Hortense & Ciceron fou-droioient en eloquence au Senat, il eut l'esprit rarement ad-mirable, pour titre la trame d'un long Poëme à l'imitation d'Apollonius Rhodien: il parfit quatre liures des Argonau-tes. Priscian en rapporte quelques vers: il se delecta tant aux vers Elegiaques qu'à l'Epigramme, comme ses vers l'annon-cent, il fut passionnément espris des bonnes graces de Leuca

dic.

32. CAIVS TICIDA fut railleur en ses Epigrammes, il ne fut moins redouté de Messala Coruinus, que Furius Bibaculus. Ovide ne l'a oublié, parlant des Poètes qui ont sonné hautement & heureusement, les diuers effects de l'amour sous le nom abusif d'une Perille, il iouyt de sa maistresse Metella.



C. Valerius Catullus



Furius Antias



L. Iulius Calpurnius



Laurea Tullius

33. Q. VAL. CATVLLVS Verronois, naquit du temps de Varro, son pere voyoit familièrement Iules Cæsar, qui luy faisoit accueil: Mallius le meit en volonté de venir à Rome, Cicéron plaïda pour luy vne cause en faueur de sa maistresse, il fit l'Épithaphe de son passereau, il le dedia à Virgile, il Satyrifa avec beaucoup de fiel contre Iules Cæsar, Mamurra & Nonius Strunia: Il deceda à Rome: aagé de 30. ans, pendant (comme aucuns disent) que Virgile estudioit à Cremone.


34. FVRIVS ANTIVS fut poete celebre parmy les anciens, il annaloisoit les aduentures de son temps, Virgile au rapport de Macrobe l'a maintesfois plumé, son esprit se plaisantoit à concevoir des mots rares & peu vitez, les commentaires Attiques le demonstrent. Nonius Marcellin en allegue qui tesmoignent & approuuent la fecondité de son erudition.

35. L. IVLIVS CALIDIVS fut Romain & Cheualier de Rome. Pomponius Atticus le fit absoudre de ce qu'on l'accusoit, faisant biffer son nom sur le roolle des prescripts, à cause de sa doctrine.

36. LAVREA TVLLIVS libertin de Cicéron, appliqua son esprit à l'Epigramme. Plin en a fait renaistre quelques vers, dedans ses doctes & laborieux volumes.



Pub Verg. maro



Horatius Flaccus



C. Mæcenas



Titus Valgius

37. PVB. VIRGILIVS MARO receut la premiere clarté du iour en la terre de Mantoüe, en vn village nommé Ande, aux Ides d'Octobre, du temps du Consulat de Mar. Crassus, & de Cnæ. pompeius, le commencement de ses estudes fut à Cremone, puis à Milan, & en fin à Naples: Orbilius l'instruisit, comme fit aussi Scribonius Aphrodisius, il vestit la robe virile le iour que Lucretius rendit le tribut à nature: Sa pudeur

& modestie luy acquirent le surnom de parthenius: Il se mira sur Theocrite, pour façonner ses Bucoliques. Il se guida par Hesiodé en ses Georgiques. Virgile, parthenie, Apollonius Rhodien, & sur tous, Homere fut son Helice en l'entreprise de son *Æneide*: on ne laisse pourtant de le nommer l'Auteur de quelques œuvres legeres, qui sont apres l'*Æneide*, cōme du poëme de l'Aloüette, de la description d'*Ætna*, du moucheron, des priapees & autres Epigrammes que Auguste oyoit volontiers reciter: Quintilien le proclame prince des poetes. Carilius fut son Zoile. Estant pres du bout de ses iours, il commanda qu'on donnast aux flammes deuorantes son *Æneide*, l'estimant imparfaicte: mais Auguste s'opposa à ceste perte qu'eussent fait les lettres à la consommation d'un si diuin ouvrage. Asinius pollio estoit son intime. Quintilius Varus, Horace, Mœcenas eurent bonne part en son amitié, le peuple Romain le respectoit fort, & luy faisoit pareille reuerence que césar, & se sentoient bien honoré de luy ouyr reciter ses vers sur le Theatre, il habitoit aux Esquilles pres le iardin de Mœcenas il ne se hastoit gueres de parler: car il meditoit longuement deuant que proferer quelque parole, ce qui donnoit occasion à ceux qui ne le frequentoient de iuger qu'il fust ignorant & champestre: il finit ses iours à Tarente (aucuns disent que ce fut à Brunduse) son corps neantmoins fut transporté à Naples, où il gist.


38. Q. HORATIUS FLACCUS naquit à Venusie, ville d'Apulie, son pere auoit esté affranchi. Il commença à estudier deux ans deuant la coniuration de Catilina, sous Orbilius Benueentin, l'age luy croissant: il se transporta à Athenes en intention de vacquer à la Philosophie, il fut d'un naturel lascif & colérique, qui toutesfois s'apaisoit facilement, il exerça à Rome la dignité de Tribū, l'amitié fut reciproque entre lui & Mœcenas: ses œuvres sont les veritables certificateurs de la richesse de son esprit. En ses Satyres il a imité Lucilius: Ouide prenoit plaisir à lire ses vers, il estoit vouté, & de petite corporance, les yeux chassieux: il trespassa aagé de 57. ans, ie n'approuue ceux qui disent aagé de 70.

39. C. MŒCENAS sortit des Roys d'Hethrurie, les Poëtes de son siecle l'honorèrent amplement en leurs œuvres, à cause de sa grande liberalité, il escriuit plusieurs Tragedies: Celle de Promethee fut beaucoup prisee, il fut fort poutieux & curieux en ses habits outre mesure, avec excez, ce qui le rendit suspect de mollesse trop grande & lasciueté. Octauius neantmoins le cherit sur tous, ses iardins de plaisir estoient situez aux Esquilles: il mourut en l'age d'homme.


40. T. VALGIUS fut Poëte Romain qui laissa des Elegies à la posterité.



Albi Tibullus elegi



M. Manilius mathe



Luc varius tragic




Cassius Severus

41. ALBIUS TIBULLVS (comme on croit) fut né à Rome, Hirtius & Pansa estans Consuls, il eut des parés de l'ordre des Cheualiers, il estoit beau, plein de bõne grace & aduenât. Messala Corvinus en fit grand conte, aussi auoit-il chanté dextrement ses loüanges, il aimâ Horace & Macer, ses mignons furent deux ieunes enfans nommez Marathus & Chernitus, les noms de ses amoureuses furent Sulpitia, Neæra, Nemesis & Plautia, qu'il surnomma Delia: il a composé quatre liures d'Elegies, où il a si bien fait reluire ses flammes & passions amoureuses, qu'il n'est inferieur à aucun qui ait traité ce sujet, la mort le raut à la premiere fleur de sa ieunesse.

42. MAR. MALLIVS (nommé par aucuns M. Manilius) fut de race illustre, il eut l'honneur de naistre à Rome, Auguste regnant, il mit son estude aux Mathematiques, il nous a laissé cinq liures de l'Astronomie en vers Hexametres, il a imité Eudoxe & Arate.

43. L. VARIIVS Poëte heroïque, s'exerça à la Tragedie, Cornelius Tacitus louë son Thyeste, il fut vn des deputez par Octavius Cæsar pour reuoir l'Æneide de Virgile.

44. CASSIVS SEVERVS fut de Parme, il a escrit des Elegies, des Epigrammes & Tragedies, il porta les armes pour Cassius & Brutus courageusement, cuidant iouir d'un repos asseuré: Quintus Varius l'assassina par le conseil & entremise d'Octavius Cæsar. Horace fut son aduersaire.




Domitius marsus



Pub Ovidius naso



Sex Aurelius prope



Iulius montanus


45. DOMITIVS MARSVS se messâ de l'Epigramme, il composâ la guerre d'Hercule contre les Amazones, il fut extrêmement espris de l'amour d'une Melene, qu'il rendit fameuse par ses poësies.

46. PVB. OVIDIVS NASO fut de Sulmo, ville des Pelignes: On dit qu'il vint au monde le iour que nasquit Albius Tibullus, au mois d'Auril, es iours Quinquatries, durant lesquels les Romains auoient de coustume de sacrifier à Minerue, dès sa plus tendre ieunesse il fut enclin à la poësie, de laquelle souuentefois par menaces & remonstrances son pere le voulut

diuertir pour luy faire embrasser l'art d'Oratoire: il eut trois femmes, desquelles la troisieme nommee Perille fut la mieux aymee, il lui enseigna l'art de poetiser, il fit beaucoup de sorte de poemes. Parthenius Poete natif de Chios luy fournit de **modelle en ses Metamorphoses**, de douze liures des Fastes qu'il dit auoir composez, il n'e resté que six, trois des amours, trois de l'art d'aymer, & du remede d'amour: quelques anciens afferment qu'il composa vne Tragedie intitulee Medee, il fut exilé à Pont en Scytie par Auguste (à cause (comme on dict) qu'il auoit escrit trop lasciuement, ou bien qu'il auoit paillardé avec Iulia fille d'Auguste, il fut sept ans en exil & dauantage, où il mourut, esperant reuenir à Rome au grand regret des Tomitains & Pontiques, qui arrouserent son cercueil de larmes & pleurs, il composa en leur langue quelques Poemes, qui ont perpetué son nom parmy ceste nation.

47. **SEXTVS AVRELIVS PROPERTIVS** fut de Meuanie, ville d'Vmbrie, son pere luy defaillant estat encore fort ieune, il se transporta à Rome, où pour la facilité & gentillesse de son esprit, Cornelius Gallus & Mæcenas le receurent pour familier & amy, l'industrielle structure & composition de ses amoureuses Elegies le fit beaucoup renommer & ne luy acquit vne vulgaire reputation, il ayma Hostie sous le nom de Cynthia, la lecture de Callimachus & de Philetas Poetes Grecs, luy fut familiere. Il deceda aagé de 41. an.

48. **IVLIVS MONTANVS** escriuit quelques Poemes en vers Hexametres & Pêthametres: Pierre Crinitus en rapporte quelques vns.



49



50



51



52

C. Germanicus

Caius Bassus

Æmilivs macer. Veris

C. Rabirius

49. **CAIVS GERMANICVS** Augustus, fils de Drusus, composa quelques Comedies Grecques, il tourna de Grec en Latin l'œuvre des choses celestes, d'Arat. Il acquit le tiltre honorable de Germanicus, pour auoir debellé les Germains.

50. **CÆIVS BASSVS** a esté mis entre les poètes Lyriques, il eut du bruit du temps de l'Empereur Claudius: Il ayma Ouide & Perse, le feu qu'eslança le mont Vesuue dedás vne siene mestairie le perdit entierement.

51. **ÆMILIVS MACER** de Veronne, florissoit dès l'aage de Messala Coruinus, il a traicté de la guerre de Troye, & faict quelques liures des bestes & herbes venimeuses, ayât en iceux imité Nicandre Poete Colophonnois, il mourut en Asie peu d'ans apres Virgile.

52. **CAIVS RABIRIVS** Poete Epique a escrit des Satyres, que l'antiquité a receües & approuuees.



C. Asinius Gallus Tr.

L. Anneus Seneca Tr.

Cor. Severus


A. Persius Satiricus

53. C. ASINIVS GALLVS fils d'Asinius Pollio, composa quelques Epigrammes & quelques vers, en faueur de Pomponius le Grammairien: quelques vns disent qu'il fut si mal voulu de Tibere: qu'apres plusieurs grands supplices il le fit occire.

54. L. ANNEVS SENECA nasquit à Cordube, il a escrit dix Tragedies à l'imitation d'Euripide & d'Eschile.

55. COR. SEVERVS Poete Epique, a depeint en ses vers la mōtagne d'Ætna, & fait vn discours de la guerre Siciliēne, l'œuure ne fut paracheuē preuenu par l'importunité de son trespas.

56. AVLVVS PERSIVS FLACCVS fut le Timon, non des hommes: mais des vices. Volatile fille d'Ethrurie le veit naistre, sa renommee commença à s'espandre durant le regne de Domitius Neron, il fut de bonnes mœurs, & plein d'intégrité en sa vie, il se pleut aux Satyres, en icelles Lucilius luy seruit de guide, la mort le preuint le trentiesme de son aage.



M. Anneus Lucanus

Pomp. Secundus Trag.

Cn. Getulicus Epigr.

Sextilius Haena

57. MARCVS ANNEVS LVCANVS Espagnol, nasquit à Cordube, Cæsar Germanicus, & Lucius Cæsius, estans Consuls. Le nom de son pere estoit Anneus Mela. Les precepteurs de Aulus Persius furent les siens, il obtint la dignité de Quæsteur, & fut receu au College des Augures. Sa femme Polla Argentaria fut bien docte & sçauante, il corrigea avec elle les trois premiers liures de la guerre Pharsalique, comme aussi il eust fait des autres, si Neron luy eut permis de viure plus longuement, au mandement duquel il consentit que ses veines luy fussent ouuertes, par vn Medecin enuoyé expres par Cæsar, à peine auoit-il lors ataint 30. ans.

58. POMPON. SECVNDVS fit quelques Tragedies. Pline a escrit deux liures de sa vie & mœurs: Cæsar germanicus l'ayma fort.

59. CN. GETVLICVS escriuit des Epigrammes, il fut enamouré d'une ieune fille nommée Cesennia.

60. SEXTILIVS HAENA, né à Cordube en Espagne, entre autres Poèmes a escrit de la loüange & de la mort de Ciceron.



Salceius Bassus *Clodius Sabinus* *C. pedo, albinovanus* *Volcatius Sedigitus*

61. SALEIVS BASSVS exerça son esprit apres les Poëmes heroïques, il eut peu de moyens.

62. CLODIVS SABINVS fut Poëte Elegiographe, son premier exercice fut d'aller plaider au barreau, & de faire des declamations, il fit quel que œuvre de la guerre de Troye, & des Epistres, il mourut ieune.

63. C. PEDO ALBINOVANVS florissoit sous l'Empire de Neron, il composa des Epigrammes; il ayma grandement Ouide.

64. VOLCATIVS SEDIGITVS composa vn liure de la vie des Poëtes Latins en vers Senaires.



Pub stat. papinvs *Silius Italicus* *Valer. Flaccus Setin'* *Aruntius Stella*

65. PVBL. STATIVS PAPINIVS Poëte heroïque, eut vn pere, qui pour ses grâdes vertus fut appellé aux dignitez & prerogatiues de la bourgeoisie de Naples, où nasquit Statius, il eut vne femme nommee Claudia, qui estoit bien docte & versee en la cognoissance des lettres, il composa douze liures de la Thebaide qu'il dedia à l'Empereur Domitian, il imita en cet œuvre Antimachus, il dressa aussi l'Achileide, & cinq liures de Sylues, le susdict Empereur l'ayant quelquefois receu & traitté somptueusement en des cōuiues, luy fit de grands presens, & entr'autres d'une couronne d'or, il perdit vn sien fils en bas aage, duquel il deplora le trespas amerement: il mourut bien vieil.

66. SILIVS ITALICVS tira son origine d'Espagne, mais il nasquit à Rome, & y fut nourry, il exerça la charge de Procōsul en Asie, Domitian le voyoit volontiers, par sa faueur il obtint trois fois la dignité de Consul, tous les ans il festoit la natiuité de Virgile: il a escrit de la seconde guerre Punique en dix-sept liures, il auoit quelque heritage pres de Naples, où par fois il se donnoit carriere, & contentoit ses humeurs, estant plus que septuagenaire il se deffit luy-mesme, ne pouuant supporter la douleur que luy faisoit vn clou qui estoit inguarissable.


67. VALERIVS SETINVS PATAVINVS nasquit contre Apone, il escriuit des Argonautes, & les dedia à Cæsar Domitian, il imita Apollonius Rhodien, la mort auorta ses intentions, son reuenu fut petit, Amazonicus fut son Ganymede.

68. ARVNTIVS STELLA vint d'une maison de Consul, lors que les Flauiens furent Empereurs il commença à se faire cognoistre, il print pour femme Violantille fille Neapolitaine, il fit des Elegies, & vn œuvre intitulé

Asteris, avec vn poëme sur la mort d'une Colombe. Il fut Preteur à Rome, & l'un des deux Magistrats.



M. Makullus



Sentius augur epi



M.V. Martialis epi



Vestritius Spurina ly

69. MARCVS MARVLVS fit des Mimes, il estoit en credit à Rome, l'Empereur Antonin regnant, il fut tant hardy à reprendre les vices que la presence des plus grands de Rome ne l'empeschoit de les taxer asprement.


70. SENTIVS AVGVN natif de Rome, fit aussi quelques Epigrammes, à l'imitation de Catulle, & de Licinius Calvus.

71. M. VAL. MARTIALIS Espagnol de race, nasquit à Bilbilis, ville de Celtiberie, estant ieune il s'achemina à Rome où il employa toute son industrie à bien agencer & trousser vn Epigramme, il eut l'esprit fort ingenieux, subtil & inuentif, & autant de netteté à bien parler, que de fiel & de sel à composer: l'Empereur Aelius Verus l'appelloit son Virgile. Il fut de l'ordre de cheualerie, & exerça la Preture, il nous a laissé douze liures d'Epigrammes, ausquels il a adiousté des Estrenes & des Apophoretes. Stertinius l'honora tant, que luy encore viuant il mit sa figure en sa Bibliotecque. Il deceda en son pays.


72. VESTRITIVS SPVRINA poëte Lyrique, du regne de Vespasien, il fut chef d'armee contre le Roy Breneterus, lequel ayant debellé il fut honoré d'une statue, il perdit vn fils nommé Cocceius: il suiuit Horace en ses œuvres Lyriques.



Voconius. Victor. epi



Decius Iunius Iuuenalis



L. Paulus passienus



Titus annianus

73. VOCONIVS VICTOR fut estimé à Rome, Adrian regnant, il escriuit des Elegies, & des Epigrammes, il ayma Testile ieune enfant: l'Empereur Adrian orna son tombeau de ce vers, *Lasciuus versu, mente pudicus eras.*

74. DECIVS IVNIVS IYVENALIS fut Aquinas de nation, son pere estoit libertin, il acquit reputation sous Domitian: il eut pour precepteur vn nommé Fronto Grammairien, il aigrit son stile contre les vices des hommes, & rechercha laborieusement l'amitié de Martial.

75. L. PAVLVS PASSIENVS estoit d'Vmbrie, il prit beaucoup de plaisir à composer des Elegies à l'imitation de Properce: il se mesla aussi de faire des vers Lyriques, il eut quelque heritage au Vatican.

76. T. ANNIANVS composa des vers Fescennins, pleins de diuers ieux & plaisanteries.



Cor. Gallus



A. Serenus lyricus



Ver. Romanus comi




Festus ruffus auien

77. COR. GALLVS naquit à Fornoüe, il se delecta à ourdir de belles Elegies, par la faueur d'Auguste, il paruint au grade de Preture : il traduisit Euphorion Grec en Latin, il a escrit quatre liures de ses ans employez à la recherche de Cytheris. Octavius apres l'auoir aymé luy vfa de disgrace, luy ayant esté rendu suspect de quelque coniuration par ses ennemis, de quoy estant desplaisant il se fit mourir luy-mesme, aagé de 43 ans, il nomma sa maistresse Cytheris (qui estoit affranchie de Volumnius) Lycoris.

78. AVL SERENVS Poëte Lyrique, escriuit aussi diuerfes sortes de Poëmes.

79. VERGILIUS ROMANVS fut Comediographe, sous Adrian & Antonin, il fit aussi quelques Mimes, selon le patron de C. Marius.

80. RVFFVS FESTVS AVIENVS fut bien applaudy sous le regne de Diocletian, il fit arate Grec en vers Latins, plus vn liure de la terre vniuerselle, & quelques fables Virgilianes.



Alphius auitus



Septimus aser



Tit. Calphurnius sicu



Aurelius olypius nemo

81. ALPHIVS AVITVS composa quelques liures en vers Diametres Iambiques, intitulés des hommes excellents.


82. SEPTIMVS Africain de nation, escriuit vn liure de la louange de Ianus.

83. T. CALPHVRNIVS Sicilien, composa des Bucoliques, il florissoit sous le regne de Domitian, ses moyens furent mediocres.

84. AVR. OLYMPIVS NEMESIANVS Africain de race & Carthaginois de nation acquit de la louange sous Numerianus & Diocletian, il nous a laissé quelques Eclogues, Calphurnius & luy furent amis.



Maurus Terentianus



Cl. Claudianus alex



D. Ausonius Gallus



Damasus hispanus

85. MAVRVS TERENTIANVS estoit aussi Africain de race & Carthaginois de nation, il fut du temps de petronius Arbiter & escriuit des vers Iambiques, & nous a laissé vn traicté des lettres, des syllabes, des pieds & diuerfes mesures de plusieurs sortes de vers, son fils eut nom Bassus, & son gendre No-

uatenus.

86. CL. CLAUDIANVS fut d'Alexandrie, sa renommee s'estendit fort sous Honorius & Arcadius, il a composé quatre liures du rauissement de proserpine, des panegyriques & autres œuvres, qui sont les cautions de la fertilité de son bel esprit.

87. DECIVS AVSONIVS François de race nasquit à Bordeaux, il vesquit en grand honneur & reputation sous Valentin & Valentinian & fut precepteur de l'Empereur Gratian son pere, il exerça l'art de medecine par la faveur de l'Empereur Gratian, il fut Consul, ce qui nous reste de ses œuvres nous montre assez la richesse de son entendement.

88. DAMASVS Espagnol fut beaucoup loué du temps de paulus Orosius, & d'Eutropius, il fut créé pape à Rome, il a escrit plusieurs hymnes, vn liure des Papes de Rome en prose, il mourut sous Theodose aagé de 80. ans.



Iuuenius Hispanus *Au. prudens Clemens* *Pontius Paulinus* *Licentius*

89. IUVENCVS Espagnol fut en bruit, Constance & Constantin regnans, il a composé en vers Hexametres les quatre Euangelistes.

90. AVRELIVS PRUDENTIVS CLEMENS, Espagnol aussi de nation, employa son premier aage à plaider des causes par l'entremise de Theodosius, il parvint à la Preture, & fit vn liure de ceux qui sont morts pour la foy Chrestienne avec d'autres œuvres saintes.

91. PONTIVS PAVLINVS fut Bourdelois, il vesquit & florit sous Gratian, il a fait vn liure des Roys qu'il a extraict de Suetone en vers Hexametres.

92. LICENTIVS natif d'Hippone en Afrique, a composé des Hymnes & des Epistres, il cognut S. Augustin, & communiqua familièrement avec luy.



Venantius Honorius *Faustus Gallus* *Sollius Sidonius Apollinaris* *Michael Marullus*


93. VENANTIUS HONORIVS Fortunatus fut instruit à Rauennes, pour sa singuliere erudition il fut créé Euesque de Poitiers, il a escrit des Hymnes, & quatre liures des gestes de S. Martin en vers Hexametres.

94. FAVSTVS Gaulois viuoit du temps de Claudian, il a fait des Epigrammes, des Hymnes, des choses saintes, il fut bon de mœurs, & seuer à reprendre les vices.

95. SIDONIVS Apollinaris Auvergnac, fut d'honneste & illustre famille, il eut pour maistre Flavius Nicetius tres-docte Grammairien, il nous a laissé en prose & en diuerfes sortes de vers plusieurs œuvres, & 9. liures d'Epistres.

96. MICHEL MARVLE Tarchaniota, selon que disent aucuns, bien qu'il

fut Grec, pratiqua avec vne si belle viuacité d'esprit les lettres Latines qu'il y acquit autant de reputation qu'en sa langue, il fut Poëte & soldat, paulus louius fait beaucoup d'estime de luy & de ses œuvres; en ses Eloges des hommes illustres.











SOMMAIRE DESTEMPS augmenté de nouveau

Ans du
Monde.

I.
Genese. 1.

Créatioⁿ du
Monde.

Créatioⁿ de
l'Homme.

Mariage
E^t acono-
mie.

Cheute de
l'homme.

Reparatioⁿ
de l'hom-
me en la
promesse
de Iesus-
Christ.

15.
30.

Cité de
Dieu E^t
du Monde.

118.
235.
325.
395.
460.
622.
687.

Geans.

874.
930.
1056.
1556.
1656.

DIEU ETERNEL tout bon & tout-puissant, au commence-
ment crea & establit de rien le monde, c'est à dire, le ciel, la terre,
l'eau, cōme premiere matiere & principe, voire les Anges : puis
disposa & donna forme en six iours (car il se reposa le septiesme
& le benist) à toutes choses encloses au circuit du ciel : & le tout,
par sa parole, qui est IESVS-CHRIST, & le S. ESPRIT. Ces trois per-
sonnes estans vne essence diuine (car les œures de la SAINCTE TRINI-
TE sont inseparables) laquelle ie supplie tres-humblement me fauoriser en
ceste description.

O R apres que ce souverain Architecte eut creé de rien, en vn instant, ceste
premiere matiere & masse, & disposé en six iours toute ceste machine ronde :
finalement, le sixiesme il crea l'homme du limon de la terre (au territoire Da-
mascene situé en Syrie, ou en Hebron, selon la tradition des Hebreux : au-
quel lieu il se retira apres le peché) & le fist à sa semblance, quant à l'ame, qu'il
crea de rien. *Gen. 1.* le nommant ADAM, c'est à dire homme roux, ou ter-
rien, selon le langage des Hebreux : puis print vne coste d'Adam, ainsi qu'il
dormoit au Paradis, & en forma HEVE, qui signifie, cōme escrit Moysse sui-
uy de Iosephe, calamité & mere des viuans : & selon Zonare, Femme. Voilà
l'institution de mariage, & commencement de l'economie. *Gen. 2.3.*

ADAM & HEVE premiers parens, à la persuasion du serpent, (c'est à dire
du diable) transgressent le commandement que Dieu leur auoit donné, pour
l'effet de leur foy & obeysance. A raison dequoy ils sont iettez du Paradis
terrestre, c'est à dire, iardin abondant en delices, où Dieu les auoit colloquez :
& avec leur posterité assujettis au peché, à la mort, & au diable. Mais ce bon
Dieu pitoyable, voyant la faute de l'homme, luy promit la semence de la femme
qui est IESVS-CHRIST, lequel cassera la teste de ce serpent, c'est à dire, son
regne & sa puissance, nous deliurant de la captiuité de peché, de la mort & du
diable. *Gen. 2.3.* En ceste promesse, nous remarquerons la source de l'Euan-
gile : laquelle depuis souvent repetée & signifiée par diuerses figures : a con-
solé les saincts Peres, iusques à l'aduenement de IESVS-CHRIST.

Quand ADAM fut dejeté du Paradis, il cōmença à labourer la terre avec
grand trauail. Apres il cogneut sa femme HEVE, laquelle luy enfanta CAIN,
qui fut laboureur & premier homicide de son frere ABEL iuste berger : au-
quel commence la premiere persecution des Saincts par les meschans, pour
le vray & sincere seruice de Dieu. *Gen. 2.3.*

En cestuy aussi commence le Royaume ou Cité de DIEU, & en l'autre
celle du diable, & du monde, qui sera mieux manifestée en Nimrod. Ce meur-
tre commis, Cain fut en abomination deuant DIEU : seretire de son pere, &
erige vne Cité au nom de son premier fils ENOCH. *Genes. 4.*

ADAM eut aussi des filles, & en l'aage de 230. ans, engendra SETH.

SETH en l'aage en 105. ans, engendra ENOS. *Gen. 5.*

ENOS en l'aage de 99. ans, engendra CAINAM. *Gen. 5.*

CAINAM en l'aage de 70. ans, engendra MALALEEL. *Gen. 5.*

MALALEEL aagé de 65. ans, engendra IARED. *Gen. 5.*

IARED en l'aage de 61. ans, engendra ENOCH. *Gen. 5.*

ENOCH, qui en l'aage de 65. ans, engendra MATHVSALEM, chemine
avec Dieu, annonçant le iugement d'iceluy aduenir aux hommes degenerans
de nature humaine & raisonnable, en brutalité & volupté effrenée. Car les
fils de DIEU (c'est à dire, des Saincts par la generation de SETH,) voyans
les filles des hommes (c'est à dire des meschans, par la generation de CAIN)
estre belles les prennent à femmes sans aucun efgard : & avec le peuple d'abo-
mination celebrent mariages, desquels naissent les Geans hommes de puis-
sance & grand renom. *Gen. 5.6.*

MATHVSALEM en l'aage de 187. ans, engendre LAMECH. Adam
meurt aagé de 930. ans. Le iuste ENOCH est emporté au ciel tout en vie.

LAMECH aagé de 182. ans, engendre Noé annonceur de iustice : lequel
les Poëtes n'entendans la creation du monde, appellent ciel Chaos, semence
du monde, & pere des Dieux. *Gen. 6.*

NOÉ aagé de 500. ans, avec sa femme TITHIA, c'est à dire, terre, ou se-
lon les Poëtes, Aretie, Cybele, Veste & mere des Dieux, engendre SEM,
CHAM & IAPHET, avec lesquels, par le commandement de DIEU, le
centième en apres entre en l'Arche par luy bastie, & fut preserué du deluge.

DELUGE.

Par lequel DIEU, d'une horrible vengeance voulut punir la méchante vie des hommes.

1619. SEM, qui fut MELCHISED'CH, deux ans apres le Deluge engendra

1695. ARPHAXAD, aagé de 100. ans. *Gen. 10. 25.*

1725. ARPHAXAD, aagé de 35. ans engendra SALE'. *Gen. 11.*

SALE' en l'aage de 30. ans engendra HEBER. *Gen. 11.* edifie la Cité de Salem, aucuns disent que ce fut SEM, qui sera appelée Ierusalem, Cité de Dieu, assise au milieu de Iudée.

1759. HEBER, duquel sont apres nommez Hebreux, aagé de 34. ans, engendra
Dission ou parta-
ge de la
terre. PHALEG, auquel temps la terre est departie entre les fils de NOE. SEM
avec les siens occupe la part Orientale de Syrie: voire l'Asie. CHAM ZO-
ROASTE la Iudée, l'Egypte & l'Arabie, & toute l'Afrique. IAPHET, qui
des Poëtes est appelé Iapetus, eut avec les siens nostre Europe. *Gen. 10. 11.*
Beros. 1. des Antiquitez.

1789. PHALEG, aagé de 30. ans, engendra REV, auquel temps NIMROD Sa-
Royaume
des Celtes. turne Babylonien, arriere-neveu de Cham, commence son regne: edifie la
tour de Babel, où fut la confusion des langues en 72. la commune d'HEBER
demeurée. SAMOTHES DIS ROY des GAULES, duquel les Gaulois,
ou Celtes, se disent issus, selon le recit de Cesar. *liv. 6.* commença son regne
peu de temps apres. *Beros. 4. 5.* comme fait semblablement GOMERVS
ROY le sien en Italie, & TYBAL fils de IAPHET, vn autre en CEL-
TIBERIE dicte maintenant ESPAGNE. OCEANVS celuy d'EGYPTE.
TVISCON, ou ASCENAS, celuy d'ALLEMAGNE.

1821. REV aagé de 32. ans, engendra SARVCH. *Gen. 11.*

1850. SARVCH aagé de 30. ans, engendra NAHOR, ou NACHOR. BEL IV-
1879. PITER 2. Roy des Assyriens.

Royaume
des Sicyo-
niens. NACHOR aagé de 29. ans, engendra THARE, NINE 13. Roy des Assy-
riens, erige à son pere mort, Temples, statues, & Autels, grande occasion &
fource d'idolâtres. OSIRIS & IRI inuentent les bleds en Egypte. ÆCIA-
LEVS Roy des SICYONIENS. Peloponese dicte la Morée.

1950. THARE faiseur & vendeur d'idoles, en l'aage de 70. ans, engendra ABRA-
HAM, NACHOR & ARAM pere de LOTH. Semiramis femme de Nine
homme, regne sur les Assyriens, au nom de son fils. *Beros. liv. 5. Diodore liv. 3.*

2007. NOE meurt aagé de 905. ans, 350. apres le Deluge. *Genes. 9.* Saturne, Pluro,
Cybele mere des Dieux des Gentils, Sol, Iupiter, Pallas ou Minerue, Venus,
Cupido, Vulcan, Mercure, & toute ceste kyrielle commence.

2025. ABRAHAM aagé de 75. ans, par le commandement de DIEU sort de sa
terre & parenté, auquel DIEU promet la terre de Canaan & la benediction
de toutes les gens, par sa sapience qui est IESVS-CHRIST. *Genes. 12.* Il en-
gendra Isaac. *Gen. 2.* SARON Roy de Gaule, ordonne escoles publiques.
2050. DRVIS son successeur fort prudent, duquel sont dits les DRVIDES Sacer-
dotes & Philosophes de Gaule. *Beros. liv. 5. Cesar. liv. 6.* Tacite des mœurs des
Germains ou Allemans.

2109. ISAAC aagé de 60. ans, engendre de sa femme REBECA, ESAY & IA-
cob gemeaux. *Gen. 25.* Abraham, Sem, & Heber meurent. INACHE l'an-
cien & premier Roy des ARCHIVES. De ce temps Barde Roy des Gaulois
inventeur des carmes, & de la Musique: Hercule de Lybie. *Beros. 1. 5. Diod. liv. 6.*

2193. IACOB dit Israël, aagé de 84. ans, se maria avec LIA & RACHEL: & d'el-
les, ensemble de leurs deux chambrières, eut douze fils, RVBEN, SIMON,
LEVI pere des Leuites, & lignée sacerdotale, IUDA (duquel les Iuifs tien-
dront leur nom) & descend la lignée Royale de IESVS-CHRIST, ISA-
CHAR, ZABVLM, GAD, ASER, DAN, NEPTHALIN, IOSEPH, &
BENIAMIN Patriarches, avec vne fille DINE femme de IOB, comme
escriit Philo. *Genes. 29. 30.*

2239. De ces douze descendent les douze tributs ou lignées. Depuis aagé de 130.
ans, il va en Egypte avec toute sa famille, vers son fils IOSEPH Commis de
2257. PHARAO, ayant esté vendu par ses freres. *Genes. 37. 41.* En ce lieu rendit
l'esprit, aagé de 147. ans, ayant prophetizé que IESVS-CHRIST viendrait
avant que le Sceptre fust osté de Iuda ou d'un Duc de sa generation. *Genes. 49.*
GALATHES Roy de Gaule, fils d'Hercule, duquel elle tient son nom. Pro-
methée & Athlas Astrologues excellents.

2311. IOSEPH meurt 54. ans apres son pere. *Genes. 50.* Les Israélites commencent
à estre mal traittez des Egyptiens. Moysse arriere-neveu de LEVI, naist 64.
2375. ans apres la mort de IOSEPH. CECROPE edifie la ville d'ATHENES, &
Royaume
d'Athe-
nes. fut premier Roy & premier auteur des plus abominables idolâtries, qui
Exode. furent iamais entre les Grecs. Deluge de Deucalion.

PRINCES ET IVGES D'ISRAEL.

2454.
*Leuitiq.
Nombre.*

*Dente-
ronom.*

*Royaume
de Troye.*

2465.
Iosue.

2526.
Iug. 3.

2534.
Iug. 3.

2614.

2634.
*Royaume
des Myce-
nes.*

2694.

2697.
Ruth.

2710.

2760.

2766.

2773.
*Guerre
de Troye.*

2783.

2791.

2811.

2851.
*Royaume
des Lacede-
moniens*

MOYSE âgé de quatre-vingts ans, par le commandement de Dieu reprend Pharaon : fait plusieurs miracles en Egypte : retire le peuple d'Israël hors d'Egypte par la mer Rouge, en nombre de plus six cents mille.

Cette sortie aduint l'an 430. de la promesse faite à Abraham, de la benediction de toutes gens par la semence. *Exod. 12. Galat. 3.* Il baille la Loy au peuple es deserts d'Arabie, comme Pedagogue iusques à la venue de la semence promise. Pour ceste cause il ordonne pour les pechez du peuple diuerses ceremonies de sacrifices, mariages, supplices & solemnitez de festes. Pour le fait de la guerre, il en denombre plus de six cents trois mille, sans comprendre les Leuites desquels il décrit la charge. En fin il instruit le peuple rude de diuers commandements. De l'ordonnance de DIEU il constitue Iosue son successeur : rend l'esprit l'an de sa vie 120. & de la sortie d'Egypte 40. Voyez l'Exode, Leuitique, Nombres, & Deuteronomie. DARDANE premier Roy de TROYE, ayant tué Iasé son frere. Ianigene Roy d'Italie. BVSIRIS Tyran fort cruel en Egypte. MERCURE TRISMEGISTE, c'est à dire, trois fois tres-grand Roy, Prestre, & Philosophe. Voyez M. Ficin en sa vie.

IOSUE passe le peuple à pied sec par le milieu du Iourdain en la terre de promission : arreste le Soleil en bataillant : tué trente & vn Roy. Et apres auoir distribué leur pays au peuple, il meurt 32. ans apres Moysé. Les Israélites delaisans DIEU, seruent aux idoles : Orque doy des Molosses, raut Proserpine. Cadme apporte en Grece les caracteres des lettres.

OTHONIEL de la lignée de Iuda, gouerne le peuple huit ans, & fut le troisieme Iuge d'Israël en ordre, & non le premier comme aucuns pensent, deliure le peuple de l'oppression du Roy de Mesopotamie.

AIOD ou EHVD, tué le Roy des Moabites, regna 80. ans, deliure le peuple de l'idolatrie des Moabites. De ce temps commencerent, ou plustost faugmenterent les Dieux & idolatries des Gentils selon Iosephe, Bacchus, Pandion, Radamante, Eaque, Minos Roy de Crete. Dedale & Icare volent. Tantale, Amphion fondateur & premier Roy de Thebes, Line.

BARACH avec Debora Prophetesse, 40. ans, surmonte avec dix mille hommes seulement l'armée de Sisara, de deux cents mille hommes. Les Argonautes nauigent en Colchos, Atrée & Theiste. Pan, Midas Roy de Phrygie, abondant en thresors.

GEDEON vaillant Cheualier, 40. ans, deliure les Israélites de la seruitude des Madianites. Circe, Medée, enchanteresses, Meduse, Andromede. EVRISTEVS premier des MYCENES, tué par les Aecides, ayant commandé quasi par toute la Grece, par l'espace de 45. ans.

ABIMELECH, fils naturel de Gedeon, 3. ans, tua 69. de ses freres naturels & legitimes pour regner. Sparte ou Lacedemone edifiée par Sparte fils de Phoronée. Autres attribuent ce bastiment à Aristene qui fut premier Roy.

THOLA, 25. ans, Ruth mere de la mere-grand de Dauid, Castor, Pollux, Apollo inuenteur de la Medecine, Esculape son fils, Orphée, Musée, premiers Poëtes apres Line.

IAIR regna 22. ans, pendant lesquels le peuple vit en grand repos, comme durant le regne precent de Thola. Mais apres y eut interregne 18. ans, durant lequel les Israélites seruent les Philistins pour leur idolatrie. Pyrrhe inuenteur du ieu de paume. Thesee surmonte le Minotaure, Hercule vient d'Espagne en Italie, 55. ans avant Aene.

IEPHE bastard, regne 6. ans, contraint par son vœu tué sa fille vnique. Thesee raut Helene, lors ieune fillette. Sibille Erithree de ce temps, qui predict la ruine de Troye, & qu'Homere en dira de belles mensonges.

ABESAN 7. ans, l'histoire de Ruth aduint de ce temps. Pluto, Neptune. Paris raut Helene, femme de Menelaüs, Roy des Lacedemoniens.

ELON regne dix ans, au temps duquel se fit la guerre, entre les Grecs & Troyens, pour le raiuisement d'Helene, femme de Menelaüs, par Paris fils de Priam, dernier iour de Troye.

ABDON regne huit ans, Aene avec ses compagnons tire en Italie. Franc (si nous croyons à Manetho & autres) fils d'Hector, avec siens en Austriche, de l'un sont venus les Latins, & Roys des ROMAINS : de l'autre les Roys de FRANCE. Pilade & Oreste vrais amis.

SAMSON le fort 20. ans, tué mille Philistins de la maschotiére d'Asne, il est deceu par vne paillarde. La lignée de Benjamin presque destruite par la volupté detestable, *Iuges 20.*

HELY, Sacerdot & Iuge, regne 40. ans, est puny de Dieu pour sa trop grande indulgence enuers les enfans. L'Arche de Moysé prise par les Philistins. Brutus fils de Syluie 3. Roy Latin dechasse de cruels Geans de l'Isle qu'il nomma de son nom Bretagne, maintenant Angleterre, ses trois fils trois Royaumes Locrie, Cambrie, où est Galles, & Albanie, depuis dicté Escosse.

SAMUEL Prophete & Iuge Innocent, a des niefchans enfans. Il sacre Saül aux Israélites demandans vn Roy, Royaume des LACEDEMONIENS, institué par EVRISTENES & des CORINTHIENS, fondé par Atletes.

Corin-
thiens.

ROYS DE TOVT LE PEUPLE IYDAI QVE.

2851.
I.
Roys.



AVL premier Roy des Israélites avec Samuel, 40. ans pardon-
ne à Agad Roy d'Amalec son prisonnier, & reserve la despoüille
pour sacrifier à Dieu contre son commandement, se conseille à
la Pythonisse enchanteresse: pource est-il reprouvé de Dieu, &
tué en bataille.

2891.
II.
Roys.

DAVID Roy & Prophete en sa jeunesse berger, & craignant DIEU: mais
puis s'oubliant est adulateur & homicide, 40. ans, fatigué de plusieurs ennuis
escriit les Psalmes à la loüange de Dieu: luy est renouellée l'antique promes-
se de IESVS-CHRIST, & de son Royaume eternal: lequel entant qu'hom-
me & selon la chair est descendu de luy.

2931.
III.
Roys.

SALOMON 40. ans, des matieres preparées à grands frais par David edifie
en l'an 4. de son regne, vn temple à Dieu, lequel en sept ans fut parachevé,
& 80. ans apres la sortie d'Egypte. 3. des Roys, chap. 6. Il compose les Prouerbes,
l'Ecclesiaste & les Cantiques, à la fin estant baigné es delices des femmes
estrangeres & concubines, luy qui estoit homme saint esleu de Dieu, pour
fils & Roy, tombe en Idolatrie. Pour raison dequoy son regne apres sa mort
sera diuisé au Royaume de Iuda, qui fut pour Roboam fils de Salomon, & au
Royaume d'Israël, qui sont dix lignees, pour Ieroboam fils de Nabat.

ROYS DE IYDA OV DE IERVSALEM.

2971.



ROBOAM fils de Salomon, Roy de Iuda, mesprise les anciens,
& adhere au conseil des ieunes. Il regna iniquement 17. ans. Ie-
roboam premier Roy d'Israël, induit le peuple à Idolatrie. Le
Poëte Homere florit.

2988.

ABIAM fils de Roboam 3. ans. Soy confiant en Dieu, surmon-
te Ieroboam Roy d'Israël, lequel estoit accompagné de huit cent mille hom-
mes d'eslite forts & vaillans, & en deffist cinq cens mille, n'en ayant en son
armee que quatre cens mille.

2991.

ASA tresbon Roy 41. ans, oste les Idoles, deposa sa mere du tiltre de Da-
me pour en auoir erigé. Se confiant es Medecins, il meurt sans requerir l'ayde
de Dieu, estant malade des pieds.

3032.

IOSAPHAT, 25. ans, Prince tres-debonnaire, ordonne par tous Iuriskon-
sultes & bons Magistrats, & les admoneste de leur deuoir. De son temps ce
grand Prophete Helie rauy au ciel, 4. des Roys, chap. 2. Achaz Roy d'Israël
tres-meschant, prend à femme Iezabel, plus meschante. Sont repris du Pro-
phete Elie. Les Prestres de Baal sont desfaicts.

3055.

IORAM, meschant fils de tres-bon pere, 8. ans mary d'Athalie, sœur d'A-
chab. Le Prophete Elysee. Lycurge legislateur retranche l'excez du viure &
des habits. Hesiod.

3060.

OCHOSIAS, importuné de sa mere Athalie fille d'Amry, regne mescham-
ment vn an. Est desfait par Iehu Roy d'Israël, le dernier de la lignee de Salo-
mon. Iehu aussi deffait Iezabel la femme & les fils & les freres d'Achab, & tous
les Prestres de Baal: du temple duquel il fit des latrines.

3061.

ATHALIA tué toute la semence Royale, fors Ioas gardé & nourry par
Ioiada: puis Athalia tuée l'an 7. de son regne. Bel exemple que Dieu fait fail-
lir les races pour les vices.

3067.

Royaume
de Cartha-
ge.

IOAS, regne iustement 40. ans, durant le temps de Ioiada Sacrificateur le-
quel mort il tua Zacharie fils d'iceluy au temple. Matth. 23. Sardanapale Roy
des Assyriens vaincu, se precipite au feu: puis sa Monarchie diuisee par ses of-
ficiers, es Royaumes d'Assyrie & de Mede. Pygmalion Roy de Tyr, Dido sa
sœur edifie Carthage, où elle erige Royaume, femme magnanime & chaste
selon Iust. li. 18. quoy qu'en disent Virgile & Ouide.

3107.

AMASTAS, 29. admonesté du Prophete, de ne soy confier es forces hu-
maines, pour l'Idolatrie, fut prins & tué par ses ennemis. Aucuns rapportent
à cest endroit la fin de l'effeminé Sardanapale, & par consequent de la pre-
miere Monarchie Assyrienne, laquelle a duré depuis Nimrod, 1358. ans.

3136.

Royaume
des Medes
& Mace-
doine.

OSIAS regne iustement 52. ans, Entrepren d'office de Sacrificature, dont
fut frapé de lepre, en l'an 38. de son regne. En ce temps Abdias, Amos, Esaïas,
Ioël Prophetes, Phul Belocus premier Roy de Babylone au nouueau Royau-
me des Assyriens. Commencement del'Olympiade en Grece. Lors aussi com-
mença le ROYAUME DES MEDES par Arsacus Lieutenant de l'effeminé
Sardanapale, & celuy de MACEDOINE par Gramaus.

3188.

Royaume
des Lidies.

IOATHAN bon Roy, 16. ans, Micheas, Naham, & Ionas Prophetes. Ro-
mule & Reme, l'an premier de la 7. Olympiade, construisent la ville de Rome
en Italie: du commencement de laquelle il faut voir Denis Halicarnasse liu. 1.
Solin chap. 2. & Pausanie, plustost que Caton es origines, & Fabie Pictor
fragmens suspects de nouuelleté plustost que d'antiquité, selon Beat Rhenan.
Aucuns le rapportent au regne suiuant. Enuiron en ce temps, commença le

3204.
Royaume
des Ro-
mains.

3218.

ROYAUME DES LYDIENS par Ardis.

ACHAZ idolatre 16. ans, Esaie chap. 7. prophetise IESVS-CHRIST de la Vierge, & Michee, qu'il doit naistre en Bethléem. Environ ce temps commença le ROYAUME DES ROMAINS par Romul.

EZACHIAS bon Roy, 29. ans, froisse le serpent de Moyse, auquel le peuple tant d'ans auoit sacrifié. Salmanazar Roy des Assyriens, pour l'idolatrie ruine du tout le Royaume d'Israël en Samarie, lequel auoit duré 244. ans. L'Ange de Dieu deffait cent octante mille hommes de l'armée de Sennacherib, pour leurs execrables blasphemes. Tobie captif en Ninive. Nume Pompille Roy de Rome adjoûte deux mois à l'an, Ianuier & Feurier, n'estant auparavant que de dix pour leur regard.

3247.

MANASSES Roy meschant & cruel regna 55. ans, fait detrancher en deux parts le Prophete Esaye: captif des ennemis recognoist Dieu, est remis en son Royaume; demolit les idoles. Tullus Hostilius troisieme Roy de Rome, destruit le Royaume d'Alba, dont vint la famille des Iules à Rome. Candaule, Gyges Roys de Lydie.

3302.

4. des

Rois II.

3304.

AMON plus meschant que son pere Manasses, regna deux ans, & fut tué de ses seruiteurs. Zeleucus Legislatteur des Locres.

IOSIAS tresbon Roy 31. an, dissipe les bois sacrez & les idoles. De ce temps les liures de Moyse, qui ja plusieurs ans auoient esté perdus, furent retrouuez. Sophonie, Abacuc, & Ieremie. Archiloque, Simonide & Phocylide Poëtes. Ancus Martius quatrieme Roy de Rome, Epimenide.

3335.

IOACHAN mauuais, le troisieme mois de son regne est mené captif en Egypte, & en son lieu son frere est constitué par le Roy d'Egypte.

3336.

IOACHIN regne 11. ans. Pour ses abominations est enchainé & mené captif en Babylone, par Nabuchodonosor le grand Roy des Assyriens. Tarquin Prisque cinquieme Roy des Romains. En Grece Saphon, Stesicore, Alcée, Pherecyde, Draco, Solon, & autres sages.

3346.

IECONIAS ou IOACHIN, neuueu ou fils de Ioachin, entra au Royaume de Iuda apres son pere. Mais Nabuchodonosor craignant qu'il ne vengeast la mort de son pere sur les Caldéens, l'assiegea luy-mesme, & la ville de Ierusalem, pour l'empescher de remuer dauantage. Il se rend avec sa mere, ses Princes, & grande partie de ses subjets à Nabuchodonosor, pour le salut de sa patrie, & pour en destourner la ruine, suivant le conseil de Ieremie le Prophete: celuy auquel il festoit rendu luy manqua de parole, car il constitua prisonniers plus de personnes qu'il n'auoit promis, & en fit mener à Babylone dix mille huit cents trente-six, du nombre desquels estoient Ezechiel & Daniel, Baruth.

3349.

SEDECHIAS son oncle, est constitué au lieu de Ieconias par Nabuchodonosor: par lequel apres l'vnzieme an de son regne fut pris comme rebelle. On luy creue les yeux, puis fut mené en Babylone avec l'autre peuple. La ville de Ierusalem & le Temple, sont miserablement bruslez par les Assyriens.

Lors aduint ceste lamentable CAPTIVITE de Babylone, predite par les Prophetes, qui dura septante ans: & ce pour le mespris de la parole de DIEU, pour la fausse doctrine & auarice des Prestres & Prophetes: la tyrannie des Roys, pechez du peuple specialement d'idolatrie. Ieremie, es chapitres 19. 22. 23. 25. 29. 32. Baruth, 6. Ezechiel, 13. 22. Ce grand Nabuchodonosor, pour son arrogance est chassé du Royaume: paist avec les bestes. Seruius Tullius sixieme Roy des Romains. Cræsus, Baltazar Roy de Babylone, abusant des vaisseaux du Temple, est tué. Le Royaume est occupé par Darius Medéen, oncle de Cyre Roy de Perse & Mede.

Cræsus.

MONARCHIE DES CALDEENS, Assyriens, ou Babylonniens.

3359.



NABUCHODONOSOR, le grand Roy de Babylone, l'an 24. de son regne, du monde 2362. fut celuy qui establit la grande & premiere Monarchie, descrite avec celle des Perses, Grecs & Romains, par Daniel chapitre 2. & 7. comparée au chef d'or, & à l'Aigle volant, ne dura qu'environ septante-huit ans, en trois Roys, luy qui regna en tout quarante-trois ans.

3382.

EVIMERODACH, qu'Herodote appelle Labynitus, liure 1. regna trente ans. Thales, Chio, Pittachus, Bias, Cleobulus, Periander, sages de Grece, doiuent estre rapportez en tous ce temps: & est en erreur de les separer comme font quelques-vns. Solon le plus ancien.

3412.

Blaspheme
ruine
de la Mo-
narchie.

BALTAZAR contempteur de Dieu, & renouelleur de la vieille idolatrie Caldaïque, auparavant abolie, abusant en ses festins des vaisseaux qui auoient esté ostez du Temple de Ierusalem, & se mocquant du vray Dieu des Iuifs, fut mis à mort par les Medes & Perdes, qui s'emparerent de la Monarchie, l'an dixieme de son regne. Il y a grande difficulté touchant ceste Monarchie, qui ne peut estre declarée icy.

MONARCHIE DES PERSES.

3406.

*Dan. 9.
Matth. 23.
Luc. 21.*



YRVS renuoye les Iuifs en leurs pays avec Zorobabel leur conducteur pour reparer le Temple. Il faict la guerre contre les Scythes l'espace de seize ans: cependant regne son fils Cambyfes. Daniel predict la Passion de IESVS-CHRIST, & la desolée ruine de Ierusalem sous Vespasian apres septante sepmaines passées, qui sont 490. ans, apres la reparation de la ville. Tarquin le superbe, pour le violement de Lucrece, est chassé de Rome: Consuls sont créez l'an 244. de la construction de Rome. Regna vingt-neuf ans. Voyez pour Cyrus & son fils, *Herodote 1. 3. Xenophon 8.*

3435.

CAMBYSES seul huit ans, homme cruel, tuë son frere & sa sœur: faict escorcher vn Iuge pour auoir fausement iugé. Pythagore grand Philosophe nauige en Egypte pour la Theologie, & en Babylone pour l'Astrologie & cours des astres. Plusieurs rapportent en ce temps l'histoire & deffaicte d'Holoferne: mais selon Genebrard, il la faut renuoyer au temps de Nabuchodonosor.

3443.

DARIUS fils d'Hidaspes, Assuere mary d'Esther trente-six ans: entre en Grece avec six cents mille combattans, puis est vaincu par Miltiade, seulement accompagné d'unze mille. Coriolan Romain en exil. Esopo compositeur de Fables, Anacharsis, Anaximene, Heraclites Philosophes. Anaximander inuenteur de l'Horloge & de la Sphere. Milo le fort. Voyez pour Darius *Herodote 2. Iustin 1.*

3479.

XERXES 20. ans, assaut les Grecs avec vne plus grande armée que celle de son pere: lequel fut repoussé par Themistocles. Cependant son fils Artaxerxes tient le Royaume, par le commandement duquel Esdras remet la Republique des Iuifs, & Nehemie avec main forte repare les murs de la ville. Cimon, Aristides, Pindare, Pericles Capitaine Athenien, preux & sage, pour lequel voyez Plutarque en sa vie.

*3506.
Guerre
Peloponne-
sique.*

3544.

ARTAXERXES, Darius Longue-main, seul tient le Royaume vingt ans. Les dix hommes escriuent à Rome les Loix des douze Tables. Empedocle, Sophocle, Gorgias, Anacreon, Democrite, Euclide, Hippocrate, Herodote, Thucydide & Xenophon.

DARIUS bastard 19. ans, Socrate, Aristophane, Thucydide, Alcibiades, Lyfandre, Conon, Epaminondas, Architas, Timon, Denis de Syracuse Tyran. Royaume des Sicambriens & Francs en Franconie selon Triteme, où regnerent quarante Roys.

3565.

ARTAXERXES Mnemon, 40. ans, exerce le fait de la guerre avec son frere Cyre. Trasibule chasse d'Athenes les tyrans Lacedemoniens. Rome est prise des Gaulois sous la conduite de Brennus fort belliqueux. *Tite Liue Decad. 4. lin. 8. Xenophon Capitaine, Philosophe & Orateur, Platon, Phocion, Isocrate, Polybe, Praxiteles, Metasthenes, Camille, Crates.*

3604.

OQYB 26. ans, tres-cruel Tyrann, Philippe Roy de Macedoine, opprime la liberte de toute la Grece. A Rome Curce Torquat, Dece Coruin. Les cent soixante matrones forcieres. Iadus Pontife des Iuifs, Berosé historien.

3625.

ARSES 3. ans, ses faits tyranniques furent cause qu'en luy toute la race de ce grand Roy Cyrus perist. Alexandre le grand fils de Philippe demolit la ville de Thebes. Demost. Diogene, Epicure.

3629.

DARIUS dernier Roy ingrat & desloyal, est surmonté d'Alexandre le Grand, l'an 6. de son regne. Les Samnites subiuguent les Romains. Cnee Papyre Curseur. M. Curius Dentatus assis en son foyer, refuse les tresors des Samnites, ne voulant estre ny vaincu en guerre, ny corrompu par argent. *Val. liu. 2. chap. 3.*

Après Darius quatriesme, qui auparavant qu'il entré en la Monarchie des Perses s'appelloit Coloman. Il y a eu trente-neuf Monarques, les successeurs desquels se sont nommez, Sophi.

MONARCHIE DES GRECS.

3630.



ALEXANDRE le Grand, ayant vne armee seulement de 32. mille hommes de pied, & quatre mille cinq cens cheuaux, marche par toute l'Asie: l'an de la Monarchie 7. est empoisonné en Babylone. Voyez Plut. en sa vie Iust. liu. 11.

Après sa mort il y eut dissension entre les Capitaines & Seigneurs Macedoniens, qui seroit successeur de ce grand Empire. En fin on s'accorda de la personne d'Antidous surnommé Philippus frere d'Alexandre, & Perdicas fut créé Capitaine general. Puis apres les Prouinces & Gouvernements furent distribués entre les Capitaines d'Alexandre, lesquels incontinent s'en approprierent & prirent chacun le titre & qualité de Roy. Ainsi ceste grande Monarchie fut diuisée en plusieurs Royaumes & parties: toutes lesquelles neantmoins furent en peu de temps reduictes à trois Royaumes principaux. Macedoine, Syrie, & Egypte.

MACEDOINE.



V PARAVANT Arideus Philippus, frere d'Alexandre, il y auoit eu au Royaume de Macedoine, 21. Roys: c'est à sçauoir, Cranaus, Cenus, Terima, Perdica, Argeus, Philippes, Europa, Alcestes, Amintas, Alexandre, Perdica 2. Archelaus, Archelaus 2. Orestes frere d'Archelaus, Pausanias, Amintas 2. Alexandre 2. Ptolemee, Perdica 3. Philippes 2. Alexandre le Grand 3. du nom. De maniere que iusques à Perseus, duquel comme dit est triompha Paule Emile, le nombre des Roys se monte à trente-quatre.

ARIDEVS Philippus, frere d'Alexandre, qui auoit esté esleu successeur regna en Macedoine six ans, gouverné entierement par Antipater qui manioit toutes les affaires du Royaume. Ce Roy fut tué par le commandement d'Olympias mere d'Alexandre.

3647. **C**ASSANDER fils d'Antipater apres la mort d'Arideus enuahit la Macedoine, ayant fait tuer la mere & la femme d'Alexandre Olympias & Roxane. Il regna dix-huict ans.

3665. **A**NTIPATER & **A**LEXANDRE enfans de Cassander regnent ensemble quatre ans. Antipater tué sa mere. Alexandre luy fait la guerre, & appelle à son secours Demetrius, lequel le fist tuer.

3669. **D**EMETRIVS apres la mort d'Alexandre regna sept ans: Mais ayant entrepris de recouurer l'Empire de son pere Antigonus en Asie mineur, que tenoit Seleucus, il fut vaincu & pris par Seleucus: & mourut en prison.

3686. **A**NTIGONVS Gonnates fils de Demetrius, regna puis apres en Macedoine par trente-six ans, ayant repris le Royaume qui auoit esté apres la mort de son pere enuahit par plusieurs qui l'auoyent tenu l'espace de huit ans. Car Pyrrhus Roy des Epirotes l'occupa le premier, Lyfimachus le prist sur luy pendant qu'il estoit empesché contre les Romains. Lyfimachus mort, Ptolemee Ceraunus l'enuahit: mais peu de temps apres ce Ptolemee fut tué par les Gaulois qui vinrent en Macedoine, & par ce moyen Antigonus entra au Royaume de son pere.

3721. **D**EMETRIVS qui regna dix ans, laissant son fils nommé Philippus en fort bas âge, auquel fut donné pour tuteur vn Antigonus, qui ayant espousé la mere de son pupille se fist Roy. Ainsi cet

3731. **A**NTIGONVS Dofon regna 12. ans. Aratus chef de la ligue des Acheiens l'appella à son secours contre Cleomenes Roy des Lacedemoniens, lequel fut vaincu par Antigonus, qui prist la ville de Sparte.

3742. **P**HILIPPVS fils de Demetrius regna 44. ans, ayant fait la guerre aux Romains, il fut vaincu sous la conduite de T. Quintius Flaminius, & luy fut osté tout ce qu'il tenoit, hormis le seul Royaume de Macedoine. Auquel succeda

3786. **P**ERSEVS, qui regna 11. ans, il fut vaincu & pris prisonnier par Paulus Æmilius Consul & Capitaine general des Romains: & mené en triomphe à Rome l'an de la ville 587. Et fut la Macedoine reduite en forme de Prouince.

SYRIE.



PRES la mort d'Alexandre le Grand, **S**ELEVCVS a esté le premier Roy de Syrie. Perdiccas estant mort il reprist la ville de Babylone & partie de l'Inde. Puis apres avec l'aide de Ptolemee Roy d'Egypte, il fist la guerre contre Antigonus qui commandoit en Asie mineur, & l'ayant vaincu, occupa la Syrie, & s'en fist Roy: & quelque temps apres y adioignit toute l'Asie mineur, Antigonus ayant esté tué en vne bataille. Et ainsi fut par luy establi ce grand Empire de Syrie. Il vainquit aussi Lyfimachus, & luy osta le Royaume de Macedoine: mais incontinent apres il fut tué par Ptolemee Ceraunus, apres auoir regné trente-deux ans en Syrie.

3684. **A**NTIOCHVS Soter, c'est à dire Sauueur, fils de Seleucus, regna dix-neuf ans, auquel succeda

3703. **A**NTIOCHVS surnommé *Theos*, c'est à dire Dieu, qui regna quinze ans.

3718. **S**ELEVCVS Callinicus fils d'Antiochus regne vingt ans. De son temps **A**RSASES Parthe se reuolta de son obeyssance, & ayant dompté plusieurs nations ses voisines, fonda le Royaume des Parthes, qui a depuis esté si puissant.

3738. **S**ELEVCVS surnommé Ceraunus, c'est à dire foudre, regna trois ans, & apres luy **A**NTIOCHVS le Grand regna trente-six ans. Il fut vaincu par les Romains, sous la conduite des Scipions en deux batailles. Apres lesquelles il fit la paix, à condition qu'il laisseroit aux Romains l'Asie mineur deçà le mont Taurus: auquel succeda son fils

3777. **S**ELEVCVS Philopator, c'est à dire aymant son pere, qui regna douze ans.

3790. **A**NTIOCHVS Epiphane, c'est à dire illustre, qui estoit aussi fils du grand Antiochus, regna douze ans. C'est ce Roy qui prist Ierusalem, & fit tant de mal aux Iuifs; pollut & contamina le Temple; & les voulut contraindre à changer de religion: fist mourir cruellement les sept freres, qui est vn martyre tres-illustre. Son armée fut deffaiete par Iudas Machabée, & apres luy son fils

3801.

ANTIOCHVS Eupator regna deux ans, cependant Demetrius fils de Seleucus Philopator, qui auoit esté baillé en ostage aux Romains par la paix d'Antiochus le Grand son ayeul, s'estant fuy à Rome & venu de Syrie, fist reuolter vne grande partie du peuple, qui luy liura & mit en main le Roy Antiochus, lequel il fit incontinent mourir.

3803.

DEMETRIVS Soter, apres la mort d'Antiochus regna dix ans. En ce temps les Iuifs estoient gouuérnez par les Machabées.

3813.

ALEXANDRE fils naturel d'Antiochus Epiphane, ayant amassée vne armée, & s'estant emparé de quelques villes de Syrie, vainquit Demetrius en bataille, lequel y demeura. Cest Alexandre regna cinq ans.

3818.

DEMETRIVS Nicanor, fils de Demetrius Soter, vint en Syrie avec vne armée: & estant aydé par le Roy d'Egypte enuahit le Royaume, Alexandre s'enfuit en Arabie où il fut tué: Demetrius a regné deux ans.

3820.

ANTIOCHVS Sedetes, fils d'Alexandre aydé par Triphon chassa Demetrius, enuahit le Royaume qu'il tint par trois ans.

3823.

TRIPHON tué Antiochus, & s'empara de Syrie où il regne trois ans, Demetrius viuait encor, lequel fut peu de temps apres pris par les Parthes.

3826.

ANTIOCHVS surnommé Soter, & Pinus frere de Demetrius Nicanor, vainquit Triphon, qui fut tué: & ayant regné douze ans, il mourut en vne bataille contre les Parthes.

3838.

DEMETRIVS Nicanor, qui auoit auparauant regné deux ans, fut laissé aller par les Parthes, & regna encore quatre ans: & ayant esté surmonté en bataille par Alexandre Zebin, il fut tué.

3841.

ALEXANDRE Zebin, que le Roy d'Egypte auoit enuoyé aux Syriens, se plaignans de la cruauté de Demetrius, regna trois ans.

3844.

ANTIOCHVS Grypus fils de Demetrius, ayant vaincu & tué en bataille Alexandre Zebin, regna quarante-neuf ans. Pendant lesquels son frere Antiochus le Cyzicénien luy fit continuellement la guerre.

Après la mort de cest Antiochus Grypus, tout fut en trouble en Syrie par quelque temps entre ceux de la lignée Royale, se faisant la guerre continuellement, & s'entre-tuans les vns les autres. Iusques à ce qu'un Antiochus estant seul resté de ceste race, estant mort sans successeur, Tigranes Roy d'Arménie enuahit le Royaume, sur lequel il fut puis apres pris par les Romains sous la conduite de Pompée: & ce pays reduit en forme de Prouince, l'an de la ville de Rome 693.

E G Y P T E.



EGYPTE est vne region, qui fut nommée Oceane, Nilée, Érie & Osirine, auparauant qu'Egytus fils de Belus, & frere de Danaus, l'eut fait appeller de son nom. Aucuns la disent estre en Affrique, & les autres en Asie: Ceste Prouince ainsi que dit Plin, au liure cinquième de son histoire, est du costé de la mer Rouge & de la Palestine, regardant l'Orient, & vers le Ponant a le pays de Cyrene, & le surplus de l'Affrique, & vers le Midy, elle s'estend iusques en Ethiopie: & vers le Septentrion elle regarde la mer Egyptiaque, qui est la Mediteranée. Ses villes principales furent Thebes, Abyde, Alexandrie, Babylon & Memphis, (à present Damiette) & selon aucuns le Caire, siege Royal du Soldan d'Egypte, & l'une des plus grandes citez de l'Vniuers. Amasis fut le second Roy, Chebron, Amenophis, luy succederent de temps en temps dix-huict Roys.

3641.
Royaume
d'Escoffe.

PTOLEMEE Lagus Soter, le plus excellent des Capitaines d'Alexandre est fait Roy, & regne quarante ans sur l'Egypte. Theophraste, Zenon, Theocrite, Menander. Les Romains guerroyent contre Pyrrus. Voyez pour ce Roy *Iust. liure 13. 14. 15. Orose liure 3. chap. 23. Ferguse premier Roy d'Escoffe.*

3682.
1. Guerre
Punique.

PTOLEMEE Philadelphie, regna trente-huict ans. Ordonne la Bibliotheque en Alexandrie: fait traduire les liures de la Bible en langue Grecque, par septante-deux Interpretes. Ariste, Phalere, Chrysipus, Carneades, Aratus. A Rome la premiere guerre Punique, Regulus.

3717.

PTOLEMEE le Liberal, mary de sa sœur, vingt-six ans. A Rome la deuxième guerre Punique: Les Scipions, Fabius Maximus, Marcellus. Annibal est surmonté de Scipion l'Africain l'aisné. En ce temps estoit l'auteur du liure de la Sapience.

3743.

PTOLEMEE Parricide dix-sept ans, tué sa mere & sa sœur, laquelle mesme estoit sa femme. A Rome la guerre de Macedoine, contre le Roy Philippe: & la guerre d'Asie contre le grand Antioque & Annibal fugitif. Caton le grand, Ennius, Neuius. Plaute, Panecius, Iesus fils de Sirach, auteur de l'Ecclesiastique. Simon le iuste Euesque des Iuifs.

3760.

PTOLEMEE Epiphane, sous la tutelle des Romains, regne 24. ans. Les freres Machabées résistent vaillamment à Antiochus, tres-cruel Tyran de Syrie. Sa grande repentance se void au 2. des Machabées, chap. 9.

3784.

PTOLEMEE Matricide, trente-cinq ans. Paul Émile ayant prins le Roy Perfes, fait Macedoine Prouince des Romains. La troisieme guerre Punique. La guerre d'Achaïe, & de Numance en Espagne, Scipion Africain le ieune, Lelius, Terence.

3819.

Sectes des
Pharisiens.

3848.

3865.
Guerre
entre Ma-
rius &
Sylla.

3883.

3919.

3920.
Guerre
Civile
entre Ce-
sar &
Pompée.

PTOLEMEE le Liberal, autrement Phiscon, homme detestable, frere de Ptolemee le Matricide, 29. ans : espouse la femme de son frere, puis sa fille. Les sectes des Pharisiens, Saducéens, & Esséens naissent. A Rome la guerre seruite. Les loix pour le fait des champs par les Gracches.

PTOLEMEE Alexandre, ayant chassé son frere Lathyre, regne 17. ans; depuis fut luy-mesme dechassé par les siens, pour la mort de Cleopatra sa mere meschante femme. A Rome la guerre Jugurthine, trois Soleils veu en ce temps. *Plin. liure 2. chap. 31.* Funccius attribué ces dix-sept ans & ce regne à Ptolemée Lathyre, le preferant à Ptolemée Alexandre.

PTOLEMEE Lathyre rappellé, regne dix-huit ans. A Rome la guerre Cimbrique, la guerre Mithridatique, la guerre civile entre Marius & Sylla. Lucelle, Antoine, Crassus Orateurs: Lucrece Poëte, Varron, Sylla dominateur cruel, lequel retiré aux champs pour viure solitairement, meurt de vermine qui s'engendroient en son corps. *Flor. liu. 3.*

PTOLEMEE Auletes 30. ans. Dechassé des siens, de l'autorité de Pompee est remis par Gabinus. Pompee surmonte Hieras, Sertorius, les Pirates, Tigranes & Mithridates. La coniuration de Catilina. Cesar surmonte les Gaules. Ciceron en exil, Crassus est defaict des Parthes.

PTOLEMEE Denys, dernier Roy 8. ans, fit trancher la teste à Pompee le grand. Catulle, Hortensius, Saluste, Diodore Sicilien, Caton d'Utique, M. Lepide, Marcellus, M. Antonius.

CLEOPATRA auoit tenu le Royaume quelque temps avec son frere, & apres entierement 22. ans, laquelle sçachant qu'Antonius estoit vaincu par Auguste se tua. Lors ce Royaume fut fait Prouince Romaine. Guerre civile entre Pompée & Cesar. Ceste belle Bibliothèque dressée par Ptolemee Philadelphie, contenant deux cens mille volumes, fut bruslée de ce temps. *Plus en la vie d'Antonius.*

MONARCHIE DES CESARS O V R O M A I N S.



A ville de Rome a esté bastie au commencement de la septiesme Olympiade, l'an quatre cens trente-deux, apres la prise & le saccagement de la ville de Troye, & environ trois mille deux cens & vingt-cinq ans apres la creation du monde.

ROMULUS fut le premier Roy, & luy donna son nom, & fit fermer cette ville d'une ceinture de murailles, & mourir son frere Remus qui par mespris ou autrement auoit sauté & aiambé par dessus les alignements dressés pour esleuer la closture de ladite ville. Cela luy seruit de pretexte pour n'auoir point de compagnon en sa nouvelle Royauté. Asyle edifié au Capitole, pour estre le refuge des bannis & gens ramassés. Cent Senateurs establis nommez Peres, & leurs descendans Patrices. Sabines rauies venans aux ieu du Dieu Consus. Les Cinenes defaicts, leurs despoilles sont dediées à Iupiter Pheretrien. Iupiter Stator a vn temple au milieu de la place publique, où les Sabines mirent d'accord les Romains & les Sabins. La ville de Rome est partie en trente quartiers ou Curies. Les Fidenates & les Vejentes sont subjugués, & on confisqua vne partie de leurs terres. Il regna iusques à trente-huit ans. Sa mort est douteuse: on dict que faisant faire monstre à son armée hors la ville, pres le Maretz de la Cheure, il s'esleua vn grand tourbillon & vne tempeste, de laquelle il fut emporté hors de la veuë de tous, & ne le vit-on plus depuis.

NUMA POMPILIUS second Roy des Romains, fut tiré d'une petite ville des Sabins dicté Cures, pour estre placé au Throsne Royal, ce qu'il n'accepta qu'avec beaucoup de peine, car il n'y vouloit entendre. Il rendit le naturel des Romains plus doux, & moins feroce par les ceremonies de la Religion qu'il institua. Le temple de Ianus fermé & ouuert selon le temps de la paix ou de la guerre. Deux mois Ianuier & Feburier, sont adioustés à l'année qui n'en auoit que dix selon l'institution de Romulus, & qui commençoit le premier iour de Mars. Les iours ouurables & festables distinguez. Son regne dura quarante-trois ans. Iudith regnoit enuiron ce temps-là. Giges, Candaules Roy des Assyriens.

TULLVS HOSTILIUS regna apres Numa, il eut plus de fierté de courage que de Religion. Guerre contre les Albanois. Combat des trois Horaces soldats Romains, contre les trois Curiaces Albanois, pour vuidier le different d'entre ces deux nations. Suplice de Metius Sufferius Dictateur des Albanois, tiré à quatre cheuaux. Alba ruinée. Le mont Caelius enfermé dedans l'enclos de Rome. Le Roy deuient superstitieux: ayant failly aux ceremonies requises au sacrifice de Iupiter Elicien, est consummé & bruslé par le feu du tonnerre, l'an trente-deuxiesme de son regne. Ammon Roy de Iudée esgorgé par ses seruiteurs.

ANCVS MARTIVS, continua & obserua les festes & sacrifices qu'auoit ordonné Numa son ayeul. Guerre contre les Latins. Le Ianiculum ioinct à la

ville par le pont Sublicien. Les Latins reçus en grace, & faits Bourgeois de Rome, & ont le mont Auentin pour habiter. L'Empire Romain auance & dilate ses bornes iusques à la mer. La ville d'Ostie est construite à l'embouchure du Tybre. Estant proche de la fin de sa vie, il recommanda ses enfans à Tarquinius Priscus, & l'institua leur tuteur, il vint sa foy apres le deceds de leur pere, qui mourut ayant regné vingt & trois ans. Iofias regna en Iudée. Le Prophete Ieremie fit ses lamentations.

TARQUIN l'Ancien, dit PRISCUS s'inestit du Royaume frauduleusement, & pour s'asseurer de la Couronne crea de nouveaux Senateurs à son choix & de moindre race que n'auoit fait Romulus. Entre le mont Palatin & l'Auentin le grand Cirque est basti. Jeux & ioustes solempnelles tous les ans. Toscons se rendent. Les Latins sont subiuguez. Il prend sur les Sabins la ville de Collatia. La Sibylle de Cumès luy apporta les liures des Oracles appelez depuis les liures de la Sybille. Les fondemens du Temple de Iupiter Capitolin sont leuez. Les enfans d'Ancus Martius se ressentent de l'usurpation de la Couronne faite par Tarquin sur eux, & le blessent d'une playe mortelle, de laquelle il mourut, ayant esté Roy enuiron trente-sept ans. Chez les Atheniens florissoit Draco, Sedecias dernier Roy de Hierusalem captif en Babylo-

ne. Niniue rasée & ruinée. Les 7. Sages de Grece paroissent en mesme temps. SERVIUS TULLIUS, sixiesme Roy, sage, prudent, homme d'estat, de belle les Veientes. Introduit le lustre, qui est vn espace de cinq ans, à la fin desquels il se faisoit vne reueuë de tout le peuple Romain, pour sçauoir ce qu'il possedoit de biens. Il renferma dedans la ville les monts Quirinal, Viminal, & Esquilin. Fortifia Rome de murailles, fosses & remparts. Tarquin le Superbe son gendre l'assassina dedans son Palais pour s'emparer de la Royauté, l'an quarante-quatriesme de son regne. Periander, Arion, Phisistrat, Polycrates, Phalaris, Esope, Pythagore, Sapho, Alcée, Stesichore, Symonides, Anacreon, Pindare.

TARQUIN dit le superbe, à cause de son outrecuidance, & du mespris dont il vsoit enuers les Senateurs & la noblesse Romaine, fit eriger le Temple de Iupiter Latial: il subjuga les Volsques & les Gabiens, par l'astuce de son fils Sextus Tarquinius, qui par le violement qu'il commit en l'honneur de Lucrece noble & sage Dame Romaine, luy causa la perte de sa dignité Royale en l'an trente-cinquiesme de son regne. Lucius Brutus qui iusques à ce iour auoit simulé d'estre fol, remit sa patrie en liberté, qui auoit esté gouuernée par les Roys iusques au nombre de sept, près de deux cents quarante-cinq ans. Depuis on commença d'eslire deux Consuls. Porfena Roy d'Etrurie en vain fait la guerre aux Romains, pour reestabli les Tarquins en leur throsne. Horatius Cocles Cheualier Romain monstre sa generosité, & Mutius Sceuola sa hardiesse.

3918. IVLES Cesar, Princetres-humain, & des plus grands Capitaines, regna cinq ans, surmonte Pompée & ses alliez, Ptolomée occis: Cesar remet Cleopatra son amie au Royaume d'Egypte. Retourné à Rome, est tué au Senat par Brutus, Cassius & autres conspirateurs. Dioscoride. Voyez Suetone & Flor. en la vie de Cesar.

3923. AVGVSTE arriere-neveu de Iule, du costé de sa sœur, & fils adoptif regna cinquante-six ans; heureux en guerre, modérée en paix, liberal enuers tous. Virgile, Horace, Tibule, Ouide, Properce. Vitruue, Mecenas. Cleopatra meurt, & son mary Anthoine. L'Egypte reduite en Prouince. Herodes estranger, fauorisé d'Auguste, est Roy de Iudée. Ainsi le sceptre du tout osté de Iuda, IESVS-CHRIST Dieu homme, Sauueur du monde, nay de la Vierge en Bethléem, selon les Prophetes de Iacob. Genes. 49. & Esaye chap. 7. Michée chap. 5.

3963. IESVS-CHRIST, l'an d'Auguste 42. du Monde 3963. Ouide en exil. La ville de Lyon fondée. Tite-Liue, Valere le grand, Strabon, Francus Roy des Sycambriens es basses Allemagnes. Aquile, Tubero, Galbe, Labeo, Caie, Iuriconsultes. Herodes le grand meurtrier des Innocents; denombrement à Rome de quatre cents soixante-quatre mille hommes.

Ans de Iesus-Christ. 17. C. TIBERE fils de Liue, depuis femme d'Auguste, vingt-trois ans, au commencement bon, en fin meschant. IESVS-CHRIST, pour nostre salut crucifié en Ierusalem sous Pilate, Preuost de Iudée. Il disoit, Que le bon Berger doit rendre ses brebis, & non pas les denorer.

39. C. GALIGULE, tres-meschant, treize ans. Ceste belle ruine des hommes, se fait adorer comme Dieu; empoisonne son oncle Tibere, & desfore toutes les sœurs, & les abandonne à autres.

T. CLAUDE, oncle de Galigule, quatorze ans, monstre d'hommes, qui preposa Neron à son propre fils, par la trahison duquel il fut empoisonné en vn champignon: Messaline sa cinquiesme femme parangon de toute lubricité & meschanceté. Saint Pierre Apostre premier Pape à Rome. Philon Iuis, Perse, Mela, Plin l'aîné, Columelle, Paul Apostre & autres, va par le monde annoncer IESVS-CHRIST, accompagné de Luc. Denis Areopagite. Premier Concile de Ierusalem.

43. NERON fils d'Agrippine, depuis femme de Claude, treize ans, premier persecuteur de l'Eglise, fit mourir saint Pierre & saint Paul: fit aussi tuer son maistre Senèque & sa mere, & le Poëte Lucain. Simon le Magicien, Apolo-

- nus. Neron dechassé de Rome se tué, ayant fait mettre le feu à Rome pour auoir son passe-temps.
57. GALBA, le septiesme mois de son Empire, est tué par Othon. *Suet. Egese. liure 4. chap. 21.*
70. OTHON, tres-meschant se tué le troisieme mois aussi de son Empire, il confessa auoir esté fort tourmenté par l'esprit de Galba, selon *Suet. Tacit. liu. 7.*
- VITELLIVS nourry aux bordeaux de Caprée, vicieux, gourmand, est mis en pieces & ietté dans le Tibre, ayant regné huit mois. Il se fait seruir à table de deux mille sortes de poissons, & sept mille de volailles, en vn souper. *Sueton. liu. 9. Ioseph. 5. de la guerre Iudaïque.*
71. VESPASIEN, modeste & gracieux, amateur des gens de seauoir, & bons artisans, regna dix ans, accompagné de son fils Tite, ruine Ierusalem. Iosephe, Procle, Epictete. Ceste ruine fut la plus lamentable qui aduint iamais, où moururent 110000. hommes. *Voyez Iosephe liure 6. & 7. de la guerre Iudaïque & Egese.*
81. TITVS lesoulas du genre humain, deux ans. Il disoit que nul ne se deuoit departir triste de deuant la face d'un Prince. Cassius, Nerace, Procule, Pegase, Iuriconsultes. Saint Barthelemy est martyrisé en Indie, Saint Mathias en Iudée, Saint André en Scythie, Saint Mathieu en Ethiopie, Saint Thomas en Bragmanie. Ierusalem prise: Famine extrême, qui contraignoit les meres de manger leurs propres enfans.
83. DOMITIAN frere de Tite, tres-meschant persecuteur des Chrestiens, quinze ans. Martial, Iuuenal, Stace, Trogue, Saint Iean Apstre escrit l'Euan-gile: Iosephe escrit l'histoire Iudaïque. Domitian veut estre appelé Dieu, & Seigneur des siens, desquels il est tué, hay de tous.
97. NERVA bon Prince, pere adoptif de Trajan vn an, donne plus de cent mille escus pour soulager les pauvres citoyens, oste la cruë des tailles ayant besoin d'argent, vend habits, vaisselle, Palais, & postpose ses propres parents à l'utilité publique. Les Chrestiens en grand repos sous luy, & les bannis rap-pellez, entr'autres Saint Iean.
99. TRAIAN bon Empereur, sinon qu'il persecutoit l'Eglise, dix-neuf ans, estant admonesté qu'il estoit trop gracieux enuers tous; il respondit, qu'il estoit tel enuers ses subjets, qu'il souhaiteroit que les autres fussent vers luy fil estoit subiect. Saint Ignace, Saint Eustache, Pline le ieune, Plutarque, Aule Gelle, Suetone, Tacite, Solin.
118. ADRIAN studieux & sçauant en toutes sciences, & premier des Empe-reurs portant barbe, vingt-vn an. Iulius Celsus, Iulian, Neralcius Prisqueus, Iuriconsultes & Conseillers de l'Empereur. Ptolomée grand Astrologue, Phaurin, Denis Milesien, Heliodore. Ierusalem est réparée par Adrian, qui est pour lors appelée Helie par mutation de nom.
139. ANTONIVS Pius, vingt-trois ans, Prince de telle estime, que les nations estrangeres venoient vers luy, & le faisoient Iuge de leurs differents, ayant ce propos souuent en la bouche: j'ayme mieux sauuer vn citoyen, que tuer mille ennemis. Policarpe, Irene, Iustin martyr, Egese, Appian, Flore, Macrobe, Iustin, Gallien, Pallade. Lucian Atheiste est dechiré des chiens. Cest Empereur oste le salaire aux Courrisans & Magistrats oisifs, est appelé pere du pays. *Voyez Eutrope liure 8. Telephore Pape 9. institué ou restitué le Caresme.*
162. M. ANTONIVS Philosophe, natif de la Gaule, avec L. COMMODVS V E R V S, dits freres es liures des Pandectes, dix-sept ans. Ce bon Prince ne voulant fouler ses subjets, fit vendre ce qu'il auoit de beaux & riches ioyaux, vaisselles, habits de luy & de sa femme. *Eutrop. liu. 8.*
181. L. COMMODVS tres-meschant fils du bon Antonin, treize ans; est estran-glé de sa concubine, & des coniurez. *Eutrop. liu. 8. & Oros. liu. 8. chap. 16.* Lam-pride descriit amplement sa vie.
194. PERTINAX six mois. Il auoit refusé l'Empire, & voulant reformer le gouvernement fut tué par Iulian son successeur, qui achete le nom de Cesar des gens de guerre. Le peuple le regrette, criant tout haut: O pere de bonté; pere du Senat; pere de tout bien.
194. D. IULIAN sept mois, ayant tué son predecesseur, fut tué de l'ordonnance du Senat, hay de tous. Dissention entre les Chrestiens pour la celebration de la Pasque, le Concile 2. ordonne le iour de Dimanche, & 5. autres apres. *Euseb. liu. 5. chap. 24.* Metianus, Scevola, Martianus & Cassius Iuriconsultes Aphrodisée & Aptonius Sophistes.
195. L. SEPTIMIUS Seuerus 18 ans, Persecuteur de l'Eglise, au reste vaillant Prince, addonné aux lettres & aux armes, tant aimé, & qui gouuerna si bien, que le Senat dist de luy, qu'il ne deuoit iamais estre nay, ou qu'il ne deuoit ia-mais mourir. *Voyez Spart. & Viét. Origene, Tertullian, Philostate Sophi-phiste & Apulée.*
213. B. CARACALLA fils de Seuerus, 7. ans, mary de sa marastre. Tué Geta son frere, & Papinian ce grand & celebre Iuriconsulte, & plusieurs autres: en fin tué par vn soldat de la garde. *Herod. liu. 4.*
220. OP. MACRINVS, avec son fils Diadumenus 1. an. L'un & l'autre eurent la teste coupee par leurs gens de guerre. Cestuy fut docte en droit: mais au reste detestable & cauteleux, ayant fait tuer son predecesseur.
221. HELIOGABALE bastard de Caracalla, deshonneste, paillard & abomina-

225.
Royaume
des Perſes.

ble : donne les eſtats à melchans macquereaux , plaiſanteurs : & meſpriſé de tous, fut tué par les ſoldats, l'an quatrieſme de ſon Empire, ſon corps & celui de ſa mere trainé par les ruës , & ietté dans les égouts. *Herodote liure 4.*

ALEXANDREE Seuer, regne paiſible ſans effuſion de ſang 13. ans : bon Prince, deſſend de vendre les offices. Vlpian, Paulus, Pomponius, Alphene, Africain, Calliſtrate, & autres Iuriſconſultes diſciples de Papinian, Dion hiſtorien, Philoſtrate. Royaume de PERSE fondé par Artaxerces, depuis transporté aux Sarrazins : maintenant occupé par le SOPHI.

238.

MAXIMIN, perſecuteur des Chreſtiens 3. ans, de ſimple Berger eſt fait Empereur le premier, par les gendarmes, ſans autorité du Senat, & tué par eux-mêmes.

241.

GORDIAN, Prince de cœur noble, avec ſes fils, mêmes GORDIAN LE JEUNE bon Prince ſix ans : occis par Philippe ſon ſucceſſeur : de ſon temps merueilleuſe Eccliſſe de Soleil. Voyez I. Capitolin, qui met auſſi PVIEN BALBIN, creéz par le Senat avec Gordien le vieil.

247.

PHILIPPE, le premier Chreſtien des Ceſars, cinq ans : Donna par teſtament tous ſes threſors au Pape Fabian. Et eſt le commencement des richèſſes de l'Egliſe Romaine. Il fut tué par ſon ſucceſſeur comme il auoit tué ſon predeceſſeur.

252.

DECIVS perſecuteur des Chreſtiens, deux ans, S. Saturnin Eueſque martyriſé à Thoulouſe, S. Laurent, Hippolitte, Cecile, Agathe, Apolline.

254.

GALLVS, avec ſon fils VOLVSIAN, deux ans : Perſecuteur des Chreſtiens, & tous deux tuez des gens de guerre. De ſon temps vne peſte ſi contagieuſe quaſi par tout, qu'en pluſieurs lieux elle ne laiſſoit creature en vie, & dura quinze ans, & ſembloit prouenir du malheureux gouuernement de ceſt Empereur.

256.

VALERIAN avec ſon fils GALIAN, perſecuteur des Chreſtiens, 15. ans. Captif de Sapor Roy de Perſe, lequel ſ'en ſeruoit de marche-pied montant à cheual. S. Cyprian, & ſainct Cornelié martyrs. Porphyre eſcrit contre les Chreſtiens. Les trente tyrans vſurpent l'Empire. Voyez Trebel. Pollio. S. Paul premier Hermite Chef de la vie ſolitaire.

271.

FLAUE CLAVDE, bon & de noble lignee, fort priſé deux ans : Denis Pape depart les Dioceſes & Parroiſſes des Chreſtiens. Tom. I. des Concil. Iamblique, Plotin, Iuuenque Preſtre, reduit les quatre Euangelistes en vers hexametres.

273.

VALERE AVRELIAN, cruel, 6. ans : tourmente les Chreſtiens, repouſſe les Franconiens, entrans de la Germanie en la Gaule : le premier qui porta couronne Imperiale, amateur de la diſcipline militaire, puniſſant le vice des ſoldats à la rigueur. Il ſurmonta Zenobie Dame fort belliqueuſe tenant l'Empire en Orient.

279.

TACITE occis le ſixieſme mois de ſon Empire, bon Prince fait mettre les liures de Corneil Tacite en toutes ſes Bibliothèques. Les Manicheens ayans commencé du temps d'Aurelian, infectent l'Egliſe.

279.

PROBE bon Prince, auteur de paix, és hautes & baſſes Allemagnes ſix ans, quatre mois, dit qu'il n'a beſoin de gendarmes, n'ayant ennemis : & que le ſoldat ne doit manger la munition ne faiſant rien.

286.

CARE, bon & ſage Prince, deux ans, avec ſes fils Carin & Numerian, deux freres fort differens ; le premier tres-mechant plein de cruauté : le ſecond, plein de bonté, vaillance & ſcience. Volcace, Herodian, Lampride, Spartian, Pollio, Vopiſque, Capitolin hiſtoriens.

288.

DIOCLETIAN avec Maximian Herculus, 20. ans, perſecuteur des Chreſtiens tres-cruel, ſe veut faire adorer. Catherine, Luce, Agnes, Barbe, Sebaſtian, Vincent, Coſme & Damian, & autres martyrs innombrables par tout le monde, de ſon regne iuſques au nombre de dix-ſept mille en trente iours.

308.

CONSTANTIE CHLORE, peré de Conſtantin & GALERIE, l'un preſide en Orient, l'autre en Occident, 4. ans enſemble. Conſtantin commande en Gaule, Eſpagne, Affrique & Italie. L'autre en Grece. Arnobe, Lactance, Dorothee Eueſque de Tyr, Euſebe doctes perſonnages.

310.

Concile
de Nice.

CONSTANTIN le grand, fils d'Helene ſainte femme, avec Maxence & Licin 31. an : Il fut religieux & debonnaire, fiſt transporter la Bible en diuers pays, aſſemble le Concile de Nice contre Arrius heretique, edifie la ville de Conſtantinople nommee de ſon nom, où le ſiege Imperial fut transporté & change de Rome en Grece, apres auoir donné Rome au Pape Sylueſtre. *Euſeb. lib. 10. Niceph. lib. 8.*

341.

CONSTANTIN ſecond, avec ſes freres, 17. ans : conioignant les 3. ans du regne de Magnentius, Themifte, Donatus, Libanius, Sophiſte. S. Anthoine Hermite florit en Egypte par miracles.

358.

VLIAN Apôſtat de noſtre religion dix ans, fut nommé Empereur par les gens de guerre dans Paris, contre ſon gré, deſſend aux Chreſtiens l'eſtude des lettres, eſtant bleſſé à mort, crie : Tu as vaincu à la fin, Galileen. Sainct Cyrille, Optate, Baſile, Nazianzene, Epiphane, Hilaire, Didime, Exupere doctes Theologiens.

368.

IOVIAN debonnaire & docte, huit mois, ayant fait confeſſer à ſes gens-

- d'armes le nom de **IESVS-CHRIST**. Premier ordre de Moynes instituez par saint Basile, sous certaines reigles de viure.
368. **VALENTINIAN** bon & Catholique, & Valent son frere quinze ans: Cestuy tint l'erreur Arrienne, contraignit les Moynes d'aller en guerre, & mourut malheureusement. Themiste.
382. **GRATIAN** fils de Valentinian, & durant la vie duquel fut associé à l'Empire, regna apres avec Valentinian second son frere puisné, & Theodose, six ans.
387. **MAXIME**, dit Empereur par les gens d'armes, tué Gratian, & occupa l'Empire quatre ans: apres lesquels Valentinian retourna à l'Empire cinq ans.
395. **THEODOSE** apres que Gratian fut tué par Maxime, regna trois ans: la mort duquel fut regrettée par saint Ambroise, pour le grand zele qu'il auoit à la Religion. Saint Ierosme, saint Augustin, P. Orose.
399. **ARCADE** & **HONORE** fils de Theodose, vingt-neuf ans, tant en Orient qu'en Occident. Enuiron ce temps, ce grand Empire Romain commença à decliner par l'infidelité de Ruffin, & Stilico leurs tuteurs. La plus grand part fut occupée par les Scythes, Bourguignons, Lombards, Hongres, François, Gots, Vandales: & fut Rome quatre fois prinse par les Gots, & des Vandois, dedans cent trente-neuf ans. Saint Chrysostome, Claudian.
- Rome 4.
fois prise.
411.
427. **HONORE** avec Theodose fils de son frere, seize ans.
THEODOSE second fils puisné d'Arcade, regna à Constantinople vingt-sept ans, apres la mort d'Honore ayant associé Valentinian troisieme, fils de Constantius, & de Placida fille de Theodose, regna cinq ans en Occident. De ce temps les **FRANÇOIS** laissans Franconie, commencerent d'entrer es Gaules, sous Clodion leur second Roy.
433. **MARTIAN** en Orient sept ans, & de mesme temps en Occident Valentinian troisieme: durant leur regne, les Bourguignons & autres nations Occidentales conuertis à la foy. Les Vandales viennent d'Espagne en Afrique, puis prindrent Rome sous leur Genferich. Attila Roy des Huns, entre en Gaule avec cinq cents mille hommes: liure bataille à Merouée troisieme, joint à Etius Lieutenant de l'Empereur, où il perd cent quatre-vingts mille hommes, & s'enfuit en Hongrie, luy nauré par derriere. Enuiron ce temps, Artus Roy de Bretagne.
460. **LEON** premier dix-sept ans, qui associa Leon fils de sa fille, lequel apres auoir regné vn donna l'Empire à
476. **ZENON**, son beau-pere, qui regna tyranniquement dix-sept ans. L'estat de l'Eglise fort troublé: ensemble celuy de l'Empire Occidental. L'Italie eut neuf Empereurs en vingt ans, qui s'entreuerent tous.
493. **ANASTASE** vingt-cinq ans, Heretique Eutrichien, frappé de foudre, mourut pour punition de son heresie. Fulgence.
519. **IUSTIN** neuf ans: il fut porcher, puis vacher, charpentier, soldat, Capitaine, & finalement Empereur; & gouverna bien & selon Dieu: Chassa les Arriens heretiques. Boèce, Saint Benoist & son ordre.
- Ordre de
S. Benoist.
528. **IUSTINIAN** trente-huit ans: Il mist son estude à reparer l'Empire, & restablir le droit civil; à ce faire fut secouru d'excellents personnages, spécialement de Bellisaire, Narfes & Tribonian. Le premier chassa les Vandales de l'Afrique, qui l'auoient tenuë quarante-cinq ans: & deliura Rome des Gots, qui la conquerent, & derechef dechassez par Narfes.
566. **IUSTIN** second dix ans, aimé de tous pour sa liberalité. Sophie sa femme se moque de Narfes, gouuerneur d'Italie: & irrité appelle les Lombards, par lesquels il se vengea. Royaume des **LOMBARDS** fondé par Cleb, où regnerent trente-deux Roys, iusques à Charles le grand.
- Royaume
des Lombards.
577. **TIBERE** second sept ans: fort charitable, aimant Dieu & ses Saints, desquels aussi est aimé.
584. **MAVRICE** vingt ans, de bas lieu: en fin meurtry pour son auarice, vice autant mal feant à vn Prince, que la liberalité est conuenable.
604. **PHOCAS** huit ans, meurtrier de son predecesseur: & aussi meurtry avec toute sa race. Debat pour le Primat de l'Eglise entre Rome & Constantinople. Saint Gregoire.
612. **HERACLIVS** trente ans, meurtrier de Phocas, le quinzieme de son regne commença celuy de Mahomet, faux Prophete d'Arrabie, où furent les Agarenes & Sarrazins: auquel les Princes Egyptiens & Arrabes, dits **SOLDANS**, ont succédé: puis les **TURCS**, enuiron l'an 1300. Sa fausse doctrine, par la lascheté des Empereurs & Princes Chrestiens, est tellement pullulée, qu'elle empoisonne non seulement l'Asie & l'Afrique, mais aussi vne grande partie de l'Europe.
- Royaume
des Arrabes, & Sarrazins
640. **CONSTANTIN** troisieme, quatre mois, bon Prince, fort ieune, empoisonné par sa marastre, pour faire regner son fils.
641. **HERACLION**, lesquels ayant le nez & la langue couppée, furent bannis deux ans apres.
643. **CONSTANS** fils de Constantin vingt-sept ans, fort auare, tué des siens es bains de Syracuse.
670. **CONSTANTIN** quatrieme, dix-sept ans; deffit en vne bataille trente

687.
Estat des
Venitiens

713.

715.

718.

719.

747.

783.

783.

mille Sarrazins, au surplus meschant. Le docte venerable Beda en ce temps.
IVSTINIAN second, meschant, seize ans, mais non sans interruption, ayant esté dejeté par LEONTIVS, & iceluy par TIBERE ASSIMARE, qui regna autre trois ans; partant ces trois regnerent seize ans. Commencement des Ducs de Venise, gouvernée auparavant l'espace de deux cents trente ans par Tribuns.

PHILIPPE BARDANE, deux ans, dejeté de l'Empire par son Lieutenant, apres qu'il luy eut fait creuer les yeux. Il eut beaucoup de babil & peu de sagesse, complaisant à vn Moyne schismatique; dispoit mal des biens de l'Empire.

ANTHEMIVS, dit Athanase second, trois ans; dejeté de l'Empire par Theodose, chef de son armée, en vn Monastere. Il auoit osté l'Empire & creué les yeux à son predecesseur.

THEODOSE troisieme, vn an, delaisse l'Empire se voyant assailly par Leon son successeur, & se rendit Moyne.

LEON troisieme, meschant homme, vint-quatre ans; il fut appelé Iconomachus, c'est à dire expugateur des images, d'autant qu'il comanda qu'elles fussent ostées des Temples des Chrestiens. Il est excommunié de Gregoire, & par autorité d'un Concile tenu à Rome, contre le sien de Constantinople, *Blonde lin. 10.* Les Sarrazins assiegent par trois ans Constantinople, en laquelle moururent trois cents mille de peste & famine.

CONSTANTIN cinquieme fils de Leon, trente-cinq ans. Il fut surnommé Copronymus, pource qu'il fit son aisement dedans les fonds & eau de quoy on baptise, meschant qu'il estoit fit mourir les gens de bien.

LEON quatrieme, fils de Constantin Copronyme, regna cinq ans; il fut heritier de l'Empire, & du vice paternel, ayant vne mere deuote, & craignant Dieu.

CONSTANTIN sixieme avec sa mere Irene, meschant dix-huit ans: durant son regne la puissance de l'Empire de Constantinople commença de plus en plus à s'affoiblir: & à cause de cel l'Empire fut diuisé. Charles-magne Roy de France ayant esté fait & creé Empereur d'Occident, par le Pape Leon troisieme.

EMPEREURS D'OCCIDENT.

801.

CHARLEMAGNE, Roy de France, & Empereur des plus grands en toute perfection qui furent iamais, restituant entre les hommes iustice, equité, paix, & reestablisant les republiques d'honnestes loix & doctrines de la Religion; docte es langues & disciplines. Il regna Roy & Empereur 14. ans, *Gal. lin. 4. Emil. lin. 2.* Royaume d'Angleterre par Egbertus.

Royaume
d'Angle-
terre.

815.

LOYS le Debonnaire son fils, aussi Roy & Empereur, 26. ans: fit tenir vn Concile, auquel furent deffendus aux Ecclesiastiques tous habits superflus, bagues & anneaux: à cause de quoy ils inciterent les enfans à conspirer contre luy par deux fois.

841.

LOTAIRE son fils, qui querella ses freres, Loys Germanic, & Charles le Chauue qui demurerent vainqueurs apres vne guerre non moins grande & aspre, que malheureuse & lamentable, 15. ans.

856.

LOYS second fils de Lotaire, 21. an: tousiours discordant de son oncle Charles le Chauue, pour le Royaume d'Austrasie.

877.

CHARLES le Chauue fils de Loys le Debonnaire, Empereur & Roy de France 2. ans.

879.

LOYS le Begue aussi Empereur par le moyen du Pape Iean, 2. ans: il mourut à Compiegne, vn iour de Vendredy Saint.

880.

CHARLES le Gros Empereur & Roy de France, qui degenera de la noble race de Charlemagne, 10. ans.

EMPEREURS D'ORIENT.

NICEPHORE enuahit l'Empire de Constantinople sur l'Imperatrice Irene, & regna neuf ans. Il fut fort cruel & adonné sur tout à l'auarice, & fut tué par les Bulgares. Apres sa mort son fils Stauratius print l'Empire: mais il en fut chassé incontinent par son beau-frere.

MICHEL Curopalates Rangabe qui regna sept ans. Il estoit au reste bon Empereur, mais peu adroit aux armes: & mesme timide, en sorte qu'ayant entendu que Leon Armenien auoit esté déclaré Empereur par les soldats, il se fit Moine sans resister aucunement.

LEON Armenien regna deux ans. Il estoit vaillant & de sage conduite, mais cruel & persecuteur des images, Michel le Begue le tua.

MICHEL le Begue né de bas lieu en Phrygie fut Empereur & meschant. De son temps les Sarrazins apres auoir vaincu les Grecs en deux batailles, enuahirent vne grande partie de l'Empire d'Orient, il regna 9. ans, auquel succeda son fils

THEOPHILE qui regna quinze ans. Il fut semblable à son pere en impieté, & fut vaincu par deux fois par les Sarrazins qui luy osterent plusieurs Prouinces, & luy succeda son fils

MICHEL 3. sous la conduite de sa mere Theodora, laquelle puis apres il fit enfermer en vn Monastere. Il estoit prodigue outre mesure, de lasche cœur. Basilus Macedo que luy mesme auoit associé à l'Empire, le fit tuer ayant regné 24. ans.

BASILIVS Macedo, d'esclaué qu'il estoit, fut esleué aux Magistrats & grandes charges, & puis fait Empereur. Il estoit

801.

ARNOLD, le corps duquel fut remply de vermine, par iuste punition de Dieu, s'estant adonné à rapines, 12. ans.

903.

LOVVS troisieme, ou plustost quatrieme fils d'Arnould, 10. ans. Aucuns estiment que depuis Arnould iufques à Otho, n'y a eu vray Empereur de Rome: ains vacation d'Empire l'espace de soixante ans.

913.

CONRAD dernier de la race de Charlemagne, 7. ans.

920.

HENRY premier, appelé Faulconnier, qui acquit paix en toute l'Allemagne, 18. ans: fut fort adroit aux armes, commença les tournois entre les Allemans: subiugales Vandales, qui lors prindrent la foy Chrestienne.

938.

OTHON son fils, 36. ans; l'on d't de luy, qu'il experimenta qu'à qui Dieu veut ayder, nul ne peut nuire: Car il eut des ennemis innombrables, lesquels aysément il subiugua.

974.

OTHON second son fils, trop seueure 10. ans: il remit Nicephore son beau-pere Empereur de Grece, en son Empire, estant chassé.

984.

OTHON troisieme 19. ans: Il fut appelé pour son esprit, les merueilles du monde. De son temps, est l'institution des Princes Electeurs de l'Empire, l'an 1002. C'est la commune opinion laquelle toute fois le docte Onufre montre estre erronnée, verifiant par autoritez certaines & témoignages des auteurs du temps que les Empereurs apres cest Othon ont esté esleuz, non pas par sept Princes: mais en general par tous les Archeuesques, Euesques, Princes Seigneurs & Gentils-hommes de l'Allemagne: & ce iufques au temps de Rodolfe 1. qui fut en l'an 1280. Et dit qu'on ne peut cotter certainement, en quel temps les sept Electeurs ont esté instituez, n'y ayant pas un des auteurs anciens qui en parlent, & neantmoins il estime auoir esté estably pendant l'interregne & schisme de l'Empire, qui dura 23. ans depuis la mort de Federic 2. qui fut en l'an 1250. iufques à l'election de Rodolphe d'Asburg.

1003.

HENRY de Bauiere 2. regna 22. ans. Prudent & victorieux Prince, qui deietta les Sarrazins d'Italie.

1025.

CONRAD 2. quinze ans: De ce temps le nom de Cardinal commença d'estre en vŕage.

1040.

HENRY 3. dit le Noir, dix-sept ans: Il travailla fort à oster les schismes de l'Eglise, aduenus par la pluralité des Papes; en deposa trois, comme indignes, & ordonna qu'ils ne feroient plus créés sans sa permission.

1057.

HENRY 4. cinquante ans: Il se trouue en soixante-deux batailles; grands troubles entre luy & Gregoire 7. touchant la puiffance d'eslire & confirmer le Pape. La prinŕe de Ierusalem par GODEROY de Buillon, & la fleur de la Noblesse François.

Royaume
de Ierusalem.

HENRY 5. vingt ans, print Rome & le Pape, qui ne le vouloit couronner, fil n'ordonnoit qu'ils feroient esleus sans l'Empereur, contre l'ordonnan-

vaillant & de bonne nature, allant à la chasse il fut blessé par les cornes d'un cerf, dont il mourut ayant regné 18. ans.

LEON le Philosophe fils de Basilius, bon Empereur, fort ŕauant, mesmement en Astrologie. Il vainquit les Bulgares & les Sarrazins. Et mourut apres auoir regné 25. ans, laissant son frere Alexandre, auquel il recommanda son fils qu'il laissoit en bas aage.

ALEXANDRE fils de Basilius, regna un an.

CONSTANTIN fils de Leon n'estant qu'un enfant fut fait Empereur sa mere le gouvernant. Puis estant venu en aage d'homme, il fut contraint de recevoir & faire compaignon de l'Empire Romanus Lecapenus qui demeura 25. ans Empereur avec luy: pendant lequel temps Constantin auoit peu d'administration. Mais en fin ayant fait prendre Romanus & ses enfans, il regna encores 15. ans fort sagement, auquel succeda son fils

ROMANVS le ieune, qui regna trois ans: estoit homme du tout adonné à ses plaisirs, & qui auoit peu d'entendement. Apres sa mort

NICEPHORVS Phocas fut fait Empereur, lequel estant vaillant de sa personne surmonta plusieurs fois les Sarrazins & leur osta plusieurs Prouinces, mais au demeurant permettant que les soldats soulassent le peuple, il en estoit hay, & apres auoir regné six ans, il fut tué par la conŕation de sa femme, & de Iean Zimisces qui luy succeda.

JEAN ZIMISCES s'empara de l'Empire. Il fut bon Empereur, vainquit les Bulgares & autres peuples: & de leur territoire il accrut l'Empire. Apres auoir regné six ans mourut de poison.

BASILIVS & CONSTANTIN enfans de l'Empereur Romanus le ieune, qui regnerent ensemble 53. ans. Mais encore que Constantin eust les marques & le nom Imperial: toutes fois il ne manioit rien & ne se mesloit point des affaires: son ainsné Basile ayant tout l'autorité. Ce Basile fut bon Empereur: & pacifia fort heureusement plusieurs esmotions. Mourant il laissa l'Empire à son frere

CONSTANTIN, qui regna trois ans fort laschement, adonné du tout aux voluptez. Il deceda n'ayant rien fait de memorable que d'auoir marié sa fille Zoé, & designe successeur de l'Empire

ROMANVS Argiopolus, qui regna cinq ans. Au commencement de son regne il se monstra fort bon, & fit de belles ordonnances: mais quelque temps apres ayant esté vaincu par les Sarrazins, il s'addonna du tout à l'auarice & à la lascheté, en fin mourut noyé dans un bain, par la trahison de sa femme & de

MICHEL Paphlago, qui l'espousa & enuahit l'Empire, qu'il tint huit ans, & ne fut pas mauvais Empereur: Il estoit nay de bas lieu, Zoé sa femme le voyant hydropique adopta pour son fils & designa Empereur Michel Calaphates: & Paphlago peu auparauint sa mort se fit Moine de sa propre volonŕ.

MICHEL Calaphates nay d'un pere qui de son mestier poissoit des nauires,

Royaume
de Portu-
gal.

1107.

ce de Henry 3. Commencement des
Royaumes de Portugal, Naples &
Sicile.

LOTHAIREVNZ ans, fort estimé
pour sa grande proïesse aux armes,
son amour enuers la religion, & re-
paration des bonnes loix. De ce
temps Imer, fuiuy d'Azo, Accur. Bart.
Bald. & autres.

1138.

CONRAD 3. quinze ans, bon Prin-
ce, fit guerre contre les Sarrazins,
avec nostre Roy Louys le Jeune.

1152.

FREDERIC 1. dit Barberouffe, Prin-
ce dolié de hardiesse, magnanimité &
iustice trente-sept ans, tant humble
qu'il se laissa fouler aux pieds par
Alexandre 3. Pape: qui lors commen-
ça à chanter, *Superaspidem, & basilif-
cum ambulabit*: Auicenne, Auerroes,
Mesue, Medecins. Changius premier
Roy des Tartares.

Royaume
des Tar-
tares.

1190.

HENRY 6. dix ans, bon Prince,
subiugua le Royaume de la Poïuille.

1200.

PHILIPPE frere de Henry, bon
Prince neuf ans. De son temps com-
mencerent les ordres des Mendians,
Iacobins & Cordeliers, l'Abbé d'Vf-
pergen se historien.

1209.

OTHO 4. quatre ans: paruenù à
l'Empire par l'ayde d'Innocent 3.
puis priué par luy-mesme, & en fin
par autre massacré, comme il auoit
faict son predecesseur.

1212.

FREDERIC 2. trente-sept ans, sca-
uant & magnanime, expulsé de l'Em-
pire par Pape Innocent 4. Ce Prince
fut restaurateur de l'Astronomie par
le moyen de l'Almageste de Prolo-
mée. Guelphes & Gibelins factions
d'Italie, cause de grands maux.

1250.

CONRAD 4. ans bon Prince,
excommunié du Pape Innocent 4.
comme par luy son pere auoit esté
priué de l'Empire.

1254.

VVILELMVS deux ans, bon Prin-
ce, Albert le grand, Lullius & Alphon-
se Roy d'Espagne, grand Astrolo-
gien: interregne de dix-sept ans.

1273.

RVDOLPHVS dix-neuf ans: Il fit
Autriche sief Imperial, ordonnant
son fils Albert premier Duc, duquel
est la maison d'Autriche.

1292.

ADOLPHVS six ans, dechassé pour
ses vices, par les Princes Electeurs; &
tué apres en guerre par Albert son
successeur.

1299.

ALBERT dix ans. Le Pape Boni-
face 8. luy donna le Royaume de
France. Siege Papal transferé en Au-
ignon septante-deux ans. Otthoman
premier Empereur des Turcs.

1309.

HENRY 7. sept ans, prudent &
grau Prince, empoisonné par vn
Iacobin suborné par vn Florentin, en
l'hostie sacrée.

1314.

Lovys de Bauiere, trente-trois ans:
il vfa de grande clemence enuers son
ennemy prisonnier Frederic d'Au-
triche, le restituant en sa Duché.
Barthol. sectes de foliettez. Petrar-
que, Bocace.

1347.

CHARLES 4. auteur de la Bulle
dorée trente-deux ans, Dante.

1379.

VVENSESLAVS vingt ans, non-

dont il fut surnomme Calaphates, regna
quatre mois fort cruellement. Il bannit &
relegua sa mere Zoe, qui fut cause que le
peuple se mutina, & le prist avec son frere,
leur faisant creuer les yeux; & rap-
pellant Zoé, laquelle incontinent apres
fit successeur de l'Empire, & se maria
avec

CONSTANTIN Monomaque ou Gla-
diateur, de noble maison, mais au demeu-
rant homme lasche, du tout adonné à ses
plaisirs, sous l'Empire duquel les Turcs
peuples descendus des Scythes & Tartar-
es, commencerent à gaster & rauager
l'Orient. Incontinent apres la mort de
Zoé sa femme, il deceda ayant regné don-
ze ans: Auquel succeda

THEODORE seur de Zoé, qui regit
l'Empire assez, sagement l'espace de deux
ans. Elle deceda ayant premierement fait
Empereur

MICHEL l'ancien, qui ne regna qu'un
an: Car incontinent Isaacius Comnene
fut salué Empereur par les soldats. Il mou-
rut de douleur & facheuse, apres qu'Isac-
ius eut enuahy presque toute l'Empire,
& desfaict son armée.

ISACCIUS Comnene, homme fort
noble & vaillant tint l'Empire deux ans,
& estant deuenu malade il se fist Reli-
gieux, designant successeur de l'Empire

CONSTANTIN Ducas, qui regna
huit ans, bon Empereur, mais au demeu-
rant extremement adonné à l'auarice. Il
deceda laissant sa femme

EVDOKIA, qui regit assez sagement
l'Empire avec ses trois fils l'espace de sept
mois: Mais en fin elle fit Empereur & se
maria avec

ROMANVS Diogenes, qui regna
quatre ans. Il fit la guerre contre les Turcs,
qui courroient & pillotent tout l'Orient, où
il fut du commencement heureux, mais en
fin il fut pris & puis relasché: Mais il
trouua tout change. Car on auoit créé
Empereur

MICHEL Parpinace, fils de Constan-
tin Ducas. Il administra la cheuement l'Em-
pire l'espace de six ans, mesprisant les af-
faires, s'adonnant à faire des vers avec
son Precepteur Psellus, grand Philosophe.
Enfin il fut fait Moine par

NICEPHORE Botaniate, qui en-
uahit l'Empire, dont il fut chassé apres
auoir regné trois ans, par Alexius Comne-
ne, & lors il fit profession reguliere.

ALEXIUS Comnene enuahit l'Em-
pire, qu'il regit assez heureusement par
l'espace de trente-sept ans. De son temps
florissioit Iean Zonare, qui a escrit les An-
nales du monde iusques à cest Empereur:

mourant il laissa pour successeur son fils
IEAN, qui regna fort heureusement
vingt-cinq ans. Il fut bon Empereur, nul-
lement dissolu, & qui par sa prudence re-
prist plusieurs villes sur le: Turcs: Il mou-
rut s'estant blezé la main par inconue-
nient d'une fleche de son Carquois qui
estoit enuennimée, ayant designé successeur
son fils

MANVEL, encore qu'il fust le plus
ieune, parce qu'il le iugeoit plus capable
de gouverner. Ce Manuel haysoit fort les
François, & leur dressa plusieurs embus-

- chaland, pris de son frere Sigismond, & mis en prison à Vienne, tous deux fils de Charles 4. Lithuanie reçoit le Christianisme.
1400. ROBERT OU RUPERT, 10. ans, Chrysoloras, Laurens Valle, Poge Florentin. Tamberlan Tyrans des Tartares, menant une armée d'un million d'hommes.
1411. SIGISMOND 27. ans, fut renommé en sagesse & bonté. Le Concile de Constance où 3. Papes furent deposez. Jean Hus, & Hierosme de Prague bruslez.
1438. ALBERT 2.2. ans, bon & vaillant, chasse le Turc Amurath de la Hongrie.
1440. FREDERIC 3. amateur de paix, 53. ans. Constantinople prise. Invention de L'ART de L'IMPRIMERIE. L'Artillerie plus ancienne, 1380. Gaza, Victorinus, Blondus, Aeneas Syluius, Platine, Bessation, G. Trapezonce, N. Perotus. Pomp. Lætus, H. Barbarus, A. Politianus. I. Picus Mirandula, B. Mantuanus, ph. Beroaldus.
1494. MAXIMILIAN, amateur des gens vertueux, 27. ans, vaillant & docte iusques à dire luy mesme ses gestes en langue Latine. I. Naclere, Volaterran, G. Valla, Polidor. Virgile. A. Sabellicus, I. Reuclinus, Iouianus, Pontanus, M. Ficinus, P. Crinitus, Ambr. Calepinus, Trithemius, P. Bemus & autres.
1514. CHARLES 5. Prince Magnanime, 35. ans. De son temps merueilleuses mutineries en Allemagne, par les payfans & gens rustiques, où en furent occis plus de cent mille, l'espace de trois mois. Outre les estranges guerres ciuiles pour le fait de la religion. Erasme, Io. Lud. Viues, Luther, Munster, Camerarius, Fuchs, Latomus, Sadolertus, Pagninus, Eugubinus, Melancton, Rhenanus, S. Grineus, Zazius, Oldendorp, Alciat, Zuïng. Oecol. & autres.
1558. FERDINAND, sage, vigilant, liberal, doux & amy de repos: Il fit la guerre aux Turcs en Hongrie l'espace de 38. ans, & tascha d'accorder les Chrestiens, afin de leur resister d'un commun accord, regne 7. ans. Gesnerus, Lycosthenes, Sturmius, Gualterus, Riuius, Pantaleon, Vadian, P. Constantinus, Funccius.
1564. MAXIMILIAN, deuxiesme fils de Ferdinand, bon & prudent Prince non dissolu en habits, viuant sobrement, ayant cognoissance de plusieurs langues, bon iugement, parlant discrettement & sententieusement, enclin à receuoir toutes requestes, & à donner liberalement: non curieux des riches cabinets, ny de superbes bastimens, regna 12. ans.
- Vertu de bon Prince.
1575. RODOLPHE 2. fils de Maximilian fut esleu Roy des Romains en l'an 1575. & selon aucuns en l'an 1576. outre l'Empire de son pere, il eut encores les Royaumes de Boheme & de Hongrie, & en a iouy pour un temps par tout fort paisiblement, gouvernant toutes choses d'une grande affe-

ches: Apres auoir regne trente-huit ans, il prit l'habit Monachal, & luy succeda son fils

ALEXIVS estant en fort bas aage, qui tint l'Empire trois ans: au bout desquels il fut miserablement massacré par son cousin

ANDRONIC COMNENE qui regna 2. ans. Il fut pris par Iscarius Angelus qui le fist mourir.

ISAACIVS ANGELVS regna dix ans. Il assoupit plusieurs tyrannies & seditions: & receut magnifiquement l'Empereur d'Occident Frederic Barberousse qui alloit faire la guerre aux infidelles. Cest Empereur Angelus fut priuë, & de l'Empire & de la venue par son frere

ALEXIVS surnommé Fratricide, qui regna 8. ans. Mais les François aydant Alexius son nepueu, luy firent la guerre & restablirent Isaacius auueugle avec son fils Alexius qui tindrent l'Empire six mois; au bout desquels estant decedé par sedition, un certain Alexius Ducas surnommé Murfusse enuahit l'Empire, ayant fait estrangler le ieune Alexius. Dequoy les François aduertis retournerent à Constantinople, & siegerent la ville qu'ils prirent environ l'an 1200. du temps du Pape Innocent 3. Ce que voyant Murfusse, il s'enfuit par mer: mais il fut peu apres tue par les François, à cause de ses enormes meschancetes. Et lors les François estans demorez maistres de Constantinople, esleurent un Empereur d'entre eux qui fut Balduin Comte de Flandres.

BALDVIN regna un an, faisant la guerre aux Valaques & Scythes qui gasteroient l'Empire, il fut pris par eux en une embuscade, & massacré miserablement. On declara Empereur apres sa mort son frere

HENRY qui vainquit les Scythes: Il regna 11. ans: & auant que mourir designa Empereur

PIERRE D'AVXERRE, auquel il auoit baillé sa fille Isolante en mariage: & luy succeda puis apres

ROBERT son fils qui deceda ieune, laissant successeur son fils

BALDVIN, qui estoit en fort bas aage, pendant lequel il fut gouverné par son beau-pere. Mais comme l'armée des François estoit esparse en diuerses expéditions, les Grecs reprirent Constantinople par trahison, soixante ans apres que les François auoient commencé d'y regner, & ainsi

MICHEL PALEOLOGVE enuahit l'Empire qu'il tint par 22. ans. Il encourut la haine des siens pour s'estre accordé avec le Pape Gregoire X. au Concile de Lyon & l'auoir recogneu. Auquel succeda son fils

ANDRONIC, lequel depuis associa à l'Empire son fils Michel, Mais Michel estant mort, son fils Andronic le ieune fist la guerre à Andronic son ayeul, & le contrainst de le receuoir pour compagnon à l'Empire, dont cest Empereur Andronic l'ancien conceut tel desplaisir qu'il en mourut, ayant regné l'espace de quarante & trois ans.

ANDRONIC le ieune se porta sagement & vaillamment en l'administra-

tion, & remunerant ceux lesquels il recognoissoit estre de merite. En l'année 1592. Amurat grand Seigneur des Turcs, assembla vne armée de cinquante mille hommes, pour subiu-guer la Hongrie, & la Croatie, & print la ville d'Vuitsch Metropolitaine. Quelque temps apres le Bascha de Bude fut prisonnier, son fils tué avec l'Aga des Janissaires: & deslors les affaires du Turc commencerent à se rabaisser: La mort d'Amurat y seruit, les Imperiaux furent assistez & secourus par le Prince de Transilvanie, moyennant le Mariage de luy & de Marie Christine fille du feu Archiduc Charles d'Austriche. Ce bon Empereur apres auoir regné quarante sept ans, mourut en Ianuier mil six cents douze.

1612.

MATHIAS, frere de Rodolphe, estant Roy Boheme, fut esleu Roy des Romains à Francfort le treizieme iour de Iuin 1612. & couronné avec sa femme le vingt-quatrieme dudit mois: mais d'autant qu'il estoit ja vieil & mal disposé, il adopta pour son fils & fit proclamer Roy de Boheme apres sa mort l'Archiduc Ferdinand son cousin, du consentement des trois ordres du Royaume, en pleine Assemblée des Estats assemblez à Prague. En suite de ce, ledit Ferdinand fut couronné en ladite ville le vingt-neufiesme iour dudit mois & an, le iour de la feste de saint Pierre & saint Paul. Les Prouinces de Silesie & Morauie vnies à la Couronne de Boheme, luy presterent le serment de fidelité: Depuis à la requisition de l'Empereur il fut esleu Roy de Hongrie, & couronné en la grand' Eglise de Presbourg par l'Archeuesque dudit lieu. L'Empereur apres auoir regné enuiron six ans & quelque mois, mourut à Vienne au mois de Mars, l'an mil six cents dix-neuf.

1619.

FERDINAND II. cousin de l'Empereur Mathias, & par luy adopté comme dit est, fut esleu Roy des Romains, & déclaré Empereur à Francfort, le vingt-vniesme iour du mois du mois d'Aoust mil six cents dix-neuf, où furent obseruées toutes les solemnitez & ceremonies mentionnées en la Bulle d'or de l'Empereur Charles quatriesme. Au commencement de son election les Protestans se souleuerent contre son autorité Imperiale. Federic cinquieme Comte Palatin arma contre luy, & fut couronné Roy de Boheme à Prague le quatriesme de Nouembre de ladite année, par George Dicasse Mirzconin. La guerre falluma entre les Imperiaux, & les Euangeliques Protestans, qui s'essayèrent d'entreprendre sur Crumlau, mais se fut sans effect, hormis quelques escarmouches & legeres rencontres qui se firent. Le Comte Ernest de Mansfeld est proscript par l'Empereur, la sentence de proscription est publiée à Vienne. Le Comte de Buquoy tient la campagne avec vne grosse armée. Bethleen Gabor fauorise le party de ceux de Boheme. L'Empereur somme l'Esseleur Palatin de poser les armes, & d'abandonner le Royaume de Boheme, & les Prouinces incorporées, dans vn mois pour toute preffixions & delais, sur peine d'encourir la rigueur des loix & ordonnances du saint Empire. Il regne en ceste année mil six cents vingt-cinq.

DES EMPEREURS TVRCS EN ORIENT.



EMENT 2. ayant pris la ville de Constantinople, le premier y a estably le siege de l'Empire des Turcs. Desquels il semble à propos de prendre vn peu plus auant ce qui est de leur origine, & progres de cest Empire.

Les Turcs sont peuples issus de l'endroit de Scythie, qui est entre les Palus Meotides, & la mer de Caspie, ou de Salas; enuiron l'an mil ils renuerferent & conquererent l'Empire des Sarrazins en Perse, sous la conduite de Transgrolipix leur Capitaine, qu'ils esleurent peu apres Roy: & depuis ne cesserent

tion de l'Empire. Il mourut d'une fiebre chaude, ayant regné 13. ans, & eut pour successeur son fils

JEAN 6. qui eut pour tuteur, beau-pere & compagnon à l'Empire l'espace de 16. ans.

JEAN Catacuzene, qui gouuerna fort sagement les affaires, & puis quitta l'Empire, s'enfermant en vn Monastere: & depuis l'Empereur Jean regna encore 30 ans, luy succedant son fils

ANDRONIC 4. qui tint l'Empire trois ans.

EMANUEL frere d'Andronic 4. regna 30. ans, & mourant laissa l'Empire à son nepueu.

JEAN 7. fils d'Andronic 4. regna trois ans.

JEAN 8. fils d'Emanuel regna vingt-quatre ans.

Cet Empereur pour auoir du secours contre les Turcs, qui occupoient presque tout cest Empire d'Orient, vint en Italie: & assista au Concile de Florence, que le Pape Eugene quatriesme tenoit auquel l'Eglise Greque s'accorda, & se réunis avec la Romaine. Estant de retour à Constantinople il mourut, & luy succeda

CONSTANTIN 5. dernier Empereur Chrestien en Orient, fils d'Emanuel, frere de Jean huitiesme. Il tint l'Empire huit ans, & l'an huitiesme Mechemet 2. Empereur des Turcs prist d'assaut la ville de Constantinople. Ceste prise se deplorable, en laquelle furent commises tant de cruautés & barbaries, aduint le vingt-neufiesme iour de May de l'an mil quatre cents cinquante-trois, & bien tost apres tout le reste de l'Empire fut conquis par les Turcs, qui le tiennent encore de present.

de ravauger & enuahir le pays d'Orient, sinon qu'ils y ont esté assez souvent battus & repoussez par les armes des Chrestiens. Outre ceux-cy, du mesme endroict de la Scythie, sont sortis d'autres, lesquels sans certain gouvernement ny forme d'Empire ont couru & ravaagé l'Asie. Et en fin partie d'iceux s'estans habitez en Mysie, en seroit venu

OTTOMAN fils d'Orthogules. C'a esté Otthoman, qui premier a fondé la Monarchie des Turcs, qui est encore à present: ayant esté esleu Capitaine general par ceux de son Canton, appellé des Oguziens, enuiron l'an mil trois cents. Il regna vingt-huict ans, pendant lequel temps il trouua fort les Grecs, conquesta la Bithynie & Cappadoce, prist Pruse, aujourd'huy Bourse, capitale de Mysie. Et ainsi y ayant fondé & establi cest Empire deceda, laissant son fils

ORCHAN, lequel estendit fort ses limites, tant sur ses voisins en Asie de mesme nation que sur les Grecs, pendant la dissention de leurs Empereurs; & leur osta la celebre ville de Nice, capitale de Bithynie. Apres auoir regné vingt-deux ans il deceda, laissant son fils

SOLIMAN, qui fit la guerre tres-asprement aux Grecs, & passa d'Asie en Europe, où il desfit les Bulgares, & leur osta plusieurs places, & prist en Thrace Andrinople, & Philippopolis: il regna deux ans.

AMVRAT frere de Soliman, regna vingt-trois ans. Il fit en sa vie trente-sept guerres, desquelles il est tousiours demeuré victorieux: accroissant son Empire de plus en plus, tant en Asie qu'en Europe. Mais en fin il fut tué en vne bataille contre les Bulgares. Et luy succeda son fils

BAIAZET, qui regna vingt-cinq ans. Il vainquit en bataille les Bulgares, & conquist la plus grand part de leur pays, & parcelllement partie de la Bosnie & Esclauonie: desfit les Chrestiens à Nicopolis, assiegea dix ans Constantinople, y regnant Emanuel: & l'eust emportée s'il n'eust esté contraint leuer le siege pour aller au deuant du grand Tamburlan Tartare, qui venoit avec vne armée de quatre-vingts mil hommes: & s'estans rencontrez en Bithynie, ils se donnerent bataille, où Baiazet fut vaincu, & mené prisonnier par Tamburlan, à la suite duquel il mourut: ce qui aduint l'an 1397.

Apres sa mort l'Estat des Turcs estoit en desordre & confusion, & y eut interregne de quelques années, iusques à ce que Tamburlan s'estant retiré, Iosué l'aîné des enfans de Baiazet s'euada, & print l'Empire de son pere enuiron l'an 1409. qu'il tint près de quatre ans, & lors son puîné Mustapha luy fit la guerre, en laquelle Iosué mourut. Ce Mustapha regna quelque temps heureusement: mais son frere Moysé luy ayant fait la guerre, luy osta & le Royaume & la vie; mais incontinent apres il fut vaincu & fait mourir par son frere Mahomet ou Mechmet, qui demeura seul paisible depuis la mort de Baiazet, & regna douze ans en repos, s'estant contenté de maintenir & rassurer son Estat sans l'accroistre, auquel succeda son fils

AMVRAT 2. qui regna trente-deux ans, pendant lequel temps il emporta de grandes victoires des Bulgares, Valaches, Hongres, Allemans, & Venitiens, sur lesquels il prit Thessalonique des Grecs, qui s'affoiblissoient de iour à autre. Il conquesta aussi l'Albanie.

MAHOMET ou MECHMET 2. fils d'Amurat, a eu premier des Ottomans le surnom de grand: ayant renuersé & enuahy deux Empires Chrestiens, Constantinople où il establi le siege de son Empire, comme il a esté dit cy-dessus, & Trapezunde; conquesta douze Royaume, & prist deux cents villes, & vint attaquer l'Italie ayant surpris Otrante, qu'il fut contraint quitter par vne guerre ciuile qui luy suruint. Il a regné 31. an, & deceda l'an 1481.

BAIAZET II. fils de Mahomet tint l'Empire 30. ans. Il conquist sur les Venitiens Modon, Lepante, & Durasso, & plusieurs autres places, en fin il fut chassé de l'Empire & empoisonné par son fils

SELIM I. qui regna huict ans. Il vainquit en bataille Hismaël Sophi de Perse, desfit aussi le Soldan d'Egypte & de Syrie Tomumbeio, qui fut la fin de ceste Monarchie des Soldans, & luy succeda son fils

SOLIMAN II. lequel prist Belgrade ville tres-forte de Hongrie, Bude qui en est la capitale & vne grande partie de ce Royaume. Il assiegea la ville de Rhodes tenuë par les Cheualiers de S. Iean de Hierusalem, qui luy fut renduë par composition, vainquit le Sophi & luy osta vn grand pays, mesme Taurice la capitale ville, en fin il mourut au siege de Zigeth petit Chasteau en Hongrie, l'an 1566.

SELIM II. fils de Solimā enuahit l'Isle de Cypre sur les Venitiens l'an 1569. & l'année suiuaute il fut défait en bataille nauale pres Lepante par l'armée des Chrestiens.

AMVRAT III. a regné 21. an, n'a pas beaucoup accru son Empire, il auoit pris quelques villes en Hongrie & Sclauonie, lesquelles ont esté depuis reprises. Et mourut au mois de Ianuier 1595. Auquel succeda son fils

MAHOMET III. lequel selon la coustume des Otthomans commença son Empire par faire estrangler dix-sept freres qu'il auoit, & faire noyer les concubines de son pere à cause qu'elles estoient grosses; de peur qu'il ne demeurast aucun enfant, il n'a rien fait digne de memoire, s'estant du tout adonné aux voluptez. Il fit mourir son fils aîné qui estoit de grand'esperance, & sa mere à cause de s'estre enquis des Astrologues combien il regneroit. Le So-

phy de Perse en l'an 1603. reprist sur luy Tauris & Bages & tres-grands pays que les predecesseurs d'iceluy Mahomet auoient enuahy. Mourut de peste à Constantinople au mois de Ianuier 1604. ayant regné neuf ans.

ACMET I. succeda à l'Empire de son pere n'estant aagé que de seize à dix-sept ans. En l'an 1605. il prist Strigone & quelques autres places en Hongrie. Pour faire la guerre au Sophy de Perse, il traicta la paix avec les Chrestiens pour vingt ans. Il chassioit rigoureusement les reuoltes de ses subiects. On tient que quelque part qu'il marchast en bataille, il faisoit porter le corps de son pere embaumé dedans vn cercueil de plomb, croyant que ses entreprises reussiroient plus prosperement. Il rechercha sur toutes choses l'amitié & confederation du feu Roy **HENRY LE GRAND** d'heureuse memoire, auquel il donnoit de grands Eloges qui se voyent. Apres auoir regné enuiron 13. ans il mourut le vingt-septiesme de son aage, & ce pour estre excessiuelement replet, le quinziesme de Nouembre mil six cents dix-huict.

SULTAN OSMAN aagé de 18. à 19. ans, succeda à Acmét son pere & n'eut point le loisir de faire des actes memorables, pource qu'il y auoit des partialitez dedans son Empire. Ce que ne pouuant supporter, il print vn pretexte pour sortir de Constantinople, qu'il vouloit aller visiter le sepulchre de son Prophete Mahomet, & luy faire quelques grands presents. Mais comme il fut descouuert quelle estoit son intention, & que les tresors qu'il leuoit estoient destinez par luy, non pour la decoration de la Mecque, mais pour luy subuenir à establis son Empire au grand Caire (où il croyoit estre plus seurement) ses subiects se mutinerent & de telle sorte, qu'ils massacrerent plusieurs de ses principaux Officiers, qu'ils disoient estre de ses complices, & puis apres par le commandement de Sultan Mustapha qu'ils retirerent des prisons pour l'esslire Empereur; l'estrangerent ignominieusement dedans vne forteresse appelée les sept tours, le dix-neufiesme iour de May mil six cents vingt-deux. Il estoit aagé de quelques 23. ans, & en auoit regné enuiron trois & six mois.

SULTAN MUSTAPHA deuxiesme du nom, apres auoir esté longuement detenu prisonnier par Acmét & Sultan Osman, fut en sa place esleu Empereur des Turcs, & lors qu'il pensoit qu'on le retirast de la captiuité où il estoit pour se deffaire de luy. On le tient grandemét expert en l'art de deuiner & pour expliquer les songes. L'interpretation de celuy de son nepueu vn peu auparauant son defaistre, le demonstre assez. Il regne à present.

ORDRE ET SVCCESION DES PAPES.

3693.
Ans de l'Es-
us Christ.
1.

IESVS-CHRIST nostre Seigneur, grand Prestre, & Pontife Eternel enuoyé de Dieu son Pere en terre pour racheter le genre humain, naquit en Bethleem de Iudee, l'an du Monde 3963. 24. d'Auguste. 752. de la ville de Rome. Et dernier de l'Olympiade, 194. fut crucifié l'an 18. de Tybere: Et quelque peu auparauant qu'il montast au Ciel, il constitua S. Pierre chef visible de son Eglise, ayant esté entre les hommes 32. ans, trois mois 10. iours.

32. **S. PIERRE** chef des Apostres natif de Bethsaida en Galilee, premier Euefque & Vicair de **IESVS-CHRIST**, tint le siege en Ierusalem 5. ans. Depuis en Antioche 7. ans: & finalement à Rome 24. ans, 12. iours, qui font en tout trente-six ans, cinq mois douze iours, fut crucifié sous Neron.

70. **SANCTVS LINVS**, natif de Volterre en la Toscane, tint le siege vnze ans cinq mois douze iours.

81. **S. CLET** natif de Rome, tint le siege douze ans, vn mois, douze iours.

93. **S. CLEMENT** Romain, tint le siege neuf ans, six mois 7. iours. Il fut par S. Pierre designé son successeur: mais parce que Linus & Cletus du uiuant de S. Pierre auoient esté choisis par luy pour ses coadiuteurs en l'administration de l'Eglise, il leur quitta ceste charge l'un apres l'autre: & ne commença à tenir le siege qu'apres leur decez, le siege vacqua apres S. Clement 13. iours.

1. Siecle. **EN** ce siecle, ont escrit Philon Iuif, saint Denis Areopagite, Iosephe Hebreu, & saint Ignace: & y a eu deux persecutions de l'Eglise, la premiere sous Neron, & la deuxiesme sous Domitian.

102. **S. ANACLETE** Athenien, tint le siege neuf ans, deux mois, dix iours: & fut vacquant treize iours.

112. **S. EVARISTE** natif de Grece, tint le siege neuf ans, dix mois, douze iours: & vacqua dix-neuf iours.

112. **S. ALEXANDRE I.** Romain, tint le siege sept ans, dix mois, deux iours: & vacqua vingt-cinq iours.

129. **S. SIXTE** aussi Romain, tint le siege dix ans trois mois, vingt-vn iours, & vacqua quatre iours.

139. **S. TELESOPHORE** Grec de nation, tint le siege vnze ans trois mois, vingt-deux iours, & vacqua quatre iours. Il remit sus le Karesme, qui fut ordonné du temps des Apostres, & auoit esté negligé & mis quasi en oubly, à cause des persecutions de l'Eglise.

150. **S. HIGINVS** fils d'un Philosophe Athenien, tint le siege quatre ans, trois mois quatre iours, & vacqua quatre iours.

154. S. PIVS natif d'Aquilée, tint le siege neuf ans, trois mois quatre iours, & vacqua quatre iours.

163. S. ANICETE natif de Syrie, tint le siege neuf ans, quatre mois treize iours, & vacqua dix-sept iours.

172. S. SOTER natif de Fundy en Italie, tint le siege neuf ans, trois mois vingt-vn iours, & vacqua vingt-vn iours.

161. S. ELEUTHERE Grec, natif de Nicopolis, tint le siege quinze ans, trois mois deux iours, & vacqua cinq iours.

196. S. VICTOR natif d'Afrique, tint le siege dix ans, trois mois dix iours, & vacqua vingt-vn iours.

2. Siecle. En ce deuxiesme siecle, ont vescu saint Iustin, Philosophe & martyr, saint Denis Euesque de Corinthe, saint Policarpe, saint Irenée, Clement Alexandrin, & Tertullian: & y a eu trois persecutions, l'une sous Trajan, l'autre sous Marc Antonin, & l'autre sous Severe.

206. S. ZEPHYRIN natif de Rome, tint le siege sept ans, sept mois dix iours, & vacqua six iours.

214. S. CALIXTE Romain, tint le siege six ans, vn mois dix iours, & vacqua six iours.

220. S. VRBAIN aussi Romain, tint le siege quatre ans, dix mois douze iours, & vacqua vn mois.

224. S. PONTIAN aussi natif de Rome, tint le siege neuf ans, cinq mois deux iours, & vacqua dix iours.

234. S. ANTERVUS Grec, tint le siege cinq ans, vn mois douze iours, & vacqua treize iours.

239. S. FABIAN Romain, tint le siege quinze ans, vnze iours, & vacqua six iours.

252. S. CORNEILLE aussi Romain, tint le siege deux ans, deux mois & trois iours, & vacqua vn mois, cinq iours.

254. S. LVCIUS de nation Romaine, tint le siege trois ans, trois mois trois iours, & vacqua vn mois cinq iours.

252. S. ESTIENNE aussi Romain, tint le siege sept ans, cinq mois deux iours, & vacqua vingt-deux iours.

264. S. SIXTE 2. Philosophe Athenien, tint le siege deux ans, dix mois, vingt-trois iours, & vacqua vn mois cinq iours.

267. S. DENIS Grec, de Moyne qu'il estoit, fut fait Pape, & tint le siege six ans, deux mois quatre iours, & vacqua six iours.

273. S. FELIX Romain, tint le siege quatre ans, trois mois quinze iours, & vacqua cinq iours.

277. S. EVTICHIAN natif de Toscane, tint le siege vn an, vn mois & vn iour, & vacqua huit iours.

278. S. CAIVS de Dalmatie, parent de Diocletian l'Empereur, tint le siege vnze ans, quatre mois douze mois, & vacqua vnze iours.

289. S. MARCELLIN Romain, tint le siege six ans, deux mois seize iours & vacqua le siege sept ans, sept mois vingt-cinq iours, à l'occasion de la cruelle persecution contre l'Eglise en ce temps là.

3. Siecle. En ce troisieme siecle, ont flory Origene, Minutius Felix, saint Hippolite, saint Cyprian, saint Gregoire, dit faiseur de miracles, Denis Euesque d'Alexandrie, saint Victorin Euesque de Poitiers, Arnobe, & S. Methodius, Euesque de Tyr. Il y a eu cinq persecutions, la premiere sous Maximin, la seconde sous Decius, la troisieme sous Valerian, & Galien, la quatrieme sous Aurelian; & la cinquieme sous Diocletian.

302. S. MARCEL Romain, tint le siege six ans, cinq mois vingt-vn iours, & vacqua vingt iours.

307. S. EVSEBE Grec de nation, tint le siege quatre ans, vn mois trois iours, & vacqua trois iours.

311. S. MILTIADES ou autrement Melchiades, natif d'Afrique, tint le siege quatre ans, sept mois neuf iours: Et est à noter, que tous les Papes cy-dessus iusques au nombre de trente-trois, ont esté couronnez de la couronne de martyr, durant les persecutions de l'Eglise cy-deuant cortées, lesquelles cesserent apres la mort de Diocletian & Maximian, auxquels succeda Constantin le grand, premier Empereur Chrestien.

315. S. SILVESTRE Romain, tint le siege vingt-trois ans, dix mois vnze iours, & vacqua quinze iours. Il baptisa Constantin l'Empereur, qui luy donna la ville de Rome, & à ses successeurs, & les habits & ornements Imperiaux: Sous luy fut assemblé le Concile general de Nicene, contre l'heresie d'Arrius, auquel Concile y auoit trois cents huit Peres assemblez.

338. S. MARC aussi Romain, tint le siege deux ans, huit mois vingt iours, & vacqua vingt iours.

341. S. IVLE aussi Romain, tint le siege quinze ans, deux mois dix iours, & vacqua deux iours.

356. S. LIBERIVS aussi Romain, tint le siege douze ans, trois mois quatre iours, & vacqua six iours.

368. S. FELIX 2. aussi Romain, tint le siege vn an, quatre mois deux iours, & fut martyrisé par la faction des Arriens.

369.

S. DAMASE Portugais, tint le siege dix-neuf ans, trois mois vnze iours, & vacqua vnze iours: Sous luy fut assemblée le premier Concile de Constantinople, auquel y auoit cent cinquante Peres contre l'heresie de Macedonius.

388.

S. SIRCIUS Romain, tint le siege quinze ans, vnze mois vingt-cinq iours, & vacqua vingt iours.

4. Siecle.

En ce quatriesme siecle, ont fleury Lactance, Eusebe de Cesarée, saint Athanase, Iuuenus, saint Hilaire Euesque de Poitiers, Optatus Euesque de Malte, saint Basile, saint Gregoire Nazianzene, & de Nicene; saint Ambroise, saint Hierosme, saint Iean Chrysostome, saint Epiphane, saint Cyrille Hierosolimitain, & saint Martin Archeuesque de Tours.

403.

S. ANASTASE Romain, tint le siege trois ans, dix iours, & vacqua vingt-vn iours.

406.

S. INNOCENT Escossois, tint le siege quinze ans, deux mois vingt-cinq iours, & vacqua vingt-deux iours.

421.

S. ZOZIME natif de Cappadoce, tint le siege vn an, trois mois douze iours, & vacqua vnze iours.

422.

S. BONIFACE Romain, tint le siege trois ans, huit mois deux iours, & vacqua neuf iours.

426.

S. CELESTIN aussi Romain, tint le siege huit ans, dix mois dix-sept iours, & vacqua vingt-vn iours: Sous luy fut assemblée le Concile general d'Ephese contre Nestorius, où assisterent deux cents dix Euesques.

434.

S. SIXTE 3. aussi Romain, tint le siege huit ans, dix-huit iours.

442.

S. LEON aussi Romain, tint le siege vingt-vn an, vn mois treize iours, vacqua huit iours. Le Concile general de Calcedoine fut assemblée sous luy contre Eutyches, & Dioscorus heretiques, auquel y auoit six cents trente Euesques.

463.

S. HILAIRE natif de Sarde en Esclauonie, tint le siege sept ans, trois mois, dix iours: & vacqua dix iours.

470.

SANCTVS SIMPLICIUS, natif de la ville de Tioli, tint le siege quinze ans, vn mois, sept iours, & vacqua vingt-six iours.

485.

S. FELIX troisieme Romain, tint le siege six ans vnze mois, dix-sept iours, & vacqua cinq iours.

492.

S. GELAZE natif d'Afrique, reputé des plus doctes de son temps, tint le siege cinq ans, huit mois, dix-sept iours.

498.

S. ANASTASE deuxiesme Romain, tint le siege vn an, dix mois, vingt-quatre iours, & vacqua quatre iours.

5. Siecle.

En ce cinquiesme siecle ont vescu S. Augustin, Orose, Cassian, S. Eucher de Lyon, Cyrille Alexandrin, Vincent Lirinense, Socrates, Sozomene, Theodoret, S. Prosper, S. Pierre Chrysologue, Saluan Euesque de Marseille, Sidorius Apollinaris, Gennadius, Petrus Diaconus, Boëce, & plusieurs autres.

500.

S. SYMMAQUE natif de Sarde, tint le siege quinze ans, six mois, vingt-deux iours, & vacqua sept iours.

515.

S. HORMISDA, natif de la terre de Labour, tint le siege neuf ans, dix-huit iours, & vacqua six iours.

524.

S. IEAN premier natif de Toscane, tint le siege deux ans, huit mois, vingt-huit iours, & vacqua vn mois.

527.

S. FELIX quatriesme, natif de Samnite, tint le siege quatre ans, deux mois, trois iours, & vacqua treize iours.

531.

S. BONIFACE deuxiesme Romain, tint le siege deux ans, deux iours, & vacqua quatre mois.

532.

S. IEAN 2. aussi Romain, tint le siege 2. ans, 4. mois, & vacqua six iours.

535.

S. AGAPETE premier aussi Romain, tint le siege onze mois, dix-neuf iours: & vacqua vn mois, vingt-neuf iours.

536.

SANCTVS SILVERIUS, natif de la terre de Labour, homme tres-docte tint le siege vn an, cinq mois douze iours: & vacqua six iours.

537.

SANCTVS VIGILIUS Romain, tint le siege dix-huit ans, six mois, 16. iours, & vacqua trois mois, cinq iours. Il assembla le Concile de Constantinople 2. où assisterent 165. Euesques, contre Anthemius & autres heretiques.

555.

SANCTVS PELAGIUS premier Romain, tint le siege six ans, dix mois, vingt-huit iours: & vacqua trois mois, vingt-six iours.

562.

S. IEAN troisieme aussi Romain, tint le siege douze ans, vnze mois, vingt-six iours: & vacqua dix mois, trois iours.

576.

S. BENOIST premier aussi Romain, tint le siege quatre ans, vn mois, vingt-huit iours, & vacqua deux mois, dix iours.

580.

SANCTVS PELAGIUS deuxiesme aussi Romain, tint le siege dix ans, deux mois, dix iours: & vacqua dix mois, dix iours.

590.

S. GREGOIRE LE GRAND, reputé le plus docte de son temps, fut esleu Pape contre sa volonte, & tint le siege treize ans, six mois, dix iours, & vacqua cinq mois, neuf iours. C'est vn des quatre Docteurs de l'Eglise.

6. Siecle.

En ce sixiesme siecle florissoit Cassiodore, S. Benoit Abbé, Fortunatus Euesque de Poitiers, Euagrius, Michel Singulus, Gregoire de Tours & autres.

604.

S. SABINIEN natif de Hongrie, tint le siege vn an, cinq mois, neuf iours: & vacqua vnze mois, vingt-six iours.

607.

S. BONIFACE troisieme Romain, tint le siege neuf mois, & vacqua vn mois, neuf iours.

608.

S. BONIFACE quatriesme, natif de Lombardie, tint le siege six ans, huit

- mois, treize iours : & vacqua sept mois, quinze iours.
615. S. DIEV LE DONNA appelé DEVS DEDIT, Romain, tint le siege trois ans, trois mois, vingt iours, & vacqua vn mois seize iours.
618. S. BONIFACE cinquieme, natif de Naples, tint le siege cinq ans, vingt iours : & vacqua treize iours.
623. SANCTVS HONORIVS premier, natif de la terre de Labour, tint le siege douze ans, vnze mois, dix-sept iours : & vacqua vn an, sept mois, treize iours.
637. SEVERIN Romain, tint le siege vn an, deux mois : & vacqua 4. mois, 29. iours.
638. I E A N quatrieme, natif de Dalmatie, tint le siege vn an, neuf mois, neuf iours : & vacqua quatre mois, treize iours.
640. S. THEODORE premier, Grec de nation, tint le siege six ans, cinq mois, dix-huit iours : & vacqua vn mois, vingt-deux iours.
646. S. MARTIN premier, natif de Tuder, tint le siege six ans, vn mois, vingt-six iours : & vacqua vn an, deux mois.
653. EVGENE premier Romain, tint le siege deux ans, neuf mois : & vacqua vn an, vn mois, huit iours.
657. VITALIAN VOSQY, tint le siege quatorze ans, six mois : & vacqua quatre mois, quinze iours.
671. SANCTVS ADEODATVS Moyne Romain, tint le siege quatre ans, deux mois, quinze iours : & vacqua quatre mois, vingt iours.
675. DOMNVS I. Romain, tint le siege cinq ans, cinq mois, dix iours : & vacqua deux mois, seize iours.
680. AGATAGO Moyne Sicilien, tint le siege deux ans, six mois, quinze iours, & vacqua vn an, cinq mois : Il assembla le Concile de Constantinople troisieme, auquel assisterent trois cents cinquante-vn Euesques, contre l'heresie des Monothelites, & fut paracheué sou sLeon deuxiesme son successeur.
684. S. LEON 2. Sicilien, tint le siege dix mois : & vacqua vnze mois, 21. iours.
686. S. BENOIST deuxiesme, Romain, tint le siege dix mois, douze iours : & vacqua deux mois quinze iours.
687. I E A N cinquieme, natif d'Antioche, tint le siege vn an : & vacqua deux mois, dix-neuf iours.
688. CONON natif de Trace, tint le siege vnze mois, trois iours : & vacqua deux mois, vingt-trois iours.
689. SANCTVS SERGIUS, natif d'Antioche, tint le siege treize ans, huit mois, vingt-trois iours : & vacqua vn mois, vingt iours.
7. Siecle. EN ceste septiesme siecle, vint S. Isidore Euesque, George Alexandrin, S. Ouyne Euesque de Rotien, S. Iulian Archeuesque de Toledé, & autres.
704. S. I E A N sixiesme, Grec, tint le siege trois ans, trois mois, & vacqua vn mois dix-neuf iours.
705. I E A N 7. aussi Grec, tint le siege deux ans, sept mois dix-sept iours, & vacqua trois mois.
707. SYCINNIVS natif d'Antioche, tint le siege vingt iours, & vacqua vn mois dix-huit iours.
707. CONSTANTIN natif de Syrie, tint le siege sept ans, vingt iours, & vacqua deux mois dix iours.
714. GREGOIRE 2. Romain, tint le siege seize ans, neuf mois vnze iours, & vacqua vn mois.
730. GREGOIRE 3. natif de Syrie, tint le siege dix ans, neuf mois vingt-quatre iours, & vacqua huit iours.
741. ZACHARIE Grec, tint le siege dix ans, trois mois, & vacqua douze iours. Il autorisa la deposition de Chilperic, dernier Roy de la lignée de Merouée, faite par les Estats de France, & fut subrogé en son lieu Pepin pere de Charlemagne.
752. ESTIENNE 2. Romain, tint le siege trois iours.
752. ESTIENNE 3. aussi Romain, tint le siege cinq ans, vn mois, & vacqua vn mois. Il se retira en France, craignant Astulphe Roy des Lombards, où il sacra luy-mesme Charles & Carloman Roys, enfans de Pepin.
756. PAVL aussi Romain, tint le siege dix ans, dix mois, & vacqua vn mois.
768. ESTIENNE 4. Moyne Sicilien, tint le siege quatre ans, cinq mois vingt-quatre iours, & vacqua neuf iours.
772. ADRIAN Romain, tint le siege vingt-trois ans, dix mois dix-sept iours. Sous luy fut assemblé le deuxiesme Concile general de Nicene, contre les Iconomaques, où assisterent trois cents cinquante-huit Euesques.
796. LEON 3. aussi Romain, tint le siege vingt ans : Estant persecuté par les Romains & s'estant pour ceste cause absenté de Rome, fut restably par Charlemagne, lequel depuis il couronna Empereur des Romains.
8. Siecle. EN ce huitiesme siecle, ont flory le venerable Beda, saint Iean Damascene, saint Germain Patriarche de Constantinople, Paul Diacre, Alcuin, Vsuard Moyne, & Paulin d'Aquilée.
- Le mesme LEON 3. apres auoir esté restably, tint le siege seize ans, cinq mois dix-huit iours, & vacqua dix-huit iours.
817. ESTIENNE 5. Romain, tint le siege six mois, vingt-quatre iours, & vacqua vnze iours.
817. PASCHAL Moyne Romain, tint le siege sept ans, trois mois dix-sept iours, & vacqua quatre iours.

824. EVGENE 2. aussi Romain, surnommé le pere des pauvres, tint le siege quatre ans, six mois vingt-quatre iours, & vacqua trois iours.
828. VALENTIN Romain, tint le siege vn mois, dix iours, & vacqua trois iours.
828. GREGOIRE 4. aussi Romain, tint le siege seize ans, & vacqua quinze iours.
844. SERGIUS 2. Romain, tint le siege trois ans, & vacqua deux mois quinze iours: Ce fut le premier des Papes qui changea de nom, parce qu'il s'appelloit Groim de Porc, en quoy beaucoup de ses successeurs l'ont suiuy.
848. LEON 4. aussi Romain, tint le siege huit ans, trois mois six iours, & vacqua quinze iours.
855. BENOIST 3. Romain, contre son gré fut créé Pape, & tint le siege deux ans, six mois neuf iours, & vacqua quinze iours. Quelques-vns mal affectionnez au siege Romain, ont inferé au lieu de ce Pape vne femme, qu'ils disoient estre la Papesse Ieanne: qui est vne imposture refutée par plusieurs, & spécialement par Genebrard en sa Chronologie.
858. NICOLAS aussi Romain, tint le siege neuf ans, sept mois treize iours, & vacqua sept mois.
868. ADRIAN 2. Romain, tint le siege cinq ans, neuf mois douze iours, & vacqua douze iours. Sous luy fut assemblé le quatriesme Concile general de Constantinople, auquel assisterent trois cents quatre-vingts Euesques contre Photius, qui auoit usurpé le Patriarchat de Constantinople.
874. JEAN 8. aussi Romain, tint le siege dix ans, deux iours, & vacqua deux iours. Il couronna trois Empereurs Roys de France; sçauoir Charles le Chauue, Louys 3. & Charles 3.
884. MARTIN 2. François, tint le siege vn an, cinq mois.
885. ADRIAN 3. Romain, tint le siege vn an, cinq mois.
886. ESTIENNE 6. aussi Romain, tint le siege six ans, vnze iours, & vacqua cinq iours.
892. FORMOSVS Romain, tint le siege cinq ans, six mois, & vacqua deux mois.
898. BONIFACE 6. de Toscane, tint le siege vingt-six iours.
898. ESTIENNE 7. aussi Romain, tint le siege vn an, trois mois, & vacqua trois iours.
899. ROMAIN natif de Toscane, tint le siege trois iours, & vacqua huit iours.
899. THEODORIC 2. Romain, tint le siege vingt iours, & vacqua vnze iours.
899. JEAN 9. Moyne Romain, tint le siege deux ans, quatorze iours, & vacqua neuf iours.
9. Siecle. En ce neuuesme siecle florissoit Aymoinus Monachus, Theophylacte, Rabanus Maurus, Ansegisus, & Anastase.
901. BENOIST 4. aussi Romain, tint le siege trois ans, quatre mois, & vacqua six iours.
904. LEON 5. natif d'Ardée, tint le siege vn mois, dix iours.
904. CHRISTOPHE Romain, tint le siege sept mois.
905. SERGIUS 3. aussi Romain, tint le siege sept ans, quatre mois seize iours, & vacqua sept iours.
913. ANASTASE 3. Romain, tint le siege deux ans, & vacqua deux iours.
915. LANDO natif de Sabine, tint le siege six mois, vingt-vn iours, & vacqua vingt-six iours.
916. JEAN 10. aussi Romain, tint le siege treize ans, deux mois, & trois iours.
929. LEON 6. Romain, tint le siege sept mois, quinze iours, & vacqua vn mois.
929. ESTIENNE 8. aussi Romain, tint le siege deux ans, vn mois douze iours, & vacqua dix iours.
931. JEAN 11. Romain, tint le siege quatre ans, dix mois quinze iours, & vacqua douze iours.
935. LEON 7. aussi Romain, tint le siege trois ans, six mois dix iours, & vacqua trois iours.
939. ESTIENNE 9. Allemand, tint le siege trois ans, quatre mois douze iours, & vacqua dix iours.
944. MARTIN 3. Romain, tint le siege trois ans, quatre mois douze iours, & vacqua douze iours.
947. AGAPETE 2. aussi Romain, tint le siege sept ans, neuf mois dix iours, & vacqua douze iours.
955. JEAN 12. Romain, tint le siege neuf ans, trois mois cinq iours, & vacqua vn iour.
963. LEON 8. aussi Romain, tint le siege vn an, quatre mois.
964. Le mesme Iean 12. apres auoir chassé Leon 8. tint le siege trois mois, vingt-huit iours. Et depuis ledit Leon fut restitué par l'Empereur Othon, & tint le siege huit mois vingt-deux iours, & vacqua six mois quinze iours, apres la mort dudit Iean 12.
965. JEAN 13. Romain, tint le siege six ans, vnze mois cinq iours, & vacqua treize iours.
972. BENOIST cinquieme, aussi Romain, tint le siege vn an, six mois.
973. DOMNVS deuxiesme, aussi Romain, tint le siege vn an, & vacqua 2. iours.
974. BONIFACE septiesme, encor Romain, tint le siege sept mois, cinq iours, & vacqua vingt iours, d'autant qu'il s'estoit enfuy de Rome.

975. BENOIST sixiesme, aussi Romain, tint le siege huit ans, six mois, & vacqua cinq iours.
984. JEAN quatorziesme, natif de Pauie, tint le siege trois mois, parce qu'il fut mis en prison par Boniface septiesme, où il mourut : & derechef ledit Boniface tint le siege quatre mois, six iours, & vacqua dix iours.
984. JEAN quinziesme, Romain, tint le siege huit mois, & vacqua sept iours.
985. JEAN 16. Romain, tint le siege 10. ans, 6. mois, 10. iours, & vacqua six iours.
995. GREGOIRE cinquiesme de Saxe, tint le siege deux ans, cinq mois, dix iours, & vacqua quinze iours. Ce fut luy qui transfera l'Empire en Allemagne, & institua les Electeurs de l'Empire.
997. JEAN dixseptiesme, Grec, tint le siege dix mois, & vacqua vingt iours. Il usurpe de force le siege Romain : & pource il fut chassé par l'Empereur Othon troisieme, qui luy fit creuer les yeux, & remist au siege dedit Gregoire cinquiesme qui vivoit encores.
998. SYLVESTRE deuxiesme, natif d'Aquitaine en France, tint le siege quatre ans, vn mois, dix iours, & vacqua 23. iours. Il fut tres-grand Philosophe, & Mathematicien, & à ceste occasion, le vulgaire le soupçonnoit d'estre Magicien.
10. Siecle. EN ce dixiesme siecle, ont vescu Ado de Vienne, Odo Abbé de Clugny, Suidas, Luitprandus, Regino, & Vvitchinde.
1002. JEAN dixhuitiesme, Romain, tint le siege quatre mois, vingt iours, & vacqua dix-neuf iours.
1002. JEAN 19. tint le siege quatre ans, 4. mois, & vacqua dix-neuf iours.
1007. SERGIUS quatriemesme Romain, tint le siege deux ans, quinze iours, & vacqua huit iours.
1009. BENOIST septiesme, Tusculan, tint le siege vnze ans, vn mois treize iours.
1020. JEAN vingtiesme, aussi Tusculan, tint le siege vnze ans, vn mois, neuf iours, & vacqua huit iours.
1031. BENOIST huitiesme, aussi de Tusculan, tint le siege treize ans, 4. mois 9. iours.
1044. SYLVESTRE 3. Romain, du vivant de Benoist, tint le siege vn mois, 19. iours.
1044. GREGOIRE sixiesme Romain, tint le siege deux ans, sept mois.
1046. CLEMENT deuxiesme de Saxe, tint le siege neuf mois, & vacqua neuf mois.
1048. DAMASE deuxiesme, de Bauiere, tint le siege 23. iours, & vacqua six mois.
1048. LEON neufiesme, d'Allemagne, tint le siege cinq ans, deux mois, six iours, & vacqua vnze mois, vingt six iours. Il condamna le premier l'heresie de Berengarius sacramentaire.
1054. VICTOR deuxiesme natif de Suéue, tint le siege deux ans, trois mois, quatre iours, & vacqua quatre iours.
1057. ESTIENNE dixiesme Lorrain, tint le siege sept mois, dix-huit iours, & vacqua treize iours.
1058. BENOIST 9. natif de la terre de Labour, tint le siege neuf mois, 20. iours.
1059. NICOLAS deuxiesme, natif de Sauoye, tint le siege trois ans, six mois, vingt-six iours, & vacqua douze iours.
1062. ALEXANDRE deuxiesme, Milanois, tint le siege vnze ans, six mois.
1073. GREGOIRE septiesme, natif de Toscane, tint le siege douze ans, vn mois, trois iours, & vacqua vn an, quatre mois, 27. iours. Ce fut luy qui excommunia Henry quatriemesme Empereur, qui fut cause de grandes diuisions en l'Eglise.
1087. S. VICTOR troisiemesme, natif de Beneuent, tint le siege vn an, quatre mois : & vacqua cinq mois.
1088. VRBAIN deuxiesme, François, tint le siege douze ans, quatre mois, dix-neuf iours, & vacqua treize iours. De son temps, & à sa persuasion commença la guerre pour le recouurement de la terre Sainte, où assista Godefroy de Bouillon, qui fut depuis le premier Roy de Ierusalem.
11. Siecle. EN ce vnziemesme siecle, ont vescu Burcardus, Fulbertus Euesque de Chartres, Pierre Damian, Lanfrancus, saint Anselme, Yves Euesque de Chartres, & saint Bruno instituteur des Chartreux.
1100. PASCAL deuxiesme, Toscan tint le siege dix-huit ans, six mois, sept iours, & vacqua trois iours.
1118. GELAS deuxiesme, Moyne Caietan, tint le siege vn an, & vacqua deux iours. Il s'enfuit de Rome, & se retira en France, où il mourut à l'occasion du schisme qui estoit en l'Eglise.
1119. CALIXTE deuxiesme, Bourguignon, tint le siege cinq ans, dix mois, six iours, & vacqua 8. ans : Sous luy fut assemblé le Concile general de Latran 1. contre les Sarrazins pour recouurer la terre sainte, & y assisterent 900. Peres.
1125. HONORIUS deuxiesme, natif d'Imola, tint le siege cinq ans, deux mois, & vacqua huit iours.
1130. INNOCENT deuxiesme, Romain, tint le siege quatorze ans, sept mois, treize iours. Sous luy fut assemblé le Concile general de Latran deuxiesme contre les Antipapes, où assisterent mille Peres.
1144. CELESTIN deuxiesme, Toscan, tint le siege cinq mois, treize iours, & vacqua treize iours.
1144. LVCIVS deuxiesme, Boulonnois, tint le siege vnze mois, quatre iours, & vacqua deux iours.
1145. EVGENE troisiemesme, natif de Pise, tint le siege huit ans, quatre mois, vingt iours, & vacqua deux iours.

1153. ANASTASE quatriesme, Romain, tint le siege vn an, quatre mois, vingt-quatre iours, & vacqua vn iour.
1154. ADRIAN quatriesme, Anglois, tint le siege quatre ans, dix mois, & vacqua trois iours.
1159. ALEXANDRE troisieme, natif de Sienne, tint le siege vingt-vn an, dix-neuf iours, & vacqua quatorze iours. Sous luy la faction des Guelphes & Gibelins, tourmentoit l'Italie: les Guelphes soustenoient l'autorité du Pape, & les Gibelins celle de l'Empereur contre le Pape: qui furent cause de grands schismes en l'Eglise. Sous luy fut assemblé le Concile general de Latran, où il y auoit trois cents Euesques pour la reformation des mœurs, tant de Laics que des Ecclesiastiques.
1181. LVCIVS troisieme, Lucquois, tint le siege quatre ans, deux mois, dix-huit iours, vacqua douze iours.
1185. VRBAIN 3. Milanois, tint le siege vn an, dix mois quinze iours, & vacqua vnze iours.
1187. GREGOIRE 8. natif de Beneuent, tint le siege vn mois vingt-sept iours, & vacqua vingt iours.
1188. CLEMENT 3. Romain, tint le siege trois ans, cinq mois, & vacqua huit mois.
1191. CELESTIN 3. aussi Romain, tint le siege six ans, sept mois vnze iours.
12. Siecle. En ce douzieme siecle ont floré Sigebert, Zonare, Cedrenus, Rupert, saint Bernard, Hugues de saint Victor, Pierre Lombard, Pierre Comestor, Euthimius, Nicetas, Coniates, & autres.
1198. INNOCENT 3. natif d'Anagnie, tint le siege dix-huit ans, sept mois seize iours, & vacqua vn iour. Il fut tres-docte Theologien, & Iuriconsulte. Sous luy s'assembla le Concile general de Latran, où assisterent douze cents quatre-vingts cinq Peres, pour la reformation des mœurs & estat de l'Eglise.
1216. HONORIVS 3. Romain, tint le siege dix ans, sept mois treize iours, & vacqua vn iour.
1227. GREGOIRE 9. d'Anagnie, tint le siege quatorze ans, trois mois, & vacqua deux mois vn iour. Il fit compiler les Decretales.
1241. CELESTIN 4. aussi d'Anagnie, tint le siege dix-huit iours, & vacqua vn an neuf mois.
1243. INNOCENT 4. de Genes, tint le siege vnze ans, six mois douze iours, & vacqua trois iours. Sous luy fut assemblé le Concile general de Lyon, contre l'Empereur Federic. En ce Concile il fut permis aux Cardinaux de porter le chapeau rouge, & l'habit de pourpre, afin que par là ils fussent aduertis de resprendre leur sang pour la Religion Chrestienne.
1254. ALEXANDRE 4. d'Anagnie, tint le siege six ans, cinq mois cinq iours, & vacqua trois mois quatre iours.
1261. VRBAIN 4. natif de Troye en Champagne, tint le siege trois ans, vn mois quatre iours, & vacqua cinq mois. Il institua la feste du saint Sacrement de l'Autel, qu'on appelle la feste Dieu.
1265. CLEMENT 4. de Narbonne, tint le siege cinq ans, vingt-vn iours, & vacqua deux ans neuf mois.
1272. GREGOIRE 10. de Plaisance, tint le siege quatre ans, deux mois dix iours, & vacqua neuf iours. Il fut esleu Pape lors qu'il estoit en Asie, avec l'armée des Chrestiens, contre les Infidelles. Sous luy fut assemblé le deuxiesme Concile general de Lyon, où assisterent mille Peres, pour le recouurement de la terre sainte, & contre l'heresie des Grecs, touchant le saint Esprit.
1276. INNOCENT 5. Bourguignon, tint le siege six mois, deux iours, & vacqua neuf iours.
1276. ADRIAN 5. de Genes, tint le siege vn mois, neuf iours, & vacqua vingt-huit iours.
1276. JEAN 21. Portugais de Lisbonne, tint le siege huit mois, & vacqua six mois sept iours.
1277. NICOLAS 3. Romain, tint le siege trois ans, huit mois quinze iours, & vacqua cinq mois vingt iours.
1281. MARTIN 4. de Tours, tint le siege quatre ans, vn mois, & vacqua trois iours.
1285. HONORIVS 4. aussi Romain, tint le siege deux ans, vn iour, & vacqua dix mois.
1287. NICOLAS 4. natif d'Ascule, tint le siege quatre ans, vn mois huit iours, & vacqua deux ans, trois mois deux iours. Il fut le premier Pape choisi de l'Ordre des Cordeliers.
1294. CELESTIN 8. natif d'Isernie, tint le siege cinq mois sept iours, & vacqua dix iours. Il institua l'Ordre des Celestins.
1294. BONIFACE 8. natif d'Anagnie, de la famille de Cayette, tint le siege huit ans, neuf mois dix-sept iours, & vacqua dix iours. Il fut autheur du fixiesme des Decretales: il excommunia le Roy de France Philippe le Bel, & donna son Royaume à Albert d'Autriche, parce que ledit Philippe ne le vouloit recognoistre seigneur spirituel & temporel de tout le monde. Les Bulles de l'excommunication furent lacerées, & ceux qui les auoient apportées furent mitrez & pillorisez; & en fin il fut par le commandement dudit Roy Phillippes, prins en la maison de son pere, & mourut en prison à Rome. C'est celuy du-

13. Siecle.

quel on dit, qu'il entra comme vn Rneard, il regna comme vn Lyon, & mourut comme vn Chien.

En ce treiziesme siecle ont vescu saint François, saint Dominique, Albert le grand, Matthieu de Paris, saint Thomas d'Aquin, saint Bonaventure, Cabasilas, Henry de Seguse Cardinal d'Ostie, Nicolas de Lira, Accurse & autres.

1303.

BENOIST 10. de la Marque Treuifane, tint le siege huit mois, dix-sept iours, & vacqua vn an, vn mois. Il leual l'excommunication du Roy de France, fulminée par son predecesseur.

1305.

CLEMENT 5. de Bordeaux, tint le siege huit ans, dix mois quinze iours, & vacqua deux ans, trois mois dix-sept iours. Il transfera le siege de Rome à Auignon, où luy & ses successeurs demurerent soixante-dix ans. Il est autheur des Clementines: Sous luy fut assemblé le Concile general de Vienne, contre les Sarrazins, contre les Templiers, & contre les mœurs corrompues des gens d'Eglise, où assisterent plusieurs Euesques & Prelats, au nombre de trois cents & plus.

1316.

JEAN 22. natif de Cahors, de Chancelier de France fut fait Pape, & tint le siege dix-neuf ans, quatre mois, & vacqua seize iours. Il est autheur des Constitutions extrauagantes.

1335.

BENOIST 11. de Tholose, tint le siege sept ans, trois mois dix-sept iours, & vacqua quinze iours.

1342.

CLEMENT 6. Lymosin, tint le siege dix ans, six mois dix-huit iours, & vacqua vnze iours.

1351.

INNOCENT 6. aussi Lymosin, tint le siege neuf ans, huit mois six iours, & vacqua vn an, cinq mois.

1363.

VRBAIN 5. Lymosin, tint le siege huit ans, quatre mois, & vacqua dix iours.

1371.

GREGOIRE 11. aussi Lymosin, tint le siege sept ans, deux mois vingt-sept iours, & vacqua vnze iours. Il remist le siege à Rome, & quitta à Auignon: & depuis on n'a esleu aucun François pour estre Pape, de crainte qu'il ne transferast derechef le siege audit Auignon, ou ailleurs.

1378.

VRBAIN 6. de Naples, tint le siege vnze ans, huit mois, & vacqua dix-sept iours. De son temps il y eut vn grand schisme en l'Eglise, d'autant que les Italiens esleurent ledit Urbain; & les François esleurent Clement, qui se retira audit Auignon, & continua ce schisme iusques au Concile de Constance.

1389.

BONIFACE 9. de Naples, tint le siege vnze ans, huit mois, & vacqua quinze iours.

14. Siecle.

En ce quatorziesme siecle ont vescu Guillaume de Nangis, Nicephore, Bartole Planudes, Iean André, Petrarque, François Maronis inuenteur de la Sorbonique, Guillaume d'Auxerre, & autres.

1404.

INNOCENT 7. natif de Sulmone, tint le siege deux ans, vingt-deux iours, & vacqua vingt-trois iours. De son temps estoit ce grand Tartare Tamerlan, appellé des autres Tamburlan, lequel auoit avec luy vne armée de douze cents mille hommes; & se faisoit appeller l'ire de Dieu.

1407.

GREGOIRE 12. douziesme, Venitien, tint le siege deux ans, sept mois, cinq iours, & vacqua dix iours.

1409.

ALEXANDRE cinquiemesme, de Candie, tint le siege dix mois, huit iours, & vacqua douze iours.

1410.

JEAN vingt-troisiesme, de Naples, tint le siege cinq ans, quinze iours, & vacqua deux ans. Sous luy commença le Concile general de Constance, auquel luy-mesme, & deux autres Papes furent deposez, & en leur lieu fut esleu Martin cinquiemesme, & assisterent à ce Concile cinq cens soixante-quatre Peres.

1417.

MARTIN cinquiemesme, Romain, tint le siege quatorze ans, trois mois, & vacqua douze iours.

1431.

EVGENE quatriemesme, Venitien, tint le siege quinze ans, vnze mois, vingt- & vn iours. Sous luy fut assemblé le Concile general de Basse, auquel fut depose, & en sa place esleu vn nommé Felix cinquiemesme, lequel en fin toutesfois renonça au droit qu'il pretendoit au siege Papal, en faueur de Nicolas cinquiemesme. Depuis sa deposition ledit Eugene assembla le Concile general de Ferrare, qui depuis (à cause de la peste) fut transferé à Florence: & en ce Concile l'Eglise Romaine & Grecque s'vnirent ensemble. De son temps aussi fut mis en auant la Pragmatique Sanction.

1447.

NICOLAS cinquiemesme, natif de la ville de Lune en Italie, tint le siege huit ans, dix-neuf iours: & vacqua quatre iours. De son temps, Mahomet Empereur des Turcs, s'empara de la ville de Constantinople, & sous luy cessèrent tous les schismes de l'Eglise.

1455.

CALIXTE troisiemesme, Espagnol de Valence, tint le siege trois ans, trois mois, seize iours, & vacqua dix-sept iours.

1458.

PIVS deuxiesme, de Sienn, tint le siege cinq ans, vnze mois, vingt-six iours, & vacqua seize iours.

1464.

PAVL 2. Venitien, tint le siege six ans, dix mois, & vacqua vnze iours.

1471.

SIXTE quatriemesme, de Sauonne, tint le siege treize ans, cinq iours, & vacqua quinze iours.

1484.

INNOCENT huitiesme, de Genes, tint le siege huit ans, vingt-six iours, & vacqua deux iours.

1492.

ALEXANDRE sixiesme, Espagnol de Valence, tint le siege vnze ans, huit iours: & vacqua quatre iours.

15. Siecle.

EN ce quinzieme siecle ont escrit Iean Gerson, Aeneas Silvius, Froissart, Balde, Angelus, Bessarion, Chalcondile, Denis le Chartreux, Platine, Naucerus, & autres.

1503.

PIVS troisieme, Siennois, tint le siege seize iours, & vacqua 24. iours.

1503.

IULIUS deuxiesme, de Genes, tint le siege neuf ans, trois mois, douze iours, & vacqua dix-sept iours: Sous luy commenca le Concile general de Latran dernier, & fut paracheue sous Leon dixiesme son successeur.

1513.

LEON dixiesme, Florentin, nomme Iean de Medicis, tint le siege huit ans, huit mois, vingt & vn iours: & vacqua vn mois, sept iours. Sous luy commenca l'heresie de Luther, il osta la Pragmatique Sanction, & accorda aux Roys de France la nomination des Euesques, & Abbez: ce qu'on appelle les Concordats.

1521.

ADRIAN sixiesme, natif d'Vtrech en Flandre, tint le siege vn an, huit mois, six iours, & vacqua deux mois, quatre iours.

1523.

CLEMENT septiesme, Florentin, de la famille de Medicis, tint le siege dix ans, dix mois, huit iours, & vacqua seize iours. Henry huitiesme Roy d'Angleterre, indigné de ce qu'il auoit esté excommunié par iceluy Clement, ne le voulut plus recognoistre pour chef de l'Eglise, & fut cause de ce que toute l'Angleterre se diuisa de l'Eglise.

1534.

PAVL troisieme, de la famille des Farneses, Romain, tint le siege quinze ans, dix-neuf iours, & vacqua deux mois, vingt-neuf iours. Sous luy commenca le Concile de Trente general, contre les Lutheriens & autres heretiques: & fut paracheue sous les Papes suiuaus.

1550.

IULIUS troisieme, Aretin, tint le siege cinq ans, vn mois, 16 iours, & vacqua dix-sept iours.

1555.

MARCEL deuxiesme, Toscan, tint le siege vingt-deux iours, & vacqua vingt-deux iours.

1555.

PAVL quatrieme, de Naples, de la famille des Caraffes, tint le siege quatre ans, deux mois, vingt-sept iours, & vacqua quatre mois, six iours.

1560.

PIVS quatrieme, Milanois, tint le siege cinq ans, vnze mois, huit iours, & vacqua vingt-neuf iours. Sous luy fut paracheue le Concile de Trente.

1566.

PIVS cinquieme, Alexandrin, tint le siege 6. ans, trois mois, seize iours.

1572.

GRIGOIRE treizieme, natif de Boulongne, tint le siege douze ans, vnze mois, douze iours, & vacqua vnze iours. Il a reformé le Calendrier Romain, & arresté l'Equinoxe vernal au vingt-vniesme iour de Mars, retranchant dix iours au mois d'Octobre, 1582. & substituant les Epactes au nombre d'Or.

1585.

SIXTE cinquieme, auparavant nomme Felix Perret, Cardinal de Montalte, Toscan, tint le siege cinq ans, quatre mois, 21. iours, & vacqua 14. iours.

1590.

VRAIN septiesme, Romain, tint le siege quinze iours, & vacqua pres de deux mois.

1590.

GRIGOIRE quatorzieme, Milanois, auparavant Euesque de Cremona, tint le siege dix mois, dix iours, & vacqua quinze iours.

1591.

INNOCENT neuiesme, Boulonois, auparavant Cardinal du Tiltre des SS. Quatre, tint le siege enuiron deux mois: & vacqua enuiron aussi deux mois. Il mourut empoisonné, comme l'on dit, pour n'estre si fauorable au dessein des Espagnols contre des François, comme ils esperoient lors de son election.

1592.

CLEMENT huitiesme, Florentin, de la famille des Aldobrandins: fut creé Pape vers la fin de Feurier, mil cinq cens nonante-deux. Il tint le siege treize ans, vn mois, cinq iours, & deceda l'an mil six cens cinq, le troisieme Feurier.

16. Siecle.

EN ce siecle seiziesme & dernier, ont escrit Iean Exius, Morus, Hofius, Contarenus, Ianfenius, Lindanus, Erasme, de Sainte, Despence, Sanderus, de Billy, Pamelius, Maldonat, Canisius, Turrianus, Bellarmine, Baronius, Tyrtius, Genebrard, Suaius, René Benoist, & infinis autres grands personages.

1605.

LEON vnzieme, auparavant nomme Alexandre de Medicis Archeuesque de Florence, Cardinal Euesque Prænestin, il tint le siege seulement vingt-sept iours.

1605.

PAVL cinquieme Romain, originaire de Siennne, de l'illustre maison des Borgheses, & pour ce appellé Camille Borghese, fut esleu Pape, vingt iours apres le decez de Leon vnzieme, le seiziesme May mil six cents cinq: il auoit esté auparavant Referendaire de l'vne & l'autre signature, Vicaire de l'Eglise patriarchale de sainte Marie Major, Vice-Legat à Bolongne, auditeur general de la Chambre Apostolique, & Nonce du saint siege en Espagne. Il fut fait Cardinal de saint Eusebe par le Pape Clement huitiesme, en l'an mil cinq cents nonante-six, & depuis Euesque d'Esino en la Marche d'Ancone: il a tousiours vescu pieusement, & vertueusement; le saint siege ne l'a iamais veu degenerer du zele & de la deuotion de ses predecesseurs: il apporta tout ce que pouuoit sa sainte assistance aux Indiens Orientaux de Goa, qui estoient nouuellement conuertis à la foy Chrestienne, & de l'Euesché d'Angamala il fit l'Archeuesché, qu'on dit maintenant de Cranganor. Le Patriarche de Babylone Elie, qui commande à trois cents mille maisons Nestorienes, luy enuoya en grande reuerence sa confession de foy: il pacifia infinis troubles arriuez entre les heretiques d'Allemagne, & de Boheme. Il fut Par-

1621.

rain du tres-Chrestien Roy Louys treiziesme, dit le Juste, à present regnant victorieusement, & heureusement : il mourut d'une apoplexie le vingt-huictiesme iour de lanuier en l'an mil six cents vingt-vn.

GREGOIRE 15. dit auparavant son Pontificat le Cardinal de Ludouisco, ayma tousiours les hommes de merite, & a veillé au repos de l'Eglise Romaine, tant qu'il a respiré. Sa prudence sceut si dextrement retirer Anthoine de Dominis, Archeuesque de Spalate en Dalmatie, qui s'estoit habité en Angleterre du temps de Paul cinquieme, qu'il se retracta de ce qu'il auoit heretiquement escrit contre la sacrée Hierarchie & Monarchie de l'Eglise, & avec vne incroyable contrition de cœur, qui esmouuoit à compassion & pitié tous ceux qui le veirent à Rome, à son retour d'Angleterre. Ce saint Pere a beaucoup trauaillé pour tenir en bonne paix & intelligence les deux Couronnes de France & d'Espagne, & à l'accommodement de la Valtoline, au contentement des vns & des autres : Or comme il estoit aagé d'environ soixante-neuf ans, & fort incommodé de sa personne, & cassé de vieillesse, vne fièvre violente le surprint, & ne l'abandonna depuis le dernier iour de Iuin iusques au septiesme de Iuillet 1623. qu'il mourut, au grand regret du sacré College des Cardinaux, de la ville de Rome, & de toute l'Italie.

1623.

VRBAIN 8. Florentin, appelé auparavant le Cardinal Barberini, a beaucoup mérité de toute la Chrestienté, pour s'estre employé pour le salut d'icelle en toutes les occurrences : car il est grandement docte, ses œuvres depuis peu imprimées publient assez sa doctrine. Il a passé par de grandes charges, & a vne parfaite cognoissance des affaires spirituelles & temporelles : aussi a-il esté choisi & député pour gerer plusieurs Ambassades vers les plus grands Roys, Princes & Estats de l'Europe, pour celles du saint siege, & particulièrement en France vers feu Henry le Grand, que Dieu absolve, & années mil six cents six, mil six cents sept, & mil six cents huit, où il s'est comporté si sincerement & sagement en ses legations & negotiations, que la feue sainteté de Clement huitiesme l'instala dedans le College des Cardinaux, par la recommandation de sadite Majesté tres-Chrestienne, pour le recompenser de ses vertueux & loüables deportements. Dieu le maintienne longuement en son Pontificat, pour l'auancement de l'Eglise, le salut & le repos de la Chrestienté. Ainsi soit-il.

DES ROYS DE FRANCE.



PHARAMOND Duc de Franconie, ou France Orientale, située au milieu de l'Allemagne, fut le premier, qui par les Francons, Franks, ou François, fut esleu Roy, lequel fit (selon aucuns) des loix nommées Ripuaires ou Saliques, par l'aduis de quatre notables Barons : regne le long du Rhin (car il ne passa iamais en Gaule) vnze ans.

431.

CLODION le Cheuelu, fils de Pharamond dix-huict ans, prend à force Cambray & Tournay, ayant desconfit les Romains sur la riuere du Rhin.

449.

MEROVEE dix ans, ayant ramené les François en Gaule, avec l'aide de Ætius, Lieutenant de l'Empereur es Gaules, & le Roy des Visigots, surmonte Attila Roy des Huns. Ce Roy ayant prins Sens, Paris & Orleans, donne le nom de France à ses conquestes, & est tenu quasi pour le premier Roy des François en Gaule.

459.

CHILDERIC fils de Merouée vingt-six ans, pour sa paillardise & grands impôts sur le peuple, est chassé du Royaume.

485.

CLOVIS fils de Childeric premier Roy Chrestien, vingt ans, sous lequel les François font du tout mis hors la subiection des Romains : subiugua Thuringe, amplifia son Royaume iusques à Loyre, & tint quasi toutes les Gaules.

515.
4. Royau-
mes.

CHILDEBERT fils de Clovis, homme cruel, departit le Royaume avec ses freres : luy demeura Roy de Paris, Clotaire Roy de Soissons, Clodomire d'Orleans, Theodoric bastard, de Mets, ou Austrasie. Il regna quarante-cinq ans.

560.

CLOTAIRE frere de Childerberr, regna cinq ans, tué de sa propre main deux siens neveux.

565.
1. Maire.

CHERIBERT fils de Clotaire, regne avec ses quatre freres neuf ans, le Royaume derechef diuisé en quatre. Landregesile premier Maire du Palais.

574.

CHILPERIC fils Clotaire, quatorze ans, fut tué par le commandement de sa femme Fredegonde adultere, & parauant sa concubine.

588.

CLOTAIRE 2. fils de Chilperic, aagé seulement de quatre mois, fut salüé Roy, & regna quarante-quatre ans, bon Prince & belliqueux.

631.

DAGOBERT fils de Clotaire 2. regna quatorze ans. Il fit bastir l'Eglise de saint Denis sepulture des Roys, & l'enrichit de la despoüille des autres.

646.

CLOVIS 2. fils de Dagobert, dix-sept ans. De son temps y eut tres-grande famine, pour obuier à laquelle Clovis fit arracher & oster l'or & l'argent duquel Dagobert auoit fait somptueusement decorer l'Eglise saint Denis, & le distribua aux pauvres. Gerard de Dammartin premier Marechal de France.

1. Maref-
chal.

663.

CLOTAIRE 3. fils de Clovis 2. cinq ans. Cestuy fut plus orné de nom

- Royal, que faisant office de Roy, comme aussi ses successeurs iusques à Pepin. De ce temps les Roys degenerans de leurs ancestres, se fioient du tout & de leurs personnes & de leurs Royaumes aux Maires du Palais, ne se montrans au peuple en Royal appareil que le premier iour de May.
668. **CHILDERIC 2.** frere de Clotaire 3. douze ans. Cestuy fut appelé du consentement de tous pour regner en France.
680. **THEODORIC** retiré du Monastere, quatorze ans. Pepin deffait l'armée de Theodoric étant Maire du Palais, augmente grandement le bien des François.
694. **CLAVIS 3.** fils de Theodoric, regna quatre ans.
698. **CHILDEBERT 2.** succeda à son frere Clouis 3. & regna dix-huict ans. Pepin maniant ses affaires à son plaisir, institua Charles Martel son fils bastard Duc d'Austrasie, & Maire de France.
716. **DAGOBERT 2.** fils de Childebert 2. regna deux ans. La Couronne est pendante deux ans. Clotaire 4. la veut vsurper par les forces de Charles. Deux Maires du Palais des deux Roys suscitent guerres cruelles.
722. **CHILPERIC 2.** frere de Dagobert 2. ou fils, selon aucuns, regna cinq ans. Pendant lesquels Charles Martel Prince des François, eschappé de prison, gouverna les affaires du Royaume. Cestuy fut le premier des Maires qui se fist appeller Prince.
727. **THEODORIC CALA,** fils de Dagobert, regna 14. ans. La guerre d'Aquaine & des Sarrazins venus d'Espagne au nombre de quatre cents mille, desquels Charles Martel fit en vne rencontre pres de Tours, vne boucherie incroyable.
742. **CHILDERIC,** surnommé l'Incensé, succeda à son frere Theodoric, regna neuf ans, sur la fin desquels est chassé du Royaume.

DEUXIESME LIGNEE.

751. **PEPIN** le Bref, fils de Martel, ayant esté neuf ans Maire du Palais, par la faueur des Nobles, est sacré Roy le premier de sa race, par le Pape Estienne venu en France à ceste fin : donne à l'Eglise de Rome la seigneurie de Ravenne, & plusieurs villes. Le Parlement ambulatorio par luy institué, ou plustost par son pere, qui n'estoit autre chose que l'assemblée des Estats.
769. **CHARLES LE GRAND,** pour les grands biens par luy faits à la Chrestienté, fut par le Pape Leon troisieme couronné Empereur de Rome, le trente-troisieme an de son regne en France. Ainsi l'Empire fut diuisé, luy Empereur en Occident, & Nicephore en Orient. Puissance à luy donnée & à ses successeurs d'ordonner les Papes & autres Prelats : Subiugua les Saxons, Huns, Sclavons, Nauarrois, Danois : reprima les Sarrazins en Espagne, fonda les Vniuersitez de Paris, Pauie, & Boulougne : regne en tout quarante-six ans. Le premier appelé tres-Chrestien.
816. **LOYS LE DEBONNAIRE,** premier du nom, succeda à son pere Charlemagne, tant au Royaume qu'à l'Empire. Ses enfans incitez des Seigneurs, & principalement des Euesques, l'expulserent de son Empire, & le contraignirent se rendre Moine : depuis toutesfois restitué, regne vingt-deux ans.
841. **CHARLES LE CHAUE,** fils du Debonnaire, de sa seconde femme, partage avec ses freres, demeurant Roy de France. Il tint deux ans l'Empire, regne en tout trente-huict ans. Commencement du Comté de Flandres, par Baudouyn quatrieme, Forestier (ainsi s'appelloient les premiers Seigneurs de Flandres) gendre du Chaue.
879. **LOVYS LE BEGUE,** fils du Chaue, deuxieme du nom, Roy & Empereur, deux ans.
881. **LOVYS** troisieme, & **CARLOMAN,** fils illegitimes de Louys le Begue, furent Roys apres son decez, n'y ayant encore hoir pour luy succeder, regnerent cinq ans.
886. **CHARLES LE GROS,** Empereur neveu de Charles le Chaue, fut fait Roy au lieu de Louys surnommé Feneant pour sa nonchalance, fils Carloman susdit : regne cinq ans.
891. **EUDE** fut fait Roy par l'aduis des Princes, estat tuteur de Charle le simple. Les Barons de France l'appellerent Charles le Simple étant en Angleterre, contre lequel Eude eueut grande guerre. En fin il confesse le Royaume luy appartenir, regne neuf ans.
900. **CHARLES 3.** surnommé **LE SIMPLE,** fils de Louys le Begue, commença à regner seul apres la mort de son tuteur, l'an 900. Il surmonte Robert Comte de Paris, frere d'Eude, pretendait vsurper le Royaume : regne vingt-sept ans.
927. **RAOVL DE BOURGONGNE,** fils du Duc de Bourgongne, vsurpe le Royaume deux ans, tant par la faueur du Comte de Paris, que de celuy de Vermandois, qui tenoit lors le Roy Charles le Simple prisonnier.
929. **LOVYS** quatrieme, dit **D'OVTRE-MER,** fils du Simple, vingt-sept ans. Étant de retour d'Angleterre où il s'en estoit fuy avec sa mere vers le Roy son oncle, dechasse Raoul du Royaume, fait prendre Hebert Comte de Vermandois, qui auoit fait moutir son pere prisonnier.
956. **LOTAIRE** fils de Louys, trente-&-vn an, repousse vaillamment Othon second Empereur, degastât la France iusques aux portes de Paris. L'neco Comte

Nauarre.

968.

de Bigorre, fut fait 1. Roy de Nauarre, pour en auoir chassé les Sarrazins.

Loys cinquieme son fils, apres qu'il eut regné vn an, & quelque peu d'auantage, fut empoisonné.

TROISIEME LIGNEE.

988.

Origine

des Du-

chez, &

Comtez

heredit.

HVE CAPET, fils de Hugues le Grand, Comte de Paris, par sa puissance & avec l'ayde de ses gens-d'armes, fut premierement estably Roy à Noyon: & incontinent apres fut sacré & couronné à Rheims, nonobstant le droit pretendu par Charles Duc de Lorraine, & de Brabant, oncle paternel du defunct Roy, lequel mesprisant son ennemy, le laisse assieger avec sa femme, en la ville de Laon, où il fut pris de Huë, & enuoyé en garde à Orleans, où il mourut avec sa femme & enfans, regna neuf ans. Lors les Ducs & Comtes qui estoient gouverneurs des Prouinces & villes, les ysurpent, & les font hereditaires à l'exemple de Capet, les tenans de luy à foy & hommage.

997.

ROBERT fils de Capet, fut couronné Roy du viuant de son pere, Prince lettré, studieux, religieux & debonnaire: decora grandement ce Royauue d'Eglises & saincts edifices, regne heureusement trente-quatre ans.

1031.

HENRY premier succeda au Royaume à son pere Robert, regna 30. ans.

1061.

Royaume

de Hieru-

salem.

PHILIPPES premier du nom, fils de Henry, regne 49. ans. Durât son regne premiere guerre sainte cõtre les Sarrazins, sous la conduite de Huë le grand, frere du Roy, Godefroy de Bouillon Duc de Lorraine, 1. Roy de Hierusalem.

1110.

LOYS LE GROS, fils de Philippe, vingt-huit ans: Guerre premiere contre les Anglois, laquelle nonobstant fix cents appoinctemens, est tousiours renouuellée. Froger de Chaalons premier Connestable.

1138.

LOYS LE LEVNE, septiesme, fils du Gros, 43. ans, Philippe frere du Roy Archidiacre de Paris, cede à Lombard.

1181.

Duchez

acquis.

1224.

PHILIPPE AVGVSTE, son fils quarante-cinq ans, Prince craignant Dieu, eut forte guerre contre Richard Roy d'Angleterre, & lea son frere: gaigne sur eux la Normandie, Aquitaine, Poictou, le Mayne, Anjou, & Auvergne.

LOYS huitiesme son fils, trois ans, s'arma contre les Albigeois, qui derechef estoient retournez à leur premier erreur, & institua si bien son fils Loys, qu'il obtint le nom de Saint.

1227.

S. LOYS 44. ans. En luy commença le regne de iustice, pieté & Religio: ediffia plusieurs Eglises. Va par deux fois en la terre sainte, & mourut en la secõde.

1271.

PHILIPPES 3. fils de saint Louys, regna quinze ans. Estant au voyage de la terre sainte, fut salué Roy au camp deuant Thunes.

1286.

PHILIPPES le Bel, vnze ans, herita du Royaume de Nauarre, des Comtez de Champagne & Brie. D'autorité Royale resista à Boniface 8. qui vouloit le Royaume de France tenir de luy, l'ayant excommunié, & donné à l'Empereur Albert.

1314.

LOYS Hutin, fils de Philippes le Bel, fait le Parlement seant & ordinaire à Paris, regna deux ans.

1316.

PHILIPPE le Long, frere de Louys Hutin, regna cinq ans.

1321.

CHARLES le Bel, aussi frere de Louys Hutin, repudia Blanche sa femme pour adultere, regna sept ans.

1328.

PHILIPPE de Valois, cousin germain des trois Roys precedents, leur succeda, nonobstant le droit pretendu par Edoiard Roy d'Angleterre. Acquisition du Dauphiné au premier fils de France: il regna vingt-trois ans.

1350.

JEAN fils de Philippes de Valois, institué l'Ordre de l'Estoille: fut pris par les Anglois près de Poictiers, quatre ans apres deliuré: puis pour deliurer ses ostages, passa en Angleterre, & mourut à Londres, regna quatorze ans.

1364.

CHARLES 5. surnommé le Sage, succeda au regne defaistré de son pere Jean, resiste heureusement aux Anglois à l'aide de ses freres, ayant cinq armées dressées contr'eux en vne mesme saison: ayma les lettres, fit traduire la Bible, & plusieurs autres bons liures, regna seize ans.

1380.

CHARLES 6. fils Charles 5. fut couronné Roy aagé de quatorze ans, sous le gouvernement de ses oncles les Ducs d'Anjou, de Berry, & de Bourgongne. Le Roy d'Angleterre espouse Catherine de France, & s'empare du Roy, de la Roine, de Paris, & autres villes, se faisant couronner Roy, regna quarante-deux ans.

1423.

CHARLES 7. fils de Charles 6. regna trente-huit ans: il trouue son Royaume occupé de toutes parts par le ieune Roy Henry d'Angleterre, soy disant Roy de France. Ieanne la pucelle. La Pragmatique Sanction.

1461.

LOYS 11. fils de Charles 7. hardy, & belliqueux, regna vingt-trois ans. Chasse de la Cour les bons & anciens seruiteurs: oste les charges, estats & honneurs aux hommes de merite, pour en pouruoir des flatteurs de Cour, qui fut cause que les Princes & Seigneurs luy firent la guerre, ditte bien public. Institution des Cheualiers de l'Ordre de saint Michel.

1484.

CHARLES 8. fils de Louys 11. regna quatre ans, surmonte François dernier Duc de Bretagne à saint Aubin, puis les Italiens à Fornoue. Il espouse Anne heritiere de Bretagne. L'institution des filles Repenties à Paris.

1498.

LOYS 12. auparavant Duc d'Orleans & de Valois, succeda au Royaume, comme plus proche à succeder, Pere du pays, & Pasteur du peuple, regna dix-sept ans. Il espouse Anne de Bretagne, veufue du Roy Charles 8. conqueste la

1514.

1547.

1559.

1560.
Guerres
civiles.

1574.

1589.

Duché de Milan; reprend le Royaume de Naples, sous la conduite du sieur d'Aubigny. Surmonte l'armée des Venitiens, joincts avec le Pape, & gaigne la bataille près de Ravenne, sous la conduite de Gaston de Foix. Ferdinand Roy d'Espagne oste de force le Royaume de Navarre à Jean d'Albret, comme proscript par le Pape Jules.

FRANÇOIS de Valois, comme le plus prochain, succeda à Louys 12. Il fut surnommé le pere & restaurateur des sciences. A son commencement desfit vne puissante armée de Suisses: print Milan & Fontarabie, assiege Pavie, où combattant magnaniment, fut prins prisonnier, & mené en Espagne: & deliuré par le Traicté de Madrid, espouse Madame Alienor sœur de l'Empereur, il regna trente-trois ans.

HENRY 2. fils de François, restaurateur de la discipline militaire, prend d'assaut Boulogne sur la mer, & contraint les Anglois de le quitter & faire paix; met sous son obeyssance Mets en Lorraine, & autres places: Faict accord avec le Pape Jules 3. reprend Calais: conclud la paix avec le Roy Philippes d'Espagne, par le mariage de sa fille aînée, & de Marguerite sa sœur, avec le Prince de Piedmont. Il regna douze ans.

FRANÇOIS 2. succeda à son pere, pacifie le tumulte commencé à Amboise: ordonne d'assembler les Estats à Orleans, où il meurt le cinquiesme Decembre 1560. il ne regna que dix-huit mois.

CHARLES 9. succeda à son frere, n'estant aagé que d'unze ans, tint les Estats à Orleans: ordonne vn Colloque des Prelats avec les Ministres à Poissy; supporte de grandes affaires, pour raison des guerres civiles: troubles & dissensions qui prennent cours par tous les pays. Ce Prince genereux deceda le iour de Pentecoste 1574. il regna quatorze ans.

HENRY 3. luy deuant succeder vient de Pologne. Espouse Louyse de Lorraine, fille du Comte de Vaudemont. Est agité diuersement par les partialitez en la Religion, qui passent sous ce pretexte en faction formée contre l'Estat, palliée du nom de Ligue, ou sainte Vnion, laquelle il combat avec beaucoup de difficultez, & exploicts diuers entre les deux partis. Aduiennent sous luy la deffaiete de l'armée des Reistres, Bataille de Courtras; Estats de Blois, reuolte presque generale: reconciliation des deux Roys, qui pressent tellement les factieux & rebelles, qu'ils ont recours au parricide execrable fait en la sacrée personne du Roy, à saint Cloud, par Jacques Clement Moync Iacobin, le premier iour d'Aoust 1589. qui le met au cercueil le lendemain. Apres auoir regné quinze ans deux mois, son corps fut transferé à Compiègne, où il a reposé iusques en l'an 1610. qu'il fut apporté à saint Denis en France, le sepulchre de nos Roys. Il a institué l'Ordre des Cheualiers du saint Esprit.

HENRY 4. auparauant Roy de Navarre, suiuant la loy fondamentale du Royaume, comme premier de la ligne de Bourbon, succeda à la Couronne de France, assisté de toute la Noblesse, & forces de son predecesseur, par la mort deplorable duquel l'armée s'estant dissipée, le Roy se retira à Dieppe, où il fut assiege par le Duc de Mayenne, avec vne armée de quarante mil hommes, qui fut mise en route à la iournée d'Arques le 21. Septēbre par le Roy, qui n'auoit qu'une poignée d'hommes: & de là vint surprendre les faux-bourgs de Paris, la Vigile de Toussaints: le 18. Nouembre il reprint Vendosme, le 2. Decembre le Mans, & le 5. Ianuier 1590. Falaise en Normandie. Le 14. Mars il obtint la victoire signalée d'Iury, contre le Duc de Mayenne; & le mesme iour le sieur de Randan assiegeant Yffoire en Auvergne, fut deffait. Le 9. Charles Cardinal de Bourbon, que les Liguez auoient pris pour leur Roy, sous le nom de Charles 10. mourut prisonnier à Fontenay le Comte en Poictou. En Iuillet la ville de saint Denis fut renduë, & Paris reduict à telle extremite & famine, à cause du long siege, qu'on y mangeoit les chiens & chevaux, & le pain d'auoine iusques au 30. d'Aoust, que le siege fut leué par la venue du Duc de Parme: & faict-on estat qu'il y mourut cent mil personnes de necessité, ou enuiron. Le 3. Ianuier 1591. le Cheualier d'Aumale fut tué à saint Denis, pensant la surprendre. Le 19. Aueil Chartres assiegee, se rendit au Roy. Le 15. de Nouembre le President Brisson avec deux autres, fut pendu & estranglé par la menée & conspiration des Seize, desquels le Duc de Mayenne en fit pendre quatre, si tost qu'il fut retourné à Paris. En Ianuier 1593. commencerent à Paris les Estats de la Ligue, & de là suiuit la Conference faicte à Surefne, & y eut trefue quatre lieues à la ronde de Paris; commençantes le premier iour de May. Là l'Espagnol se descouurit entierement, & demanda que l'Infante d'Espagne fut declarée Roine de France, ou Erneste son futur mary, ce qui fut empesché par l'Arrest du Parlement de Paris donné au mois de Iuin, pour la conseruation de la loy Salique. Le Roy apres la prise de Dreux se fit instruire en la religion Catholique, Apostolique & Romaine. Et le vingt-cinquiesme Iuillet en fit profession publique en l'Eglise saint Denis en France. De là suiuit la Trefue generale pour trois mois, qui commença au mois d'Aoust, & fut depuis continuée iusques au premier iour de l'an mil cinq cens nonante-quatre: pendant lequel temps, le Duc de Neuers fut enuoyé à Rome, pour faire les submissions du Roy au Pape Clement huitiesme, lesquelles il ne voulut accepter, redoutant l'Espagnol, qui fut cause que le Roy se fist sacrer & couronner à Chartres, le vingt-septiesme de Feurier, par l'Euesque du lieu. Ceste

année la ville de Meaux se remit en l'obeissance du Roy, & fut suivie par celles de Lyon, Orleans, Bourges & Rouën. Et en fin le vingt-deuxiesme Mars le Roy fut receu en la capitale ville de Paris, sans perte des habitans, & en chassa les estrangers, leur donnant la vie, & pardonnant à tous ses subjects par vne clemence singuliere, où il reſtabliſſon Parlement. De là ſuivit la priſe de Laon, & reduction des villes de Picardie, & de Champagne, avec la reconciliation du Duc de Guiſe. Et au retour du voyage de Picardie, le Roy eſtant à Paris le vingt-ſeptiesme Decembre, fut bleſſé à la face d'un couteau, par vn ſclerat & deſeſperé ieune Eſcolier, nommé Iean Chaſtel, lequel fut tiré à quatre chevaux on Greue, le vingt-neufiesme Decembre par Arreſt de la Cour; & le cinquiesme Ianuier mil cinq cens nonante-cinq, y eut proceſſion generale à ſaincte Geneuiefue, où ſa Maieſté aſſiſta, pour louer Dieu de ſa conſeruation, & le huiſiesme enſuiuant, il fit ſes Cheualiers du ſainct Eſprit, avec les ceremonies accouſtumées, qu'il différa iuſqu'à ce iour, à cauſe de ſa bleſſure. Puis la ville de Dijon ſe reduiſit, & preſque toute la Bourgongne. Et au mois de Septembre le Roy eſtant à Lyon, où il fiſt ſon entrée magnifique, luy furent apportées certaines nouuelles de la Benediction donnée à ſa Maieſté par le Pape Clement huiſiesme: qui fut cauſe que quelque temps apres le chemin de Rome fut ouuert, pour l'expedition des benefices de France, comme il eſtoit auparavant les troubles. Auſſi fut publiée la ſeconde Trêue generale, pendant laquelle la reconciliation du Duc de Mayenne a eſté faite, enſemble des Ducs de Joyeuſe & d'Espéron. Au meſme temps le Duc de Montmorency arriua à Paris, & ſes lettres de Conneſtable furent veriſiées en Parlement. Peu de temps apres le ſieur d'Anuille ſon frere fut pourueu de l'Eſtat d'Admiral de France. Au commencement de l'année mil cinq cens nonante-fix, la ville & le port de Marſeille fut renduë à ſa Maieſté, & au Duc de Guyſe Gouverneur de Prouence, dont les nouuelles vindrent au Roy, lors qu'il tenoit eſtroitement aſſiégée la ville de la Fere en Picardie, de laquelle en fin apres vn ſiege de huiſt mois il fut le maïſtre, & luy fut renduë enuiron la my-May nonobſtant les efforts de l'armée Eſpagnole, conduite par le Cardinal d'Autriche, qui eſtoit ſorty de Flandres en intention de faire louer ledit ſiege. Au mois de Iuillet arriua en France Monſieur le Cardinal de Florence, viſu de l'Illuſtriſſime maiſon de Medicis, enuoyé par ſa Saincteté en qualité de Legat, pour pacifier les troubles du Royaume & reünir tous les ſubjects du Roy ſous ſon obeïſſance: & ſit ſon entrée à Paris le Dimanche vingt-vniesme dudit mois de Iuillet, où il fut receu magnifiquement avec extrême allegreſſe de tout le peuple. Peu de temps apres ſçauoir l'vnziesme Mars la ville d'Amiens fut ſurpriſe par les Eſpagnols: ſa Maieſté ſe reſolut de la reprendre, & à ceſte fin il alla en perſonne au ſiege de ladite ville, laquelle apres pluſieurs eſcarmouches & furieuſes, forties luy fut renduë par compoſition le Ieudy vingt-cinquiesme de Septembre. Ceſte heureuſe reddition apporta vn grand auancement aux affaires du Roy. La trêue fut accordée au Duc de Mercure, pour la Bretagne, iuſques à la fin de l'année, ſous eſperance de reconciliation, laquelle eſtât finie au mois de Ianuier mil cinq cens nonante-huiſt, les regimens & troupes des gens de guerre ſ'auancerent en intention d'aller aſſiégier la ville de Nantes, qui fut cauſe que Dinan ſe rendit: Et le Roy ſ'eſtant acheminé deſcendit à Angers, où la Duchefſe de Mercure le vint trouuer, & ſit en forte que le Duc de Mercure ſon mary, & toute la Bretagne, enſemble tous ceux qui s'aduoüerent de luy ſe reduiſirent ſoubs l'obeïſſance de ſa Maieſté, & le traité en fut fait au Chateau d'Angers le dixiesme Mars. En fin la paix fut faite avec le Roy d'Eſpagne, qui fut accordée le deuxiesme May à Veruins, & publiée à Paris le douziesme Iuin enſuiuant. Peu de temps apres ſuivit le traité de Mariage de Madame ſœur vnique du Roy, avec le Prince de Lorraine, Duc de Bar, lequel fut conſommé à ſainct Germain en Laye le Dimanche dernier iour de Ianuier, mil cinq cens nonante-neuf. Et le Ieudy vingt-cinquiesme de Feurier enſuiuant, fut publié en Parlement l'Edit de Nantes fait à l'inſtante requête & pourſuite de ceux qui ſont profeſſion de la Religion pretenduë reformée. La veille de Paſques d'icelle année mourut ſubitement Madame la Duchefſe de Beaufort, que ſa Maieſté auoit ſingulierement aimée, & en la meſme année deceda Meſſire Philippe Huraut Chancelier de France en la dignité duquel fut incontinent ſubrogé par le Roy Meſſire Pomponne de Belieure. En ceſte meſme année le mariage du Roy & de Madame Marguerite de France, avec grande cognoiſſance, & pour cauſes legitimes a eſté déclaré nul par iugement contradictoire de noſtre ſainct Pere le Pape Clement huiſiesme. Au commencement de l'an mil ſix cents, le Duc de Sauoye arriua à Paris, où il fut receu magnifiquement par ſa Maieſté, & y ſejourna iuſques au premier iour de Mars enſuiuant, & ſ'en retournant promit au Roy de luy faire raiſon dans trois mois du Marquiſat de Saluces, qu'il auoit vſurpé dès la fin de l'année mil cinq cents oſtante-huiſt. Peu de temps apres fut conclud le traité du mariage du Roy avec Madame Marie de Medicis Illuſtriſſime Princeſſe de Florence, fille du deſunct grand Duc de la Toſcane François de Medicis, & de Ieanne d'Autriche fille de l'Empereur Ferdinand, & au mois de May elle fut proclamée en ſon pays Roynie de France. Le Roy eſtant venu à Lyon, tant pour receuoir la Roynie que pour vider le different du Marquiſat

de Saluces, voyant que ledict Duc tardoit d'exercer ses promesses, il luy donna la guerre, & en peu de iours il se rendit maistre de Chambéry, Montmelian & d'autres places de Sauoye qui sembloient estre imprenables. Au plus fort de ceste guerre, la Roynie print terre à Marseille, & le treiziesme Decembre arriua à Lyon: où le dix-septiesme dudit mois en l'Eglise Cathedrale les ceremonies des nopces Royales furent faictes. Le Roy quoy que victorieux semond à la paix par l'arriuee de la Roynie, & par les instantes prieres de nostre saint Pere, par l'entremise de l'illustrissime Cardinal Aldobrandin, son neveu, luy laissa emporter, & fut signée & arrestée à Lyon le dix-septiesme Ianuier 1601. & par le traicté d'icelle fut faict eschange dudit Marquisat de Saluces, avec le pays de Bresse, & autres Seigneuries adjacentes. Au mois de de Feurier le Roy reuint à Paris, accompagné de la Roynie, & vers la semaine Sainte, ils allerent passer les festes de Pasques à Orleans, où le Iubilé general se celebrait apres que celuy de Rome fut expiré. Le vingt-septiesme de Septembre iour de saint Cosme sur les dix heures du soir, neuf mois dix iours apres la conformation du mariage du Roy, la Roynie accoucha à Fontainebleau de Monsieur le Dauphin, la naissance duquel apporta vne ioye incroyable à leurs Majestez, & à tous les bös François. Mais ceste resiouyissance commune fut bien tost suiue d'une horrible & espouuantable conspiration contre le Roy & l'Estat du Royaume, dont sa Majesté ayant eu certains aduis au commencement de l'an 1602. fist avec la Roynie le voyage de Blois, & se gouverna en cest affaire avec tant de prudence, que le treiziesme iour de Iuin audit an, le Marechal de Biron chef de ceste coniuration, estant venu à Fontainebleau fut arresté prisonnier, & conduit seurement en la Bastille; & son procez luy ayant esté faict par Messieurs les Chancelier & premier President du Parlement & autres Commissaires de la Cour, il eut le dernier iour de Iuillet ensuiuant la teste tranchée en la court de ladite Bastille, & son corps fut enterré dans l'Eglise de saint Paul. Le dixiesme iour d'Octobre, fut renouucllée l'ancienne alliance avec les Cantons des Suisses, & fut iurée solennellement dans l'Eglise nostre Dame de Paris; & le vingt-deuxiesme iour de Nouembre la Roynie accoucha d'une fille audit Fontainebleau. Au commencement du mois d'Auril 1603. vindrent nouuelles certaines du deceds de la Roynie d'Angleterre, fille du deffunct Roy Henry huitiesme, & que le Serenissime Roy d'Ecosse Iacques sixiesme, Prince des plus sçauans de l'Europe, auoit esté recogneu par droict hereditaire Roy dudit Royaume. Le treiziesme de Feurier 1604. Madame la Duchesse de Barceur du Roy, deceda en Lorraine. Le procez ayant esté faict au corps mort de Nicolas l'Hoste, par arrest du quinziesme May, il fut déclaré atteint & conuaincu du crime de leze-Majesté au premier chef, & ordonné que le corps mort seroit tiré à quatre chevaux en Gréve: il estoit pensionnaire d'Espagne, pour descouurir les secrets de l'Estat de France. Le dix-neufiesme de Decembre 1605. par arrest de la Cour de Parlement Merargue conuaincu de crime de leze-Majesté au premier chef, pour les infidelitez par luy commises contre le Roy & son Estat, fut condamné à auoir la teste tranchée en Gréve; ce qui fut executé le mesme iour. Le dixiesme de Feurier 1606. la Roynie accoucha à Paris d'une seconde fille. Sur la fin du mois de Mars la ville de Sedan fut mise entre les mains du Roy par Monsieur le Marechal de Bouillon, ainsi toute occasion de guerre fut ostée, & lettres d'abolition octroyées par le Roy de tout ce qu'on eust peu imputer du passé audit sieur Marechal. Le quatorziesme de Septembre furent faictes à Fontainebleau les ceremonies du Baptisme de Monseigneur le Dauphin, & de mes Dames ses sœurs, Monsieur le Cardinal de Ioyeuse comme Legat du Pape Paul cinquieme, le nomma Louys, & les noms d'Elizabeth, & de Christine, furent donnez aux filles de France. Le seiziesme Auril 1607. nasquit audit Fontainebleau Monsieur le Duc d'Orleans second fils de France, & enuiron le mesme temps le Roy fut mediateur de l'accord faict entre le Pape & la Seigneurie de Venise, par l'entremise dudit sieur Cardinal de Ioyeuse. L'an 1608. fut le grand Hyuer. Le dix-neufiesme Feurier y eut Edict du Roy, pour le reestablishement de la Religion Catholique au pays de Bearn, & le dernier iour d'iceluy deceda à Paris Monsieur le Duc de Montpensier. Le vingt-cinquiesme Auril nasquit à Fontainebleau Monsieur le Duc d'Anjou, troisieme fils de France. Le Pere Ange de Ioyeuse, & le Duc de Lorraine decederent en ceste mesme année. L'an 1609. mourut le grand Duc de Toscane, Ioseph Scaliger, François Miron, & le docte Rappin trespasserent; & Madame troisieme fille de France nasquit au Louure à Paris, le vingt-cinquiesme Nouembre. En fin comme ce grand Monarque estoit sur le point de faire florir la France plus que iamais, le lendemain du couronnement de la Roynie, au milieu des allegresses publiques, le Vendredy quatorziesme May 1610. il fut traistrement assassiné en la ville de Paris, par vn detestable parricide, qui le frappa d'un coup de cousteau au dessous du cœur, & estant regretté de tous les bons François plus qu'aucun de ses predecesseurs, laissa son fils aîné successeur de ses Royaumes au cinquante-septiesme de son aage.

1610.

LOVVS 13. Roy de France & de Nauarre, surnommé le Iuste, succeda à feu Henry le Grand d'heureuse memoire son pere, le quinziesme iour de May mil six cents dix, estant aagé de huit ans sept mois & dix-sept iours. Il tint

son liét de Iustice en la Cour de Parlement, lors seante au Conuent des Augustins à Paris, où assisté de la Roynie sa Mere, de quatre Cardinaux, quatre Pairs de France Ecclesiastiques, d'aucuns Princes du sang, & autres Seigneurs de sa Cour, de Monsieur le Connestable, avec plusieurs Ducs & Pairs seculiers, des Mareschaux de France, & Officiers de la Couronne, des Gouverneurs des Prouinces, des Presidents & Conseillers du Parlement, il declara par la bouche de Messire Nicolas Brulart de Sillery son Chancelier, la Roynie sa Mere Regente en France, pour auoir soing de sa personne & gouuernement de son Royaume pendant son bas aage, avec toute puissance & autorité. Le vingt-septiesme dudit mois le parricide Rauillac fut condamné par arrest à faire amende honorable deuant la principale porte de l'Eglise nostre-Dame de Paris, & de là conduict en la place de Gréue, pour estre tenaillé aux mammelles, bras, cuisses & gras des iambes, sa main dextre arse & bruslée de feu de souffre, ordonné que sur les endroicts où il seroit tenaillé, y seroit ietté du plomb fondu, de l'huile botillante, de la poix raisnée bruslante, de la cire & du souffre fondus ensemble: Ce fait, que son corps seroit tiré & desmembré à quatre cheuaux, & ses membres & corps consummez au feu reduits en cendre, & iettez au vent. Le premier iour de Iuillet les obseques & pompes funebres du feu Roy furent faictes, il est inhumé à saint Denis en France, le sepulchre des Roys, & son cœur est depesé es mains des Peres Iesuites, pour estre porté à la Fleche en Anjou. Le Roy fait deux Edicts, l'un pour la confirmation de celuy de pacification en faueur de ceux de la Religion pretendue reformée, & l'autre pour faire mettre les armes bas à ceux qui les auoient leuées. Le Mareschal de la Chastre assiege Iuillers le huitiesme d'Aoust, & le deuxiesme Septembre il se rend. Sa Majesté reçoit l'Ordre de la Iartiere d'Angleterre: Elle est oincte & sacrée en sa ville de Rheims, le dix-septiesme iour d'Octobre, & retourne triomphante à Paris le trentiesme dudit mois. En ceste année le Chapitre general de l'Ordre des Freres Prescheurs, ou de saint Dominique se tint à Paris, où de toutes les parties du monde, & mesme du Mexico, du Perou, & des Isles Philippines, se trouuerent des Religieux dudit ordre. En l'an mil six cents vnze, les Berlans & les Duels furent deffendus. Charles de Lorraine Duc de Mayenne & Pair de France, mourut à Soissons le troisieme d'Octobre: ceste mort fut tost suiue de celle de Henriette de Sauoye son espouse. Le dix-septiesme Nouembre Monsieur le Duc d'Orleans frere du Roy, deceda à saint Germain en Laye, & son corps fut porté à saint Denis en France. En Decembre audit an les Peres Iesuites eurent permission du Roy d'ouuir leur College à Paris. Les Mariages du Roy Louys treiziesme, avec Anne d'Autriche Infante d'Espagne, & de Madame sa sœur, avec le Prince d'Espagne à present Roy, furent accordez en l'an mil six cents douze, & les resiouissances publiques faictes à Paris en la place Royale, au mois d'Auril. Henry de Lorraine Duc de Mayenne, alla pour cest effect en Espagne, & le Duc de Pastrane vint à Paris. Le Prince de Galles meurt, en Angleterre peu apres le mariage du Comte Palatin avec sa sœur. Monsieur le Comte de Soissons trespasse en sa maison de Blandy au commencement de l'année mil six cents treize. La frequence des Duels entre les nobles causa le renouvellement de l'Edict contre les Duels. La guerre s'esleua entre le Duc de Saouye & le Duc de Mantoüe pour les pretensions du Marquisar de Montferat. Plusieurs monasteres ont esté bastis à Paris, celuy des Carmes deschauffez au faux-bourg saint Germain, celuy des Capucins, au faux-bourg saint Jacques, les Urselines, les Peres de l'Oratoire au mesme lieu, & les Freres Prescheurs Reformez au faux-bourg S. Honoré. En mil six cents quatorze pour appaiser le cours de quelques remuements, on choisit premierement la ville de Soissons pour conferer sur les poincts proposez. Mais le traité de l'accord fut conclud & arresté entre leurs Majestez & les Princes à sainte Menchoud. En Iuin audit an furent les ceremonies solelnelles du Baptisme de Monsieur d'Anjou frere vnique du Roy, & de la petite Madame sa sœur, la Roynie Marguerite le nomma Gaston Iean Baptiste. Madame sa sœur lors accordée au Prince d'Espagne à present Roy, la nomma Henriette Marie: les Parrains furent les Cardinaux de Joyeuse, & de la Roche Foucault. Le Roy met ordre aux affaires de Poitou & de Bretagne. Monsieur le Prince de Conty deceda le treiziesme d'Aoust en sa maison de saint Germain des Prez. Sa Majesté reuiet à Paris le seiziesme Septembre où elle est receüe en grands complimens & magnificence. Le Roy est déclaré Majeur au Parlement y seant le deuxiesme iour d'Octobre. Peu apres les Estats Generaux de France furent tenus à Paris & paracheuez au commencement de l'an mil six cents quinze. Les Mareschaux de la Chastre & de Lauardin moururent en Feburier: & la Roynie Marguerite trespasse le vingt-septiesme iour de Mars. Le Roy, la Roynie Mere & Madame partirent de Paris le Lundy dix-septiesme iour d'Aoust pour aller à Bordeaux: il y fait son entrée magnifiquement. Ses espousailles se font tandis à Burges, & celles de Madame sa sœur à Bordeaux, où apres l'eschange fait, la Roynie Anne fut amenée par le Duc de Guise, & les ceremonies des nopces accomplies le vingt-cinquiesme iour de Nouembre, jour de sainte Catherine. Le Duc de Guise est déclaré Lieutenant General de l'armée. Le Roy reuiet à Tours en Ianuier mil six cents seize, & y sejourne iusques à la fin du mois d'Auril, Messire Guillaume du Vair est garde des Sceaux, Messire

Claude Mangot les manie sinceremēt apres luy. Le Roy retourna à Paris avec les Roynes & toute sa Cour. La reception qui leur fut faicte est incroyable. Le Cheualier de Védosme fut choisi par sa Majesté pour aller à Rome prester l'obedience filiale à nostre S. Pere le Pape Paul V. Le Cardinal de Joyeuse decede en Auignon. Le Comte d'Auvergne à present Duc d'Angoulesme est employé aux charges de la guerre, & est remis en grace. Il conduit vne armée es pays Chartrain, du Perche, & du Maine. La Cour s'esclaircit de noblesse. Le Marechal d'Ancre qui jouit de la ville de Peronne en met beaucoup en ceruelle. Le Marechal de Montigny va en Niernois. Le Marechal de Themines va en Champagne. La preuoyance du Roy veille à tout. Pierrefons est inuesty, battu & rendu. Conseils secrets se tiennent en des maisons particulieres contre l'auctorité du Roy. Le Prince de Condé est arresté prisonnier le premier de Septembre: Le mesme iour la maison du Marechal d'Ancre à saint Germain des Prez, est pillée, & le septiesme dudit mois tint son liēt de Iustice en son Parlement, & declara les motifs qui l'auoient occasioné à s'asseuer de Monsieur le Prince de Condé. En ce temps deceda le Cardinal de Gondy aagé de quatre-vingt quatre ans. Aussi deceda Messire Achilles du Harlay qui auoit exercé la charge de premier President l'espace de vingt-cinq ans, & plus en toute equité & affection au seruice du Roy: & en mil six cents dix-sept, les Chasteaux de Richecourt & Rocroy, se rendent à l'obeissance du Roy. La ville de Soissons où estoient Monsieur le Duc de Mayenne avec plusieurs Seigneurs de marque, est assiegée. La mort du Marechal d'Ancre, qui fut le vingt-quatriesme Auri, assoupit tous ses remuements. La ville de Soissons se remit entre les mains de sa Majesté, les Princes & Seigneurs reuiennent apres d'elle pour luy obeir en tout. On fait le proces au cadauer dudit Marechal d'Ancre, & à sa femme, laquelle est executée en la place de Greue à Paris, le Samedi septiesme iour de Iuillet. En ce temps Monsieur le Duc de Longueuille espousa Madamoiselle de Soissons. Le Roy par ses patentes ordonne vne leuée de deniers pour la reparation du saint Sepulchre & saints lieux de la Palestine, à l'imitation d'Henry le Grand son pere qui a empesché le Grand Turc de demolir le saint Sepulchre. L'ouuerture des Estats à Rouen le quatriesme iour de Decembre. Le douziesme dudit mois Monsieur de Villeroy Secrétaire d'Etat, mourut en ladite ville aagé de soixante & quatorze ans. L'incendie & bruslement de la grande Salle du Palais de Paris arrina le septiesme iour de Mars, mil six cents dix-huit. En Auri les Peres Iesuites eurent encore vn Arrest du Conseil, le vingt-cinquesme dudit mois donné à Rouen, pour faire ouuerture de leur College de Clermont à Paris. En ce temps Monsieur le Prince d'Orange Philippe de Nassau, & la Princesse d'Orage seur de Monsieur le Prince de Condé decederent, aux biens desquels succeda le Prince Maurice. Les affaires de Bearn commencerent à se remuer touchant la main-leuée des biens des Ecclesiastiques. Le Pape Paul cinquesme ordonna à la requeste du Roy que la feste de saint Louys seroit celebrée & gardée de commandement, le vingt-cinquesme iour d'Auri. Le vingt-huitiesme Nouembre, apparut vne grande Comette sur la ville de Paris. Au mesme mois arriua le Cardinal de Sauoye pour le Mariage de Madame de France avec son frere Victor Amedée, Prince de Piedmont. En Ianuier mil six cents dix-neuf. Le Mariage de Madame Christine de France seur du Roy avec le Prince Major est accomply. Edicts pour la reuente du Domaine du Roy, des Grenetiers, & de l'imposition des deux sols tournois sur les petits sceaux de France le douziesme de Mars. La Roynie Mere se desiste du Gouvernement de la Normandie, entre les mains du Roy qui luy donna la ville & Chateau d'Angers avec Chinon & autres places, l'entreueu de leurs Majestez fut faicte en la ville de Tours. Le premier iour de l'an mil six cents vingt fut remarquable pour la celebrite des ceremonies qui se firent à Paris des Cheualiers de l'Ordre du saint Esprit, en l'Eglise des Augustins, le nombre est de soixante-quatre. La ville de Rouen pour la seurte de ses subjets requiert la presence du Roy. Le Chateau de Caen n'attend qu'il le batte, tout luy faict ioug; la diligence de ses actions est glorieuse par tout, & victorieuse, tant en Normandie, Anjou, Touraine, Poictou, Languedoc, Gasconne, Bearn, qu'autres pays: quelques difficultez qui se soient iamais presentées en tous ses voyages, n'ont iamais fermé le passage à sa valeur. C'est chose incroyable, mais veritable, pourtant, qu'en six semaines il ait esteint vne si grande rebellion allumée dedans son Royaume par diuers ennemis, & veu tant de pays, & reinstalled la sainte Messe au Nauarrin, où il y auoit cinquante ans qu'elle n'auoit esté celebrée, & a restably les Euesques & Ecclesiastiques du pays en leurs honneurs, fonctions de leurs charges & iouyssances de leurs benefices. La victoire le couronne en tous endroicts, & le ramene chargé de palmes & de lauriers à Paris. Le Duc de Luynes reçoit de sa Majesté l'espée de Conestable dedans son Chateau du Loure, le septiesme iour d'Auri mil six cents vingt-vn: il ne tarde gueres qu'il ne soit en campagne, il arriue à Saumur qui luy ouure ses portes, & luy en presente les clefs: Plusieurs villes luy rendent pareils deuoirs. La ville de saint Iean d'Angely oublie le sien, & viole le respect qu'elle doit à l'autorité Royale; l'opiniastreté qui l'anime l'a faict assieger, battre de multitude de canons, rendre, & despoillier de ses murailles: Elle est suiue de l'infidelité de

Nerac, Clerac, & d'Albiac, qui est rigoureusement punie par Monsieur le Duc de Mayenne, qui peu apres mourut deuant Montauban, visitant les trenchées, qui fut vne grande perte, comme aussi de Monsieur le Baron de Termes. Montauban est assiegé le dix-neufiesme iour d'Aoust. En ce temps le Duc d'Espèrnon commença à bloquer la Rochelle: Par lettres patentes du Roy le siege Presidial d'icelle est transferé en la ville de Marans. Le Roy faict son entrée à Bergerac. Depuis le vingt-huictiesme iour d'Auril iusques en Decembre audit an, soixante & douze villes se sont rendues en l'obeyssance du Roy. Montauban est battuë furieusement, plusieurs Seigneurs de grande importance sont morts en ce siege. Le sieur de Lefdiguieres se conuertit à la Religion Catholique Apostolique & Romaine, en Iuillet mil six cents vingt-deux: il auoit esté auparauant receu au Parlement en qualité de Duc & Pair de France. Le Duc de Fronzac, fils du Comte de saint Paul, mourut deuant Montpellier, le douziesme Aoust audit an: & ladite ville de Montpellier se rend au Roy le vingt-deuxiesme iour d'Octobre, où sa Majesté y entra en armes. Depuis elle fit son entrée en Auignon, le seiziesme de Novembre. Le sixiesme de Decembre suiuant, la ville de Lyon luy faict vne belle entrée à son retour; auparauant la Roynie y auoit esté magnifiquement receuë le troisiemesme de Septembre: Le mariage du Marquis de la Valette, avec Mademoiselle de Vernueil, sœur naturelle de sa Majesté, se celebre le douziesme de Decembre. La Declaration de la paix est publiée enuiron ce temps: plusieurs notables personages moururent, sçauoir Monsieur le Cardinal de Rets Euesque de Paris, Monsieur du Perron Archeuesque de Sens, Monsieur de Vic, & autres. En l'an mil six cents vingt-trois, Messire Claude le Febvre sieur de Commartin, est faict Chancelier de France: l'année se passe en affaires & deliberations d'Estat. En l'an mil six cents vingt-quatre Messire Estienne Haligre est créé Chancelier de France. Le Roy sejourne quelque temps en la ville de Compiègne. Diuers Ambassadeurs le viennent trouuer, ausquels il donne audience. La Chambre de Iustice est establie, pour la recherche de ceux qui ont manié ses finances, par ses lettres patentes du vingt-neufiesme Octobre mil six cents vingt-quatre. En l'an mil six cents vingt-cinq on a veu de grandes resouysances en Cour, en Ianuier & Feurier, à cause de plusieurs bons succez. La mort de Iacques sixiesme du nom Roy d'Angleterre & d'Escoce, y apporta de la tristesse en Auril. Le Comte Maurice de Nassau Prince d'Orange, deceda le vingt-septiesme dudit mois. Le Mariage de Charles premier du nom Roy d'Angleterre & d'Escoce, avec Henriette Marie de France sœur du Roy, est solemnisé dans la grande Eglise nostre-Dame de Paris, le Dimanche vnziesme iour de May. La riuere de Briure cause vn grand deluge dedans le faux-bourg saint Marceau, & ailleurs, le dix-neufiesme dudit mois. Sa Sainteté a enuoyé vers sa Majesté pour Legat le Cardinal Barberini son neveu, qui fit son entrée à Paris le vingtniesme dudit mois. Le Duc de Bouquinguan arriua en Cour le vingt-cinquiesme dudit mois, où il fut Royalement receu: à l'occasion de son arriuee on fit de superbes festins & feux de ioye. Apres quelque sejour il emmena la Roynie d'Angleterre hors de Paris, pour la conduire en Angleterre. Dieu benisse ceste alliance.

DU ROYAVME D'ESPAGNE.

L'ESPAGNE est vne des plus grande & spacieuse Prouince & region de l'Europe, estant entre les Gaules & l'Afrique, ayant pour la fermeture les ondes de l'Ocean, & les monts Pyrenées: Elle se peut esgaller aux plus opulentes & meilleurs terres de l'Vniuers, soit quand on regarde la fertilité des champs, le reuenu des vignes, ou les fruiçts qui annuellement y croissent; elle abonde en toute matiere, tant soit elle de requeste & rare pour le prix, ou necessaire pour la nourriture & entretien de l'homme; de sorte qu'elle fournit non seulement aux habitans qui respirent son air ce qui leur est necessaire, mais aussi à l'Italie, & autres regions eslongnées: elle est copieuse en mines d'or, & de vif argent, en fontaines medicinales, chaudes & froides, en cheuaux d'incroyable vireffe, fruiçts de toutes sortes, chair, & poissons d'enorme grandeur, & chascun pays iouyt d'une temperature & salubrité d'air. Les Carthaginois occuperent ceste region, quand ils furent desbusquez de l'Afrique par les Romains; puis la diuiserent en deux principales parties; sçauoir l'une en Betique, & l'autre Tarraconnoise, & par apres en vnze Prouinces: ils en furent Seigneurs iusques au temps d'Atilla Roy des Huns qui les subiugua, & diuisa derechef l'Espagne en cinq Royaumes, le premier fut celuy de Castille & de Leon, le second celuy d'Arragon, le troisiemesme celuy de Nauarre, le quatriemesme celuy de Portugal, & le cinquiesme celuy d'Andalusie, ou de Grenade, que les Mores possederent par beaucoup d'années. Atanarezo Roy des Gots en fut le premier Roy, en l'an 343. qui eut beaucoup de successeurs: la lignée des Roys Gots finit en Roderic, lors que les Mores enuoyez par Miramamolin leur

Roy, entrerent en Espagne en l'an 714. pour venger le violement commis en la personne du Comte Julien, Preuost en Tingitane de Mauritanie, par ledit Roderic. On dit qu'en ce temps il mourut enuiron 700000. hommes, tant d'un costé que d'autre: lors les Roys cessèrent de se nommer Gots ou Ostrogots, & porterent le tiltre de Roys d'Espagne, ou de Castille. Alphonse premier du nom, print le tiltre de Roy Catholique. Les Mores ont longuement trauaillé & v'surpé l'Espagne. Le Comte Henry fils du Duc de Lorraine, conquis sur eux le Royaume de Portugal, & ne le tint au commencement que sous le tiltre de Comte; mais peu après l'an 1110. on l'erigea en Royaume.

Ferdinand 5. Roy d'Arragon, mary d'Isabelle seule heritiere de Castille, déracina du tout l'engeance des Mores de l'Espagne en l'an 1492. Peu de temps après il finnestit de la Sicile & de Naples, & s'establit dedans les Indes Occidentales, & surprit frauduleusement le Royaume de Nauarre sur Jean d'Albrer, qui estoit legitime Roy: Et c'est à ce Ferdinand & Isabelle la femme qu'a commencé, à vray dire, le Royaume d'Espagne. Ils laisserent vne fille vnique nommée Jeanne qui espoula

Philippe premier d'Austriche, fils de l'Empereur Maximilian, & de Marie de Bourgogne, qui succeda à ce Royaume d'Espagne & autres pays: & fut Comte de Bourgogne, de Flandres & Seigneur des Pays bas, à cause de sa mere. De son mariage naquit

Charles cinquieme, Roy des Espagnes, qui fut puis apres Empereur, il regna trente-neuf ans, ayant pacifiquement & heureusement conserué ses Prouinces, laissant pour successeur des Espagnes, & de la pluspart de ses autres pays son fils

Philippe deuxiesme, qui a regné quarante-trois ans, ayant adjoinct à ses Estats le Royaume de Portugal, en l'an mil cinq cents octante; & en consequence de ce que les Portugais tenoient aux Indes Orientales, & ailleurs, comme en Affrique, & au Bresil, & ce par la mort du Roy Henry, Cardinal. Il mourut aagé de septante ans, le treiziesme de Septembre, mil cinq cents nonante-huit, ayant vn peu deuant son deceds fait la paix avec le tres-puissant Roy de France & de Nauarre **Henry** quatriesme.

Philippe troisieme son fils, luy succeda en ses Royaumes & Seigneuries. Paruenu à ceste puissante Monarchie, il fist paroistre qu'il ne degeneroit en rien de ses ancestres, tant pour ses genereuses & loüables actions, que pour le fait de la sainte Religion Catholique, Apostolique, & Romaine. Il eut pour espouse Marguerite, fille du feu Archiduc d'Austriche son proche parent, moyennant la dispence de la Sainteté; il eut d'elle vn fils & deux filles, desquelles l'aînée nommée Anne, est femme de Louys treiziesme, Roy de France & de Nauarre, à present regnant. Il trespassa en son Chasteau de Madrid, le dernier iour de Mars mil six cents vingt-vn.

Philippe quatriesme succeda à son pere, & à ses grands Estats, estant aagé seulement de seize ans. Au commencement de son aduenement à la couronne, il a monstré vne prudence si grande pour regler son Estat, qu'il s'est rendu admirable tant à ses subjects qu'à ses voisins. Il changea tous ses Officiers, fist faire le proces aux plus grands de son Royaume, pour luy estre suspects & conuaincus de plusieurs crimes, dont il fist confisquer les biens par eux mal acquis. Depuis Atanazero le premier Roy, iusques à ce grand Monarque, l'Espagne a eu nonante-&vn Roys.

DU ROYAVME DE PORTVGAL.

CE Royaume a esté appellé par les anciens Geographes, Protonée, Strabon, Plin, Pomponius Mela, & autres Lusitanie; & est vne partie d'Espagne la plus esloignée & à l'escart de toute la region, laquelle à present est nommée Portugal. Ceste-cy regarde le pays Betique, à scauoir le Royaume de Grenade au Midy: au Couchant & Septentrion elle est baignée de la mer Oceane; & au Leuant elle a la prouince Tarraconnoise, qui contient Arragon, Valence, Nauarre, & vne partie de Castille; elle fut, selon le recit de Plin, dicté Lusitanie, du nom de Luse, fils du bon pere Liber, & de Lyse celebrant avec luy les festes Bacchanales en sa compagnie. On repete les Lusitaniens ou Portugais les plus forts & robustes d'entre tous les Espagnols. Plusieurs de ceste nation ont fait de grandes recherches & decouuertes de pays estranges. Ils sont adextres, legers & agiles, & bien zelez à la religion Catholique, Apostolique, & Romaine: Mais ils sont grandement conuoiteux, & auaricieux, c'est ce qui les a suscitez à courir presque toute la rondeur de la terre, & à decouurir ce que les anciens n'auoient atteint par leur cognoissance. L'art du nauigage a beaucoup esté illustré par eux, dont de grandes commoditez nous sont venues par leur apport des marchandises estrangeres, d'espiceries, drogues, or, argent, & pierreries: cela ne seroit en vsage parmy nous, si eux & les Espagnols n'auoient attiré à la foy Chrestienne des regions, qui ont presque plus d'estenduë que ne porte l'Europe. Or ceste Prouince perdit son premier nom pour prendre celuy qu'elle a maintenant, quand les Gaulois nauigeans en Espagne, arriuerent à vn sien port, qui fut lors nommé port des Gaulois: Et la cité se nomma Portugal, qui est bastie sur le bord del' Ocean. Le Duc Henry for-

ty de l'illustre maison de Lorraine, Seigneuria absolument en ce grand pays, & apres qu'Alphonse sixiesme qui en estoit Roy le luy donna avec sa fille Tire-sie en mariage, pource qu'il auoit subiugué & dechassé les Mores avec vne remarquable generosité de dessus ses terres en l'an 1110. mais il n'eust que le tiltre de Comte & non de Roy. Alphonse premier, son fils, acquist ce beau tiltre de Roy, ayant repris sur les Mores la ville de Lisbonne, de laquelle ils estoient possesseurs, & de surplus exterminé cinq Roys infidelles, & mis en pieces leurs puissantes armées, en remarque de quoy des lors il porta pour ses armes cinq escussions. Luy conté iusques à Iean troisieme, on trouuera quinze Roys. Cestuy Iean fut pere de Dom Louys, pere de Dom Anthoine dernier Roy de Portugal, decédé en France. Sebastien premier, petit fils du Roy troisieme, qui fut occis en Affrique en vne bataille l'an mil cinq cents septante-huit, ne laissa aucuns enfans: & Dom Anthoine fut pris prisonnier en la mesme bataille. Ceste perte effroya les Portugais, de sorte qu'ils ne penserent pas à l'interest qu'auoient à la Royauté de Portugal les deux fils prouenus des deux filles du Roy Emanuel premier, qui deuoient marcher deuant leurs autres freres, non apres Iean troisieme l'aisné: & pource aussi qu'ils coniecturoient que le Prince Dom Anthoine estoit mort, avec le Roy Sebastien; cela fit que le fils qui restoit seul d'Emanuel, encore qu'il eut la dignité de Cardinal, fust esleu Henry regne six ans, puis il meurt. Anthoine recouure sa liberté, & retourne d'Affrique en Portugal. Il est esleu Roy, & sacré en la ville de Sante-rein, le dix-neufiesme iour de Iuin mil cinq cents octante. Peu apres il fist son entrée à Lisbonne, étant recogneu de tous ses subiects. Philippe deuxiesme, Roy des Espagnes, luy conteste la Royauté: & l'on impute à Dom Anthoine qu'il n'est pas legitime, à cause que l'Infant Louys son Pere, auoit espousé secrettement Violante, sa mere, & auoit tenu ce mariage secret, à cause qu'elle estoit dame beaucoup inegale à sa race, & au rang qu'il tenoit, nonobstant choses au contraire, & entre ces differents, le Royaume est demeuré aux successeurs de Philippe deuxiesme.

DV ROYAVME DE NAPLES.



LE Royaume de Naples a diuerses nominations par les Historiens; tantost il est par eux appelé le Royaume de la Pouille, tantost le Royaume de Sicile par deçà le Far, pour le distinguer d'auec celui qui est par delà le Far, qui est l'Isle de Sicile mesme. Quelques Roys qui ont jouty du Royaume de Naples & de celui de Sicile tout ensemble, prenoient le tiltre de Roys des deux Siciles, cela s'entend de celle qui est par deçà, & de celle qui se dilate par delà le Far, comme en ont esté Frederic deuxiesme, Charles premier d'Anjou, & Alphonse d'Arragon, & de Naples, & de Sicile. Ce Royaume commence à la riuere de Tranto. Son estenduë est tres-grande, & le tour qu'on peut faire voyageant par eau contient mille trois cents dix-huit milles, à quoy si l'on adjoûte cent cinquante milles qu'il a de largeur iusques à la borne du Couchant, vous aurez pour tout le tour de ce Royaume mille quatre cents soixante milles. Alphonse premier, Roy d'Arragon, de Naples, & de Sicile la partit en six parties: maintenant elle est diuisée en douze, dont la premiere est la terre de labour, qui a du vin & du froment en grande abondance, est extremement agreable. Infinites commoditez salubres & necessaires pour l'usage de la nature, & pour son entretient: à sçauoir des fruits de toutes sortes fort delicieux au goust, de l'huyle, des sucres: là y font des sources d'eaux medicinales, des bains de diuerses vertus, de beaux haras de cheuaux, des champs de souffre, & des lieux où l'on tire & cuit l'alun. La foye s'y façonne avec grande dextérité. Les Neapolitains sont presque tous gentils & d'un joly esprit, mais delicieux. La Noblesse se retire presque toute à Naples, tant pour joutir du bon air qu'on y respire, que pour passer le temps parmy les bonnes compagnies quis'y rencontrent. Le peuple de ce Royaume se delecte beaucoup au trafic, mais les impositions qu'on leue sur iceluy le destourne, & cela fait que le plus souuent ceux qui pourroient exercer la marchandise s'adonnent aux armes. Chacun sçait que la plus-grande part de l'infanterie du Roy des Espagnes vient de ce Royaume, qui pour l'infailible abondance qu'il a de toutes choses a de grands negoces avec plusieurs prouinces, & nommément ceux de Calabre & de la Pouille exercent vn commerce assidu & iournalier avec les Venitiens, vers lesquels de toute ancienneté ils ont esté fort affectionnez. Il n'y a prouince en Italie, qui remplisse plus les contrées estrangeres qu'elle, des choses qui naissent dedans son sein. Ses noix & ses amandes vont en Barbarie, & iusques en Alexandrie: son safran se distribue en plusieurs endroits: la foye se debite à Gennes qui en a besoin, comme aussi la Toscane. Venise recherche son huyle: Rome ses vins, & plusieurs contrées veulent auoir de ses cheuaux. On tient que le Roy Catholique tire de ce Royaume deux millions & cinq cents mille ducats. Les Neapolitains ont esté de tout temps extremement prompts à se reuolter. Pendant quatre cents cinquante & quatre ans, ce pays a esté diuersement seigneurie; tantost par les Allemands, Normans, François, Catalans, & Espagnols. Les Historiens font estat de vingt-sept rebellions signalées par eux faictes, sans y comprendre les Vespres Sici-

liennes. Le Roy d'Espagne tient ordinairement en ce Royaume vn Vice-Roy, qui demeure à Naples, aussi-bien que les autres Officiers, pource que c'est l'ancien sejour des Roys. Louys douzième Roy de France, & Ferdinand Roy d'Espagne le diuiserent entr'eux, apres la fuite du Roy Federic: mais les François le perdirent par leur impreuoyance & mauvais soing, & les Espagnols s'en emparerent. La journée de Pauie, & les troubles qui depuis affligerent la France ont empêché de l'arracher des mains de ceux qui la possèdent, non-obstant le droit qu'y ont nos Roys de France.

DV ROYAVME D'ESCOFFE.

LE pays d'Escoffe est la partie plus Septentrionale de la grande Bretagne: il eut autrefois le nom d'Albanie. Les Escoffois qui en retiennent encore le langage le nomment Albain, & les Irlandois Allabani. Ce territoire est séparé du costé du Midy de l'Angleterre par les riuieres de Zuede & de Solnay: la mer l'enferme de tous autres costez. Il a de la longueur depuis la riuere de Zuede, iusques en son extremité plus Boreale deux cents cinquante sept lieues Angloises, & de largeur il en a environ cent nonante. Il est party en plusieurs contrées, c'est à sçauoir en celle de *Louden*, anciennement appellée Pictlande, qui veut dire le pays des Pictes: Ceste partie est montueuse & sans arbres; mais elle a des habitans remplis de ciuilité & de courtoisie. Edimbour, qui est la ville où les Roys demeurent, y est scituée: comme aussi plusieurs autres bones villes. Il y a en apres le pays de *Merk*, c'est à dire la borne, qui est entre l'Angleterre & l'Escoffe. Celuy de *Teisidale*, est vne vallée pres de la riuere de Teisie, proche de l'Angleterre, remplie de rochers: il y a *Eschedale*, pres la riuere d'Esque, *Ensedale*, *Niddisdale*, ainsi appellée du fleuve *Nirh*: la vallée d'*Anandale*; *Gallunay*, & plusieurs qui abondent en diuerses choses pour l'usage de leurs habitans. La forest de Calydoine est remplie de bœufs blancs, qui sont si farouches qu'ils ne peuent estre domptez en aucune sorte, & ont leur crin comme celuy des Lyons. La mer n'est ingrate à l'Escoffe, elle luy donne de toutes sortes de poissons, quantité d'huystres, de harans: le corail s'y recueille; en vn lieu nommé l'Aire des charbons, ou le Bitume terrestre y croist. Les mines d'or y sont à Cranford, d'où l'on tire l'or sans peine. En Gallonay il y a vn lac appellé Mirtona, dont vne partie se gele en hyuer, & l'autre ne peut geler pour froid qu'il fasse. En Caricte il y a des bœufs d'excessiue grandeur, qui ont la chair fort tendre & saoureuse; & leur graisse a ceste particularité qu'elle coule comme de l'huyle. En Lennos il y a le lac Loumond, qui contient plus de vingt-quatre mille pas de longueur, & de largeur huit mille, où il y a trente Isles, dont la plus-grande partie est pleine de bourgs bien peuplez. En ce lac sont trois choses de remarque, c'est qu'il produict de fort bons poissons qui sont sans aisles; & que sans aucune haleine de vent il s'y leue quelques-fois de si grâds orages, que les plus hardis nautonniers fremissent de peur: & finalement il y a vne Isle fertile en bons pastis, qui flotte sans cesse, où le vent la pousse. Au pays de Buthquhanie il n'y a point de rats, ny de souris, & si l'on y en porte de dehors ils meurent aussi-tost. On tire au pays de *Fife* certaine pierre noire en grande quantité, fort propre à faire du feu. On y voit vne fontaine d'où fluent des gouttes d'huyle, de singuliere vertu pour diuers maux. Quand au bled à peine suffit-il pour nourrir les peuples d'Escoffe. La foy Chrestienne y fut receüe du temps du Pape Victor premier, en l'an 203. & l'Idolatrie y cessa entierement sous le Roy Crakinte, qui deceda l'an 313. Celestin premier y enuoya Palladius pour chasser l'heresie Pelagienne, qui s'y estoit glissée, & es-coulée, pendant le Pontificat d'Eugene deuxième, qui mourut en l'an 460. Fergus fils de Ferquhardus Roy d'Irlande, descendu de Gathelus, fils de Cecrops Roy d'Athenes, fut le premier Roy, couronné l'an auant l'Incarnation 330. & regna vingt-cinq ans. Depuis luy iusques à Charles premier du nom regnant à present, tant en Escoffe qu'en Angleterre. Il y a eu cent-neuf Roys.

DV ROYAVME D'ANGLETERRE.

LANGLETERRE met en doute plusieurs touchant l'etimologie de son nom. Selon les recits fabuleux, & mensongers des Grecs, elle fut nommée Albion, à cause d'un certain Albion fils imaginé de Neptune: ou bien, selon les Latins, on luy donna ce nom à cause des rochers blanchissans, qu'on voit au tour de son riuage. Elle receut apres le nom de Bretagne de ce mot *BRIT*, signifiant coloré en Anglois, pource que les peuples de ceste Isle, souloient anciennement se teindre leurs visages de Guede, qui faisoit vne couleur azurée, tirant sur le noir, afin de paroistre plus furieux & espouuantables en guerre, & portoient la chevelure longue. Depuis elle commia la denomination en celle d'*ENGHILLAND*, c'est à dire terre

des Anglois, à cause des Anglois Saxons qui la possederent. Elle est vne Isle tres-inigne & renommée entre celles de l'Océan, faicte en forme triangulaire, & presque semblable en figure à la Sicile: Elle est de tous costez ceinte de la mer, l'arroufant & l'embrassant, sans estre aucunement ioincte à terre ferme, ains diuisée du tout de la France. Elle a trois Caps: le premier qui regarde le couchant, est celuy de Bellerie, ou d'Antoïest, dict par les Anglois Cap de Cornuaille. Le second est celuy de Cantie, ayant son aspect du costé du Levant, nommé aujourd'huy **NORTFOLAND**. Le troisieme est celuy d'Orcas, du costé du Nort. Quand à son estenduë, elle contient enuiron mil huit cents trente-cinq milles. L'air y est grossier, les broüillards, les pluyes & les vents y sont frequents. Le froid & le chaud n'y sont excessifs. De quatre en quatre ans la peste emporte beaucoup de monde. L'Angleterre a grande affluence de bestail, de gibier, de bled, de cygnes, de cheuaux, appelez Guïldins; de mines de plomb, d'estain, & d'azur. Il se tire de là par les estrangers tant de draps, que de laines, tous les ans pour vn milion & demy d'or; de sorte que pour ce trafic là & autres, on estime en reuenir par chacun an douze millions d'or. Les Anglois sont curieux d'estre bien vestus & somptueusement, & de faire bonne chere. Londre est la ville metropolitaine, habitée de trois cents cinquante mille ames. La Tamise, l'Ombre, & autres riuieres ne croissent iamais pour pluye qu'il face. Le terroir de ce pays ne souffre aucune beste venimeuse, & les Loups n'y peuuent viure. Quelques auteurs disent que Brutus fils de Syluius Posthumius, Roy des Latins en fut le premier Roy, qui laissa trois fils, scauoir, Locrinus, Cabijs, & Abanatus, qui partagerent le Royaume entre eux. On tient qu'en iceluy depuis Brutus, iusques à Egbert, qui vint enuiron l'an huit cens vn, il y a eu cent sept Roys, & depuis ledit Egbert iusques à Charles premier du nom, à present regnant, il y a eu quarante-trois Roys. Il espousa Madame Henriette Marie de France, sœur de Louys treizieme, Roy de France, & de Nauarre, le Dimanche vnziesme iour de May, mil six cens vingt-cinq, en la grande Eglise de Paris, en grande pompe & solemnité. Dieu assiste de ses graces & benedictions leur bien-heureux Mariage.

DV ROYAVME DE POLOGNE.



PA Pologne, ou Polanie fut ainsi nommée à cause de ses plaines qui sont appellées en langue Polaque, Poles. Il y a la haute & basse Pologne. Ce pays est plantureux en grains, & bleds de toutes sortes, miel, cire, lin, chanures, bestail, notamment en sel qui se prend en Olcen, & Velisques, en azur, mines de fer, plomb, ambre, fourrures exquises, & peaux de Martre, & autres bestes. Lech ou Lechus premier du nom, issu d'Elisa fils de Iauan, l'un des enfans de Iaph, & engendré de Noë, donna le commencement au Royaume de Pologne, l'an de grace cinq cents cinquante. Pour affermer son autorité Royale, il voyagea par toute la Pologne, pour remarquer vn lieu commode, où il peut faire bastir quelque forte place: Il choisit donc vn endroit entre vn lac, & des marets, que la nature, & la situation rendoient grandement fort, & aduantageux, pour y fonder vne Forteresse. Là fut bastie la premiere ville de la Pologne, qu'il nomma Gnesne, à cause de la multitude des Aigles, qui faisoient là leur nid: car Gniasdo en langue Slauienne, signifie vn nid d'oyseaux. Par le Conseil de ses Augures (auxquels on croyoit beaucoup en ce temps là, pource qu'ils estoient encores idolatres) il print pour ses armoiries vne Aigle blanche, ayant les aïsses estendues, dequoy depuis furent ornées toutes ses enseignes & estédarts. Ses successeurs portent encore à present l'Aigle d'argent à aïsses ouuertes, membrées d'or, avec vne couronne d'argent, couuverte sur la teste en champ de gueule (comme on parle en matiere de blason) qui veut dire en champ rouge. Les Polonois à cause de ce Lechus leur premier Roy, furent appelez Lechites. En l'an mil trois cents octante-six, le Roy Vvadislaus Jagello, quatrieme du nom, qui espousa Heduge, fille aînée de Louys Roy de Hongrie, Roïne de Pologne, estant Roy dudit Royaume, se fist baptiser avec ses freres, le douzieme de Feurier audit an. A son imitation ainsi firent tous ses subjects, & le Christianisme chassa l'idolatrie qu'ils professoient. Depuis, apres le deceds de Sigismond Auguste, deuxiesme du nom, les Estats du Pays s'assemblerent au Mois d'Avril, mil cinq cents septante-trois à Varsovie, pour aduiser à l'election d'un Roy. Apres plusieurs debats de part & d'autre, pource qu'il y auoit cinq ou six competeurs sur les rangs tous grands & puillans, ils s'arrestèrent en fin sur Henry de Valois, frere de Charles neuuieme, qui fut depuis Roy de France, ils le proclamerent Roy de Pologne. Le quatorzieme de May audit an, la mort de Charles IX. son frere estant arriuée, il retourna en France pour luy succeder. Estienne Battori le fut trois ans apres, & mourut l'an mil cinq cents octante-sept. Sigismond troisieme, fils de Iean, Roy de Suede, fust esleu Roy, le vingt-septiesme iour de Decembre, audit an. La Pologne depuis Lech iusques à luy, a esté regie par quarante-cinq Roys.

DE LA REPUBLIQUE DE VENISE.



ILLUSTRE & fameuse Republique de Venise
faict parler diuersement plusieurs auteurs de son ori-
gine. Les Vns assurent que son commencement vient
des Henetes peuple de Paphlagonie, qui ayant perdu
leur Roy au siege de Troye s'associerent avec les forces
d'Antenor, & vindrent se ietter dedans un recoin
de la mer Adriatique, d'où ils chasserent par armes les Euganeens qui se te-
noient entre les Alpes & ladite mer, & là s'estant habituez se nommerent
Henetes ou Venetes. Les autres pour authentifier les fables contre la verité hi-
storiale, tirent l'estre des Venitiens des enfans de Phaëton, & d'un Venere
fils d'Eridan Prince de la Gaule Cisalpine. Herodote les descend des Medes.
Strabon des Gaulois. Quoy que ce soit, Corneille Tacite le confirme quand il
dit: Les Venitiens, qui sont descendus des Gaulois, ont autresfois assié-
gé Iu-
les Cesar dans la ville d'Alyse. Il y a bien des choses à dire là dessus, que le
lecteur peut lire dedans les histoires, afin qu'il sache quand ceste grande &
celebre cité fut bastie. Je luy diray, avec approbation, que son commencement
concurre presque avec celuy de la Monarchie Françoisse, Pharamond regnant
en l'an de grace 421. quand Attila Roy des Huns, ce desolateur de la Chre-
stienté, tranageoit furieusement l'Italie, pource qu'Atius grand Capitaine
qui luy tenoit teste, estoit mort, & qu'il scauoit au surplus que la diuision
& la partialité troublait & discordeoit les Gots. Ce ne fut pas sans se ruër sur
la ville d'Aquilee, en ce temps la metropolitaine du pays Venitien, qu'il
ruina de fonds & comble. Padouë n'en fut exempte, Mont-selie, Esté, Vin-
cence, Verone, Opiterge, Concorde & Altine, belles villes de la Prouince
Venitienne souffrirent un semblable & miserable dommage. Les citoyens
de ses villes ruynées & pillées s'estant ramassés, & ayant de la resolution
& du courage dedans leur perdition, donerent quelque atteinte sur la queue
de l'armée d'Attila, dequoy receuant plus de perte que de gain, se refugierent
dedans l'Isle de Grade, où est maintenant le Patriarchat de Venise. Ceux de
Padouë prirent la route de Realte, ou Riualte, confiant en ce lieu la vie
d'eux & de leurs familles, & la quantité de leurs richesses, & des thresors
de leurs Eglises. La terreur qu'eurent leurs autres voisins de ce maudit Bar-
bare quitterent leurs ordinaires sejours, & se confinerent dedans ces Palus
ou Marests, où il y auoit plusieurs Islettes. Là fut fondée la ville de Venise,
non celle qu'elle est à present d'un petit commencement elle a eu un tres-grand
accroissement. Iamais les yeux des hommes n'ont veu une cité estre esleuée
en une si commode assiette, si seure, si forte, & si esmerueillable, elle n'en a
point aucune (si ce n'est avec temerité) qui s'ose parangonner à elle. Son abord
est fort aysé & facile pour receuoir l'abondance des biens & marchandises
qui descendent là. Toutes les nations du monde y ont commerce. Les desseins,
& les entreprises de ses ennemis n'ont peu la surprendre iamais. L'ordre qui est
estably pour la garder à des yeux qui veillent, & son Arsenal a dequoy la
deffendre & rembarrer les conuoiteux des Seigneuries d'autrui. Son assiette
est plus propre pour la guerre nauale, que de la terre. La Religion y est conser-
uée avec respect & belles ceremonies. Depuis qu'elle est, elle n'a point esté in-
fectée d'heresies. Son gouuernement est admirable. Vn seul n'exerce son pou-
uoir à discretion sur les Citoyens. Le peuple n'a pas aussi le maniement des af-
faires. Le Chef souverain qui ordonne les Loix, & d'où descend l'autorité
& du Senat, & de tout le reste des Magistrats, est le Conseil, auquel se trou-
uent les magnifiques, & toute la Noblesse de la cité, mais il faut que ceux
qui se presentent en ceste assemblée ayent vingt-cinq ans. La populace, selon
l'ancienne & moderne custume, n'y est admise. Toute ceste assemblée de Ci-
toyens qu'on appelle le grand Conseil, par lequel le Senat & la puissance des
Magistrats est autorisée depart les charges, & vacque aux affaires d'Estat.
Pource il y a différentes Magistratures. En la personne de leur Duc, qu'ils
nomment Doge en leur langage, on y peut remarquer quelque chose de la di-

gnité Royale. Il est à vie, & n'a point de temps & limite pour exercer ceste haute & eminente charge, on luy obeyt comme à vn Roy, & toutes les loix sont publiées sous son nom. Le premier de ses Ducs, ou Doges, fut Paulucio Anafesto, noble, Heracléen de nation, personnage prudent, affable, & courtois. Auparavant la creation de ces Ducs, ils auoient certains Magistrats & Consuls, qui ne faisoient fonction de leurs charges que deux ans: Ceux qui les eurent premierement furent Galien Fontaine, & Simon Glauconie. Depuis les Doges, ou Ducs, ont esté en regne selon les eslections.





